







BIBLIOTHECA

Seminarii Warmondani.

269.3  
Regul











REGI

SACERDOTI

PHILOSOPHO

TRISMEGISTVS  
CHRISTIANVS  
seu

TRIPLEX CVLTVS,  
CONSCIENTIÆ  
CÆLITVM  
CORPORIS

*Auctore*

Hieremia Drexelio  
*e Societate IESV.*

Colonia Agrippina  
Apud CORNEL. ab EGMOND.  
Anno Cl<sup>o</sup> Id<sup>o</sup> CXXXIV.



TRISTEFISTE

CHRISTIANE

TRISTEFISTE

CHRISTIANE

CHRISTIANE

CHRISTIANE

CHRISTIANE

CHRISTIANE

CHRISTIANE

CHRISTIANE

CHRISTIANE

CHRISTIANE

CHRISTIANE



## M A R I Æ

Nobilissimis Sodalibus,

INGOLSTADIANÆ,  
 MONACENSI,  
 DILINGANÆ,  
 AVGVSTANÆ,  
 RATISBONENSI,  
 OENIPONTANÆ,  
 HALENSI,  
 LVCERNENSI,  
 FRIBVRGENSI HELV.  
 BRVNTRVTANÆ,  
 CONSTANTIENSI,  
 EYSTADIANÆ,  
 ENSISHEMIANÆ,  
 NEOBVRGENSI,  
 FRIBVRGENSI BRISO.

A

DOMINO, ET MATRE

*Domini salus aterna.*

**E**X promisso ad vos redeo  
 (Profapia. Eruditione, Vir-  
 tute ornatissimi Domini So-  
 dales) unaque adduco *Trismegi-*  
*stum Christianum*, in uno tres vi-  
 ros, aut in tribus unum. Hic,  
 meo jussu, tria vobis defert mu-

A 2

nera:



# EP I S T O L A

nera: *Librum* ut Philosophus,  
*Thuribulum* quia Sacerdos, tan-  
 quam Rex *Coronam*. *Librum*  
 Sapientiae, *Thuribulum* Pieta-  
 tis, *Coronam* Regni symbolum  
 esse non ignoratis. De triplici  
 hoc symbolo, apud vos, bona  
 venia vestra, Christianus hic  
*Trismegistus* differere cupit. Op-  
 portune, puto, apud eos optimae  
 vitae fundamenta jaciuntur, qui-  
 bus omnis virtus amabilis est.

Senec.  
 Epist.  
 90.

Verissime olim Romanus  
 Sapiens dixit: Non dat Natura  
 virtutem, *Ars* est bonum fieri.  
 Hanc artem inter Christianos  
 vix quisquam exacte discet, qui  
 Libro illo, qui *Thuribulo* ac  
*Corona* illa uti nesciet. E *Libro*  
 hoc Conscientiam tractare, à  
*Thuribuli* usu Caelites venera-  
 ri, ab usu *Coronae* Corpus re-  
 gere, suavi compendio, quis-  
 quis voluit, didicit. Fabius hoc  
 recte: Brevis est, inquit, insti-  
 tutio vitae honestae beataeque, si  
 credas. Natura enim nos ad op-  
 timam mentem genuit: adeo-  
 que

Fab. l.  
 12.  
 Instit.  
 c. ult.



## DEDICATORIA.

que discere volentibus promptum est, ut vere intuenti illud magis mirum sit, malos esse tam multos. Brevem hanc ad integerrimos mores institutionem vobis exhibet *Trismegistus*, qui ad triplex solum documentum aures & animos petit benevolos.

Primum est : Conscientiam scienter discutere.

Alterum : Caelites religioso cultu prosequi.

Tertium : Corpori nimium cultum detrahare.

Primam *Trismegisti* partem demonstrat Philosophi Liber, scrutandæ Conscientiæ signum: hac enim via ad veram Sapientiam itur. Res sane maximæ momenti est, seipsum non assidue fugere, statis horis à seipso inveniri & cum Conscientia sua perite loqui posse. Malorum hoc proprium est, alienam conscientiam declinare, suam non timere. Nam, ut beatus Zeno Veronensis Antistes dixit : Qui

Zeno  
Ser-  
mon.  
de Fi-  
de.



## EPISTOLA

Chryf.  
hom.  
26. in  
epist.  
ad  
Rom.

suam conscientiam non timet,  
is est qui Deum non timet.  
Optime aureus orator Chryso-  
stomus: Etsi te, inquit, omnes  
accusaverint; tu vero teipsum  
non condemnaveris, neque ip-  
sa conscientia reprehenderit,  
beatus es, itaque ne modicum  
& exile tibi videatur istud pro-  
priae conscientiae forum.

Mihi credite, Sodales, nihil  
tam necessarium, neque magis  
cum cura dicendum est, quam  
qua ratione Conscientiam ad  
examen quotidie vocemus. Ad  
omnia vitia persananda, tam  
certum ac potens pharmacum  
vix est, quam frequens diligens-  
que sui disquisitio. Hanc quis-  
quis temere negligit, vitiorum  
dulcedini non invitus succum-  
bit. Nec enim prava emendat,  
nec noxia prospicit, nec poeni-  
tenda praecavet, sed cæco quo-  
dam impetu in illa proruit, &  
ignorantia sui, velut atra nube  
involutus in praecipitium non  
unum devolvitur. Certe à quo-  
tidiani



## DEDICATORIA.

tidiani hujus examinis neglecta  
certissima sequitur *Ignoratio sui*,  
quæ misero homini eas tene-  
bras offundit, ut aciem in cæle-  
stia intendere vix valeat, sed  
perpetuis erroribus ac labyrin-  
this inerret, è quibus se vix un-  
quā explicabit, cælesti sole sub-  
tracto. Facili negotio malus est,  
qui non quotidie serio vult esse  
bonus. nisi enim mens nostra  
hoc quasi continuo freno conti-  
neatur, identidem ad assueta &  
erubescenda dilabitur. Succum-  
bunt vitiis virtutes si illa non ci-  
to odisse properaveris. Nunquā  
ex integro sanus erit, qui mor-  
bos à superficie tantum curarit,  
nec ad mali fontes descenderit:  
ita nec unquam ex solido pro-  
bus erit, qui non sæpius in seip-  
sum redierit, atque à se dicta fa-  
ctaue, sed & cogitata ad un-  
guem explorarit. Ex habitu pec-  
care facillime discit, quicunq; se  
perraro ac negligenter discutit.  
hinc enim necesse est vitia ha-  
bitusque pravi in dies augmen-



## EPISTOLA

rum fumant, & foedorum mortuum ac turbarum causſæ crescant, unde proxima ruina est in varias vitæ labeſ.

At vero ſeria & non perfunctoria conſcientiæ diſcuſſio, & mala retegīt, & malorum cauſas. hinc cuius perſacile ad eorum remedia devenire. Hinc etiam ſanctioris vitæ primum ſubſidium eſt *Notitia ſui*. nemo autem fortuito ſe ſuaque cognoscet. Magnum hîc ſtudium aſſiduaque diligentia neceſſaria eſt, quam ii adhibent qui ſua omnia ad quotidianam incudem revocant. Perſuadet deinde hæc conſcientiæ diſcuſſio rem omnium difficillimam, *Contemptum ſui*, magnamque animi ſubmiſſionem, cum in miſeriarum noſtrarum cognitionem nos deducat, milleque ſubmiſſiſſimæ mentis cauſas præbeat, ac quadam verecundia totum hominem perfundat.

Et hinc altera pars *Trismegisti* exſurgit, *Pia celitum veneratio*,  
Sacer-



## DEDICATORIA.

Sacerdotis Thuribulo designata. Quo quis enim egentio-  
rem se agnoscit, eo studiosius ditio-  
ribus amicis se commendat, &  
quo plus suæ causæ diffidit,  
hoc potentiores invocat patro-  
nos. Ita qui conscientiam suam  
lustrans, à virtutibus inopem se  
deprehendit, ad illos cæli the-  
sauros, ad beatos cælites confu-  
git, suæ inopiæ consulturus.  
Qua in re divinis honoribus ni-  
hil subtrahitur. Alexander Ma-<sup>Cur-  
tius l.  
3. c. 12</sup>  
cedo nil gloriæ suæ derogatum  
censebat, cum Sisygambis Darii  
mater, Hephestionem corpore  
cultuque præstantem pro Alex-  
andro ipso nunquā viso salutaf-  
set. cumque illa tandem ad A-  
lexandri pedes provoluta, igno-  
rationem nunquam antea visi  
Regis excusaret, Alexander ma-  
nu eam allevans : Non errasti  
mater, inquit, nam & hic Alex-  
ander est. Nec Deo displicet, per  
amicos adiri & rogari, de qui-  
bus ipsemet : Ego dixi, Dii e-<sup>Ps. 81.  
v. 6.</sup>  
stis. Sane sancti Angeli, ceteriq;

A 3 Cæli-



## E P I S T O L A

Cælitæ libellorum supplicum  
velut magistri, Deo preces no-  
stras offerunt, suasque addunt.  
Cuicunque igitur sua Conscien-  
tia quotidianos errores & lap-  
sus exprobrat, is merito in eam  
rem unice sollicitus est, ut causæ  
suæ patronos apud Deum quā  
plurimos inveniat, quo divinam  
largitatem *multiplicatis interces-*  
*soribus* (prout Ecclesia precatur)  
facilius in se derivet. Ita *Notitia*  
*sui* provocat *venerationem Cæli-*  
*tum*. At seria, & quæ imitatione  
potissimum constat, Cælitum  
veneratio, illud cum primis exi-  
git, ut, qui cælestes animos de-  
bito cultu velit prosequi, cor-  
pus suum non nimium colat, &  
herile imperium servo nequa-  
quam committat.

Atque hinc Tertia *Trismegi-*  
*sti* pars emergit, quam Regis  
Corona significat. Vere Rex  
est, qui novit regere seipsum,  
nec se ancillæ arbitrio permit-  
tit. Ancilla est, *Caro*, sed ma-  
læ fidei, & in exitium sui do-  
mini



## DEDICATORIA.

mini nunquam non ingeniosa.  
Hic opus imperio severiore: indulgere velle & parcere, sæva bonitas, blandum & affabile odium est, neque hic aliud quis agit, quam ut pessime clemens sceptrum amittat, & carnem amando animum occidat. An illum dicamus Regem, cui muliercula imperat, cui pecuniola, cui gloria, & alii animorum tyranni? ille vere Rex est, & sui potens dominus, qui imperat sibi & suæ Carnis malignis cupiditatibus. En tibi Regem: non vitiis, non affectibus, non propriis blanditiis subjectum, & qui omnium minime serviat corpori. Magnæ libertatis est, & vere Christianæ, audere corpori negare quæ iniquè petit. Corpus natura querulæ impudentiæ est, & hos modo cibos, has modo vestes sibi postulat. Si alterutrum duntaxat adipisci liceat, mavult lautius vestiri, quàm cœnare. Et hæc ævi nostri labes est, patrimonium vestibus impendere.



## EPISTOLA

dere. Obsecro, Sodales optimi, urbium mores corruptissimos considerate, & unà mecum libere pronunciabitis, vix quemquam uspiam reperiri, quem vestium luxus aut lusus tam varius nunquam deceperit. Sane rarissimæ jam virtutis est, modestiæ leges non calcare, & intra fortunam suam vestiri velle. Olim forsan vestimentorum usui præscripserit Temperantia fines terminosque; jam nulli sunt. Annumis leges petimus, tam nitidam quisque nunc vestem habet, quam opulentam arcam. Status ordinisve vix ullum à veste discrimen sibi constat. Cui plurimum numorum, sæpe plurimum & vestium est, etsi nec sanguine is, nec eruditione inter ceteros emineat. Nec est fere ullum genus vitii, in quo tanta varietate, & lusu tam multiplici passim exorbitemus. Non enim multitudine tantum vestium, sed & pretio ac forma, sed & novitate ac curiositate, aliisque modis



## DEDICATORIA.

modis delinquimus. Ita quandoque Cælites nimis quam sobrie & parca manu colimus, in nostri corporis cultum crumenas totas effundimus: tum demum nobis ipsi liberales visi, si in corporis ornamentum exhauserimus marsupium. Nec ullus fere tam stupidus est, cui in stultam hanc solertiam non multum ingenii supersit. Hic *Trismegistus* coronam suam quatit, monetque Christianos, meminerint in quam spem nati sint, ne, dum corpus tam operose colunt, perdant incultum animum.

Hæc ego ad vos, Nobilissimi domini Sodales, sub *Trismegisti* nomine scribo, non ut ullius hinc culpæ vos arguam, sed ut illos quos castissimi vestri mores tacite arguunt, unà vobiscum reprehendam publica voce. Hoc certe ago, ut quam plurimos alios ad æmulam vestræ virtutis modestiam provocem, idque diversis monitis. Ideo  
liber



# E P I S T O L A

liber iste triplicem præfert faci-  
 ciem , Philosophi , Sacerdotis ,  
 Regis. Philosophus Conscien-  
 tiam examinare ; Sacerdos Cæ-  
 lites venerari ; Rex Corpori im-  
 perare docet. Ad omnigenam  
 virtutem compendio discen-  
 dam , triplex hæc facies mihi  
 visa est semper momenti pluri-  
 mum habere. Et id quoque est  
 causæ , cur eam vobis potissi-  
 mum proponere in animum in-  
 duxerim : effigiem vestram ad  
 virtutis leges compositam non  
 inviti agnoscetis. Atque, ô uti-  
 nam meum omnem in vos af-  
 fectum vobis quam plenissime  
 possim impendere. nimis mihi  
 exiguum est, quicquid vestro aut  
 honori aut utilitati laboro. Imo  
 dum vetus apud vos nomen co-  
 nor expungere , novum facio.  
*Horologium Tutelaris Angeli ve-*  
*stro nomini consecravi : plus*  
*reddidistis , quam acceperitis.*  
*Sacræ liberalitati vestræ ut gra-*  
*tias agerem , Nicetam submisi.*  
 hic iterum plurima precum ve-  
 strarum



## DEDICATORIA.

strarum remuneratio secuta.  
Sic jam minus quam ante sol-  
vendo sum. nam & illud in-  
ter vestra in me beneficia nu-  
mero, meas scriptiunculas tam  
benevole à vobis accipi. Ne-  
que mihi jam aliud superest,  
quam ingenue fateri, vos ve-  
ris beneficiis, me pæne solo af-  
fectu certare, atque adeo à vo-  
bis longe superari. Cedo faci-  
lis. suave mihi est sic vinci, sed  
ne ingratus moriar, *Trismegi-*  
*stum Christianum*, quem scripsi  
libens meritissimo jam vobis  
offero consecroque. Sit illi, o-  
ro, locus inter vos, qui priori-  
bus meis libellis fuit. Scriptio  
non tantæ molis, nec ampla  
est. At hoc me solatur: Semen  
quamvis sit exiguum, cum oc-  
cupavit idoneum locum, vires  
suas explicat, & ex minimo in  
maximos auctus diffunditur.  
Idem, spero, facient hæc *Tris-*  
*megisti* monita. eadem enim  
est horum quæ seminum con-  
ditio. non late patent, sed  
in



EPIST. DEDICAT.

in opere crescent ; non multa  
sunt quæ traduntur , sed si illa  
animus vester plane idoneus  
exceperit, & in se traxerit, con-  
valescent & exurgent.

Itaque, Sodales optimi , scri-  
ptionem hanc obsecro , non ab  
eruditionis censu, sed ab affectu  
meo æstimate. Omnium ve-  
strum castissimis precibus sub-  
mississime me commendo. Mo-  
nachii, die S. Michaelis Archan-  
geli. Anno Christiano M. DC.  
XXIV.

Vestrum omnium

*servus in Christo*

*Hieremias Drexelius,*

è Societate I E S V.

BENE-

# BENEVOLO

## LECTORI.

**V**idisti, Lector, in libri fronte Trismegisti nomen. Veniam dabis tam grandi titulo, si causam audieris. Nosti, Trismegistum prisco ævo celeberrimum & Philosophum, & Sacerdotem, & Regem fuisse. Nam apud Ægyptios, sicut mos majorum ferebat, ex omni numero Philosophorum Sacerdotes, è Sacerdotibus Reges legebantur. Trismegistus, uti Philosophos sapientia, ita religione Sacerdotes, ita & Reges superiores omnes iustitia superavit, doctus philosophus, religiosus Sacerdos, æquus Rex. Triplicem hanc personam ex decoro agere, prima laudis est, in hoc Orbis theatro. Ideo præcepta quæ huic instituto favent, minime spernenda.

Et hoc, mi Lector, hi tres libri agunt, ut te faciant & Philosophum, & Sacerdotem, & Regem: Philosophum, arcana rimando; Sacerdotem, Calites venerando; Regem, corpus gubernando. Arcana philosophia est, conscientia recessus penetrare, & discere seipsum nosse. Arcanorum arcanissima arcana hic latent, nec unquam deest quod scruteris. Prævalum est cor hominis & inscrutabile: quis cognoscet illud? <sup>Hier. c. 17. v. 9.</sup> Sacerdotium est nemini non competens, supremum celi Dominum, beatosque Calites religioso cultu prosequi. Ea ratione <sup>1 Petr. 2. v. 9.</sup> divinus Petrus, omnes Christiana professionis, genus electum, regale sacerdotium, gentem sanctam, populum acquisitionis   
 B — appellat.



## AD LECTOREM.

appellat. Regnum est omnibus regnīs majus, in seipsum habere maximam potestatem, & corpori non servire. An non regem  
 1 Cor. confes qui liberrima voce proclamat : Ca-  
 9.v. 27 stigo corpus meum & in servitutem redi-  
 go ? Non tibi rex videtur, qui generoso spi-  
 ritu: Major sum, inquit, & ad majora  
 Senec. genitus, quam ut mancipium sim mei cor-  
 epist. poris. Nunquam me caro ista compellet  
 65. ad metum, nunquam ad indignam bono  
 proxi- simulationem, nunquam in honorem hujus  
 me fi- nem. corpusculi mentiar. Cum visum fuerit di-  
 straham cum illo societatem, & nunc ta-  
 men dux hāremus, non erimus aquis par-  
 tibus socii: animus ad se omne jus ducet.  
 Contemptus corporis sui, certa libertas est.  
 An non hæ voces sunt regie? Talem te  
 regem, mi Lector, talem te sacerdotem, ta-  
 lem & philosophum te formare mens est.  
 Ita tripartita hæc dissertatio mihi prorsus  
 videbatur disjungenda, & in uno hominis  
 capite vultus triplex ostendendus. Calites  
 perfunctorie colet, qui sui negligens, aut  
 nullum animo cultum, aut, quod tantum-  
 dem est, omnem impendit corpori. hæc om-  
 nino inter se nexa sunt.

Hoc igitur est erudite philosophari, Con-  
 scientiæ latebras explorare, & in dies pro-  
 ficere notitia sui: hoc pie sacrificare est  
 Deum atque Calites, rite venerari: hoc  
 regie imperare est, corporis servitutem de-  
 trahere. Hunc talem Trismegistum  
 sibi formandum sumpsit hæc scriptio.  
 Summa illius & ordo hic est:

Primi Libri, Novem capita, de cultu  
 Animi,

## AD LECTOREM.

*Animi, & examine Conscientia agunt.*

*Secundi Decem capita cultum Calitum exponunt.*

*Tertii Vndecim capita cultum Corporis nimium persequuntur.*

*En tibi triginta universe capita, cultum Corporis, Animi, Calitum complectuntur, & quasi per tres gradus necessario sibi coherentes eunt. Calitibus locum medium ut honoratiorem jure assignavimus; Vltimum corpori, ut servo & mancipio; Primum Animo, ut hero & domino. Hoc te scire, Lector, sed & illud rogare volui; ut si tibi quandoque fastidire libuerit aut nauseare, non liberet hac legere. In lectione sacra serium & attentum lectorem multa effugient, nedum oscitantem & fastidiosum. Sacra, & ea quæ ad Animum sunt, non tantum legi, sed & capi ac intelligi, sed & cogitari ac expendi volunt. Ita fac, mi Lector, & bene vale.*





Argumentum.

# TRISMEGISTI CHRISTIANI.

## LIBER I.

Animi cultum, & rationem docet erudiendæ conscientiæ, per quotidianum illius examen.

## LIBER II.

Modum tradit colendorum Cælitum, cum per menstruam illorum sortitionem, tum per alia pietatis exercitia.

## LIBER III.

Corporis cultum supervacuum, & vestitus insolentiam castigat.



Imaginis sequentis brevis ex-  
plicatio.

**N**Ox hominem monet, ut nugae & cre-  
pundia sed & negotia tantisper sepo-  
nat; scribentem Conscientiam attendat, at-  
que ab illa prae terita diei actiones exigat.  
Et quia plerumque oculi animusque ho-  
minis ad ludicra potius quam ad seria &  
salubria eunt, ideo vellicat Nox, & Con-  
scientiam audiendam monstrans, Huc,  
ait, Respice: dimitte vana & negotium  
salutis age. At vero Conscientia mensam  
accumbens, tam noctu quam interdum  
\* Antigraphæi vices fungitur, omniaque  
hominis non facta tantum, sed dicta, &  
ipsa etiam cogitata scripture sedula in  
tabulas refert: sub serum vero vesperem,  
crucifixi Domini quinque vulnera osten-  
dit, & operam quintuplicem sic imperat.  
1. Deo pro beneficiis gratias age. 2. A Deo  
lumen pete. 3. Quid hodie peccaris, inqui-  
re. 4. Peccatorum veniam precare. 5. E-  
mendationem seriam propone. Atque hoc  
est Conscientia tribunali se sistere. Non pe-  
rit, qui quotidie cum conscientia sic ra-  
tiones ponit.

\* Vertritt einem Gegenschreiber.





## LIBER PRIMVS.

## CAPVT I.

Ingressus ad sermonem

D E

ANIMI CULTV,

E T

EXAMINE CONSCIENTIÆ.

Polychronius & Gerardus  
colloquuntur.

POLYCHRONIVS.

**A**Nimi cultum is minime negligit, qui Conscientiæ curam religiose gerit : at vere conscientiam is optime curat, qui quotidiano eam examine à vitiis assidue purgat. Porro Examen conscientiæ, ut res est una omnium utilissima, virtuti per compendium assequendæ, sic forsàn à paucis bene fit, ab innumeris omnino non fit. Quærere, quid Examen conscientiæ sit, quæstio mihi superflua censetur, optandum, ejus usus tam notus nobis esset, quam est natura vel definitio. quid sit, scimus; quantum profit, vix scire laboramus. Atque adeo qui conscientiam suam vesperi perfunctorie, & quasi aliud agentes examinent, fortassis multos reperiās eos, qui examen hoc utilissimum

mum penitus intermittant: difficile est numerare. Romanus Sapiens queritur olim, & vere sic est: Hoc nos pessimos facit, quod nemo vitam suam respicit. Quid facturi simus, cogitamus; & id raro: quid fecerimus, non cogitamus. atqui consilium futuri ex præterito venit. Atque eo jam incuriæ plerique progredimur, ut examen istud, quod appellamus, *quotidianum*, vocari possit *menstruum*, aut etiam *annuum*, quando aliqui vix singulis mensibus semel, alii vix semel singulis annis id instituunt. Gerardus. Ne mireris, Polychroni: seipsum accusare insuave negotium est, & tamen hoc examen aliter non constat. Tol. Neglecti hujus examinis plures sunt causæ, non nego hanc unam earum esse. Omnino, *sui ipsius accusatio*, tam pulchra est quam rara virtus. Hinc sanctus ille senex, Pastor, omnes virtutes ad unius domum commigrasse agebat, extra quam frustra quis desudet in quærendis virtutibus; rogatus, quænam illa esset virtus? Seipsum, respondit, serio ac jugiter accusare.

Et hoc docet Examen conscientie, in quo quisque reum se citat ad tribunal suæ mentis, quod ad vitam probam compendiosa via est.



## 28 DE CVLTV CONSC.

Baf.  
ferm.  
commo  
nit. ad  
mon.

I. D. Basilius, post documenta plurima suis tradita, demum sic concludit: Quæ quotidie feceris opera, vesperi tecum commemora, & cum iis, quæ fecisti pridie, conferto. Ita voluit, ut omnes cum Conscientia sua prius loquerentur quam somno se permetterent. Ratus hoc unum, optimū fore stimulum ad illa omnia, quæ ab ipso didicissent, in opus producendo.

Ber. de  
ant. do.  
c. 28. &  
29.

D. Bernardus: Multæ, inquit, scientiæ hominum, sed nulla melior est illa qua cognoscit homo seipsum. Beatus homo qui se potest cognoscere, probare, & improbare. Nam qui sibi displicet, Deo placet; & qui sibi vilis est, Deo carus est. Itaque tibi ipsi carus non sis, accusa teipsum. omnem animi morbum hoc emplastrum & malagma persanat. Tardus es ad preces? in precibus vagus & oscitans? plumbeus ad iussa? volas ad mensam? effusus es in risum & confabulationes, fractus ad laborem, studiosus libertatis, incurius tui officii? sæpius forsan de die auribus, lingua & oculis peccas? huic malo remedium non est opportunius, quam vesperi conscientiam convenire, diei errores in numeram, aut certe in cumulum redigere, & quid, quave ratione sequenti luce sit cavendum, statuere. & nisi hoc modo, quotidie teipso fias melior, secure

secure credas, aut conscientiam sapius non examinatam, aut obiter tantum & perfunctorie. Si ferveat hic industria, non potest ei non par fructus respondere. Quod si levi brachio, anhelus ad lectum & semisopitus, oculis in somnum jam turgentibus, solum in ceremoniarum morem hoc conscientiarum iudicium instituas, non erit hoc verum sed mentito nomine iudicium, aut iudicii larva, socors & ignava cogitationum discursatio. ex hoc fonte talis emanabit rivus. Eadem post menses & annos in te vivent vitia quę prius: eque pronus in iram, facilis ad impatientiam, instructus ad superbiam, & æque procax in verbis, asper & mordax in dictis, dissolutus & levis in moribus; verbo, eris antiquus *Dormitanti*. Et in promptu causa est, nunquam domi tuę es, nunquam te deprehendis, nunquam te observas, te ipsum nunquam serio accusas: vivis in tranquillo frigore, omnia fluere sinis, ut fluunt, pacificus homo es, sed malo tuo. Vitiis tuis quietem non turbas, cum defectibus tuis non litigas, cum concupiscentiis tuis non pugnas. quid multis? pacificus homo es, in tuam maximam perniciem. alges & torpes; tunc solum vivacissimus, cum aut comedendum est, aut ludendum, aut etiam irascendum. hic in te vi-  
vunt



## 28 DE CVLTV CONSC.

vunt omnia, hîc vir, hîc athleta es,  
& heros.

I I. GER. In me hæc omnia de-  
clamas, an in absentem alium? *Pol.*  
Gerarde, ne metuas, nihil hæc contra  
te; nisi tu binominis sis, & non tam  
*Gerardus*, quam *Dormitantius* audias.  
In *Dormitantium* omnia à me dicta  
sunt & dicentur; illum, inquam, qui  
qualis olim fuit, talis est & hodie;  
qui in placido ignaviæ statu peren-  
nat, qui nunquam obedientiorem  
habet somnum, quam cum ei cum  
conscientia loquendum, qui in se  
nunquã aut raro admodum descen-  
dit: qui omnia alia scire satagit, præ-  
ter se, miserabili neglectu animis  
verbo, qui dormit, cum vigilandum  
foret. At hac ratione nemini fami-  
liaris fit virtus, non enim natura dat  
virtutem, multo minus socordia;  
ars est, bonum fieri. hanc artem dat  
exacta sui notitia, & quotidiani pro-  
fectus ingens desiderium. istam au-  
tem & istud non docet nisi examen  
conscientiæ nullo die neglectum. I-  
nitium salutis, notitia peccati. qui  
peccare se nescit, corrigi non vult.  
Ideo D. Bernardus tam sollicitus in  
suos paterfamilias: Vnde, inquit,  
rogo dilectissimi fratres, ut unusquis-  
que vestrum intret in cubiculum suum,  
scopet conscientiam suam, se quæ-  
rat in angulis cordis, circumbeat la-  
tebras mentis. Idem inculcans alibi:

Redea-

Seneca  
ep. 28

Bern.  
serm.

I I. in  
coena  
Dom.

Pro-  
oem. de  
int. do.

Redeamus, inquit, ad nos & discutiamus conscientiam nostram. *Ger.* Sed quæ lex, à quo, & quibus lata est conscientia diebus singulis examinanda? *Pol.* Vt video, *Gerarde*, ex Volonibus non es, si lege vis cogi. Sed veniam da; sensim eò te ducam, ut ad solem cernas, quod etiamnum inter nubila videtur abditum. Primum erit scire, quam hoc prorsus novitium inventum non sit. Certe omni ævo fuerunt, qui sicut ultimã, ita primariam diei actionem esse voluerunt, suam vesperi conscientiam excutere, eoque vel ipsius naturæ lege ac luce præeunte ducebantur. Paucos è priscis nominabo, tuenda huic veritati.

## CAPUT II.

*Examen Conscientia qui olim, & quomodo fecerint.*

**R**atio prorsus & Natura huc impellunt. & ausim dicere, hoc naturæ scitum esse: actò die diei acta cum animo suo repetere, simulque dispicere quid in lucem posterã aut omissu sit futurum optimum, aut factu. Indi sapientes, quos Gymnosophistas dicebant, nullum suæ disciplinæ adolescentem ad mensam admittebant, nisi is prius conscientia suæ subiisset examen. imo quod pudorem



### 30 DE CVLTV CONSC.

dorem nobis merito incutiat, mensam iis accumbere non licebat, qui in tertio hujus examinis capite (ad morem nostrum loquor) non pulchre stetissent, impransus, impotus, incoenatus ejiciebatur domo, qui nil præclari à se gestum commemorasset. luculente id testatur ille à Madaura philosophus. verba illius integra tibi admetiar: Igitur, ubi mensa posita, priusquam edulia apponuntur, omnes adolescentes ex diversis locis & officiis ad dapem conveniunt. Magistri perrogant: Quod factum à lucis ortu, ad illud diei, bonum fecerint? hîc, alius se commemorat inter duos arbitrum dilectum, sanata similtate, amicos ex infensis reddidisse: inde alius, sese parentibus quippiam imperantibus obedisse: alius, aliquid meditatione sua reperisse; vel alterius demonstratione didicisse. qui nihil habet afferre cur prandeat, impransus ad opus foras extruditur.

Lib. I.  
Floridor.

O pulchrum institutum! & nunquid vel apud Christianos melius possit? O legem saluberrimam! quæ si hodie vigeat, multi dies plurimis jejuni forent ducendi, quod sese his iudiciis vel non sisterent, vel pejus starent in iudicio. En legem, Gerarde, brevem & strictam: *Aut non prande, aut prius Conscientia rationem redde. Vis esse? ostende prius te laborasse.*

borasse. Et cur nos ipsi nobis non dicamur vespere: Vis dormire? ante cogita, quam bene vigilaveris. Festinas ad lectum? prius tecum disquire, qualis in templo, in foro, in domo, qualis in mensa, qualis alibi fueris. Adeone vero à recto sensu degeneramus, ut quod sciverunt feceruntq; idololatraz, id nesciant Christiani, aut (quod peius est) facere nolint quod faciendum sciunt?

I. Phocylides, si Stobæo fides, pri- <sup>Serm.</sup>  
mus omnium mortales docuit quo- <sup>6.</sup>  
tidie seipsum ad hoc Conscientiæ  
tribunal citare. Pythagoras certe <sup>Laert.</sup>  
nominatus ille è porticu philoso- <sup>Py-</sup>  
phus, tam occupatus non fuit aut <sup>thag.</sup>  
sorniculosus, quin prius in seip- <sup>S. Hieron. l.</sup>  
sum descenderet, quam somnum <sup>3. Apol.</sup>  
caperet; & quicquid die toto egis- <sup>Ruff.</sup>  
set, se iudice damnaret vel absol- <sup>c. 10.</sup>  
veret. unde apud Pythagoreos pul- <sup>Auson.</sup>  
cherrimum hoc institutum usus <sup>Eidyl.</sup>  
quotidiani fuit: *Quid quoque die di-*  
*xeris, audiveris, egeris, vespere comme-*  
*morare.* Et hoc est apud Conscien-  
tiam suam examen instituere, & se-  
ipsum sibi velut censorem aut judi-  
cem ferre.

*Quid pratergressus? quid gestum in tem-*  
*pore, quid non?*

Faciebat hoc idem Conscientiæ  
examen & P Sextius, eo ipso vir op-  
timus, & adeo sibi nihil indulgebat,  
adeo



32 DE CVLTV CONSC,

Lib. 3.  
de Ira  
c. 36.

Matth.  
c. 2. 41.  
& Luc.  
c. 11, 32

adeo & somnium vincere, & negotia differre, & cogitationes in potestate habere potuit, ut consummato die, cum se ad nocturnam quietem recepisset (cum Seneca loquor) interrogaret animum suum: Quod hodie malum tuum sanasti? cui vitio obstitisti? qua parte melior es? Pythagora, ô Sexti! quam nos Christiani non paria vobis facimus, in consuetudine tam Christiana! Ah! quam hic congrue illud Christi vociferarer: Viri Ninivitæ (viri idololatræ) surgent in iudicio cum generatione ista, & condemnabunt eam.

Nosti, quid Vir bonus (hic titulus carminis est apud Maronem) de hoc quotidiano examine conscientiæ moneat. Ille igitur Vir bonus

*Index ipse sui, totum se explorat ad unguem.*

*Quid proceres, vanique ferat quid opinio vulgi*

*Securus iusto trutina se examine pensat,*

*Ne quid hiet, ne quid protuberet, angulus aequis*

*Partibus ut coeat, nil ut deliret Amusfis.*

*Sit solidum quodcunq; subest: nec inania subtus*

*Indicet admotus digitis pellētibus ictus.*

*Non prius in dulcem declinat lumina somnum*

*Omnia quam longi reputaverit acta diei.*

*Qua*

*Quæ prætergressus; quid gestum in tem-  
pore, quid non;*

*Cur isti factò decus abfuit, aut ratio  
illi:*

*Quid mihi præteritum; cur hac senten-  
tia sedit.*

*Quam melius mutare fuit. miseratus e-  
gentem*

*Cur aliquem fracta per sensi mente dolo-  
rens:*

*Quid volui quod nolle bonum foret: u-  
tile honesto*

*Cur malus ante tuli: num dicto aut  
denique vultu*

*Perstrictus quisquam: cur me natura  
magis quam*

*Disciplina trahit: sic dicta, & facta per  
omnia*

*Ingrediens, ortoque à vespere cuncta re-  
volvens,*

*Offensus pravis dat palmam, & præ-  
mia rectis.*

En Virum vere bonum: tales si-  
mus. Neque unus tantum alterve  
(quod quis objiciat) è Romanis Græ-  
cisque hoc fecit, & conscientiam ves-  
peri discussit; plures in hac classe nu-  
meramus, inter quos & laudatissi-  
mus ille L. Annæus Seneca, qui vi-  
ros religiosos multos, qui Sodales  
Parthenios plerosque, ausim dicere,  
aut æquavit in hoc, aut superavit.

II. Erat Seneca potens in aula,  
Imperatoris doctor & moderator, in-  
ter strepitus & discursus aulicos, &

C tamen



tamen examen hoc Conscientiæ non omittebat: erat in conjugio cum uxore, & tamen vesperi conscientiam suam super diei actis audiebat: erat in studiis semper aut negotiis, neque tamen studia aut negotia potiora habebat, hac utilissima in seipsum animadversione: erat inter amplissimas opes, atque si voluisset, inter maximas voluptates & delicias, & tamen sub noctem, sepositis omnibus, solius conscientiæ negotium tractabat. Ipsum tibi testem sisto locupletissimum. de fide non est quod quidquam ambigamus: malim ego Senecæ narranti credere, quam multis aliis jurantibus. Vtor, inquit, hac potestate, & quotidie apud me causam dico. cum sublatum e conspectu lumen est, & conticuit uxor, moris mei jam conscia, totum diem mecum scrutor, facta ac dicta mea remetior. Nihil mihi ipse abscondo, nihil transeo. quare enim quidquam ex erroribus meis timeam, cum possim dicere: Vide ne istud amplius facias, nunc tibi ignosco.

L. 3. de  
Ira c.  
36.

Obstupefco, quoties hæc lego, nec sine admiratione & rubore unquam legi. Homini tot negotiis, tot studiis, nobili etiam uxore distracto, hæc tã arcta & quotidiana in seipsum inquisitio fuerit? Et obsecro te, Gerarde, considera mihi, quæ vir iste incomparabilis, examinis hujus capita sibi statu-

statuerit, quos in seipso errores notavit, quid in dictis suis factisque culparit, Sic seipsum accusans:

1. In illa, inquit, disputatione pug-<sup>loc. ja</sup>  
nacios locutus es. Audite litigiosi.<sup>cit. c. 36.</sup>

2. Illum liberius admonuisti quam debebas: itaque non emendasti sed offendisti. de cetero vide, non tantum an verum sit quod dicis, sed an ille cui dicitur, veri patiens sit. Audite critici, & omnium censores.

3. Minus honorato loco positus, irasci coepisti convivatori, vocatori, ipsi, qui tibi praeferebatur. Audite superbi & iracundi. 4. Non æquis <sup>Idem</sup>  
quendam oculis vidisti, quia de in-<sup>c. 37.</sup>  
genio tuo male locutus est. Audite invidi ac malevoli, & oculos atque

dentes continere discite. En, quantus vir, quam opulentus, neque tam ad opes suas, quam ad suam conscientiam fuit attentus. Possedit <sup>Apud</sup>  
Seneca (quod ei Suillius opprobrat) <sup>Tacit.</sup>  
ter millies H S. is modus nobis es-<sup>l. 13.</sup>  
set 7,00000. hoc est, septuagies <sup>Annal.</sup>

quingies centena millia philippicorum: ipsi septem milliones auri cum dimidio. Opes pane regiae, fateor. Sed ô virum dignum opum vi majore! qui divitias, & quidem tantas in sinu positas & circumfusas sibi, potuit non adorare, potuit ridere, contemnere. ô virum omni laude majorem, qui potuit in divitiis paupertatem non



odisse, semetipso & ex se nascentibus bonis contentus esse. Divitiarum contubernio non corrumpi, sane tam præclarum quam rarum est, quod Annæus hic noster habuit, qui non cum suis numis, sed cum libellis suis, secum ipse assidue locutus est. & quod nos aliis libentissime facimus, hoc ipse sibi fecit, hoc est, de se apud se male existimavit.

Ita, mi Gerarde, Seneca examen conscientia, perinde ac si lex cogeret, quotidianum sibi esse voluit; nec sine profectu. Nam ipse de se: Hoc mihi satis est, inquit, quotidie aliquid ex vitiis meis demere, & errores meos objurgare. O virum vel hoc ipso argumento non tantum magnum, sed vere bonum! & qui non scripsit sensitque solum talia, sed fecit. Et homines Christiani, Sodales Parthenii, viri Religiosi, hunc stimulum virtutis rejiciant?

De vit.  
beat. c.  
17.

## CAP. III.

*Examen Conscientia quanta utilitatis sit,  
& quam id à Sanctis impense commen-  
datum.*

Vtilitatem hujus sanctissimæ in seipsum inquisitionis nescire non potest, nisi qui cæli & tartari securus, vivit in diem, & passim corvos sequitur; nec ullum post mortem tribunal

bunal aut judicem pertimescit. Viri <sup>Prov.</sup> mali, inquit Salomon, non cogitant <sup>c. 28.</sup> <sup>v. 5.</sup> judicium. Talem mihi da, & videbis quam is vel ab ipsis idololatriis longe superetur: da inquam talem, & dices: Hic homo non insistit viam quæ ducat ad cælum: jocando, ridendo, cachinnando totos dies traducit, securus mortis, & post illam secuturi judicii. transacto die cœnat idem hilariter, cœnam confabulatio, confabulationem somnus excipit. hunc ille ordinem, hanc diei methodum servat.

*O curva in terris anima & caelestium* <sup>Perf.</sup>  
*inanes!* <sup>fat. 2.</sup>

O mi homo, quid demum habes quod hîc obducas? sanctissimos illos eremi angelos, Antonios, Hilarios, Onuphrios imitari non vis? Senecas saltem, & Sextios, & Pythagoras te meliores esse non sinas. Et quæ tuæ occupationes tantæ, ut hoc non possis quod potuerunt occupatissimi? Priscis illis persuasissimū fuit diem pessime finire, nisi sic finiretur: pæne periisse sibi censebant diurnas horas, quæ non haberent hanc diei clausulam, hoc somni prologium. Nimirum hinc maximum ad probos mores emolumentum capiebant, hanc unam ad virtutem viam compendiosissimam credebant, in hoc continuæ tranquillitatis portu persistebant. Ecquid enim pulchrius si-



Sen. l.  
3. de  
Irac.  
36.

mul & utilius hac consuetudine excutiendi totum diem? qualis ille somnus post recognitionem sui sequitur? quam tranquillus, altus, ac liber, cum aut laudatus est animus, aut admonitus, & speculator sui censorque secretus cognoscit de moribus suis? Detumescit sensim superbia; mens avara se latius expandet; libido frænum recipiet; mitescet ira eritque moderatior; omnia vitia minus sibi licere credent, si sciverint sibi quotidie ad iudicem esse veniendum. Sed in digitos mitto hujus examinis vespertini commoda.

I. Somnus etsi tranquillus esse possit & placidus, tutus esse non potest, nisi præmittatur ei hoc conscientiae examen. nam pane idem est, ignis in sinu, & peccatum in conscientia. Is demum secure dormit, cui dicere licet: Iam rationes posui cum Deo meo; promptus paratus sum ad omnem Dei nutū. Nec vivere recuso, nec mori pertimesco; bonum *Dominum* habemus. Huic ego me meaque omnia quam integerrime committo. Ades somne, & fac officium; jam tuus sum. Hoc est, mi Gerarde, inter brachia Christi Domini suaviter obdormire.

II. Aurora insequens tanto erit jucundior, quanto fuerit compositior præcedens vespera. Nam posterum mane felicitatis suæ partem trahit

trahit à praterito vespere. matutinas cogitationes nec lætas habebit nec sanctas, qui pridie cum tristibus aut pravis quietem auspicatur. Hinc in cœnobiis lex pia & perpetua, Completorio, quod vocant, finito, linguæ ferias indicere, & altum flere. quies & taciturnitas tunc omnibus imperatur. vult quis loqui? Deum habet, cum illo sermones misceat: vult quis deambulare? in cælo potest, sat amplum deambulationi hoc pratum est: cupit quis esse cum fociis? innumeros habet Angelos, illis se jungat, sed silendo, precando. si secus fiat, nec proximæ noctis, nec secuturæ diei preces succedent; quicquid enim pridiano vespere viderit quis, dixerit, egerit, recurrerit, & omnem orationis & actionis bonæ vim turbabit & elidet. Ergo, ne mane malus sis, vesperi bonus esse incipe.

III. In omne genus vitii nil æque pugnat, quam firmum animi decretum ac propositum *Cavendi*, idque crebrius restauratum. Atqui animus nitoris sui amans, non opportunius hoc apud se statuet, quam ubi vesperi errores suos ipse recens deprehenderit. Hic decernat, hic sanciat ac proponat quam firmissime *Cavere* in posterum, quæ toties male non caverat.



# 40 DE CVLTV CONS.C.

Pf. 118  
v. 100.

Iuret, hoc est, firmissime statuatur custodire iudicia iustitiæ Dei: non uno alterove duntaxat die, sed per omnem vitam, æternum. Ad hanc animi destinationem facit, disquirere seculum, quo loco, qua societate, quibus occasionibus, ad noxas priores committendas sit inductus, & has constanter evitare, conatu generosissimo insistat. Id si quotidie (inquit Chrysostomus) diligenter facies, terribili futuri iudicis tribunali lætus assistes. Hoc modo Paulus se ipsum mundavit, ac ideo dicebat: Quod si nosmetipsos dijudicaremus, non utique iudicaremur.

In cap.  
12.  
Math.  
hom.  
43.

1. Cor.  
11. v.  
21.

IV. Maximi res momenti est, gratum esse Deo, idque si non singulis horis, diebus saltem singulis. momento quovis in nos Deus beneficus est. quid magni reddimus, si nos in ipsum grati simus, quovis die semel sub vesperem? Estimare beneficiū, magna hostimenti pars est, & referre coepit, qui debere se confessus. Liberalissimus Deus est, nec vinci se patitur liberalitate: novis nos beneficiis assidue cumulat, quoties nos ea grate accipimus. Hic verissime dicitur, *Gratia gratiam parit*; neque nos unquam meritam Deo gratiam referimus, quin novam identidem gratiam obtineamus. Certat nobiscum Deus, sed armis imparibus; ille beneficia conferendo, nos solum gratias

Soph.  
in Oe-  
dip.

gratias referendo, seu agendo; nec istæ unquam tot ac tantæ sunt, quin illa & multo majora sint & plura. Ita felicitatis nostræ est, hîc semper superari. Et quando autem commodius Deo gratos nos præbebimus, quam in vespertino examine conscientia, cujus primum caput est, gratias agere.

V. Quoties dissensiones, lites, inimicitia plane letales oriuntur interdiu? jurgiorum sane, & discordiarum ubique plurimum est, nec ullus finis rixandi, orto igitur incendio tali, & nondum sopito, cubitum ire & somno se committere, facinus est audacissimum, & exitiosa plane temeritas. Si hac nocte subito (plurimis contigit) mors te configeret, ah! quod ires miser? quo migraret animus?

Est veneni genus lene, & quod nō statim sæviat, sed eo hausto somnus letalis est. Et tu, mi Christiane, venenum haustisti, quod tibi Rixa, quod Odium & Discordia, quod Libido & Incontinentia propinarunt, & jam dormis? nec prius pharmacum adhibes, nec prius hoc toxico conscientiam liberas? Num tibi videris in plumis cubare? Mihi crede, ad ipsas inferorum fauces dormis: levi fit impulsu, & in imum præcipitaris. Ergo prius venenum expue, conscientiam purga; ingemisce, pete veniam, & sic demum somnum admitte.



## 42 DE CVLTV CONSC.

VI. Eadem est ratio omnium letalium noxarum. Conscium sibi esse vel unici letalis criminis, nec illud poenitentia deleſſe, nihilominus ſe ſomno committere, extrema temeritatis eſt, & periculum proximum morti, idque æternæ. Et quis magis mortuus eo (ut Bernardus loquitur) qui portat ignem in ſinu, peccatum in conſcientia? nec ſentit, nec excutit, nec expaveſcit. Vide, mi homo, ſi tibi Hiſpaniarum regnum, ſi Turcarum imperium, ſi totius Orbis dominium offerretur in præmium, ut vel nocte unica ſomnum caperes, letalis noxæ conſcius, hæc tamen tibi omnia, velut fruſtillum fungi, rejicienda forent, præ illo formidabili periculo quod adires. Et diſcrimen non vides? aliquid quidem lucrari poſſes, ſed infinite plus poſſes perdere. Iam vero nullum tibi præmium ponitur, minæ ingerantur, ſupplicium proponitur idque æternum: tu tamen ludibundus, hilaris, jocabundus, potulentus in plumas te abjicis, abſque ullo Numinis pavore; nulla conſcientiæ cura, nullo inferorum metu. ô crebram, ſed nimis periculofam inſaniam! At vero qui læſam Conſcientiam, prout par eſt, veſperi curandam ſumit, & male acta deplorat, etſi forte per diem letali nævo ſe inquinarit, eaque nocte vi ſubita extingatur, tamen in refrige-

ric erit, supplicium saltem æternum Sap. c.  
evadere censendus est. Et hoc vere 4.v. 7.  
est brevi dolore cruciatus æternos  
redimere.

VII. Est ergo hæc conscientia ex-  
ploratio, nostri in virtute profectus  
incitamentum primum, & ut ta-  
le sanctissimi quique ac doctissimi  
viri jam olim id nobis commendant.  
Hanc suis legem tulit Basilius, ut Hom.  
quovis vespere, suam quisque con- i. de  
scientiam rimaretur. Idem Anto- Instit.  
nius, idem Bernardus, Bonaventura, non.  
Cassianus, Ignatius auctor Societa- De int.  
tis Iesu, aliique suis impense com- dom. c.  
mendarunt. Cassiani verba sunt: 65.

*Quamobrem ita nobis adversus hæc ar- Collat.  
ripienda sunt praelia, ut unusquisque s. c. 14  
vitium quo maxime infestatur, explo-  
rans, adversus illud arripiat principale  
certamen, omnem curam mentis ac sol-  
licitudinem erga illius impugnationem  
observationemque defigens. At vero  
de vitiis explore judicare, nunquã  
sciemus, nisi in quotidiano consci-  
entia examine naturam eorum nos-  
se didicerimus. Mercator ad inci-  
tas redigetur, nisi qua damni, qua  
lucri calculos creberrime subducatur.  
& hic quidem si industrius sit, tam  
acceptæ quam expensæ pecuniæ ra-  
tiones quotidie inspiciet. ita pror- Tom.  
sus Ephrem Syrus faciendum sua- 3. ser.  
det iis qui dum vivunt, lucrari cu- ascet.  
piunt: Diebus, inquit, singulis vespere  
ri &*



ri & mane diligenter considera. quo pacto sese habeat negotiatio tua, ac mercimonii ratio, & vespere quidem ingressus cubiculum cordis tui, examina teipsum ac dicito: Putasne hodie Deum in aliquo exacerbavi? num in re aliqua fratrem irritavi? num alicujus famam detractionibus laceravi? &c. deprehensis noxis gemitum, dolorem, & lacrimas jubet superfundi.

De matutino examine: Facto jam diluculo, inquit, rursus eadem tecum meditare & dicito: Quomodo, putas, ista mihi nox præterit? Lucratum sum in ea mercimonium meum? numquid improbae ac sordidae cogitationes invaserunt me, atque illis libenter immoratus sum? Eodem prorsus modo Dorotheus: Quo pacto, inquit, per singulos dies, nos ipsos purgare & propemodum expiare debeamus exactissime, docuerunt majores & Patres nostri. Nempe ut vesperi sedulo quisque perquirat & investiget, quomodo pertransierit diem illum. Rursus mane examinet, quomodo exegerit noctem illam, & poenitentiam agat ac respiscat coram Deo, si quo pacto (ut fieri potest) peccatum aliquod admissit: Chrysostomus, de hoc ipso conscientiae tribunali differens: Hac, inquit, fiant singulis diebus, nec prius dormieris, o homo, quam mente

versave.

Serm.  
11.

Tom.  
in psa.  
4. post  
med.

versaveris, quæ à te interdiu perpe-  
ram acta sunt: & die sequenti eris o-  
mnino tardior ad ea ipsa rursus ag-  
gredienda. Post paucula interjecta:  
Singulis diebus, inquit, vesperi à  
anima rationem exige, & cogitatio-  
nem quæ peccavit, condemna, eam  
veluti in ligno suspende, & torque, &  
jube ne amplius ea aggrediatur. Quid  
clarius? Et an, Gerarde, notasti il-  
lud, *singulis diebus*, bis inculcari? Ne-  
que etiam nescis, hæc à Chrysosto-  
mo non monachis, sed civibus, sed  
Christianis omnibus serio dicta.

I V. Sed num vis, Gerarde, alio-  
rum etiam Patrum testimonia reci-  
tem? *Ger.* Satis me istis lapidasti Po-  
lychroni, & liquere puto, de hujus  
exercitii utilitate: *In ore duorum vel,* Matth.  
c. 18.  
v. 16. *trium testium stet omne verbum.* Fateor  
rem unam omnium utilissimam vi-  
deri: modo ea etiam aut jucundior  
nobis videretur aut faciliior. Et quis  
enim est qui non in se deprehendat  
& maximam proclivitatem peccan-  
di, & peccatorum facillimam obli-  
vionem? utrique malo, non dubi-  
tem, insigniter medetur quotidiana  
hæc conscientia perscrutatio. *Tol.*  
Rem dicis, Gerarde: hinc & hinc mi-  
seri sumus, hinc nimis temere delin-  
quendo, illinc propere nimis obli-  
viscendo delicta. Opus foret prope-  
modum facere quod illi apud Cli-  
macum, qui pendentem à cingulo  
libellum



46 DE CVLTV CONSC.

libellum chartaceum ferebant, in  
quem suas etiam cogitationes quoti-  
die referebant. Et hæc viris sanctis-  
simis causa fuit, non semel tantum  
de die in seipsum inquirere, & in  
istud conscientia<sup>s</sup> jus ambulare: una  
die sæpius id factitarunt. Societatis  
Iesu patriarcha sanctus Ignatius, ho-  
ris interdiu singulis animum consue-  
rat colligere, ac sepositis curis exa-  
mine conscientiam urgere. Tum, si  
vis afferretur, quæ horam ei consue-  
tudini negasset; proxima confestim  
resarcire. Ignatii sodalis, magistri  
sui felicissimus imitator, sanctus  
Franciscus Xaverius, eodem prorsus  
studio fervens, de die sæpius accura-  
ta perscrutatione intimos animi re-  
cessus inspiciebat, & ceteros ad idem  
faciendum magnopere hortabatur,  
ratus in eo perfecta vitæ cardinem  
verti. Rari exempli fidus Francis-  
cus Borgia, eodem magisterio erudi-  
tus, non satis habuit bis quotidie  
conscientiam pertentare, singulis  
horis diurnis seipse ad unguem ex-  
cutiens exploransque, memoria re-  
petebat dicta, facta ac prætermissa;  
inquirens in se graviter. Ab his  
exemplis, in legem res transit, ut  
omnes in Societatem Iesu adscrip-  
ti, quotidie bis examinanda con-  
scientia<sup>s</sup> accuratam navent operam.  
Sunt & alii hodieque religiosi ho-  
mines, qui hanc legem tam exacte  
obser-

Ribad.  
l. 5. vi-  
tæ S.  
Ign. c.  
1. &  
Maff.  
l. 3. c. 1  
Turfl.  
6 vitæ  
Xaverii  
c. 6.

Schot.  
l. 4. vi-  
tæ  
Borg.  
c. 4.

observant, ut non tantum bis quotidie conscientiam examinent, sed huic soli examini horam integram diebus singulis impendant.

IX. Re vera, nisi quotidie animi nostri hortulum ingressi, subnascentes in eo steriles herbas quam primum extirpemus, & brevi silvam, non hortum habebimus. Quisque sibi dictum putet divinum illud: Constitui te hodie, ut evellas & destruas, & disperdas, & dissipes, & ædifices & plantes. Et nisi hoc semel minimum de die fiat, infelix lolium & steriles avenæ dominabuntur, surget gramen inexpugnabile. Nonne pigri & male fecerati hominis domum stillicidia tandem demoliuntur? Nonne cum dormiret Isboseth, à latronibus jugulatus est? Nonne hoc pacto zizania dormiente patrefamilias excreverunt? Transivi, inquit Hebræus Sapiens, per agrum hominis pigri, & per vineam stulti, & ecce totum repleverant urtica, & operuerant superficiem ejus spina, & maceries lapidum destructa erat. Talis est animus hominis; silvescit & fit desertum vepribus fertilissimum, nisi conscientia identidem & quotidiana industria repurgetur.

*Neglectis urenda filix innascetur*  
hortis.

Horat.  
serm.  
l. i.  
sat. 3.

Hic



Hic ligo nunquam manu mittendus, aut mox spinæ se prodent. Ligo iste aut sarculum, est examen conscientia, ad omne vitium, antequam ætatem & vires acquirat, ex animo evellendum. Bernardus: Quamobrem, inquit, noveris te, ut inter angustias, quæ non desunt, fruaris conscientia bono, magis autem ut scias quid desit tibi. nam cui non desit? omnia illi desunt qui nihil sibi deesse putat. Neque satis, ut menstruum sit hoc examen, aut ut quot hebdomadibus, sed ut quot diebus fiat, quod Clarevallensis ille Antistes gravissime urgens: Disce, inquit, in eo secundum communis instituti leges tu tibi præesse, & vitam ordinare, & mores componere, & temetipsum judicare: teipsum apud teipsum accusare, sæpe etiam condemnare, nec impunitum dimittere. Sed eat judicans justitia, stet rea & seipsam accusans conscientia. Nemo te plus diligit, nemo te fidelius judicabit. Mane præteritæ noctis fac à temetipso exactionem, & venturæ diei tu tibi indicito cautionem. Vespere diei præteritæ rationem exige, & supervenientis noctis fac indictionem. Legem hanc quam aliis tulit Bernardus, eandem & ipse servans: Propterea, inquit, statuam me ante me, & judicabo meipsum, ut illius extremæ & tremæ diei judiciū evadere possim.

De int.  
do. e. 32

Et

Et hæc examinis istius ingens est utilitas, in supremo iudicio beata securitas. Si nos ipsos iudicaremus, non iudicaremur à Domino, quem, uti D. Gregorius loquitur, tanto quis <sup>L. 25.</sup> securius expectat, quanto quotidie <sup>mar. c.</sup> vitam suspectius examinat. <sup>5.</sup>

## CAPUT IV.

*Examen Conscientiæ, quanta sit necessitas, & quod dispendium, illud negligere.*

**D**Ixi jam de utilitate; attexam paucula de necessitate, quæ hîc tanta est, ut affirmare ausim, in plerisque omnibus frustra nos agere, nisi & hoc agamus. Potest concionator clamare & clamando raucescere; frangentur pulpita, rumpentur columnæ, tremant sedilia. omnia frustra, nec in te quidquam fere proficiet, nisi tu ipse tibi vesperi concioneris, tuam ipsius & reprehensionem & adhortationem audias. Frustra monetur, qui se vult negligere; frustra custoditur, qui se vult perdere. Sic & Confessarius docebit te, sed frustra; monebit & incitabit, frustra & hoc; instabit & præscribet poenam, frustra omnia. sapius tibi dicet: Hoc vitium nominatim fuge; hos sodales, has ædes singulariter cave; hac via, ut scias, ad cæ-  
D                      lum



## 50. DE CVLTV CONSC.

lum non itur. hîc teipsum vince, hîc abstine, hîc tuos impetus coërce; hîc autem generose sustine, hîc dura, hîc te virum gere, hîc te Christianum ostende, &c. omnia hæc futura sunt frustra, nisi tu ipse tui curam geras, nisi hoc ipsum velis aut nolis, quod velle aut nolle juberis, nisi noctu quotidie tuam ipsius confessionem audias, & à te confessario vel absolvaris vel damneris. Sic & magister in schola commendabit. quidem diligentiam in studiis, parsimoniam temporis laudabit, probitatem in moribus majorem desiderabit; pietatem in omnibus constantiorem à discipulo postulabit, sed quo effectum aut fructum? nisi tu tuus ipse sis præceptor vesperi temet instruendo, examinando, puniendo, non hilum proficies; perdidisti minerval.

Sic & prætor, aut judex, seu alius quis magistratus, vinculis te addicet aut eximet; non tamen ideo vere liber eris aut nexus, nisi tu ipse tibi laxes carcerem, aut obseres; nisi causa cadas vel vincas teipso iudice. Atque ita conciones, correctiones, admonitiones, castigationes pleræque frustra sunt, nisi tuus ipse sis & concionator, & confessarius, & præceptor, & judex, quod esse potes, & debes in quotidiano examine conscientiæ. Optima illa disciplina est, quam quisque sibi ipse

ipse necessario adhibet, saluberrima multa, quam quis ipse sibi imponit. Multam, inquit Siracides, inveni in meipso sapientiam, & multum profeci in ea. Ah, quid tandem sapientiæ invenit in seipso vel sapientissimus, nisi seipsum nosse, & ad æquam iudicii trutinam appendere? quod tum fit, cum quis suam conscientiam ad usque fundum penetrat, & boni malique congeriem fecernit districto examine. Hæc illa multa sapientia est, quam cuivis in seipso licet invenire, in eaque quotidianis incrementis proficere. Vanum est in omnibus aliis altum sapere, absque hac sapientia.

I. Refert e Græco Pelagius interpretes, ascetam senem apud religiosum juvenem de domo conscientia semper purganda sic disseruisse: Diabolus est inimicus, & tua conscientia domus. Igitur ingenium inimici tui noris: nunquam non sordes tractat, gaudetque unice, si illas, quas odit, domos sordibus oppleverit. hoc ergo agit, ut, quicquid potest immunditiarum, in te effundat. Tuarum vero partium est, immixtas spurcicias continuo regerere, & conscientia domum solertia quotidiana conservare mundam. Si neglexeris, tua tibi domus illuvie tanta implebitur, ut ad eam vix ipse reperiās ad-



tum. Igitur principiis obsta, & sicut inimicus tuus quotidie aliquid sordium in te conjicit, ita tu quotidie, quicquid inquinamenti per diem refederit, hac velut spongia deterge, suum illi cœnum nullo non die remitte. sic nitidam servabis domum: cesset hæc cura, mox hara fiet conscientia, & immundum cubile vitiorum. In navigii sentina quid fiat, nosti: uti ea semper aliquid aquarum recipit, ita est qui semper exhauriat, quod perstillantium undarum receptum fuit, aut navis paullatim illabentibus & crescentibus aquis suaviter submergitur. Eodem prorsus modo cum quotidie aliquid pravi operis, aut incauti sermonis, aut imundæ cogitationis, nobis etiam vigilantibus subrepat, necessarium omnino est, ut id quotidie hoc velut haustro, in dies singulos egurgitemus, aut sane in dulcem succumbemus interitum. Ergo tuam vespere, mi homo, sentinam exhauri; tempus est, exhauri sentinam. I modo, & vide, reperies semper aliquid illabentium aquarum. Bernardus, de hac ipsa mentis sentina differens: In illud siquidem repositorium, inquit, velut in sentinam aliquam tota decurrit abominatio, & immunditia tota defluit. Tu itaque exhauri, ne per noctem proximam, in navim excurrat sentina & mergaris. Ergo exhau-

Ad  
mil. de  
persec.  
fuit.

exhauri, vesper est, exhauri. Non facile peribit, qui quovis die serio cavet, ne pereat.

II. Si ligno aut saxo similes essemus, hoc lustrandæ toties conscientia labore facile supersedere possemus. Affer dolabra semel dedolatus, lapis scalpro semel lavigatus permanent, quales eos vel a scia vel cavatorium ferramentum fabri formavit. At nos, hoc ipso miseri sumus, quia tam mutabiles sumus & varii. Vno anno, una sæpe hebdomade, quandoque etiam die uno, & virtuti & vitio sacrificamus; eadem frequenter hora & in ridiculum furorem excandescimus, & mansuetudinem non duraturam descendimus. Stomachum subinde nobis movet luxuria; cito tamen cum illa redimus in gratiam. Sic arbori crescenti, aut luxurianti palmiti similes sumus: hæc duo sæpius putanda & circumcidenda sunt, ne nimium luxurient, ac in vitiosam sese amplitudinem diffundant, aut inutili fronde, aut pampino superfluo. Seipsam vermibus pro domo locat arbor, quæ nulla unquam brachia olitoris cultro præbet præsecanda, in silvam degenerat vitis, quæ lacrimare non vult, quæ secari non sustinet. Legibus suis pareat hortulanus necesse est, & nec viti parcat nec arbori: secet, stringat, vulneret, incidat, am-

D 3                  putet,



putet, quidquid vitiosi germinis subnascitur, nulli stirpium libertas sit à purgante ferro, si quidem non flores tantum desiderat olitor, sed & fructus. Sic & homo (nisi sui nimium sit amans) in seipso nunquam non reperit, quod purget, quod inserat, quod resecat, quod excutiat.

Delri- Et sicut humanis membris, inquit  
us sa- Theologus ille, ab evaporatione ful-  
era lect- liginosi & mali humoris per poros,  
12. de- semper aliquid sordium accrescit, ita  
sui not- si caput non pectas, laborabis porrigine; si oculos non colluas, lemis; si dentes non defrices, scabritie; si faciem non laves, illuvie; si ungues non reseces, in imo fient rediviosi, à summo nigrescent & excrescent aquilarum more: si pedum curam negligas, pedore obsolescent. Sic animus & conscientia, ob concupiscentiæ fomitem perenni scaturigine inhaerentem, paullatim contaminabitur, & facies illius in carbonem mutabit. ita imago illa & similitudo Dei nobilissima, Christi sanguine lota & restaurata, sensim foedabitur, & prototypo suo fiet dissimilima. Tam necessaria est hujus examinis cura: contra nihil perniciosius est ejus negligentia & ommissione, quæ revera tabes quædam est animum exedens; est quædam scabies, seu potius clancularia lepra, quæ minuta sed crebra lethalium pustula-

stularum congerie animum male infectum conficit.

Facilis pereundi modus est, minuta non cavere, & paullatim prolabi ad grandiora: Nec ille unquam navis carebit, qui seipsum raro aut nunquam reprehenderit.

III. Rex Hebræus: Lavabo, in-<sup>Psa. 6.</sup>  
quit, per singulas noctes lectum<sup>v. 5.</sup>  
meum. Lectus hic quotidie lavandus, conscientia est. nam uti lectulus fatigatis & sanis quies est & dulce fomentum, sic ægris ingens tormentum; hos urit, hos affligit & cruciat, illos recreat & suaviter sopitos, molli gratoque calore circumtegit. Ita prorsus conscientia, ægro à vitiis animo urens lectus, aut catasta & equuleus est; animo à vitiis libero & sano gratissimus thalamus est, cui ille quietem suam omnem in acceptis referat. Verissi-<sup>Tho-</sup>  
me ille è D. Augustini familia: Gau-<sup>mas à</sup>  
debis, inquit, semper vespere, si-<sup>Kemp.</sup>  
diem expendas fructuose. Vigila<sup>l. i. d. e</sup>  
super teipsum, excita teipsum, ad-<sup>limit.</sup>  
mone teipsum: & quicquid de aliis<sup>Christi</sup>  
sit, non negligas teipsum. Neque<sup>c. ult.</sup>  
hoc nimis crebrum putes; quoti-<sup>fine.</sup>  
die lavanda sunt, quæ quot diebus  
tordescunt. Lava ergo hunc tuum  
lectulum quotidie, *per singulas noctes*, quovis vespere. Nisi hoc à  
te impetres, ut ille tuus lectulus  
semper quasi recens sit lotus, nun-



quam tu quietus eris. Et quæ illa conscientia quies sit, optimos dies totosque soles fabulis, jocis, poculis, nugis, deambulariunculis frangere, noctu ad lectum, velut fessus equus ad stabulum, festinare, vix paucas vuculas precari, & in somnum defluere, conscientia frustra insusurrante: Perdidisti diem, homo, diem perdidisti, iacturam cogita, fors sequenti die asportandus es ad tumulum. Hanc furdo fabulam occentat conscientia; non audit ille, jam somno sepultus stertit, de crastina luce securissimus. Hoccine vivere est, & conscientia tranquillitati studere? unam quamlibet rem vix ad perfectum adducit assidua vigilia & intentio, ubi jam in utramq; aurem dormire quis incipit, antequam ad rem suam vigilare, nil unquam præclari operis prodibit. Statuarium aut lapicidam mihi considera, centies uno die regulam suam applicat, ne quid in artis suæ leges peccet, ne quid curvi relinquat, ne quid debitam mensuram excedat: Et nos nec semel quidem de die ad conscientia nostræ lineam opera nostra revoce-  
mus? Aspice mihi Chrysostomum, & vide quam solerter, ad suam ille regulam opus suum diurnum examinet! Expendamus, inquit, diem o anima, quid boni fecimus? aut quid mali operati sumus? Et si quid boni

Hom.  
2. in  
psa. 50.

ni

# LIBER I. 57

ni fecisti, gratias age Deo: si quid mali, de cetero ne facias. Nihil est, inquit Augustinus, quod sic quisque debeat cogitare, nisi ut in semetipsum oculos conjiciat, se discat, se discutiat, se inspiciat, se quærat, & se inveniatur; & quod displicet, necet; & quod placet, optet & plantet.

Hoc est quod regius Psalter sua-<sup>Psalm. 4. v. 5.</sup> sit: *Et in cubilibus vestris compungimini.* Spinis indormit, qui laxam conscientiam ad lectum defert.

## CAPITULUM V.

*Examinanda Conscientia quis sit modus.*

**D**Ivinus vates Hieremias, mo-<sup>Hier. c. 31. v. 21</sup> dum examinis hujus instituendi, brevissimo effato docens: Statue, inquit, tibi speculam: pone tibi amaritudines: dirige cor tuum in viam rectam. Speculam principio vult collocari, e qua Dei beneficia die illo nobis impensa contueamur, & pro iisdem gratias agamus, sed non cum Phariseo illo, qui dum gratus fuit in suis, maledicus extitit in alienis. Verum de gratiarum actione postea.

I. Cœnante Domino cum suis ultimùm, & jam jam suum corpus in  
D. s. cibum,



38 DE CVLTV CONSC.

cibum, sanguinem in potum porre-  
cturo, coeptum est examen consci-  
entia. Nec enim quidquam dubi-  
tem, quin Apostolorum quilibet,  
excepto Iscariote, suam prius con-  
scientiam, dein & Christum inter-

Matth. rogarit: *Nunquid ego sum Domine?*

c. 26. v. Perinde ac si pro se quisque diceret:

22. Ego, mi Domine, modo meam  
conscientiam super vaticinio tuo  
examinavi; nil illa horum fatetur,  
nec me reum dicit, si quid tamen in  
me, me forsan inscio, proditi-  
onis lateat, velim Domine, mihi non  
parcas, sed proditorem tuum, quis-  
quis ille sit, palam nomines, etiam-  
si me nominaris: erubescere non re-  
cuso, si reus sim. si mihi tantum fla-  
gitium celarit conscientia, te, Do-  
mine, loco conscientia appello, &  
fidenter interrogo: *Nunquid ego  
sum?*

En mi Gerarde, qua ratione cor-  
pus Dominicum epulaturi Aposto-  
li, suam prius convenerint consci-  
entiam, si quid occultae proditi-  
onis in ea deprehenderent. Dixe-  
rat Servator: Amen dico vobis,  
quia unus vestrum me traditurus  
est. At illi ob hoc lugubre vatici-  
nium tristes, se reos esse, nec fa-  
teri nec negare ausi, quæsiverunt  
singuli: *Nunquid ego sum Domi-  
ne?*

Ita nos vesperi cubitum ituri, à no-  
bis

bis ipsis quæramus : *Nunquid ego sum Domine ?* qui hodie preces multas recitavi, & ad illas nihil auscultavi, lingua garriente, corde absente: *Nunquid ego sum Domine ?* qui hodie meas ipse laudes tam liberali ore decantavi, alios sprevi, me cælo extuli : aliorum famæ detraxi, meam immodice auxi, lividos dentes aliis infixi, mihi met blande indulsi, verbis incautus, levis, sordidus, maledicus. *Nunquid ego sum Domine ?* qui tot impuras hodie ac fœdas cogitationes hospitio non exclusi, cum iis ; tanquam id nemo cerne-  
ret, collusi, vetitæ delectationis avidus, & occultus castitatis hostis. *Nunquid ego sum Domine ?* qui diem hunc perdidi, & tam male tot bonas horas, partim colloquiis vanissimis, partim lusu & otio sterilissime combussi ? *Numquid Domine ego sum ?* qui Gulæ hodie ventrique cibo potuque nimio sacrificavi : qui cœcus & furens ira, in hos & illos fulmina misi, ad Orcum illos, si licuisset, detrusurus. Ah, mi Domine, numquid ego sum piger ille & dignissimus servulus ? Multis quandoque sic interrogantibus, Christi nomine, respondebit conscientia: *Tu Dixisti ; agnosce & cor-  
rige.*

Hic occurrit, cujus primo loco videmur monendi, ut scilicet hoc  
cogno-



60 DE CVLTV CONSC.  
cognoscendæ conscientiæ negotium  
conficiatur *Integre*. suum illi tempus  
assignemus, & tantisper alia omnia  
mittamus, dum hoc perfecerimus.  
Optimus hic modus est, ut quisque  
totum diem secum scrutetur, facta-  
que & dicta illius diei omnia noctu  
remetiatur, ut ubi viderit, quo maxi-  
me morbo laboret, ei potissimum  
mederi curet. Quicquid in se non  
sani deprehenderit, eo magis illud  
persanare conetur, quo minus id vi-  
detur sanabile; & hoc ipsum fortius  
semper aggrediatur & quatiat, quod  
contumacius resistit. Nullum sit tam  
potens aut frequens & familiare no-  
bis vitium, in quo dediscendo des-  
peremus: modo id quod facimus,  
faciamus integre, qua modum, qua  
tempus, qua omnes hujus examinis  
partes. Pleræque res hoc ipso non  
bene fiunt, quia fiunt non integre.

Neque tamen integre solum, hæc  
vespertina in Conscientiam quæstio  
instituenda, sed & accurate, ut jam  
dicam.

II. Hebræorum Regum optimus,  
David, non solum designavit tem-  
pus explorandæ conscientiæ, sed  
quam accurate id faciendum, exem-  
plo suo docuit. Non ignorabat Rex  
sapientissimus, quanti referret hîc  
vigilare, ideo quæsitior sui quoti-  
dianus: *Meditatus sum*, inquit, no-  
v.7. *Et cum corde meo, & exercitabar, & scope-*  
*bam*

*bā spiritum meum.* Neq; id feci obiter,  
 non levi brachio, non incuriose, non  
 oscitanter aut perfunctorie, sed in-  
 tentus operi, attente, & accuratione  
 magna, omnes conscientiae meae an-  
 gulos rimabar, & quicquid sordium  
 ac minimi pulvisculi reperiēbam:  
 id totum cum ramento everrebam.  
*Nocte cum corde meo meditatus sum,*  
 ita ut integras quandoque noctes  
 consumpserim, mecum ipse collo-  
 quendo, & *exercitabar cogitando,*  
 varieque super delictis meis ratio-  
 cinando, & *scopebam spiritum meum,*  
 huc atque illuc quasi scopis cogi-  
 tationum versabam illum, animum-  
 que partes in omnes dividebam,  
 penitissimos mentis meae recessus  
 scrutabar. Non auri venas in suf-  
 fossis montibus, sed animi noxas  
 scrutatus est David, de quo pul-  
 chre Augustinus: Quanta, inquit, Aug. in  
 homo habet intus, & non fodit? Psa. 76  
 Scrutabatur iste spiritum suum, &  
 cum spiritu suo loquebatur, seip-  
 sum enim interrogabat, seipsum  
 examinabat, in se iudex erat. Ve-  
 re non blandiebatur sibi rex iste po-  
 tentissimus, non excusabat, sed  
 Catonianam in seipsum censuram  
 instituebat, & omne pectoris sui  
 arcanum rimabatur exactissime, &  
 quicquid hinc latentium sordium  
 deprehenderat, atroci conatu ef-  
 fodiebat. Censet Gregorius hoc  
 nobis



## 62 DE CVLTV CONSC.

In Iob  
l. 31. c.  
21.  
If. c. 2.  
v. 30.

nobis imperari ab Isaia, qui succla-  
mans: Ingredere, inquit, in petram,  
abscondere in fossa humo à facie ti-  
moris Domini. Petram ingreditur,  
qui cordis sui duritiem penetrat: à  
facie timoris domini defossa humo  
absconditur, qui cogitationes terræ  
inhiantes egerens, in imo suæ vilita-  
tis magna submissione se contra-  
hit. O cor humanum! ô rupem Mar-  
pessiam! ô furdum saxum & immo-  
bile! ô duram petram, præsertim  
cum monitis pulsatur! Vociferatur  
è cathedra Ecclesiastes, instruit in  
pœnitentiæ tribunali sacerdos, hor-  
tantur probi, exempla invitant, fu-  
nera monent, libri docent, leges ur-  
gent, clamat Christus, & tamen cor  
hominis, velut durissima petra, ad  
hæc omnia obsurdescit. Sic petra ista,  
nec voces, nec vociferationes illas,  
nec monita nec clamores hos audit,  
nisi quis hanc suam ipse petram su-  
beat, & in omnia è se dicta, cogita-  
ta, cupita, omissa severus iudex in-  
quirat. Et hoc alterum est, quod ad  
istius examinis modum pertinet, ut  
id fiat *Accurate.*

III. Tertium in hujus examinis  
modo spectandum, ut id fiat cum  
sensu & *Dolenter.* Hieremias Pro-  
Cap. 31  
v. 21. pheta ad hoc cohortatur: *Pone, in-*  
quit, *tibi amaritudines.* Hoc jubet  
vates, ut cum quis præteritæ diei  
noxas & erroresprehenderit,  
non.

non illos tegere, non excusare, non defendere conetur, sed seipsum accuset, & omnem in se culpam derivet, doleatque, toties; tam proterve & petulanter, tam procaciter & impudenter, Deum offendisse. Et quæ animi nostri levitas est? pecuniolam perdimus, aliquot obolorum aut rei vilissimæ jacturam facimus, & lacrimis maxime feriis damnum deflemus: Deum lædimus, tempus prodigimus, cælum amittimus, & etiamnum ludentibus oculis hilarissime ridemus, nec damni magnitudinem sentimus; stat etiamnum exporrecta & serena frons, nec ullum luctus indicium se prodit. O audacissime mortalium, *pone tibi amaritudines*. Deum offendisti? ingemisce, dole, pectus tunde, de teipso poenam exige, & quantum ex immoderato usu rerum habuisti delectationis, tantum tibi nunc doloris scias esse animo capiendum. Rex *Is. c. 38* Ezechias accurate hoc observans: *v. 15.* Recogitabo, inquit, omnes annos meos in amaritudine animæ meæ. Ita quisvis vesperi serio dicat: Omnes horas quas per otium expendi, omnia momenta quibus Deum offendi, in amaritudine animæ meæ recogitabo, nec ante latitiam animi resumam, quam Deum peccatis meis propitiave-



# 64 DE CVLTV CONSC.

Iob c. 10. Iobus infensus sibi ipsi. Nunc  
 42. v. 5 autem inquit, oculus meus videt te. id-  
 & 6. circo ipse me reprehendo, & ago pœnitentiam in favilla & cinere. Ah quoties, mi Gerarde, possim ego vesperi dicere; O mi Deus, tui oblitus sum die isthoc integro: vagabar huc il-  
 luc, quo me vel oculorum curiositas, vel mentis libido egit: hîc colloquiis miscendis, illic pecuniis numerandis intentissimus: istic libri & chartæ, hîc alveus lusorius & tesseræ me sibi totum rapuerunt: tu mihi, ô mi Conditor, nunquam in oculis, nunquam in memoria eras hac tota die. *Nunc autem oculus meus videt te*; vix sero tandem, & sub exitum diei recordor tui, ô mi amantissime Domine, *idcirco ipse me reprehendo & ago pœnitentiam*, ob tam turpem & prolixam tui oblivionem.

Bern.  
 de int.  
 Dom.  
 c. 24. De hoc conscientia dolor præclarissime sane differit Bernardus, cuius verba omnia, prout omnino digna sunt, fidelissime recitabo: De diversis igitur mundi partibus, inquit, in quibus cor vagum & profundum tenetur, vel vane occupatur, ad seipsum redeat, & seipsum discutiat, cumque invenerit culpam, timeat pœnam. Quærendo autem culpam, nusquam illam nisi in se reperiatur: reperta autem culpa & pœnæ causa, seipsum puniendo, se ante  
 se

se statuat, & tanquam alium se judicet. Se equidem culpatum, ante se afflictum; se reum, ante se judicem severum: se impium, ante se ad pietatem reversum: proponat se ante se, decernat quid à se faciendum sit de se, iuste in se injusto infligat iusta flagella. Loquatur etiam sic sibi: Quia pacem deseruisti apud dominum Deum tuum, & bellum incurristi apud teipsum, scissuram pateris, ut tu à teipso condemneris, quia pactum pacis rupisti. Vis quod non vis, & non vis quod vis, à teipso condemnaberis. Nolenda vis, volenda non vis. Ecce de ore tuo te judico serve nequam. Afflige itaque te, & statue contra faciem tuam, & recogites stultitiam tuam. Sic igitur in miseriis suis ad seipsum convertitur cor, & sistitur cor ad cor.

Audis Gerarde? prius nobis miseriæ nostræ gustandæ, quam quies. Nemo somnum suavius aut securius admittit, quam qui tale poenitentiae & doloris præmittit exordium. Ergo Conscientiæ navi, cum sensu, & Dolenter abstergen- Bern.  
serm.  
10. de  
modo  
bene  
vid.  
di: hinc omnis ex animo eradenda est nequitia. Ergo, ut idem Bernardus monet, Baptizemus lacrimis conscientiam nostram: abstergamus & eradamus, quicquid ei vitiositatis inhæret.

I V. Amaritudines sibi posuisse, uti Hieremias vates loquitur, sa-



Hier. c. 31. v. 21. tis non est, nisi & illud quod addit,  
 sequatur. *Dirige cor tuum in viam rectam, in qua ambulasti.* Præteritam  
 culpam horres? ergo & futuram  
 cave. agnoscis morbum? ergo & de  
 remediis jam cogita. Deprehendi-  
 sti forsitan cor tuum procul à cælo,  
 procul à Deo in vias avias evolasse;  
 retrahe, & dirige in viam rectam. E-  
 rit fortassis cum accusante conscien-  
 tia fateri cogêris: Hodie bis litigavi,  
 unum aliquem in via prætereuntem  
 irrisi, convitia jeci non pauca in do-  
 mesticum, absentium nomen detra-  
 ctionibus laceravi quinquies, uni  
 amicorum beneficium exprobravi,  
 ter imprudenter & incaute respon-  
 di, diras omnes & devotiones pessi-  
 mas in alios deprecatus sum sexies,  
 temere juravi ultra quam decies,  
 semel iterumque verbum lascivius  
 mihi excidit, in mensa mihi contra-  
 dicentem audaci dictorio momordi,  
 ut minimum quater mentitus sum,  
 ad morosius imperium eloquenter  
 & copiose obmurmuravi, in cœna  
 virtutes meas nescio quas vanissima  
 ostentatione jactavi, & dives fui  
 promissis, quibus nunquam stare co-  
 gitavi: Sed & illud memini, quod  
 in amici aures plaustrum querelarū  
 exoneraverim, simul & susurronem  
 egerim, atque ab uno audita ad a-  
 lium detulerim amicitia diffocian-  
 dæ. Sed & illud recordor, quod  
 in

in colloquentium circulo duorum  
mores temeraria censura vitupe-  
rarim: porro verborum otiosorum  
nullum est inire numerum.

Et hæc tot pestes à sola lingua  
sunt: quid jam oculi, quid aures,  
quid manus; quid ingentia cogi-  
tationum agmina die uno non de-  
linquent? Dirigam ergo cor meum,  
& cum eo meos oculos, aures,  
& manus meas, meamque lin-  
guam in viam meliorem. ita pro-  
pono, ita sanctissime statuo, ne-  
que solum memoriæ hoc tradam,  
sed & in opere tentabo. nunquam  
probus ero, si scivero tantum hæc  
cavenda, nisi & caverò, & fuge-  
ro vitia. hoc est enim esse san-  
ctum, non si à sceleribus abes, sed  
si ea refugisti. hunc laudemus, <sup>Eccli.</sup>  
*Qui potuit transgredi & non est trans-* <sup>c. 31.</sup>  
*gressus, facere mala & non fecit.* <sup>v. 10.</sup> Er-  
go hoc unum agam, ut in ea quæ  
jam detestor, non recidam, aut id  
pœna præsentis luam: certe toties  
mentiri, jurare, male imprecari,  
aliis detrahere, similiaque vitia  
quæ me toties implicuerunt, post-  
hac studiosissime fugiam. & in  
hoc obstinabo animum: Dixi cu- <sup>Pf. 128</sup>  
stodire legem tuam; Juravi & sta- <sup>v 57.</sup>  
tui custodire judicia justitiæ tuæ.  
Scio, tantum quisque proficit, quan-  
tum conatur, & vult. Huc er-  
go cunctas faciendi & non faciendi



rationes dirigam. Etiamſi laborioſū erit, faciam tamen, quod faciendum jam video, & quod facturum me recipio. Simili ratione, quicquid jam turpe iudico, etiamſi pecuniam, etiamſi voluptatem ferat, tamen non faciam. Ab honeſti amore re nulla deterrebor; ad turpia ſpe nulla invitabor. decretum eſt, non committere, ut in antiquas ſordes revolvam. Dixi, ſtatui, iuravi, huius tenoris mei permanere, & hanc animi obſtinationem quotidianis ſtimulis urgere. Et modo hoc exercitii genus ſerio tentem, uſu ipſo fiet facile. acerrimus quiſque labor ſæpe ad oblectationis dulcedinem manſueſcit; nec quidquam eſt quod principio ſui poſſit perfici. quod aliquanto tempore vix ullum ſucceſſum habet, tandem ſuccedit. Et quem unquam iſta deſtituere tentantem? cui non faciliora apparuere in actu? Non quia difficilia ſunt, non audemus: ſed quia non audemus, difficilia ſunt. Ergo audendum & incipiendum; ergo perſiſtendum in coeptis & perdurandum. Et hoc eſt *Conſtanter*, ac novis quotidie ſanctionibus animum ad optima quæque impellere. Alioqui deſultoria eſt noſtra probitas, & nos ridiculi iudices ſumus, qui in dies mutamus & noſtra decreta ipſi convellimus; grâdes poenas minamur, ſed minamur tantum,

tantum, & cum jam tenemus fatentem reum, mussitamus occulte: *Sit venia facto, dissimuletur hoc; cur meus ipse sim carnifex?* Hoc non est *Constanter* agere. Sed hoc ipsum paullo luculentius octavo capite demonstrabo.

V. Ultima est, sed primaria ratio examinandæ conscientiæ, ut illi vitio magis insistas, à quo magis infestaris. Et hoc ego appellem, *Conscientiæ Accommodate* mederi. Quid digitum obligas, cum stomacho labores? quid pedi applicas malagmata, cum in pulmone sit vitium? quid pilos præscindis, cum membrum rescandum est, ne pars sincera trahatur? Illam partem potissimum cura qua æger es. Quid tecum ipse litigas, quod incautus somno cesseris, quod die vetito jusculem è carne nescius sorbueris, quod lævo pede è lecto surrexeris, pransurus manus non laveris, die Veneris ungues secueris? quid in his tricaris? si te luxuria urit, si te coquit invidia, si accendit ira, si pungit avaritia, si inflat superbia. Medere tu prius tuæ libidini, aut ambitioni tuæ; malum expugna robustius. Quid Gabaonitas obsides? Hethæos, Gergezæos, Amorrhæos, Chananæos, Pherezæos, Hevæos & Iebusæos impugna, hos pete, hos ad internecionem cæde, hos extingue, sed paullatim & per partes.



## 70 DE CVLTV CONS C.

Ego quidem minores noxas non  
 ajo negligendas, sed vitia malignio-  
 ra potentius subigenda. qui omnem  
 conatum confert ad extirpationem  
 unius capitalioris vitii, is una etiam  
 tollit radicem & fibras aliorum mul-  
 torum. Quisquis itaque serio vult  
 proficere, ante omnia norit, cui vi-  
 tio sit proclivior, in quem animi  
 morbum propensior. Nam uti sua  
 cuique crux est, quam Servator com-  
 mendat portandam, ita suum cui-  
 que est vitium, quod idem imperat  
 superandum. In multis offendimus  
 omnes:

Horat.  
 l. i.  
 serm.  
 sat. 3.  
 Plut.  
 de ira  
 cohib.

*Nam vitiis nemo sine nascitur: opti-  
 mus ille est,*

*Qui minimis urgetur*——

Quotusquisque est, cujus inter illu-  
 stria decora non aliquis nævus extet!  
 Hic non penitus iracundiæ, ille non  
 linguæ est potens. Alteri in curan-  
 do corpore necessitatis imponit spe-  
 cies, non nemini species divinæ  
 laudis in suis factis virtutibusque  
 commemorandis. Vir usquequa-  
 que sui dominus, perrarus est. Er-  
 rare, labi, decipi humanum est.  
 Suus cuique nævus, suum cuique  
 domesticum est vitium. Huc vi-  
 res, huc conatum & industriam,  
 huc machinas & arma transfer ad  
 expugnandum. in hoc vincendo &  
 penitus extirpando quotidie teip-  
 se fias fortior. Ira te inflamat

ad iram ergo, sub imperium & potestatem rationis cogendam totus incumbe, crebra eam mansuetudine retundere, vires illius & imperum aliorum divertere, omnia ei fomenta subtrahere, illam denique quomocunque comprimere, idque quotidianis victoriis assequi stude. Superbia te tumefacit? ad superbiam ergo evertendam, quantus es insurge, eamque frequenti submissione ex alto dejicere, & nullo non die sub jugum mittere conare. ad ima descende, ubicunque supercilium & fastus in altum te invitat; in omnibus subesse disce. Libido te stimulat? ad libidinem ergo coercendam, omne consilium confer. hoc cogita, hoc meditare; quibus artibus hanc pestem à te penitus excutias: cave & fuge quicquid vel libidinis suspicionem olet. Quæcunque pudica, quæcunq; casta sunt, grata tibi sint & amabilia. sentiat te libido capitalem hostem, & sibi nusquam non adversari. Qua vero ratione contra libidinem unoquoque die fias robustior, sub noctem cum tua ipse conscientia expende. Idem assero faciendum cum aliis universis vitiis. Præclare dixit Musonius, eos qui sani esse velint, ita vivere debere ut perpetuo curentur. Nisi hoc agimus, frustra agimus. Nunquam non intenti simus in



## 72 DE CVLTV CONSC.

hanc animi curam, qui animo valere vult, diligentiam assiduam conferat in hanc valetudinem. Illud autem caput rei est, nosse in quod quisque vitium feratur proclivius. Si sic, Gerarde, inquilino malo mederi vellemus, è facili & brevi possemus sanari.

At nos sæpe decimamus mentham, & anethum, & cuminum, & relin-  
 Matth. quimus quæ graviora sunt legis; ex-  
 c. 23. v. colamus culicem & glutimus came-  
 24. lum. Terrores conscientiae nescio quos in minimis fovemus, & negligimus maxima, integro brachio emplastrum imponimus, cum exulcerati renes suppurent. Quid agis homo? tu tuum ulcus cura: tu tuam iracundiam persana, tu fastum & tumorem tuum deprime, tu tuam libidinem extingue: at tu invidiam tuam digere, tu gulam substringe, &  
 Ep. 68. de hoc tecum ipse loquere. Quid autem, inquit Seneca, tecum loquaris? quod homines de aliis libentissime faciunt, de te apud te male existima. Assuesce & dicere verum, & audire (præsertim à teipso.) Id autem maxime tracta, quod in te esse infirmissimum senties. Nota, Gerarde, nota: ei parti præcipue medendum judicat Romanus Sapiens, quam senserimus infirmissimam. Et hoc indeliquet. nota habet quisque corporis sui vitia: itaque alius medicamentis

camentis exterforiis levat stomachum, alius interposito jejunio corpus exhaurit & purgat. Hi quorum pedes dolor repetit, aut vino abstinere aut balneo; in cetera negligentes, huic à quo sæpe infestantur, occurrunt. Sic in animo nostro sunt affectæ partes, in pectore collectio & vomica est, cui adhibenda curatio. Quales vomicæ, quam maligna ulcera, Superbia, Libido, Avaritia, Invidia? Quocirca quotidie ulcus tuum cura, vomicam tuam exerge, aut crescente malo interibit animus. Et hic est modus sua dicta, facta per diem exacte recognoscendi, si quis conscientiam suam *integre, si accurate, si Dolenter, si Constanter, si denique Accommodate*, ut jam diximus, conetur excutere. Vnum hoc superest, non scire hæc tantum sed exsequi, & usu quotidiano facere faciliora. Ger. Etiam de partibus hujus examinis dicturum te spero.

## CAPUT VI.

*Examinanda conscientia quot, & quæ sint partes.*

## POLYCHRONIVS.

Es pridem nota; plerique omnes, R quibus de hac re sermo, partes assignant *Quinque*, quas nunc paullo explicatius proponemus.

E 5

I. Pars



## 74 DE CVLTV CONSC.

In cō-  
stit.  
mon.  
cap. 2.  
post  
init.

I. Pars prima: *Gratias agere Condi-  
tori, pro acceptis beneficiis.* D. Basilio  
teste, optimus precum prologus est,  
Gratiarum actio. Et hæc, vel ea  
etiam de causâ, loco principe po-  
nenda, ut nostra improbitas libera-  
litate divinæ collata, vehementio-  
rem nobis pudorem incutiat. Hac  
prorsus methodo divinus Nathan,  
unâ cum Hebræo rege Davide con-  
scientiæ examen orsus est. Primo lo-  
co quæ Deus in eum beneficia con-  
ferta manu effudisset, recensens:  
Rex, inquit, unctus es, insidias Sau-  
lis evasisti, domum opulentissimam  
nactus es, imperium tibi in Israe-  
lem & Iudam commissum est: & si  
quidem tibi parva hæc videntur, pa-  
ratus est Deus adjicere majora. En,  
quam suaviter & aulice (sic dicam)  
rex iste invitatur ad agendas gratias.  
Hoc primum istius examinis ca-  
put. Alterum: mox enim cæcitatatis  
illum insimulans, & oculos adhuc  
2 Reg. 12. v. 9. & seq. clausos vi diducens: *Quare, inquit,  
contempsisti verbum Domini; ut face-  
res malum in conspectu meo?* Hoc se-  
cundum examinis caput, cui mox  
adjunctum & tertium hoc modo:  
Vriam occidisti, uxorem illius ra-  
puisti, adulter & sicarius, gemini  
sceleris compendio. Ergo, primum  
in hac conscientie tractanda causâ,  
caput est, Agere Deo gratias. om-  
nia facienda sunt ut Deo quam gra-  
tissimi

tissimissimus. Et quid enim Numini magis debemus quam gratiarum actionem. Dei beneficia nostris non tantum non vincere, sed nec exæquare; non tantum non paria iis, sed nec inferiora possumus reddere. Tanti nos non sumus, ut in Deum possimus esse benefici. penes nos sola est potestas referendæ gratiæ. Quotidie, quavis hora, (quid dico?) quovis momento, alia atque alia beneficia confert in nos Deus. singulis momentis hoc agit, perinde si nos recens & denuo creet, atque insuper donis auget quam plurimis. Et quod hoc monstrum ingrati animi, in tantorum beneficiorum mari natare, & nec semel quidem per diem benefactoris meminisse? miselli, nec digitum quidem movemus, Deo non juvante, à quo nobis cibus, potus, vestis, corpus, animus, bona omnia. Quid autem hoc magni sit, semel per diem oculos cælo attollere, & benefactorem suum venerari his oculis, *Ago gratias.* Num possumus liberalissime danti, minus reddere? qui meminit, sine impendio gratus est. Pluit in nos beneficiis Deus, idque sine mercede, & nobis grande quid videatur aut grave, vespere fateri & dicere: *Accepimus.* O mortales tam beneficiorum avidi quam iis ingrati! quoties hominem exuitis & in bestias.



bestias degeneratis? sit verbo venia, sic solent porci sub ilice pascentes, in dejectum pabulum cupidissime feruntur, quis dejecerit, curæ ipsis non est; quicquid oculorum habent, in glandibus hæret, ad pastorem suum in arbore non suspiciunt. ita nos novis semper cupiditatibus occupati, non quid habeamus, sed quid petamus, inspicimus, non in eum qui dat, sed in illud quod datur, intenti. Nihil carius æstimamus quàm beneficium quamdiu petimus: nihil vilius, cum accepimus. Sæpe apud nos & gratia beneficii, & memoria omnis adeo intercidit, ut nec confessione quidem grati simus. Quod in prima parte animi positum esse deberet & semper occurrere, ita seponimus ac abjicimus, ut in oblivionem ac ignorantiam vertatur. Inde non mirum, inter plurima maximaque vitia nullum esse frequentius, quam ingrati animi crimen. *Ger.* Puteo ego, Polychroni, plurimos hominum non improbitate ingratos esse, sed oblivione. *Pol.* Et hoc tibi videtur non grandis culpa? Ingratus est, si Senecæ credimus, qui beneficium accepisse se negat, quod accipit: ingratus est, qui dissimulat: ingratus, qui non reddit: ingratus, qui non reddit: ingratus, qui oblitus est. En, obliviosum infra omnes deprimat: & apparet, illum non sæpe de reddendo cogitare,

Lib. 3.  
de Benef. c.  
1,

cogitare, cui quidem obrepit oblivio. Et hanc turpissimam oblivionem pars prima in examine conscientiae nobis eximit, quæ hoc unum apertissime monet: *Age Deo Gratias.*

II. *Pete lumen à Deo*, cernendis erroribus per diem illum commissis, pars altera est examinis istius, & quidem summe necessaria. In vitiis alienis lynces, in perspiciendis propriis talpæ sumus. Nævus nostros ab aliis videri aut notari non ferimus, nec eos ipsi videmus, nec tamen cæcutire nos fatemur. In his tenebris lumine è cælo nimis quam egemus, ut cernamus tandem errasse nos. Eo hoc conscientiae iudicium instituitur, ut quis meliorem se ipse quotidie faciat ut aliquid ex erroribus suis ponat, ut intelligat sua esse vitia, quæ putarat aliorum. Iucunde narrat Seneca, onus hæreditarium sibi <sup>Epist.</sup> in domo remansisse, uxoris suæ fatuam Harpasten. hæc subito desinit videre, nesciebat tamen se cæcam esse, & subinde pædagogum suum rogabat ut migraret, neque oculis suis sed ædibus culpam impingebat, agebat enim domum esse tenebrosum. Hoc, inquit Annæus, quod in illa ridemus, omnibus nobis accidere, liqueat tibi. nemo se avarum esse intelligit, nemo cupidum.

Crebræ sunt conciones, quæ in  
Avari-



78 DE CVLTV CONSC.

Avaritiam, in Superbiam, in Libidinem, in Iracundiam & Invidiam, in Vfuram & improbum Fœnus, in fraudes & dolos disertissime invehuntur, sed quam paucos reperias qui sibi ipsis oggerant: Hæc tibi dicuntur, tu ille Avarus, tu Superbus ille es, tua Libido damnata est, tua Iracundia, Invidia tua hodie flagellata est, tu es ille nequam fœnerator: hoc sibi nemo infusurrat, nemo. Plerique omnes dicere solemus: Euclyonem illum sordidissimum hodierna concio insigniter perstrinxit; litigiosum vicinum meum optime notavit Ecclesiastes; suis elogiis hodie ac titulis insigniti sunt superbi: contra Venerem acriter hodie dictum est; Iracundos hodie frigida perfudit concionator; certe Invidis excussit dentes; notus ille in foro usurarius non immerito è cathedra vapulavit. Ita suaviter à nobis saluberrimam concionis acrimoniam in alios derivamus, nec fatemur nos tales esse quales depinguntur, & quis est qui in se commotior sibi dicat? *Tu es ille vir, qui fecisti hanc rem.* Cœci sumus, & tamen, cum cœci ducem quarant, nos sine duce erramus, & dicimus: Non ego ambitiosus sum, nemo aliter Monachii, nemo Augustæ aliter potest vivere; urbes ipsæ magnas impensas exigunt. Non est meum vitium

Reg.  
12.v.  
7.

vitium quod iracundus sum, quod  
pestimos non laudo, quod liberior  
vivo; illud natura, hoc adolescen-  
tia facit. ita difficillime ad sanita-  
tem pervenimus, quia nos ægrotare  
nescimus, aliena discutientes, ut Hom.  
loquitur Chrysostomus, & propria 43. in  
non inspicientes. Matt. Dic tu jam, Ge-  
rarde, an non opus sit lumen à Deo  
petere, ut nostros ipsi errores depre-  
hendamus, accusemus, puniamus?  
Et hæc vespertini examinis, ut dixi,  
pars altera est, cupere suum malum  
nosse. *Ger.* Venia tua, Polychroni,  
hæc inter prima litterarum rudi-  
menta puer didici. Agendas Deo  
gratias, scimus: petendum à Deo  
lumen, & hoc scimus. sed, an sola  
mente, an conceptis verbis, & qui-  
bus id faciendum, hoc arbitror,  
multi nesciunt, quod tu tamen non-  
dum docuisti; hanc à te institutio-  
nem sperabam, cum de modo ex-  
plorandæ conscientiæ differeres. *Pol.*  
Num vidisti, obsecro, libellum, cu-  
jus frons hanc præfert inscriptio-  
nem, *Horologium tutelaris angeli?*  
Hoc opusculum hora diei duodeci-  
ma (hæc ejus est partitio per horas)  
verbis conceptissimis docet, quî u-  
trumque illud sit præstandum. Re-  
petam id in tuam gratiam. Deo a-  
gendæ sunt gratiæ, hoc modo:

O inf-



80 DE CVLTV CONSC.

*O infinita Bonitas, gratias tibi ago pro omnibus beneficiis tuis, quæ mihi hodie & tota vita mea contulisti. tibi laus & gloria in infinitas sæculorum myriadas. Lumen à Deo sic petendum:*

*O immensa Majestas, da ut quicquid tibi hodie in me displicuit, id mihi in memoriam integre redeat.*

En tibi precandi formulas. Aut, si mavis, cum Iobo Deum alloquere:

Iob. c.  
13. v.  
23.

Quantas habeo iniquitates & peccata? scelera mea, & delicta mea ostende mihi. Habes meliores? utere iis. cupis prolixiores? inventis addere, non magnæ artis est. vis breviores? hoc te velle vix puto, nisi omnino nolis precari. satis breves sunt precatiunculae istæ, sed & longæ satis, modo non in solis labris nascantur, sed magno & ardente affectu, è corde ad Deum recta evolent. ideo enim tam breves proponuntur in exemplum, ut in eas minus possit licere vagis illis & importunis cogitationibus.

II. Tertia pars in trutinanda conscientia est, secum hoc disquirere: *quid feci?* quæstionem hanc sequatur altera: *quid dixi?* sed & ulterius progrediendum interrogando: *quid cogitavi?* imo etiam quærendum: *quid non feci?* quid omisi, quid neglexi faciendum? Vbi hæc tuam conscientiam interrogaris, audi & tace; attende quid illa respondeat. Conscientia:

scientia natura sua tam est facunda & impatiens silentii, ut iussa dicere, mox quicquid sciverit, eloquatur. Citharædus aut fidicen si vel digittulo uno chelyn suam aut testitudinem carpat, vocem illa protinus reddit: ita conscientia velut garrula & sonora chelys, vix tacta respondet, & suam homini malitiam exprobrat diserte. Reticere illa & celare non novit, nisi proluxa nequitia & scelere continuato exsurdata, & jam propemodum extincta. Si sana sit, modo ei dicendi sit locus, non tacebit, præsertim interrogata: modo ei vespere loquendi detur spatium, fidei narratione totius diei gesta percensabit: ubi dubitaverit, hoc ipsum, dubitare se, candide fatebitur. Ergo suam quisque conscientiam loqui sinat vespere, non experietur mutam. quod si vel sola lingua & oculi ad hoc conscientia tribunal citarentur, satis esset rerum discutiendarum. Quid die uno unica lingua malorum aut etiam pessimorum verborum non effundit? quid non delinquant oculi, lenones omnium vitiorum, & raptores ad culpam? Et quanta egent discussione vel tantum preces nostræ? An non hic quaerendum? Num me ad precandum disposui? an preces statas & debitas recitavi? an ad id quod precabar attendi? an cogitationibus meis libe-



## 82 DE CVLTV CONSC.

ram evagationem & excursum permisi? an oculos inter orandum continui? an verba præcipiti lingua deproperavi? an voces fastidio se & frigide pronunciavi? an sub precibus in somnum declinavi? an instar somniantis, sine sensu & affectu, ore solo, quod cor nesciret, demurmuravi? Crede mihi, delicata res est, serium ac plenum formidinis negotium, cum Deo colloqui. Si uspiam in ulla re, hîc certe attentione, opus vigilantissima: Deus non irridetur. Ita longa satis & intricata est quæstio, *Quomodo orasti?* Vbi jam ceteri errores per diem & lapsus? Ego quidem existimo, noxas quotidianas plerasque omnes hoc brevissimo indiculo contineri. En illum:

Ad  
Gal.c.  
6.v. 7.

Qualis	{	In precibus, & re	}	fuiſti?
		divina,		
		In occupationi-		
		bus,		
		In verbis & sermo-		
		ne,		
		In mensa,		

An nihil hodie temporis perdidisti?

An nulli detraxisti, neminem offendisti?

An nunquam iratus, nunquam impatiens extitisti?

An omnes malas, acerbas, impuras cogitationes repulisti?

An quod heri statueras tibi faciendum,

ciendum, aut cavendum, fecisti hodie, aut cavisti?

Si quæ graviora sunt rixarum, perjuriorum, furtorum, ebrietatis, libidinis & luxuriæ peccata, in memoriam facile revocabit conscientia; modo illa loqui permittatur, non dissimulabit has animi labe; producet in medium hæc monstra, ut plestantur. Conscientia, fidelissimus est antigraphæus noster, à Deo assignatus, qui, quotiescunque postulatur, rerum à nobis gestarum commentarium producit. Ita pars tertia examinis vespertini hoc præcipit:

*Expende quid peccaris.*

I V. Priorem illam ordine naturæ sequitur hæc quarta pars: *Peccatorum veniam precare.* Formulæ, quibus & antea deprecemur, & futura constituamus, hæc sunt:

*O inexhausta Misericordia, ignosce mihi quicquid hodie peccavi contra te. Ego omnes offensas hujus diei, & totius vite meae, in abyssum misericordiae tuae depono, & per mortem Filii tui te precor, ô Deus, dimitte mihi quicquid unquam in te peccavi.*

Emendationis consilium & conatus sic restaurandus:

*O Aeterna Sapientia, Christe Iesu, firmissime propono, non peccare amplius.*

Quarta ergo hujus examinis pars est, supplicium pro merito ab se deprecari. *Tœnitentiam itaque age ab hac.*

F. 2. requi-



Aët.  
c. 8.  
v. 22.

*nequitia tua, & roga Deum, si forte remittatur tibi hac cogitatio cordis tui. Ah, quoties toti dies nobis effluunt, quibus nec semel quidem recordamur Dei, æquissimum prorsus ut vel sero tandem, sub finem diei, cum dolore & gemitu vagabunda mens redeat ad Deum. Moyses Deo familiarissimus, promittens: Cumque quaesieris, inquit, ibi Dominum Deum tuum, invenies eum, si tamen toto corde quaesieris eum, & tota tribulatione animæ tuæ.*

Deut.  
c. 4.  
v. 29.

*Quæri vult offensus Deus, vult & inveniri, sed ab iis qui quanta possunt industria quærunt: invenies eum, si tamen toto corde quaesieris eum, & tota tribulatione animæ tuæ. Non ignorarunt hoc puræ conscientiae amatores. quantis enim lacrimis sanctissimi homines deflexerunt nævos non grandes, crimina non summa, verbulum imprudentius, molliorem offensam, risum leviolem, copiosiorrem cœnulam, aspectum incautiorrem, negotium solutius curatum, temporis exigui dispendium, cogitationem tardius expugnatam, sanctioris operis licet non imperati neglectum, aliaque ejuscemodi piacula minora. Hinc ille manum, hinc linguam, iste oculum pœnis mulctat gravissimis post errorem non magnum. Euagrius sacerdos, ob nescio quod detractionis verbum semel prolatum, dies quadraginta, per dius*

Theo.  
in Hist.  
SS.  
PP.  
sect. 4.  
Cass. l.  
7. coll.  
c. 27.

dius & pernox sub dio perduravit. Eusebius monachus ob oculos in agriculturalum opus evagatos licentius, & hos & omne corpus severissimis legibus castigavit. Moyses abbas responsum duriusculum horribili luit supplicio. Maurilius episcopus, quod pueri mortem sacro fonte non pravenisset, seipsum sede sua emovit, & peregrinationis pauperrimæ damnavit. Maria Ogniacensis, in commemorandis vesperti actionibus suis, si vel minimas noxas deprehendisset, acerrimo dolore in eas vindicavit. Timeri vult Deus, etiam ab amicissimis. Proclamat David : Timete Dominum omnes Sancti ejus. Injuriæ Deo illatæ, etiam minimæ, dolore non perfunctorio expiandæ sunt ; ex imo pectore trahatur gemitus, quo peccatum abolere cupimus. Placari se finit Deus, sed *tota tribulatione animæ*. Regii vatis monitum est : Et in cubilibus vestris compungimini. Nisi dolor de diurnis lapsibus conceptus pungat animum atque fodiat, vanus est, & obtusus sine mucrone gladius, non penetrat saxeam mentis duritiem. Tale sequetur *Cras* alterum, quale præcessit *hodie*. sic multa agendo nihil proficimus, semper discentes, & nunquam ad scientiam veritatis pervenientes. Dolor de offenso Deo sincerus & pungens, non solum noxas præteritas delet, sed &

Iac. de  
Vitr. l.  
1. vitæ  
illius  
cap. 6.

Ps. 33.

v. 10.

Ps. 4.

v. 5.

2 Tim.

3. v. 7.



cavet futuras : Satis est, ait , lapsum esse, tu jam provide, ne lapsu repetito gemines malum ; attende tibi ne posthactanti emas poenitere. Nota vox Caligulae , cum occidendum juberet lentius torqueri: *Sic feri, ut mori se sentiat.* Idem & huic dolori esset imperandum : *Sic punge, ut sentiat se peccasse.* Idcirco non semper satis erit dolere , nisi & sentias unde plus doleas. Adjungendus erit quandoque comes dolori, afflictatio voluntaria. Fecerunt id integerrimae vitae homines. Fuit, qui ubi deprehendisset vesperi crebrius se verbo lapsum, dentibus linguam acrius commordendam objiceret. Germanis verbum vetus est : Suavius digitum admordeas , quam haec talia lingua effutias. Fuit, qui errores suos , quos noctu observasset , flagris expiaret , & poenam hanc ad delicti modum attemperaret. S. Agathon ut filere disceret, ipso triennio lapillum ore versavit. S. Ignatius Loyola circa initia sanctioris vitae , contra risum sic dimicavit , ut quoties per diem serisisset numeraret , tot sibi plagas ante somnum infligeret.

Non satis est, mi homo, ut tuus ipse sis accusator, & testis , & judex, nisi sis ipse tuus carnifex. Multi sunt errores, quos etsi defleas, eosdem tamen facillime repetes, nisi & punias. Ejus genii est Caro , ut ubi aliquid

furtivi

furtivi mellis gustarit, ad furtum identidem redeat, nisi flagellata discat, deinceps nolle furari. Mos erat priscis monachis, si quis silentii leges violasset, triduo sine mensa simul ei prandium & coenam (sed postquam non sunt lavandæ manus) hoc est, panem cum frigida apponere. Nimirum tacere citius non discit incontinens lingua quam ab hoc pharmaco.

Hic insuper afflictationibus voluntariis, offenso Deo facile satisfacimus, & favorem illius ad ampliora <sup>Senec.</sup> emeremur. Parum habet obsequii <sup>ep. 66.</sup> & meriti, quod ab invito, quod à coacto fit. Honestum voluntarium est: admisce illi pigritiam, querelam, tergiversationem, metum; quod habet in se optimum, perdidit. *Voluntarie* <sup>Pl. 54.</sup> *sacrificabo tibi.* Hoc nomine Daniel <sup>v. 8.</sup> vates se suasque preces mire Deo commendavit. Nam & Angelus recreando illi submissus: *Noli, inquit, metuere Daniel: quia ex die primo, quo posuisti cor tuum ad intelligendum ut te affligeres in conspectu Dei tui, exaudita sunt verba tua: impetrasti quod rogabas, quia precibus rogasti armatis.* Suavissimus Deus facillime se finit expugnari, si preces armentur jejuniis, aliisque corporis castigationibus. Infantulus, si lacteum fontem à matris ubere, signo solum aut plaudentibus ma-



nibus poscat, sæpe fert repulsam, nam subinde aut negat mater, aut differt, at si ploratu & contentiosis lacrimis agat, ac seipsum affligat flendo, non continent se diutius materna viscera, jubent dari quod sic flagitat. Ita fere nobiscum bonus Deus solet agere. Optimæ sunt preces illæ: Domine, da mihi constantem patientiam. Mi Domine, largire donum castitatis. Da, ô Deus, victoriam in hoc prælio. Amem te, mi bone Iesu. O Christe, fac me mitem & humilem. Optimi desiderii sunt hæ petitiones, sed si solis constent verbis, interdum repulsam, frequenter dilationem patientur. Suos Deus impensissime amat, tunc autem maxime, cum cernit eos sponte afflictos. Hinc illa tam crebro imperata:

Lev.c. *Affligetis animas vestras. Omnis anima*  
 16.v. *quæ afflictæ non fuerit die hac, peribit de*  
 29.& *populis suis. Si voverit & juramento se*  
 31.& *constrinxerit, ut per jejunium vel cetera-*  
 c.23. *rum rerum abstinenciam affligat animam*  
 v.27. *suam &c. In quæ verba Origenes: O*  
 & 29. *mira, inquit, festivitas! dies festus*  
 Num. *vocatur, animæ afflictio. vide ergo si*  
 c.29. *vis diem festum agere, si vis ut læte-*  
 v.7. & *tur Deus super te, afflige animam*  
 c.30. *tuam, & humilia eam: non ei per-*  
 v.14. *mittas explere desideria sua, nec*  
*concedas ei lasciviis evagari: cum e-*  
*nim afflictæ fuerit anima & humi-*  
*liata in conspectu Domini, tunc re-*  
*pro-*

propitiatur ei Deus. Ita omnino solet optimus Deus ; sibi charissimos in deliciis non nutrit, sed assidue mergit dolorum & amaritudinum mari. Ergo, cui animus est dolore peccata expungere, serio doleat, & ut sentiat se dolere, ultro subinde addat, quod fodicet refractariam carnem. Videat reus ad hoc tribunal consistens, ut gemitibus, suspiriis, lacrimis, quandoque & flagellis, aut aliis ad institutum aptis suppliciis, quibus hîc decernendis proprius locus est, labes animi expientur: hoc agat unice ut cum Deo suo in gratiam redeat, & offensum placeat, quacunque de seipso sumpta vindicta: non expectet ultorem Deum, sed voluntariis pœnis sœviora supplicia deprecetur. Nec prius in dulcem declinet lumina somnum, quam Deum & Cælites ex offensis propitiatos sibi habeat atque reconciliatos. Et hæc quarta pars hujus examinis : *Peccatorum veniam precare.*

V. Sequitur ultima : *Emendationem quam maxime seriam propone.* Vis omnis & efficacia nocturni hujus judicii, non in audiendis testibus sita est, sed in sancta erubescencia, in dolore legitimo, in severa sui ipsius vindicta, in solerti culparum castigatione, in generoso animi proposito, non deflectendi amplius à vero re-



etoque tramite virtutis. Hic quisque  
 cor suum dirigat in viam rectam: sta-  
 tuat apud sese alius esse aliis atque a-  
 liis diebus, & in eam rem, pœnam  
 sibi sanciat, si, quæ recte proposuit,  
 tardius aut nunquam exequatur.  
 Deprehendit quis forsan hodie mi-  
 nus pudicum oculum, magis effre-  
 nem linguam; illi pudicitiam, huic si-  
 lentium imperet, in utroque mem-  
 bro nimiam libertatem castiget. Fuit  
 fortasse alius quis in precibus som-  
 niculosus aut vagus, ad fabulas at-  
 tentus & vigil: somni & cibi plus æ-  
 quo liberalior, stipis erogandæ par-  
 cior: forsan obedire iussus non pa-  
 ruit, silere monitus non tacuit, ad  
 meliora instructus non audivit, ad  
 divina cogitanda incitatus, fastidi-  
 vit: jam ergo apud animum suum  
 decernat, in precibus vigilare; aure  
 surda fabulas & quicquid est obscœ-  
 ni colloquii transire; somnum & ci-  
 bum ad dimensum sibi dare; stipem  
 liberalius erogare; negotium salutis  
 contentius curare, æterna præ his  
 fluxis avidius aspirare. Quod si Athe-  
 niensem se esse observet, qui sem-  
 per decernat, nunquam faciat quod  
 decrevit, mulctam etiam addat, &  
 à seipso pœnas exigit. Ita duo juve-  
 nes illi Beatissimæ Virginis matris  
 Sodales fecere, qui ante quindecim  
 annos litteris atque virtuti navan-  
 tes, examen conscientiae hunc in  
 modum

modum instituerunt. Ille quidem prior in minimas etiam labeculas severe vindicavit, nec sibi met ignovit, nec timidam censuram exercuit, rigidus in se testis, & accusator, & vindex. quotquot enim noxas in pugillares suos referebat, tot sibi reo colaphos infrungebat generosa manu. O dextram heroicam, & præ ambusta illa Scævola robustam! Nam nisi Mutius spectatores habuisset, ad ardentem foculum dextram non rapuisset: juvenis ille quia solus & sine teste, suam in se manum armavit, spectatores habere meruit & laudatores superos Divosque omnes. Idcirco poeta, suum illud de hoc verissime pronuntiavit:

Martial. l.  
i. epig  
34.

Ille dolet vere, qui sine teste dolet.

Alter, huic non multum impar, quotquot vana seu otiosa verba per diem proximum excidisse sibi annotasset, tot terræ fixit oscula, simul & minatus sibi suæque dicacitati Virgilianum illud:

Post mihi non simili poena commissa luetis.

Et, redeas modo: ajebat ipse secum, cum tot linguæ delictis, non ea os tantum, sed & tergum sentiet. Hoc est seipsum gloriose in triumphum ducere pompa non magna. Addo & tertium, si libet audire. *Ger.* Totus jam auris sum. *Pol.* Miles fuit, qui



## 92 DE CVLTV CONSC.

qui in pessimam jurandi, & quod huic vicinum, pejerandi consuetudinem deflexit: tandem adducto in consilium animo, sic ipse secum loquebatur: Vide, animum venalem circumfers, & mors tibi in oculis semper est; quocunque stes loco, sepulchrum tuum calcas: vel unius tantum glandulæ sibilus te tangat, & totum hoc egisti, *mori*. At quod ires si sic obires in tanta vivendi, jurandi præsertim & pejerandi licentia, (ô bonam conscientiaæ propriæ accusationem!) quid anima tua fieret? Agedum, legem tibi figo, quam aut violes nunquam, aut illico violatæ des poenam. Lex hæc erit: Nunquam in posterum jurare, aut terram toties osculo salutare, quoties jurare contigerit. Et hanc ego legem, si vir, si miles sum, sanctissime servabo, ita me Deus amet, & hoc meum decretum fortunet ac firmet. Sed audi obsecro rei eventum admirabilem. Conflictus instabat cruentus & atrox, nec nisi multorum sanguine finiendus. Concurrent tandem acies geminæ, & suas quisque vires in altero experitur: illi comminus acriter instare, isti haud timidi resistere, inter quos noster hic miles fuit. Volant utrinque glandes ferreæ, incerti ictus, vulnera improvisa, utrinque cædes & funera plurima. Inter hæc miles ille, quem dixi,

legis.

legis suæ immemor, devotiones pessimas deprecari, diris hostem omnibus execrari, omnia demum alia contra animi sui propositum & dicere & agere. At en, in ipso prælii ardore, legis à se latæ recordatur, nec differt aut deliberat, sed mox pronus ruit in terram toto corpore, & matrem suam osculatur. Dum hoc facit, glans ignita ferrea supra tergum jacentis volat, ictu certissimo trajectory stantem, quem jacentem impune transiit, & sine omni noxa. Non multo post prælium inde diremptum, ille salvus è cruento campo digressus, & narravit ipse, & ab aliis narrari audiit quod in se observassent: Deum etiam miraculi providentissimum auctorem veneratus est, hancque sibi legem æternam esse voluit, ut toties pronus in terram rueret, eamque lingua lamberet, quoties lingua peccasset. Factum egregium, & conscientiæ probum examen. imitari possumus, imo debemus, aut cælum fugimus. Nam Paulinum illud æternum & inconcussum manet: Quod si nosmet-<sup>I Cor. c. II. v. 31.</sup> ipsos dijudicaremus, non utique judicaremur. Iudicis autem est, non tantum absolvere, sed & damnare, & mulctam dicere. Accusatores & testes ridiculi sumus, nisi simus & iudices in nos metipsos, & plectamus quicquid male deliravimus. Utique utilissi-



94 DE CVLTV CONSC.

utilissimum est, & emendationis ser-  
riæ principium, pro noxarum modo  
& numero, etiam poenam injunge-  
re. exemplum nobis positum sit hu-  
jusmodi, multâ sibi met irrogantis:

1. Orationem Dominicam & An-  
geli salutationem jam quinquies  
recita.
2. Psalmum quinquagesimū (Mi-  
serere &c.) passis brachiis, &  
lente, mox pronuncia.
3. Precum hodie segniter omissa-  
rum neglectum, nunc compensa.
4. Ob tale delictum jam toties  
repetitum, coena semel abstine.
5. Carnis petulantiam, aut nunc  
flagro, aut cras mitiga cilicio.
6. Graviora meritis, terram no-  
vies osculare, & sepulchrum co-  
gita.
7. Quia famæ aliorum detraxisti,  
nunc tuæ detrahe pecuniæ, &  
tot sestertios cras in stipem ex-  
pende.
8. Pro iis quos offendisti hodie,  
crastina tot preces persolve.
9. Inter tot oculorum, linguæ, au-  
rium, cordis & operis noxas,  
Confessionis & Eucharistiæ Sa-  
cramenta, ad illum aut illum  
diem repete.

Hæc vero in specimen duntaxat  
proposui monstrandæ rationi, qua  
quis seipsum, ut reum suo bono pu-  
niat, si quidē proficere cupiat ad vir-  
tutem.

tutem. Alia atque alia pro gravitate aut numero culparum, aliis atq; aliis diebus sibi quisq; imperet. Ita quinque sunt partes, ut jam demonstratum est, vespertini hujus judicii:

1. Age Deo gratias.
2. Pete lumen à Deo.
3. *Expende quid peccaris.*
4. Peccatorum veniam precare.
5. Emendationem quam maxime seriam propone.

Sed quæso te, Gerarde, dic etiam tu aliquid, ut duo simus: nolo mihi tradas omnes loquendi vices. *Ger.* Si ita vis, Polychroni, loquar equidem, sed contra te: multa hîc habeo obducere. Examen conscientia multa sunt quæ suadeant, neque id nego, sed æque multa sunt quæ impediunt. Sit hoc genus sacri studii utilissimum, sit omnino necessarium, quam id autem multis sit factu difficile, facilis conjectura est. *Pol.* Age, Gerarde, adversare quantum placet; oppositionum plaustro non terrebis.

C A P V T VII.

*Examine conscientia obijci solita diluuntur.*

G E R A R D V S.

O Ptime te dixisse affirmarem, si ad Examen conscientia instituentum, tantum mihi semper otii esset, quantum animi. *Pol.* Itane vero, Gerarde,



Gerarde, tam occupati sumus? tam non vacat parare se cælo? Et quis nostrum æque multis districtus est, atque fuerat rex David? & tamen media nocte surgebat, lingulis noctibus conscientiam excutiebat, septies de die preces fundebat. Sunt hodieque optimates, principes, reges, qui quotidie vesperi multum temporis huic curæ impendunt. Illis hoc tempus superest, & nobis desit? præ illis nos in otio sumus, & vacamus. Et quod illud negotiorum aut occupationum genus tam varium ac multiplex, ut ante salutem animi curandum sit? Et quamvis tempus deforet ad petendum cordis sui secretum vesperi, pars tamen studiis potius aliisve negotiis detrahenda esset, quam omittendum illud. Adeo vilis est nobis animi salus? ecquid ei minus demus? pretiosissima gemma est Fama bona, at si hanc retinere non possim nisi velim perdere conscientiam, dico libere; abi Fama, abi, abi: mea mihi carior est conscientia.

Senec.  
ep 81.  
circa  
med.

Et hinc illud Anxi libenter, exaudio: Nemo, inquit, mihi videtur pluris æstimare virtutem, nemo illi magis esse devotus, quam qui boni viri famam perdidit, ne conscientiam perderet. Vere magnum & majus

Bern.  
c. 21.  
de int.  
dom.

bonis omnibus est *Tranquillitas animi*. Tranquilla conscientia est, inquit Bernardus, quæ omnibus dulcis est, & nulli

& nulli gravis, utens amico ad gratiam, inimico ad patientiam, cunctis ad benevolentiam, & quibus potest ab beneficentiam. Huic comparanda, non ego partem horulæ libens quotidie impendam? Abite litteræ, si non possim esse doctus, nisi simul sim impius, Abite. Quid mihi cum Grammaticorum libris, quando meæ conscientiaæ librum inspicere oportet? illi de litteris, accentibus, syllabis, disputationibus altercantur, iste me vitiis docet obsistere. quid mihi syllabarum enarratio, verborum diligentia, fabularum memoria, quid versuum lex ac modificatio, si meipsum ignorem? Quid mihi cum historicorum, poetarum, philosophorum libris, qui non raro vana, ridicula, spinosa, incerta, falsa, obscœna propinant. Procul ô procul omnes hos codices, si propter illos conscientiaæ meæ liber sit negligendus. Quid mihi Medicorum, quid Iurisconsultorum aut Theologorum volumina, si nequeam conscientiaæ meæ inextricabile volumen quotidie inspicere: illa alia febrim pellere, aut litem componere, aut religionem propagare me docent, at vero hic conscientiaæ codex docet me quî meipsum nosse possim, & melior fieri. Clarissime de hoc Bernardus: Vnicuique, ait, liber est sua

Lib. de  
consc.



cutiendum & emendandum omnes alii libri inventi sunt. Anima vero cum de corpore egreditur, nullum alium librum præter librum conscientia secum poterit portare, atque in illo cognoscet quo debeat ire, vel quid debeat recipere. Ex his quæ scripta erunt in libris nostris, iudicabimur. Illos ergo aliorum scriptorū libros rejicere non debeo, sed hunc quem Deus scripsit in corde meo, præferre. Ergo cedant alii, cum iste mihi legendus & corrigendus est.

I. *Ger.* Legendum hunc librum non nego, sed legendum in quiete, procul turbis & strepitu. At impediri multos & turbari sæpius, facile crediderim, & ego id domi meæ satis experior. *Pol.* Quæ demum hæc impedimenta, quæ turbæ? Si conscientia sit locus, ut plurimum aut fabulæ nos impediunt, aut somnus; nam ita quidam cœnare solent, ut mensam inter fabulas claudant, ubi fabularum satis est, jamque somnus invitat, & ocelli nictant ac clauduntur, tum vero rectissima via itur ad lectum. Hic raptim unoque tractu diffibulatur thorax, volat collare, excutiuntur pedibus soleæ, fluunt reliquæ vestes omnes; ita denique excussis abjectisque laciniis, uno saltu lectus insilitur, operitque suum Curtium mollis hic & plumeus hiatus. O festinationem alibi malam, hic pessimam.

peſſimam ! quis ita ad ſcholam uti ad menſam , ad templum uti ad lectum , ad laborem uti ad ſoporem properat ? an non prius figendi humi poplites , cælo manus extendendæ , preces ad Deum fundendæ , elapſæ diei acta omnia repetenda ſunt ? ita beſtiæ ſomnum ineunt , ut ubi notum cubile obtinent , primo ingreſſu terræ afſundantur , membrisque projectis corpore toto ſomnum admittant. Vincere has debet , qui homo eſſe vult , ne dicam Chriſtianus , Catholicus , Religioſus. Somnus licet urgeat ac invitet blandiſſime , moram tamen is ferre & pati imperium poteſt ; diurna licet fatigatio lectum monſtret , & quietem anhelet. illa tamen ad horulæ partem dilata non ſuccumbet.

II. Ger. At difficilis eſt luſta contra blandientem ſomnum ; fatigato protracta quies , crux eſt maxima. Pol. Sed obſecro cogitemus , mi Gerarde , quotieſcunque ſerus nobis obtingit veſper , adſtare tutelarem Angelum , adeſſe cæli Reginam , Chriſtum ipſum in aurem dicere illud : *Non potuiſti una hora vigilare mecum ?* Tunc hæc voces audies , & in lectum ac ſomnum corrues ? Angelum cuſtodem contemnes , Domini matrem repelles , Chriſtum monentem negliges ? Itane non poſſis vigilare , non di-



cam hora una , sed parte horulæ vel unica, cum tuo & in gratiam tui Angeli, tuæ Dominæ, tui Principis, imo in gratiam tuam, tuique animi? Quin ergo in teipsum excandescens, his temet ipse verbis alloqueris? Excute noctem dormitator; caussa tibi dicenda est; ades dum, judici te siste; præteritæ lucis facta, dicta, cogitata tecum expende: differ paulisper somnum: libellos profanos remove; fabellas inutiles abrumpe: cum Deo colloquere, divina beneficia recale, noxas tuas inspicere, & ingemisce, emendationem promitte. Nisi tecum ipse sic egeris, vere dicere poteris cum Tito, imo verius quam Titus: *Amici diem hunc perdidit.* Multum enim perdit, imo perdit omnia, qui nunquam ad calculos sedet, cui ratio expensi & accepti non constat: multum perdit, qui quod lucrari potest, negligit; multum perdit, qui debita cum potest, non dissolvit. Talis omnino is est qui dies, & menses, & annos ita traducit, ut ephemeridas & diaria sua raro, & non nisi hallucinante & connivente oculo inspiciat, qui quotidie plurimum, delinquit, nihil dolet de delictis, beneficia plurima accipit, nec gratias agit pro acceptis, plurimam ad exercendas virtutes occasionem habet, nec hanc arripit, nec illas acquirit, stertit ad commoda sua, in perniciem

ciem suam vigilat. Tale quid omnino examen conscientiae est ; ephemeris est & diarium vitae, in quod redigenda sunt omnia quae facimus, loquimur, cogitamus : codicillus est tam peccatorum quae ipsi committimus, quam beneficiorum quae à Deo accipimus : stimulus & instrumentum est ad omnem virtutem aptissimum. Is vero nusquam est, qui raro domi suae est : facultates perdit, conficiendas rationes negligit.

III. *Ger.* Hominis conscientiam suam fugientis & somniculosi personam coepi agere, hanc sustinebo, dum missionem dederis, Polychroni, ex hoc theatro. Vis ut ignavorum pulcherrima dicta congeram? tuum erit ea dissolvere. *Pol.* Placet, audiamus. Sed verbis, Gerarde, vapulabis, praedico. *Ger.* Non recuso. vapulem ego, modo alii sentiant. *Pol.* Ergo, hoc dico : Vesperis domi tuae sis, in te ipsum descende, inquire in teipsum, rationes collige & dispunge. *Ger.* Vellem, modo possem. *Pol.* Pigrorum hic clypeus est. Sed tuas tibi voces reddo : posses modo velles. *Nolle* in causa est: *non posse* praetenditur. quid enim? occupationes impediunt? at haec differri possunt. negotia remorantur? vix haec tanta erunt, ut horae partem tibi non relinquant. *Ger.* At tot

G 3                      preces



preces nimium sibi temporis petunt. *Pol.* Si somno, si desidiâ, si spharisteriis, si confabulationibus, si discursationibus, si jocis, lusi-  
bus, symposiis temporis partem subtraheremus, esset quod animo, quod huic examini, quod Deo daremus. *Ger.* At quandoque imperium heri aut iussa patrisfamilias obstant. *Pol.* Fac quod juberis, sed hoc non omitte: Dei iussa potiora sunt quàm hominum. *Ger.* Domesticis parendum est. *Pol.* Pare illis, magis tamen, & ante omnia Deo. *Ger.* At socii quietem obturbant. *Pol.* Tu tibi pessimus es socius. Quod si socius hic velit esse frugi, nemo intercedet. Hic ego pane idem insusurrem tibi, quod olim Diogenes juveni se secum loqui affirmanti, tacite ingesserat: Vide ne cum malo homine loquaris. *Ger.* At turbæ domesticæ me agere non sinunt. *Pol.* Inter ipsas turbas, in medio urbium fremitu brevis tibi solitudo quærenda est: animus sibi sit intentus, & nulla vox te tibi excutiet; omnia licet foris resonent, dum intus nihil tumultus sit, dum inter se vagæ cogitationes non rixentur. nam quid prodest totius regionis silentium, si affectus fremunt? *Ger.* Commodus locus deest. *Pol.* Non multum ad hoc locus confert, nisi se

se sibi præstet animus , qui secretum , & in occupationibus mediis , si volet , habebit. *Ger.* At unde mihi cera vel sebum ? candelæ desunt. *Pol.* Huccine rerum devenimus , ut etiam noctem accusemus ? in tenebris teipsum melius reperiēs , & sincerius judicabis , uti olim Areopagitæ. *Ger.* At tempus est eundi cubitum , & lectus jam vocat. *Pol.* Responde tu , post horæ partem te venturum , modo tibi esse quod cum Deo transigas. *Ger.* At somnus invitat. *Pol.* Excute somnum , & cave venientem annuentibus oculis excipias. *Ger.* Obreperit incauto. *Pol.* Recte dicis incauto : cavere hunc posses & vincere , si velles. *Ger.* At oculos ex infidiis invadit , & reluctantes claudit. *Pol.* Parva hîc lucta est , ubi hostis ceremoniis tam blandis recipitur. *Ger.* At opprimit me & terræ affundit. *Pol.* Nimirum cedentem ipsi & volentem vinci. Si vir sis , surges , stabis , in genua prœcumbes , ambulabis , pectus tundes , suspiria duces , de debitis solvendis , de noxis eluendis cogitabis , non de somno , non de lecto , nisi de eo qui apud inferos damnatis sternitur è flammæ purpura.

IV. Et quæso quæ illa temeraria securitas , & exitiabilis socordia est , cubitum faceßere & somnum capere lethali peccato ? Satiüs esset no-



Item illam infomnem ducere , aut virulentissimam viperam ad dormituri latus applicare, quam ita in stratum se abjicere , ut si somni soror mors lectum invadat, à somno transeundum sit ad vigiliās, sed ærumnōsas , sed tartareas , sed æternas. Ah! audax & temerarium hominum genus !

Marc.  
lib. 2.  
Satur.  
C. 4.

Mirabatur Augustus Imp. olim, equitem Romanum ducenties HS. hoc est, quingenta millia philippicorum debuisse, & dormire potuisse: adeo illi creditorum voces somnum non rumpebant. Quare, ubi supplex mortui , voci præconis & hastæ subjecta est , ex omni ea Imperator solum sibi emi voluit cervical , cui consueffet indormire tantus debitor. Et quæso quodnam cervical, quinam pulvilli sunt isti , quænam hæ culcitæ, quæ hominem post contractam , nec prius deletam lethalem noxam , securum jubeant somnum ducere , nisi extrema salutis incuria, cæli oblivio, inferorum irrissio, mortis incogitantia, impia denique vitæ securitas , & Numinis contemptus? Hæ sunt illæ culcitæ, hi pulvilli, quibus indormiunt, qui conscientia per diem læsa, nec per nocturnam poenitentiam sanata; plumis sese immersos sepeliunt, & soporem in altissimam lucem deducunt. At hoc cum Deo ludere est, & cælo per jocum valedicere.

ledicere. Neque tamen interea talis à conscientia stimulis & vulture cor-  
fodicante penitus liber aget; recur-  
sabunt subinde domestici testes, &  
à suis conscientia furiis infestabitur,  
quibus quidem subinde se subduce-  
re, eas tamen nunquam poterit om-  
nino effugere, nisi per unicum &  
summe necessarium hoc amuletum,  
vespertinam conscientia censuram.  
Pulchre & vere Minucius Felix con-<sup>Minu.</sup>  
tra idololatrias differens: Apud nos, <sup>in O-</sup>  
inquit, & cogitare peccare est: Vos, <sup>stav.</sup>  
conscios timetis, nos etiam con-<sup>pro-</sup>  
scientiam solam, sine qua esse non <sup>pius</sup>  
possumus. neque enim conscien-  
tiam suam decipit, qui fallit alie-  
nam. Et ô felicem illum qui eam  
sic tractat quotidie, ut nec aliorum  
elogia desideret, nec monitis egeat  
aut reprehensionibus, dum eam fa-  
ctis mereri laudem conatur, quam  
etsi ab aliis non impetret, à con-  
scientia tamen nunquam non obti-  
neat, dumque iis seipsum objurga-  
tionibus urget, quas etsi ab aliis non  
audiat, hæ tamen occultæ ad e-  
mendationem sufficiant. *Gloria no-*<sup>2 Cor.</sup>  
*stra hac est, testimonium conscientia no-*<sup>c. I. v.</sup>  
*stra.*<sup>12.</sup>

V. Ger. At si quis diem optime  
exponderit, & nihil navorum repe-  
riat? Pol. Si dixerimus, quoniam pecca-<sup>i Ioan.</sup>  
tum non habemus, ipsi nos seducimus, & <sup>c. I.</sup>  
veritas non est in nobis. Nemo nostrum <sup>v. 8.</sup>

G. s. non



2 Par. non peccat, neque enim est homo  
 cap. 6. qui non peccet, homines sumus. Se-  
 v. 36. pties in die cadet iustus, & resurget.  
 Prov. Verum sit ita, nullos die aliquo na-  
 c. 24. vos tibi videaris contraxisse, non ta-  
 v. 16. men ideo superfluous hic labor, qui  
 eo suscipitur, non ut semper reperias  
 culpanda, sed ne reperias. *Ger.* Sed si  
 aut stultitia est, venatum ducere in-  
 vitos canes, aut invitos boves plau-  
 stra inducere, quemadmodum nau-  
 seanti stomacho cibum obtrudere  
 non expedit, ita hîc prorsus putem  
 minime succedere quod à nolenti-  
 bus extorquetur. quid in nausea &  
 fastidio vexanda conscientia? *Pol.*  
 Etiam ii qui mari se credunt, nau-  
 seant & eversi stomachi tributum fi-  
 deliter mari pendunt, neque tamen  
 coeptam viam desinunt; progrediun-  
 tur, & spe contingendi portus solan-  
 tur stomachum, contemnunt nau-  
 seam. Virtutis est evictis fastidiis in-  
 choatum opus pertexere. Triumphat  
 diabolus si eam inducat nauseam, ut  
 à precibus abducatur. Nondum preca-  
 ri didicit, qui tædio cedit. Quod re-  
 sistentem fatigat, vincentem coro-  
 nat. *Ger.* At subinde ingens & mo-  
 nitorum impatiens obrepat tædium.  
*Pol.* Vincendum est, & illud prius  
 excutiendum quam conscientia. Si  
 precari nolis, nisi voluptatem inde  
 trahas, & velut mel lingas, multi  
 quandoque dies sine precibus abi-  
 bunt.

Bern.  
 c. 29.  
 de int.  
 dom.

bunt. Si vesperi plura non possis,  
 dic corde, & ex animo : Deus propi-  
 titius esto mihi peccatori. Aut ; Mi-  
 serere mei Deus : secundum ma-  
 gnā misericordiam tuam ; deinceps  
 ero alius, ô mi Deus. *Ger.* Sed  
 quid opus præterita in mentem re-  
 vocare ? Quæ quidem retro sunt <sup>Phil.</sup>  
 obliviscens, inquit Paulus, ad ea <sup>c.3.</sup>  
 vero quæ sunt priora, extendo me- <sup>v.13.</sup>  
 ipsum. *Pol.* Quam hoc argute ! va-  
 na est, fateor, præteritorum me-  
 moria, si nulla eis, aut ex eis fieri  
 possit medicina. Hic vero errorum  
 cum dolore meminisse, est errores  
 tollere. An non sapientissime Se-  
 neca, de quo jam supra : Hoc nos,  
 inquit, pessimos facit quod nemo  
 vitam suam respicit. quid facturi si-  
 mus, cogitamus, & id raro : quid  
 fecerimus non cogitamus. atqui  
 consilium futuri ex præterito venit.  
*Ger.* At pauci sunt, puto, qui quoti-  
 diana hac censura se notent, & per-  
 actum diem ad calculos revocent.  
*Pol.* Vox ista, *Pauci*, tantum abest  
 ut hic terreat, ut etiam animet.  
 Quoties proclamat Christus : Arcta  
 est via ad vitam, & *Pauci* inveniunt  
 eam. Præstat cum paucis cælo reci-  
 pi, quam cum plurimis perire. *Ger.*  
 At durum est, seipsum reprehenden-  
 dere, & reprehensum in super pœnis  
 coercere. *Pol.* Durum sit ; at pul-  
 chrum est & utile, & via recta ad  
 vitæ



108 DE CVLTV CONSC  
vitæ sanctimoniam. Vis esse sanctus?  
Circa tuam vitam esto austerus, circa  
alienam autem benignus & mitis:  
Ignosce aliis plurima, tibi nihil. Sed  
discussæ videntur pigrorum voces &  
querelæ. Ignavorum personam, Ge-  
rarde, insigniter egisti, dignus cui  
lucar perfolvam. Superest videre, quo  
fine conscientia sic urgenda, aut quo  
potissimum in examine conscientia  
animus sit attendendus.

### C A P V T VIII.

*In examine conscientia quo potissimum  
collineandum,*

E T,

*Quanta humana voluntatis sit inconstan-  
tia.*

**L**Amiis ajunt exemptiles esse ocu-  
los, quos tunc primum fronti in-  
ferant, cum foras prodeundum est.  
Lamias, Gerarde, sæpe imitamur, &  
domi nostræ ad nostra vitia malu-  
mus carere oculis, quam ea cernere,  
& dolere: at vero cum ædes alienæ  
sunt penetrandæ, cum vitia non no-  
stra sese offerunt, tunc tales fronti o-  
culos imponimus, ut suos videri pos-  
sit mutuos dedisse serpens Epidau-  
rius. Hinc tam prompte vitiositatem  
alienam damnamus, quam callide  
excusamus nostram. Vitia nostra quia  
amamus,

amamus, defendimus, & malumus excusare illa quàm excutere. Quid culpis vana nomina præteximus, miseri, & deformitatem nostram augeamus, elegantiam affectando inconstantissimam? Homines sumus, miseris, defectibus, vitiis ditissimi, & hoc uno nomine vere miserabiles, quia, non tantum vitiosi, sed & in vitiis cernendis cæci sumus, plurimaque lippis oculis transimus quæ stirpitus sunt evellenda. Oculatam hanc cæcitatem emendat *Examen conscientie*, si eo quo debet instituatursine, qui fere triplex. Primus, ut culparum numerus decrescat, fiantque ex multis defectibus pauciores, & paullatim nulli. Alter, ut errores antea magni, transeant in minores, & sensim, quantum id fieri potest, in nullos. Tertius, ne semper sint iidem: eandem enim culpam iterum iterumque ac sæpius repetere, eodemque luto hære, magnæ socordiæ argumentum est. Hic, Gerarde, hic Rhodus, hic saltus; hoc opus, hic labor, ut non solum velle nostrum, sed & facere vires habeat. Sæpe multa proponimus facturos, at opus inter oblivionem & tadium subinde brevi evanescit.

I. Vult & non vult piger, inquit <sup>Prov.</sup> Salomon. Novum hoc auditu, & <sup>c. 13.</sup> <sup>v. 4.</sup> quod vix capi possit. Si enim vult, quomodo non velle affirmatur? quod si non vult, qua ratione velle asseritur?



asseritur? Hieronymus eleganter in hæc verba differens: Imperare vult, inquit, cum Christo, non subesse pro Christo; præmium amat, non prælium. Vult ergo desidiosus ille, victoriam sine prælio, coronam sine certamine, sine lucta præmium, sine sudore gloriam. Vis, ô bone (te compello, qui nunquam te talem geris, qualem promittis) vis cælo admitti? Volo. Vis pecuniam non tuam reddere? Non possum. Rectius dixisses, Nolo. Vis beatis adscribi? Volo. Vis vitiis finem imponere, peccandi occasiones fugere? Volo, sed nondum. Vis vitam immortalem auspicari? Volo. Vis palinodiam canere, & ereptam famam restituere? Non audeo. Vis Christo placere? Volo. Vis inimico parcere? Nec possum, nec volo. Vis virtutes adipisci? Volo. Vis adipiscendis illis nervos intendere, industriam omnem adhibere? Nimis hoc operosum est. En tibi, vult & non vult piger; simillimus Balaamo sic optanti: Moriatur anima mea morte iustorum, & fiant novissima mea horum similia. Improbus erat Balaam, proborum tamen obitu decedere volebat, in vitiis vitam agere, cum virtute mortem obire cupiebat. Perinde ut ille qui olim interrogatus, uter esse inallet, Cræsus an Socrates? In vita, inquit, Cræsus;

Num.

c. 23.

v. 10.

Cræsus ; in morte Socrates. Vult & non vult piger ; finem optimum, non item ea quæ ducunt ad finem. Deus per Isaiam de his gravissime <sup>If. cap. 58. v. 2.</sup> questus : Me etenim, inquit, de die in diem quærunt, & scire vias meas volunt, quasi gens quæ justitiam fecerit, & iudicium Dei sui non dereliquerit : rogant me iudicia justitiæ, appropinquare Deo volunt. Sed nolunt cum labore, sed nec vitia, quibus assueverunt, deserere volunt. Hoc vere & velle, & nolle est. Tu, <sup>Eccli. cap. 5. v. 12.</sup> quisquis hanc notam subire non vis, esto firmus in via Domini. Sed scholasticæ inconstantia clarum paradigma tibi nunc subjiciam, è quo facile erit perspicere, quantum noceat inconstantia in corrigendis moribus, si ea sic obsit in discendis literis.

II. Cernimus quotannis ab adolescentibus non paucis in studiorum instauratione, toto virium complexu disciplinas arripi, chartarum integra volumina, quasi totos Musarum campos exaraturi sint, parari stilos centum, calamos sexcentos exacui, aures arrigi, magistros attendi, dicta bibi, dictata scribi, multa extra ordinem notari, lectitari, scriptitari, vigilari, & prope pervigilari ; denique tantum improbo labore promitti, ut ju-  
res uno die, eademque hora Corin-  
thum.



thum perventuros, tanto discendi  
 œstro percussi ad studium ingre-  
 diuntur. Sed ubi labor & opera fen-  
 sim crescunt, prælectiones geminan-  
 tur, scriptiones, disputationes, exer-  
 citationes duplicantur, ubi magister  
 vel poematis condendi hypothesein  
 subjicit, vel orationi struendæ qua-  
 stionem proponit, vel suorum audi-  
 torum ingenia periclitari & tentare  
 incipit, & nunc latinæ, nunc græcæ,  
 nunc solutæ, nunc ligatæ scripturæ  
 pensum exigit, jubetque suo quem-  
 que Marte quæ dicenda invenire, in-  
 venta loco & ordine componere,  
 composita perpolire, tum discipulus  
 in museo domi quærere, hærare, un-  
 gues rodere, caput scabere, libellos  
 volvere, revolvere, nihil reperire, fa-  
 stidire, projicere, surgere, testudinem  
 aut chelyn arripere. fides tentare  
 an melius quam libri respondeant:  
 aut si indoctus lyræ, pilam vel luso-  
 rias chartulas promere, numos de-  
 ponere, calicem ducere, potare, lude-  
 re, ridere, dormire, & pro armis viris-  
 que canere:

*Tityre tu patula stertens sub tegmine  
 pluma.*

Nec corpus levare, donec clarum  
 manefenestras intret, & in lecto pan-  
 diculantem oscitantemque depre-  
 hendat. Siccine itur ad astra, ô adole-  
 scentes, hoc studere est? hoc sudare,  
 algere, vincere? Quid deinde cum in  
 gymnasio

gymnasio classica canunt? Musis magistrisque morbos excusare, pedes, caput, dentes, oculos dolere, negotia prætendere, heros, populares, parentes, ne ferulam subeant, adducere, de litteris & progressu nihil curare, alia omnia cogitare, imo desperare. Ita qui primis mensibus Cleanthes omnes & Demosthenes superaturi videbantur, tertio, quarto, quinto, & sequentibus, fracti animis, & luxu abducti, lurcones fiunt, Eudymiones imitantur, glires ignavia vincunt. Nimirum, aliud est incipere, aliud incepto non abire: felix principium ducere, & finem non disparem subungere. En, Gerarde, quam brevi tempore scholasticus hic fervor elanguescat! Idem in moribus est observare. Par enim fere ratio est vitæ & virtutis, piorumque operum & litterariæ palæstræ. Et quamquam hæc, quæ in bonis artibus inconstantia: ingens detrimentum inferat, tanti tamen non est, quanti ea, quæ in bonis moribus. A litteris cessare, tametsi turpe adolescenti, cuius hoc unum est studium ut studeat, in eo tamen fortunæ Græciæ sitæ non sunt, non vita, non salus, non beata ac perennis immortalitas hîc periclitatur. Absque librorum comitatu viam ad cælum reperies, sed non absque virtute, vitæ sanctitate, morum innocentia; cuius

H. elegan-



114 DE CVLTV CONSC.  
elegantiam si corrumpas, & ab integritate deficias, simul spem & rem, & omnia perdas. Hic opus constantia.

III. Verum, O quoties optimis desideriis turgemus, velut pręgnantes ac foeti copiosa prole; videmur mira parituri, magnam morum emendationem, & seriam ad Deum conversionem: tandem turpiter abortimus, & auram atque ventum parimus. Statuimus grandia, & nihil fit; promittimus multa, & æque nihil fit. Sancta sunt quidem proposita nostra, sed nullum sortiuntur effectum; proles abortivæ, quæ lucem non aspiciunt, sed ante partum extinguuntur. Iuramus Deo, hæc, & hæc, & hæc etiam non amplius facturos, sed brevi frigescente hoc iuramento redimus ad ejuratas sordes. Laudatur Israëlis populus ab hoc facto: Iuraveruntque Domino voce magna in jubilo & clangore tubæ, & in sonitu buccinarum, omnes qui erant in Iuda, *cum execratione: in omni enim corde suo iuraverunt, & in tota voluntate sua quæsierunt eum & invenerunt.* Iurant multi, sed non *in omni corde suo*; quærunt Deum, sed non *in tota voluntate sua*; damnant peccatum, sed non *cum execratione*, nec istud serio & ex animo detestantur, hinc facilis ad illud regressus. Agyptio tyranno Pharaoni simillimus,

2 Par.  
c. 15.  
v. 14.  
& 15.

sumus, hac tãta voluntatis inconstãtia. Quoties improb' ille ingemiscēs: Peccavi, ait, in Dominum Deum vestrum, & in vos. Sed nunc dimittite <sup>Exod.</sup> peccatum mihi, *etiam hac vice.* Sunt <sup>c. 10. v. 17.</sup> qui sapius in anno, confessione piaculari se lustrent, eadem tamen vitia plerumque referant & illud, *etiam hac vice* sexcenties occentatum, identidem adhuc ingeminent, *etiam hac vice.* Condonat illis Deus delicta, *etiam hac vice*, sed illi ad ingenium redeunt *etiam hac vice*, & condonatam culpam omnem repetunt *vicibus innumeris.* Monuit quidem Pharaonem <sup>Exod. cap. 8. v. 29.</sup> Moyses; & : Veruntamen, inquit, noli ultra fallere, ut non dimittas populum sacrificare Domino. Veruntamen fefellit ultra non semel, sed sapius. Monet & nos sacerdotes auctoritate divina: Veruntamen noli ultra fallere, ut toties repetita, & quæ pridem emendasse oportuit, repetas : Ecce sanus factus es; jam <sup>Ioan. c. 5. v. 14.</sup> noli peccare, ne deterius tibi aliquid contingat.

At nos post paucos dies, post pauculas sæpe horas, & ultra fallimus, & noxas sexcenties condonatas repetimus, millies sanati, nos ipsos iterum iterumque vulneramus, & quicquid demum nobis accidat, ex integro animose peccamus. O volubilem rotam, ô globum erraticum humanæ voluntatis ! Lunam mu-



tabilitate vincimus , & modo tam nobis promptum est *Nolle* , quam erat antea *Velle*.

Ita  
Ludov.  
Gran.  
l. 2.  
Duc.  
Pecca.  
c. 3.

IV. Insistendum est cœptis, ne desit manus ultima ; urgenda sunt sanctiora proposita ; magnis conatibus agendum ut in opus exeat , quod pulchrum erat statuere. Clavum per parietem adacturus, non eum semel duntaxat iterumve malleo leniter ferit, sed tam diu ictus ingeminat, ac toties reducit malleum in caput clavi, dum is totus asserem penetrarit, & jam fixus firmusque hæreat. Ita non satis est quaecunque propositum obtinendæ virtuti. Proposuisse, ô mortales non sufficit ; ulterius tendendum est, & proposita persequenda. Parum est statuisse *facere*, nisi, cum licuit, *fecisse* constet quod fuerat statutum. Eo spectet quotidianus conatus, ut è rebus omnibus quæ cernuntur, audiuntur, leguntur, cogitantur, majus atque majus in dies eruatur peccati odium. Hoc quanto magis creverit, tanto felicior incrementum se prodet virtus. Atque ut his vestigiis tenacius insistamus, hoc sibi quisque certissimum persuadeat, si in libræ lancem unam mala & supplicia simul omnia, quotquot adhuc ab Orbe condito fuerunt, si egestas, si ærumnæ, carcer, cætenæ, si cruces, rotæ, ignes, si membrorum lacerationes, si morbi, dedecus,

decus, dolores, si mors, si omnes humana vitæ formidines, si universi inferorum cruciatus, in unam, inquam, lancem componantur ; in alteram vero unum atque unicum lethale peccatum immittatur, ab hoc unico, illa prorsus omnia, immani pondere superanda. Eheu ! ô Iesu mi amantissime ! Et nobis tamen jocus est, peccato lethali se obstringere. Parum est cæcos nos appellari, infani sumus, & cum insanientibus furimus. Atque ut nos ipsos amplissime decipiamus, benigne persuademur, ad animi salutem satis id esse, si vel olim ad valetudinem redituros statuamus. Perinde atque si omnia vitæ nostræ momenta nostri sint arbitrii, ut quamdiu lubuerit, liceat insanire, & tum demum ad bonam mentem redire, cum visum nobis fuerit, insaniam desinere. Ah ! miseri, quid voluptatis est, sic erudite falli, & solis se solari propositis ? Qui nunc modus peccatorum est, olim & suppliciorum erit.

V. *Ger.* Liceat interfari. Bene proponere, & nunquam exequi, aut male, cum oblivionis, tum imbecillitatis humanæ signa sunt. *Pol.* Verum te dicere credam, si addas, cum pigritiæ tum malitiæ probra sunt. Aliquid, non negem, boni propositi decerpit oblivio, aliquid imbecillitas hominis & corruptior



natura : non minus tamen honestum propositum subvertit pigritia ; nequitia vero plurimum. Hinc mensibus , hinc annis singulis eadem atque eadem vitia , sæpe plura & graviora ad sacerdotis aures redeunt , quia licet bene incipiamus , coëptis tamen desumus , aut novo languore victi , aut veteri perversitate.

Apologum tibi recitabo sapienter factum, in nostrorum propositorum vanitatem. Lupo in caula deprehenso mortem minatus est opilio. Lupus ad dolosæ facundiæ artes confugiens : Mi domine, inquit, non redibo huc amplius , sed & greges tui posthac à me tutissimi erunt. ita promitto, ita spondeo, & fidem meam do. Cui pastor : Non me, inquit, decipies nequissima bestia. & vero tunc non redibis amplius, cum te jugulavero. nimis crebro fefellisti fidem. Et cur ego tibi parcerem , cui non satis est meos agnos & oves in campis lacerare , sed & in stabulum clam subrepere, & sola nocendi libidine , fame non urgente , insontes pecudes discerpere. Nunc lues , non parco. Ad hanc vocem lupo : Agnosco , inquit , mi domine vecordiam meam , & quid vis ? habes confitem reum , sed quem nequitix suæ poeniteat ex animo. & patieris , scio, me bonum fieri. Deinceps aliis vivam.

vam moribus , nec quidquam rapiam, nisi cogente fame. & licet dirame fames coëgerit, non tamen nisi septem obolis coenabo.

Motus pastor tam sincera confessione, tamque ampla pollicitatione: Ergo abi, inquit; sed memento te vitam liberalitati meæ debere: videstes promissis.

Abit lupo; & jam dulcius ei erat vivere, post hanc vitæ factam gratiam. In itinere secum meditatur frugaliorem abstinentioniam, & mensam septem obolorum. dumque cogitationibus mersus lentiore passu progreditur, en tibi vervex pinguissimus venit obviam. O nimium potentes illecebræ! quis hîc tam lapis sit, ut dentes saliva natantes substringat? Ergone, inquit lupo, mihi ultro prandium occurrit? nefas videtur fortunam tam propitiam non salutare: Sed quî palpum obtrudam opilioni in jus trahenti! quo nomine hanc culpam purgabo, si fidem frangam, si fœdus negligam? Ponamus ergo rationes: Vervex nihil vallet; ego certe illum non emerim tribus obolis. hoc tantum triobolare est prandium. itaque prandere non differo. mox vervecem invasit, discerpit, devoravit. Altero ab hoc die bovem & una pascualem vitulum habuit obvium. Hîc lupo priore facinore jam audacior: Bene est, inquit,



bos iste quatuor obolis cenferi potest, vitulus tribus. hac ratione tota coena septem obolos non excedet. Hoc joco & istud scelus prætexit. Quid tibi videtur, Gerarde, an non mutato nomine de nobis fabula cantatur? An non multi sub humana specie lupo illi paria faciunt? Hos ubi arcanus judex, sacerdos cavere jubet: exitium æternum his talibus imminere, ipsi omnia se facturos recipiunt; ille furtum, hic crapulam, iste adulterium detestatur; crederes eos jurare in leges sanctimonix. Sed enim quid jam? pauculi dies abeunt, redeunt occasiones pristinx delinquendi, invitant focii, blanditur caro, cacodæmon instigat; ita miseri paulatim audent antiqua omnia, & ne conscientia vehementius reclamet, repetitam culpam, ut lupo, variis pigmentis extenuant. Est qui ad popinam aut choreas invitet. Cui alter: Comitarer, inquit, ni promississem, eo loci me non rediturum. Mox prior: Non, inquit, tabernam, sed crapulam, sed luxuriam inter prohibita numeremus. mens subinde à seriis avocanda est: eamus. Itur, & in seram noctem bibitur, dum

Juven.

sat. 6.

v. 304.

— jam vertigine tectum

*Ambulet, & geminis exurgat mensa lucernis.*

Multo latentius libido sollicitat;  
 tenuissimis sæpe principiis inserpit  
 animo.

animo. Munuscula, cantiunculae, epistolia, picturae & libelli molliores placere incipiunt: laudatur aliena forma, colloquia quaeruntur petulantiora, & insidiosa blandimenta aurium, & quo praevolant oculi, paulatim sequuntur manus. Ita demum omne castimoniae propositum corruit. Ita in aliis etiam vacillamus, & animi nostri decreta ipsi facillime convellimus.

VI. Hunc lusum Hebraei millies luserunt cum Deo. quantam saepius promiserunt obedientiam? mox ad ingenium redierunt, & ad jam notam perfidiam: *Cito fecerunt, obliti sunt operum ejus, & non sustinuerunt consilium ejus.* Cum hostis haereret à tergo, cum serpentes ignei morderent, cum varia eos necessitas premeret, quantis clamoribus apud Deum egerunt, ut fervarentur? *Et clamaverunt ad dominum cum tribularentur, & de necessitatibus eorum eripuit eos.* Nihilominus: *exacerbaverunt eloquia Dei, & consilium Altissimi irritaverunt.* Tales post correctionem, quales antea. Ab hac tam flagitiosa inconstantia non multum nos abludimus; nimium frequenter Iudaei sumus. In morbo, vitiorum omnium inimici videri possumus; at ubi morbus valedixit, nos sensim cum vitiis in gratiam redimus, & postliminio morbi, novam jungimus amicitiam cum antiqua



Superbia, aut Libidine, aut Avaritia. Si facerent sani, quæ facturos statuunt ægroti, brevi Christianus Orbis faciem indueret meliorem.

Exod. Videns Pharaon quod cessasset pluvia, & c. 9. v. grando, & tonitrua; auxit peccatum. Ita 34.

nos, cum adversis urgemur, grande odium indicimus peccatis; cum reddit fortunæ serenitas, hilari cachinno peccatum resalutamus, & hostem toties ejectum, largiore, quam ante, benevolentia recipimus. Et hoc est non tantum parentum suorum, aut sui nominis oblivisci, ut Messala Corvinus, sed sui ipsius, quæ omnium est damnosissima oblivio.

Hebræis inter alia monimenta plurima, & fimbriæ violaceæ erant in veste, ne sui ipsorum Deique obli-

Nam. viscerentur. Ita Deus Mosi: Recor- c. 15. v. dentur, inquit, omnium mandatorum 39. & c. domini, nec sequantur cogitationes suas & oculos, per varias res fornicantes: sed magis memores præceptorum Domini, faciant ea, sintque sancti Deo suo. Isaias:

Isa. 6. His, inquit, qui habitaverint coram Do- 23. v. mino, erit negotiatio ejus, ut manducent in saturitatem, & vestiantur usque ad vetustatem. Poenitentia & sanctioris vitæ desideriis sæpius bene vestimur, sed non usque ad vetustatem. Non licet per nos his vestibus ad senium per-tingere: vix eas induimus, mox petulanti manu laceramus. Inde merito nobis objicitur: Et nescis quia tu

*es miser, & miserabilis, & pauper, & Apoc.*  
*cacus, & NV'DVS.* Petulantia tua <sup>c.3. v.</sup>  
 age gratias, quod optimam vestem <sup>17.</sup>  
 innocentia tam cito laceraris, & hoc  
 egeris, ut jam virtutum indumentis  
 careas. Ita post initia saepe bo-  
 na, progressus malus, pessimus exi-  
 tus.

VII. Ah! quæ nostra est hodie  
 rerum gerendarum inconstantia?  
 Non sic, quicumque ulla in re clari  
 magnique fuere, sese tractavere. Phi-  
 losophia princeps evasit ille Stagiri-  
 ta, sed viginti totos annos audivit  
 Platonem. Celebrati Pythagorei, sed  
 annis pluribus tacere prius quam lo-  
 qui didicere, quamquam rectius  
 semper tacuissent, quam post multos  
 etiam annos ita locuti. Laudatur ho-  
 die Apelles, sed nullum abire diem  
 sine ducta linea passus est. Agesilai  
 dictum mihi summopere semper pla-  
 cuit. Hic admonitus; ipse sibi par-  
 ceret ob incertam fortunam: at ego,  
 inquit, meipsum assuefacio, ut in  
 nulla mutatione admittam mutationem.

Iusserat Dionysius, notus ille ab  
 Sicilia tyrannus, ut omnes qui con-  
 vivio interessent, in veste purpurea  
 saltarent. Recusavit Plato id facere,  
 neque enim philosopho hoc tale  
 vestimentum convenire. At vero A-  
 ristippus & vestem eam induit, &  
 imperatas choreas ingressus: Qui  
 vere, inquit, pudicus est, nec inter  
 bacchas.



bacchanalia corrumpitur. Vterque Christiane & constanter, iste dicendo, ille faciendo.

Atqui hæc ego profanis relinquo. In Christiana Republica, Superi quæ constantiæ suppeditant exempla? Tacebo veteris memoriæ Abrahamos, Iacobos, Moses, Iosephos, Io-  
 2.Tim. bos, Tobias, Iudithas. Paulum no-  
 c.4.v.7 strum, Ecclesiæ columen, glorian-  
 & 8. tem audi, qui immensis laborum, ærumnarum, periculorum malis terra marique exantlatis exclamat: Cursum consummavi, fidem servavi, de reliquo repocita est mihi corona iustitiæ, quam reddet mihi Dominus, in illa die iustus iudex.

Fortissimas innumerabilium martyrum legiones, ad mortem & ultima supplicia decertantes intueri, ô vagi & inconstantis animi homo. Anachoretarum patientiam constantiamque vix credendam contemplare, videbis multos ad quinquagesimum, octogesimum, centesimum annum in summa vitæ egestate, penuria, asperitate, labore, æstu, frigore, siti, fame constantissime perdurasse. Noti nobis Pauli, Antonii, Macarii, Hilariones, Simeones, Daniele Stylitæ, quorum æternæ stationes, esuritiones, preces, pervigilia omnem omnium sæculorum posteritatem in admirationem summam adducunt. Hæc magna, hæc præ-

præclara, hæc divina sunt. Nos ægre subinde per cineralia, per mensem, per diem, ne dicam per horam, pravos animi affectus in officio continemus. Ita sæpe quidem inchoamus, initium ducimus, facienda destinamus, sed destinatis non insistimus. Non tantum in fine, sed & ante finem corrumpimus.

VIII. Hic te, Gerarde, velim esse prolixæ patientiæ. Nihil hîc nimium dicitur, quod dicitur, vix ulli satis creditur; nihil nimium inculcatur, ea est hujus morbi pertinacia & malignitas. Et plerique omnes hoc malo corripimur. Sumus promissores grandi hiatu, hostes nostros debellamus super mensam uno halitu, at ubi constanti conatu & ardore progrediendum est, terga vertimus, & laborem exosi revolvimur ad eandem segnitiam. Nostri<sup>imit. Christi</sup> quid dicat Thomas à Kempis: Ol.<sup>i. c.</sup> quanta fragilitas humana, quæ sem.<sup>22. n. 6</sup> per prona est ad vitia! Hodie confiteris peccata tua, & cras iterum perpetras. Nunc proponis cavere, & post horam agis, quasi nihil proposuisses.

Fingebant præsci Tithonium immortali ævo ab Aurora donatum, eum tamen & senuisse & defecisse; incicadam denique mutatum esse. Et nos quandoque propositis nostris immortales nobis videmur & æterni.



ni. Est cum & nostrum quis audet has voces jactare: Non movebor in æternum. Ita David tot victoriis cla-

Psa. 29  
v. 7. rus: Dixi, inquit, in abundantia mea, non movebor in æternum. At mox

subjecit: Avertisti faciem tuam à me, & factus sum conturbatus. Paullo ante serenitas, lux, decus, felicitas me circumdabant; fortissimus mihi videbar, & maximarum virium. Sed heu, robur hoc meum, à me non erat, à Deo erat: vertit ille se, & ego jam levi ventulo impugnor & dejici-

Matth.

c. 26.

v. 35. &

36.

quantus erat ante pugnam. & quam ingentibus promissis alacer? etiamsi oportuerit, inquit, me mori tecum, non te negabo. Vix abierunt tres horulæ, cum jam plenus trepidatione, & ad ancillæ sibilum exterritus, timidissimas voces spargit: Non sum, non novi hunc hominem, nescio quid dicis. Et ceteri quid? dilapsi sunt, fugerunt, latebras quæsierunt. Sed an non omnes in mortis societatem cum Domino conjurarunt? ita

Ibid.

prorsus: *Similiter & omnes discipuli dixerunt.* Sed aliud est dicere, aliud facere; aliud proponere, aliud quæ proposueris, in opus producere. Et ne miremur adeo sibi dissimiles fuisse discipulos Domini intra pauculas horas. Moniti erant & *Vigilare & Orare*; neutrum fecerunt. hinc in pugna victi, quia ante pugnam

nam imparati. Mala in pace securitas, incertam facit in bello victoriam.

Dicere solebat Cato : Illum sibi militem, omnium minime probari, qui ambulans manus moveret, pugnans pedes, clariusque sterteret quam inclamaret. Nunquid, Gerarde, nos tales sumus? qui antequam in conspectum hostis veniamus, grandia spiramus facinora, & pæne jam cælum rapimus magna proponendo : at ubi cominus salutandus hostis, ubi ardua fortitudinem, dura patientiã, abjecta submissionem, illecebrosa continentiam nostram desiderant, hem, non jam manus sed pedes agitamus, & inbelli fuga præcipites abimus ad Impatientiam, ad Languorem, ad Fastum, ad Luxuriam. O athletas ! ô milites, qui hostes suos inter pocula exarmant ! Non coronabitur, nisi <sup>2. ad</sup> qui legitime certaverit. At neminis <sup>Tim. 2.</sup> ullius certamen legitimum fuisse <sup>v. s.</sup> dixeris, quod ad finem debitum non fuerit perductum.

I X. Arbor, quamvis primo vere in frondes sese induat, flore triumphet, fructusque uberrimos polliceatur, nisi tamen ad maturitatem baccas provehat, aut speratum cultori pomum largiatur, inutilis habetur ac penitus extirpatur : Vites quamvis gemmantes spem lætæ



tam vinitori ostendant, nisi mites  
 uvarum botros educant, à radicibus  
 convulsæ Vulcano consecrantur: Ar-  
 chitectus quamvis alta palatiorum  
 turriumque fundamenta recte jaci-  
 at, substructiones moliatur, parie-  
 tes erigat, si deficiat in tecto, expo-  
 nit se ludibrio. Par fere ratio vitæ &  
 virtutis; frondemus, floremus, fru-  
 ctus spondemus, nullos damus; fun-  
 damenta jacimus, sed domum ad te-  
 cti fastigium non perducimus: cum  
 Oratoribus sæpe exordimur; cum  
 nautis sæpe vela damus, sed ingru-  
 ente procella, ad littus, unde solvi-  
 mus, redimus; carceribus evolamus  
 cum cursoribus, sed medio in cursu  
 frangimur, languemus, labimur, ja-  
 cemur. Primus & ultimus est Ca-  
 codæmonis aries quem admovent, ut  
 à bene coeptis retardet, ubi hoc im-  
 petravit, sensim sine sensu ad alia at-  
 que alia, & semper ad deteriora per-  
 trahit. ita quovis die si non pejores,  
 ad malum certe proniores evadi-  
 mus, nisi coepta constantissime ur-  
 geamus.

Exod.

c. 17. v.

21.

Quoties victrices manus cum Mo-  
 se tollimus, sed mox ad primam fa-  
 tigationem, victas iterum demitti-  
 mus, sic nunquam serio vincimus.  
 Heu vitam consumimus ædificando,  
 destruendo, & saxum Sisyphi vol-  
 vendo, quod ubi ad montis umbi-  
 lieum ascendit, quasi poenitens tam  
 ardui

ardui itineris, repentino lapsu ad  
 imum revolvitur. Ita nos identidem  
 post brevem pietatem ad inolitas cō-  
 suetudines revertimur, velut diutur-  
 nioris sanctimoniæ jurati hostes. Ita  
 Penelopes telam semper teximus, ac  
 reteximus; ita omnis ætas elabitur  
 incipiendo, & nunquam finiendo.

Lædetur, inquit Iobus, quasi vi-  
 nea, in primo flore botrus ejus, & <sup>Iob.</sup>  
 quasi oliva projiciens florem suum. <sup>c. 15. v. 33.</sup>  
 Flos olivæ delicatissimus, quamcun-  
 que cæli injuriam non sine grandi  
 damno accipit. Reflorescimus nos,  
 velut oliva, quoties peccasse ingemif-  
 cimus, & mores emendatiores pro-  
 mittimus; at ubi vel strictior malig-  
 næ impugnationis, vel molliora  
 mœnæ occasionis aura nos tangit,  
 mox omnem floris opulentiam ex-  
 cutimus, arbores nimis delicatæ.  
 quæcunque temporis injuria aut vi-  
 cissitudo urere nos aut deicere po-  
 test. Vide mihi Danielelem vatem  
 quotidie ter constantissime orantē.  
 non eum æmulorum insidiæ, non le-  
 ges regiæ, non capitis periculum ab  
 hoc vitæ instituto poterat abster-  
 rere. ita decreverat facere, & quod recte  
 ab se decretum fuerat, in eo constan-  
 tissima mente censuit esse perseve-  
 randum. Nos crebro decernimus pie  
 vivere, sed decretis nostris non diu,  
 non pertinaciter inhæremus: cor-  
 pus habemus, sed nervos non habe-



130 DE CVLTV CONSC.

mus: sidera sumus, sed errantia; manus quidem aratro, sed oculi tergo  
 Eccl. c. inhærent. Nimirum stultus sicut lu-  
 27. v. 12 na mutatur: homo autem sanctus in  
 sapientia manet sicut sol. Vox illa  
 prisca de Christianis hîc verissima est:  
 Mane psalterium, meridie convi-  
 vium, vesperi convitium & propu-  
 dium. Nimirum his gradibus ad cæ-  
 lum nos ascensuros somniamus. Sic  
 Gal. c. 3. v. 3. stulti sumus, ut cum spiritu cœperi-  
 mus, carne consummemur. Non sic:  
 Hebr. c. 12. v. 7. ô Christiani, non sic ad alta perveni-  
 tur; hoc non est ascendere. Attendi-  
 te vobis, in disciplina perseverate;  
 est facilis descensus Averni. Qui in  
 via ad æternitatem non continuo  
 ascendit, atque de die in diem pro-  
 ficit, is sane in declive fertur, & de  
 die in diem deficit. In Dei obsequio  
 non progredi, est regredi. Quatuor  
 Ezech. c. 1. v. 12. animalia illa Ezechieli visa, illuc  
 gradiebantur, quo spiritus impetu  
 ferebantur, & non revertebantur. In  
 hoc itinere velle consistere, est velle  
 reverti. Luna crescit, dum ad ple-  
 num orbem ditescat, flumina cur-  
 runt dum in mare se provolvant, as-  
 cendit ignis dum ad suam sphæram  
 pertingat. Sic omnino dum vivi-  
 mus, necessum est crescere, currere,  
 ascendere constanti virtutis cultu.  
 a Eth. c. 4. Aristotele monitore, ad virtutem re-  
 quiritur, firmiter & immobiliter  
 operari. Qui monitis his parent,  
 ibunt

ibunt de virtute in virtutem.

Psa. 93

v. 8.

X. *Ger.* Cprime dicis, Polychroni, & verissime dicis. Sed quicquid dicas; Homines sumus, qui ad assueta usque, & usque, & usque relabimur, & quam facile est conquiniscere, cum sic somnus urget? *Pol.* Hoc ipsum nos urgeat ut hunc animi lethargum acrius expellamus, cum ille nos tam nulla vi vincat. Si minus huic hosti pateremus, esset aliqua cessationi nostræ venia, nunc vero cum constet, nihil nobis facilius esse quam à bene cœptis deficere, & male agere, quid est quod adeo in nostram perniciem torpeamus? An genium nostræ voluntatis ignoramus? quæ ubi virtutis consortium declinare incipit, in vitiorum amicitiam mox transit. Putei situlam mihi considera. hæc etsi jam ad supremum os fontis ascenderit, si tamen manum ab ea retinenda subducas, mox impetu deorsum ruit in immam scaturiginem: ita voluntas nostra sibimet permissa, sine duce ruit in vetitum, panem in diem aut peior, aut certe ad bonum remissior. Idcirco illi Deo familiares viri quotidianis incrementis se uni constantiæ parabant. Isaacum, Mosem, Davidem aspice seipsis quotidie fortiores. Non est bonus, qui non vult esse melior, & ubi quis incipit



Phil. nolle esse melior, ibi & bonus esse  
 c. 3. v. definit. Quæ quidem retro sunt, in-  
 23. & quit Apostolus, obliviscens; ad ea  
 24. vero quæ sunt priora, extendens me-  
 ipsum, ad destinatum persequor.  
 Psa. 17 Persequar inimicos meos (jurat Da-  
 v. 38. vid) & comprehendam illos, & non  
 convertar donec deficiant. O male  
 fundatos conatus nostros, quos aut  
 robur aut constantia destituit. Vi-  
 tia nostra, hostes nostros quando-  
 que cædimus, sed non persequi-  
 mur cædendo, non comprehendi-  
 mus; convertimur & deficimus. Pa-  
 Meta- chomius suorum aures assidue ob-  
 phrast. & alii. tūdebat hoc monito: Frustra ad salu-  
 tis bravium currimus, nisi sic curra-  
 mus ut comprehendamus; frustra  
 cum hoste confligimus, nisi certe-  
 mus ut vincamus. Hoc ipsum no-  
 bis assiduissime & quot horis occen-  
 temus: Urge negotium, urge, ur-  
 ge: cœpisti mansuetus esse? perse-  
 vera hanc mansuetudinem. cœpisti  
 castus esse? lasciviam ne repete, re-  
 tine castimoniam. cœpisti è pigro  
 laboriosus fieri? perpetua laborem.  
 multas vitiorum sordes evomuisti?  
 ne redi ad vomitum. Hoc negotium  
 urge, hîc tibi sis similis, hanc te-  
 lam pertexe & in bene cœptis per-  
 dura. Petrum Aldobrandinum pur-  
 puratum Romanum senatorem fe-  
 runt solitum dicere: Perseverantia  
 est virtutum baculus, quo nisi nitan-  
 tur

tur omnes, corruunt. Pars certe magna profectus est, quotidie idque serio velle proficere. Bilanx auri-fabri tam mobilis est, ut levissima quavis festucula deprimatur: ita nos vel ipsa occasionis umbra, aut asperior iracundiæ ventulus ab honesti rectique via depellit, & jam iterum ad vitæ prioris sordes revertimur, & cum probe circumspexerimus, nos in ipsis principiis vitæ bonæ deprehendemus, quos pridem longius progressos putabamus. Ita demum fama de nobis non bona in cælo inter Angelos spargitur: *Quia* Luc. e. hic domo cœpit ædificare, & non po- 14. v. 30 tuit consummare. Exorsus est bene, progressus est aliquamdiu, col-lapsus est ad extremum. Geminæ il- 1. Reg. la boves ad Arcam Domini trahen- c. 6. v. 12. dam junctæ, nec dextra nec læva declinabant per viam Bethsames; & licet vituli matrum absentiā inclamarent, illæ tamen cœptum iter perseverabant. Iugum Domini ah quoties in nos recipimus, & virtutis via incedimus, sed heu brevi illud executimus, & ad vitulos nostros redimus. Quid agis, non bos, sed homo? progredere, non desiste; ut cœpisti, sic perge: mugiant licet concupiscentiæ, invitet notum flabulum, tu perge: & quamvis consuetudo reclamet, socii alio trahant, tu vero perge & nec responso dignare.



2.The. avocantes. Paulinum illud assidue  
c.3. v. cogita: Fratres nolite deficere bene-  
13. Gal.c. facientes.

6.v. 9. XI. Ergo, bonum facientes non  
deficiamus, tempore enim suo me-  
temus non deficientes. In morte,  
bonum fuisse, non sufficiet, sed ad

Luc.c. mortem bonum permanisse. Beatus  
12.v. 43 servus ille, quem, cum venerit do-  
minus, invenerit ita facientem, non,

2.Reg. ita fecisse. Si prudentia Samsonis,  
c.11.v. & sapientia Salomonis ad suum fi-  
11. nem ematuruissent, nec ille vires  
amisset, nec iste regnum scidisset.

In Christianis non principium, sed  
finis attenditur. male coepit Paulus,  
bene finiit; bene coepit Iudas &  
male finiit. Currit incassum qui  
prius succumbit quam cursum ab-  
solvit. Ad desertum cum Hebræis  
perveniant multi, in terras illas fer-  
tiles vix ullus. Monstruosum opus, cu-  
jus principium est ratio, finis libido.

Centauros & chimæras enitimur; ha-  
bent hi partus nostri caput humanū,  
sed pedes equinos aut leoninos. Ini-  
tia Saulis fuerunt optima, sed quia  
in recte coeptis non perstitit, morte  
pessima finivit. Vxor Lothi, vitæ &

Gen.c. salutem consuluit urbem egrediendo,  
19.v. vitam & salutem & omnia perdidit,  
26. ad urbem respiciendo. Sunt qui iusti  
sapere incipiant, & fallacissimas  
mundi vanitates execrari; at mox  
cum Lothi conjuge curiosum ocu-  
lum

um ad vetitas oblectatiunculas reflectunt: vident, ardent, vincuntur, pereunt. O miseri! brevis est labor, primum erit æternum, momento stat pugna, æternitate tota permanet corona.

Narrat sacra pagina virum Levi-<sup>Iud. c.</sup>  
ten apud focerum suum diversatum, <sup>19 v. 4</sup>  
laute & humaniter habitum esse tri-<sup>& seqq.</sup>  
duo, quarto demum die Levites, ne  
hospitis sui liberalitate abuteretur,  
professionem adornavit. Cui valedi-  
centi focer: *Gusta prius, inquit, pu-*  
*illum panis, & conforta stomachum, &*  
*sic proficisceris. Sederuntque simul, ac co-*  
*mederunt & biberunt. Vesperascente*  
*die rogat iterum focer: Quaso te, ut*  
*hodie hic maneat, pariterque latemur. Le-*  
*vites cepit quidem velle proficisci, sed*  
*non profectus est. sic eâ die, hospi-*  
*tali domo pedem non extulit: man-*  
*sit; lætatus est. Postero mane, pa-*  
*rabat rursum Levites iter. quem*  
*denuo focer blande detentans: Oro,*  
*te, inquit, ut paululum cibi capias,*  
*& assumptis viribus dum increseat dies,*  
*postea proficisceris. Persuasus juve-*  
*nis blandissima hospitalitate, jen-*  
*tare coepit, sed hoc jentaculum nec*  
*ad meridiem finiit. Atque ubi*  
*solem pomeridianum notavit, su-*  
*bito e mensa consurgens itine-*  
*ris jam certus valedixit. Cui*<sup>Iudic.</sup>  
*rursum focer: Considera, inquit, quod*<sup>c. 19. v.</sup>  
*dies ad occasum declivior sit, & pro-*<sup>4. &</sup>  
*seqq.*



pinquat ad vesperum: mane apud me et-  
 iam hodie, & duc latum diem, & cras  
 proficisceris. Talis omnino est, Ge-  
 rarde, profectio nostra in patriam,  
 veram illam & beatam, moramur  
 & tricamur dum dies abit. Iam hoc,  
 jam illud vitium suavissime invitans:  
*Mane apud me, inquit, etiam hodie, &*  
*duc latum diem, & cras proficisceris.* Quid  
 nos ad hæc? incipimus velle proficisci,  
 non tamen proficiscimur, manemus  
 etiam hodie, & ducimus latū diem.  
 Altero mane profectiois occasio ur-  
 get, cōsurgimus velut jam jã abituri,  
 cum autem tanta humanitate ad jē-  
 tandum invitamur, non difficillime  
 persuademur; manemus iterum, et-  
 iam hodie, & cras (dicimus) profi-  
 ciscemur. Ita crastino, & perendino,  
 ita quinto & septimo, ita multis  
 diebus aliis manemus. Et licet quan-  
 doque pedem domo proferamus &  
 in viam nos demus, mox redimus,  
 & veterem noti hospitii benevolen-  
 tiam inquirimus. Sic iter nullum ab-  
 solvimus, etsi plurima ineamus, con-  
 stanti, seu rectius, pertinaci incon-  
 stantia. Hoc illud voluntatis nostræ  
 contagium est. O vacillantes animi!  
 ô homines ventosissimi! Attendite,  
 obsecro, ad extremam patientis Do-  
 mini vocem: *Consummatum est.* Hæc  
 vox è cruce in Paradisum iter ape-  
 ruit. Standum, perseverandum, con-  
 summandum est. Patientiæ soror  
 est

est Perseverantia, illam sibi non conciliat, qui hanc à se procul amandat.

XII. Abrahamum sacrificio intentum, subito agmine volucres advolarant, turbaturæ virum, si ille se turbari fuisset passus, sed enim in sacrificii parte ponebat Abraham, constantiam non perdere, aves abigere, & carnes ab iis intactas servare. Et quanta cogitationū agmina nos invadunt, cum preces fundimus, & Numini supplicamus? Tu vero abige muscas, perge precari, orationis exordio suum epilogum annecte, quod inchoasti perfice. Verum, *in* <sup>Psa. 32</sup>  
*imagine pertransit homo.* Imago ho-<sup>v. 7.</sup>minis quem pictor sedentem aut stare parantem pinxit, nunquam surgit, nunquam stat, etiamsi videatur velle surgere & stare. Millies hanc imaginem intueri, & nunquam surrexisse cernes, sed surgere tantum molientem. Tales plerique omnes pictæ imagines sumus, videmur velle surgere, velle stare, non surgimus, nec stamus. Surgere nos jubet dies Christi Nascentis, molimur surgere, non surgimus: surgere nos jubet dies Christi Resurgentis, nec jam aliud quam antea facimus: surgere nos jubent & alii per annum sacratiores dies, sed nos moris nostri sumus, æque lenta sunt nostra molimina ad surgendum, nec tum surgimus, aut



certe mox iterum sedemur, cadimus, jacemus. ita fane, *in imagine pertransit homo*: cadit ut vivus, surgit ut pictus.

Apud Ægyptias Thebas, Memnonias statuam olim fuisse ajunt è nigro lapide ad ortum solis conversam. Hæc imberbem adolescentem referebat, cujus ambæ manus fedi sic innitebantur, ut hominis surgere volentis similitudinem exprimerent: videbatur enim saxeus ille adolescens orienti soli velle assurgere. Oculorum autem & totius oris conformatio, hominem jamjam locuturum repræsentabat. Et sunt qui dicant ab hac statua sonum edi solitum, cum illam sol oriens radiis suis attigisset. Huic simulachro nos prorsus simillimi sumus. In molli vitiorum sede, dies & annos velut clavis affixi hæremus: Et licet surgere velle videamur, & abitum moliri, nunquam tamen surgimus, à vitiis nunquam serio abimus. Videmur etiam velle loqui, & commissas noxas velut non amplius repetendas efficacissime detestari. Sed heu quàm fracte loquimur! inanis sonitus non ab imo pectore, sed à summis labris evolat. languidas aliquot vuculas ab ore fundimus: *Doleo, nollem fecisse, inconsiderate egi*. Vbi dicta illa robustiora? Ex animo me poenitet omnium nozarum, extremè damno quod

quod feci, mallet fluxa hæc omnia perdidisse, quam Deum offendisse, sed statuo, cum Psalte juro, firmissime propono, justificationes Domini custodire, & has noxas non amplius repetere: mori malo quam talia denovo patrare: totis posthac viribus in mei emendationem incumbam.

Paucorum hæ voces sunt, & sint licet, verbis tamen non respondent facta, nec sermo cum vita concordat: dicimus & non facimus, statuiamus & nil perficimus, decernimus & non exequimur. Nimirum saxei homines sumus, in pravas consuetudines pessime obstinati. & hoc ipso illi lapideo adolescenti non absimiles, quod ad maturam sanctioris vitæ senectutem vix unquam pertingamus, atque ita maneamus lapides.

In vestis Aaronicæ ora infima inter campanulas aureas, mala punica purpurascebant; hæc inter arborum foetus excellunt, & recte virtutum præmiis conferuntur, sed illa non ad supremum vestis marginem, non ad umbilicum, sed imam simbriam appendebantur: ita præmium virtutis non incipientibus, non progredientibus, nec in medio hærescentibus, sed finientibus cedit. <sup>Apoc. c. 2. v.</sup> Estote <sup>10.</sup> fidelis usque ad mortem, & dabo tibi coronam vitæ.

Itaque in omni bene beateq; agenda



de vitæ instituto constare nos nobis ipsis decet, ut semper iidem simus, imo & meliores simus, eademque animi & majori semper alacritate curramus qua cœpimus. Si quo forte vitii diverticulo, justitiæ iter fuerit interruptum rursus ad illud per poenitentiam revertamur, quoniam autem revertendi facultas interdum morte præciditur, divertere periculosissimum, continuare semper tu-

Luc.c. tissimum. Serviamus illi in sancti-  
I.v. 75 tate & justitia coram ipso, *omnibus diebus nostris*. At nos nescio quam morose vitæ nostræ seriem numeremus; longum nobis videtur triginta, quadraginta, aut sexaginta annis, integros castosq; mores perseverare; pæne tot sæcula quot annos computamus. adeo levi morula nostra omnis elanguescit Constantia. O homines pusilli animi! Noë-  
Gen.c. mum videte, justum, perfectum,  
6.v. 9 cum Deo ambulantem. Hic cum molientiæ arcæ manum admoveret, quingentorum annorum erat. Finito sæculari opere illo, sexcentas jam ætates viderat; cum morti concederet, annos vitæ numerabat nongentos quinquaginta. Eo ævi constantissimam innocentiam perduxerat maturus hic cælo senex. Vbi jam anni nostri pauculi, è quibus vel unicum, innocentiae integrum donare, nimia nobis videtur liberalitas.

A custodia matutina usque ad no- <sup>Psalms.</sup>  
ctem speret Israel in Domino. Me- <sup>129. v.</sup>  
lius est non cœpisse, quam non fini- <sup>6.</sup>  
visse. Nihil est quod non expugnet <sup>Aug.</sup>  
pertinax opera, & intenta ac dili- <sup>de</sup>  
gens cura. Hæc Christianorum ve- <sup>Cōtia.</sup>  
ra demum est gloria, cum Christo <sup>Seneca</sup>  
posse dicere: Opus consummavi. <sup>ep. 66.</sup>  
quod dedisti mihi ut faciam. <sup>Ioan.</sup>  
<sup>6. 19. v.</sup>  
<sup>30.</sup>

## CAPUT IX.

*Examen conscientia commendatur Reli-  
giosis.*

I. VOs ego nunc maxime appello  
(sed reverenter & submisse)  
quorum leges quotidianum esse vo-  
lunt hoc conscientia tribunal. Hic  
ego oro & obsecro (nihil enim in me  
imperii) si quid facitis, id recte &  
integre facite. Animus domi suæ sit,  
vigilent oculi, perseverent genua,  
lingua suis partibus ne desit, opus  
suum faciant & manus, atque in pu-  
gillares, chartam, tabellas referant,  
si quid debitorum contractum, aut  
si quid rerum aliarum huc spectan-  
tium subnotandum est.

Inter profanissima veterum sacra  
clamabat olim præco? *Hoc age.* Hoc  
ipsum quisque sibi sub noctem seve-  
rius occlamitet: *Hoc Age*, conscien-  
tiam tuam rimare, & omnes illius  
angulos excute. Neque unquam  
deerit



Bern.  
serm. 4  
de ad.  
vent.  
Dom. deerit quod rimeris & excutias. Si  
Bernardo credimus, conscientia tam  
nostra quam aliena, abyssus & nox  
est imperscrutabilis. Ergo inquire in  
teipsum, de teipso fer sententiam  
non connivente oculo, attentisque  
auribus, *Hoc Age*. Sed actum te age-  
re scias, nisi jam hoc unum, idque

Senec.  
ep. 89.  
propius  
finem. serio agas. Ergo hunc diem tuum re-  
cognosce, affectus insolentiores cō-  
pescce, marcentia in te excita, soluta  
constringe, contumacia doma, cupi-  
ditates tuas jugula: & istis dicenti-  
bus, Quousque eadem? responde,  
Ego debeo dicere, Quousque eadem  
peccabitis? remedia ante vultis quam  
vitia desinere. Ego vero eo magis di-  
cam, & quia recusatis, perseverabo.

Hoc ergo agendum est, ut, quod  
censuram meretur, reprehendi &  
extirpari, quod laudem, commenda-  
ri possit, & altius animo inferi. bea-  
tus, qui

Auson.  
E. dyll.  
8. *Iudex ipse sui se totum explorat ad un-  
guem,*

— *nil ut deliret amissis:*

*Cogitat, & justo trutina se examine  
pensat.*

Hom.  
2. in  
ps. 50.  
post.  
med.  
Sen de  
beata  
vita c.  
17. Antequā veniat tibi somnus, inquit  
Chrysostomus, profer in medium,  
codicem conscientiā tuam, & remi-  
niscere peccata tua, si quid in verbo,  
seu in facto, vel in cogitatione pecca-  
sti. Cum Romano Sapiente hic qui-  
vis optime dixerit: Hoc mihi fatis est,  
quotidie

quotidie aliquid ex viciis meis demere, & errores meos objurgare. O quoties per diē nosmet amittimus, & vaga licentia errantes velut perditī, aut in Irā, aut in Impatientiā, vel etiam in Socordiā dominium impingimus. Vesperi, quisquis voluerit revocare gradum, poterit, & à tam barbara servitute se vindicare. Inæstimabile bonum est, suum fieri, & in seipsum habere maximam potestatem, nec ulli rei affectu nexū esse, nisi uni Deo, cui, an mens hominis se ita donarit, non otiose ad conscientiā tribunal disquirendum. Hoc opus, hic labor, ut quod tunc faciendum, non oscitanter, non perfunctorie, non somniculose fiat, quis enim non dixerit stultitiā proprium esse, illud quod quis cura & studio vix recte faciat, hoc ignave ac segniter facere, & alio corpus impellere, alio animum. Quicquid obsequii Deo defertur, id quam potest, studiosissime & accuratissime deferendum est: dignissimus est Deus, in cujus cultum nervi omnes, cum animi tum corporis intendantur. Nec in levi negligentia ponendum quicquid hīc paullo negligentius curatur. Divinus Paulus precatur: Orabo, in-<sup>1</sup> Cor. quit, spiritu, orabo & mente. Ni-<sup>14, v, 15.</sup> mirum in aliis satis fuerit partem hominis fatigari, hīc totus homo nunquam satis laboraverit. Sedulos  
mini-



ministros vult Deus, & qui id quod  
 agunt, toti agant. O Religiosi! an  
 non sæpe hoc conscientia negotium  
 remisse agitur, cum tædium, nausea,  
 fastidium se insinuant, cum somnus  
 & torpor obrepunt, cum cursim &  
 obiter conscientia inspicitur? Gratia  
 aguntur Deo, sed languide; Lumen  
 à Deo petitur, sed in oculis nictan-  
 tibus & semisopitis jam nox est; Cul-  
 parum venia rogatur, sed frigide &  
 mente alibi occupata; Emendatio-  
 nis in posterum fit promissio, sed  
 ea nec firma nec valde seria. Ita  
 hæc conscientia quæstio & causa per  
 transennam agitur, & dormitante  
 iudice, à quo merito provocatio fiat  
 ad vigilantem; ita rei accusatio,  
 damnatio, castigatio somniculosa ce-  
 leritate deproperatur, jamque pedes  
 ad lectum festinant. O Simon, dor-  
 mis? ô servi Numinis, hæc actæ diei  
 clausula est, hoc ineundæ noctis ex-  
 ordium? Aliquando ad unumquem-  
 que horum talium, vox veniet non  
 blanda: O Religiose, sic non potui-  
 sti, non dicam hora, sed nec una  
 horulæ parte vigilare mecum? Nunc  
 mors tibi dies & horas computat, tu  
 cogita an non annis præteritis sex-  
 centies & amplius, conscientia cau-  
 sam dormiens tractaris? difficile tibi  
 non erat ad rerum novarum narra-  
 tiunculas attentissimis auribus vigi-  
 lare; at mecum per horulæ partem  
 ratione

rationes componere, fastidii plenū videbatur. O Religiose, rebus tuis consule, ne & illa vox te feriat: quia te non videns placuisti tibi, displicebis & mihi cum judicaberis, & tibi cum ardebis.

Idcirco sui muneris esse quisque <sup>Is. c. 28</sup> credat cum Isaia profiteri: Super spe- <sup>v. 8.</sup> culam Domini ego sum, stans jugiter per diem, & super custodiam meam stans totis noctibus: Confitebor <sup>Psa. 31</sup> adversum me injustitiā meam, <sup>v. 5.</sup> & Dominus remittet impietatem peccati mei.

Dorothei consilium est, non fibras tantum noxarum amputandas, sed ipsas etiam vitiorum radices & indagandas & extirpandas, quod sane nunquam fiet, nisi quotidiana Vigilantia conscientię hoc examen quam exactissime instituat. Ergo, o Religiosi. Hoc *Agite* quod agitis. non satis hīc inæqualem superficiem utcunque complanasse; ardentiore conatu opus, altius fodiendum est, & ad ipsas errorum origines penetrandum. Vigiliis hæc res agenda & solertissima cura, nec parcendum operæ: Nemini unquam sua probitas parvo stetit. Sane dormiendo vitia non dediscimus. Summum vitæ gaudium bona conscientia; summum vitæ supplicium mala conscientia; maximum vel in gaudiis tormentū, conscientia laniatus; maximum vel



146 DE CVLTV CONSC.  
in dolore levamentum, pax & tranquillitas conscientiae. Hanc quisque tanto curat impensius, quanto sincerius amat.

II. *Idem Beatissima Virginis Sodalibus commendatur.*

**L**Eges etiam vestrae, ô Sodales integerrimi, hanc vobis lineam ducunt, ad quam omne opus diurnum exigatis. At si bene calculum pono, triplex fere inter vos est factio. Sunt qui dicant: Conscientiam sub quemlibet vesperem examinare, non vacat. Alii paullo protervius: Non lubet, etsi vacaret. Demum vero nomine sodales: Et lubet, inquit, & ut vacet, nos curabimus. Sed nescio an primi illi, his alteris censendi meliores. Inter illos & istos exiguum est discrimen, nisi quod illi excusationis mantelum præpandant culpæ, non vacat, ajunt; isti socordiam aperte professi, dissimulare nolint vitium, non lubet, inquit. Itane vobis, ô boni, non vacat? Nimirum ad alia omnia vacamus, præterquam ad salutis negotium. suas horas studiis, suas lusibus, & somno suas idque liberalissime partimur: suas sibi horas mensa habet, una conscientia nec horæ quadrantem sibi uila ratione impetrat. Ad quascunque nugas abunda-

undamus tempore, cum vero à maculis eluenda conscientia, *non vacat*. Sic tempus avarissima tenacitate virtutis studio negamus, quod turpissima prodigientia, in somnum, in ludos, in confabulationes effundimus. Cum salutis res agitur, *non vacat*; cum sordes animi detergendæ, *non vacat*; cum actiones præteritæ diei magno emolumento remetiendæ, *non vacat*; cum horæ quadrans saluberrime sui ipsius notitiæ dandus, tam angustum nobis tempus, ut nec tum vacet. sic ad virtutem contendimus, inter vitia districti. pudet dicere, honesta non colimus, nisi quantum vacat. At quantum præmium nos expectat, si occupationes nostras, & mala hæc tenacissima abrumpamus? *Has ergo habentes promissiones, charissimi, mun-* 2. Cor. c. 7. v. 1  
*demus nos ab omni inquinamento carnis & spiritus, perficientes sanctificationem in timore. Non enim vocavit nos* 1. The. c. 4. v. 3  
*Deus in immunditiam, sed in sanctificationem.* & 4. *Hæc est voluntas Dei, sanctificatio vestra.*

At sunt, quibus sua placet segnitie; etiam sine pallio. nil excusationis opponunt; hoc labore superfedere se posse autumant, modo dicant, *non lubet*. Quod tantundem est dicere, ac, nolo facere quod officii mei est, sodalium legibus parere non volo, conscientia



148 DE CVLTV CONSC.

tranquillitatem tanti non facio, ut  
eam his impendiis emam. Ah! mise-  
ri, quousque tandem vestrum illud  
ignavissimum, *non lubet?* Filii ho-  
minum usquequo gravi corde! Con-  
scientiæ puritas tanti est, ut operæ  
pretium sit omnino, eam vel maxi-  
mis laboribus, vel quantavis mole-  
stia redimere. Suppliciorum extre-  
mum est, in vitio sibi facere delicias,  
& mentem cauterio resectam gere-  
re. Beatus Gregorius: Quisquis, in-  
quit, vitæ suæ custodiam negligit dis-  
cutere, quæ agit, quæ loquitur, quæ  
cogitat, aut despicit aut nescit, sibi-  
metipsi præsens non est, quia semet-  
ipsum quotidie exquirere atque co-  
gnoscere sollicitus non est. Ille au-  
tem veraciter sibi in præsentī est, qui  
se in suis actibus tanquam alium at-  
tendit. Nam sunt multa peccata quæ  
committimus, sed idcirco gravia no-  
bis non videntur, quia privato nos  
amore diligentes, clausis oculis, in  
nostra nobis deceptione blandi-  
mur.

Psa. 4.  
v. 3.

Greg.  
hom. 4  
in E-  
zech.

E veteri memoria in vos testes non  
producam: videte obsecro vel tan-  
tum sodales vestros alios, quibus hoc  
unice curæ & cordi est, conscien-  
tiam quotidie in sincerum nitorem  
repurgare: nullum illi diem finiunt,  
cui hanc clausulam non apponant:  
nullam illi noctem inchoant cui  
hanc præparationem non præmit-  
tant;

tant; nunquam illi prius in lectum quam in seipfos descendunt: errores suos quotidie objurgant, quotidie aliquid ex vitiis suis demere conantur. De his optime, quem modo dixi <sup>Greg. l. 25. mor. c. 6.</sup> Gregorius: Electorum est, inquit, actus suos quotidie ab ipso cogitationis fonte discutere, & omne quod turbidū profluit, ab intimis exiccare. Metuunt in his quæ se egisse meminerunt, & puniunt flendo, quod perpetrasse se intelligunt: timent subtilia divina judicia etiam de his quæ in semetipsis intelligere fortasse non possunt. Vident enim videri divinitus, quod ipsi in se per humanitatem non vident. Atque in hoc secreto interioris judicii, ipsa mentis suæ executione constricti pœnitendo feriunt quod superbiendo commiserunt. Ibi namque adversum se, quicquid se impugnat, enumerant, ibi ante oculos suos omne quod defleant coacervant: ibi quicquid per iram districti judicis decerni possit, intuentur: ibi tot patiuntur supplicia quot pati timent, nec deest in hoc judicio mente concepto, omne ministerium quod punire reos suos plenius debeat.

Mercatores sunt qui maria terrasque assiduis itineribus circulantur; nunc Romæ, nunc Mediolani degunt, jam Parisios, jam & Constantinopolim appellant, domi suæ vix



unquam sunt. Pace vestra dixerim, tales & vos estis, vaga curiositate omnium domorum incolæ, una conscientia domo pertinaciter devitata, ita vix unquam domi & apud vos ipsos estis. O Sodales, nusquam est qui ubique est, foris argus, domi talpa. Quam autem hoc congruum rationi, ut qui per diem tot aliis, vespere secum ipse, & cum sua conscientia loquatur. Ingredere & includere in medio domus tuæ; monet Ezechiel. Tuta domus, arcanum conscientia: miser est, & nec Deo, nec sibi vivit, qui hac domo habitare nescit, qui, cum conscientia convenienda est, inertissimum illud objicit, *non lubet*. Sibi dictum putet unusquisque sodalium, quod Hugo Victorinus in hæc verba submonet: Redi ad cor tuum, & subtiliter discute te ipsum: considera unde venis, quod tendis, quomodo vivis, quid agis, quid amittis, quantum quotidie proficis vel deficis, quibus cogitationibus magis incurfariis, quibus affectibus tangeris, quibus tentationum machinis à maligno spiritu acrius impugnaris: & cum totum interioris & exterioris hominis statum plene cognoveris, non solum qualis sis, verum etiam qualis esse debeas, de cognitione tui poteris sublevari ad contemplationem Dei. Conscientia rationes quisquis benè vult subducere,

Ezech.  
c. 3. v.  
24.

Hugo  
lib. 3.  
de anima.

ducere, quotidie subducatur: hoc ipso male curatur conscientia quia rarius.

Ah, quam male est extra legem vi-  
 ventibus, quicquid meruerunt, sem-  
 per expectant. Nam conscientia ac-  
 cusat, ratio judicat, timor ligat, do-  
 lor excruciat. Quod iudicium eo  
 certius punit, quo interius sævit: Præ-  
 clarissime Bernardus: Conscientia  
 mala, inquit, contristat animam,  
 eamque Deo exhibet immundam,  
 angelisque & hominibus foedam &  
 sibi ipsi turbatam & inquietam.  
 Nulla enim poena major est mala  
 conscientia. Omnium siquidem de-  
 liictorum nostrorum ipsa est testis,  
 ipsa iudex, ipsa tortor, ipsa carcer.  
 Ipsa accusat, ipsa judicat, ipsa pu-  
 nit, ipsa damnat. At vero consci-  
 entia bona, templum est Salomo-  
 nis, ut idem Bernardus loquitur,  
 ager benedictionis, hortus delicia-  
 rum, aureum reclinatorium, gau-  
 dium Angelorum, Aula Dei, ha-  
 bitaculum Spiritus sancti, liber si-  
 gnatus & clausus, & in die iudicii  
 aperiendus. Nihil est jucundius, ni-  
 hil tutius, nihil ditius bona consci-  
 entia: premat corpus, trahat Mun-  
 dus, terreat diabolus, illa erit secura  
 usque in finem.



III. *Idem aliis quibuscunque  
commendatur.*

Nemo hîc pramoliatur, se lege non teneri. Piacularis confessionis lex neminem habet eximium. Atqui vero huic rite instituendæ, necessarium prorsus est, conscientiam excutere & in notitiam deducere delictorum. Istud sane quo rarius, hoc & pejus fiet atque remissius; ipsa exercitatione in hanc industriam roboramur. Qui in re familiari neglectum omnem cavere vult, expensarum rationes quotidie inspicit; ubi moræ & dilationes crescunt, rem familiarem decrescere necesse est. Idem prorsus hîc, seipsum nosse non discit, qui seipsum raro inspicit. Horologii æquabilis ordo directricem manum quotidie postulat: conscientiæ sanitas quotidianis vult subsidiis fulciri. Epictetus pulchre submonēs: Quemadmodum, inquit, in ambulando caves ne clavum calces, pedemve distorqueas, sic in degenda vita cave, ne gubernatricem actionum, mentem tuam lædas. Quod si in re unaquaque observabimus, omnia cautius aggrediemur. At si spinam aut clavum pede indueris, an non ea mox hora, eo certe die extrahes, ne pars læsa in malignum ulcus suppuraret? ita pedi consulis. Et conscientiam

tiam si læseris (septies enim in die <sup>Prov.</sup>  
 cadet iustus) non eodem mox die <sup>c. 24. v.</sup>  
 medicinam facies? mucronem subti- <sup>16.</sup>  
 lissimum pedi eximis, & lethale vul-  
 nus tolerabis in conscientia? Vide- <sup>Ephes.</sup>  
 te itaque, fratres, quomodo caute <sup>c. 5. v.</sup>  
 ambuletis, ut ambuletis digne, Deo <sup>15.</sup>  
 per omnia placentes. In quæ verba <sup>Colos.</sup>  
 insigniter Augustinus: Dicitis, in- <sup>c. 1. v.</sup>  
 quit, quid est ambulare? Breviter <sup>10.</sup>  
 dico, *proficere*, ne forte non intelliga- <sup>Aug.</sup>  
 tis, & pigrius ambuletis. Proficite, <sup>serm.</sup>  
 fratres mei, discutite vos sine dolo, <sup>15. de</sup>  
 sine adulatione, sine palpatione. <sup>verb.</sup>  
 Non enim est aliquis intus tecum, <sup>Apoł</sup>  
 cui erubescas & jactes te. Est tibi, sed  
 cui placet humilitas, ipse te probet.  
 Proba & teipsum tu ipse. Semper  
 tibi displiceas quod es, si vis perve-  
 nire ad id quod nondum es. Nam  
 ubi tibi placuisti, ibi remansisti. Si  
 autem dixeris, *sufficit*, & peristi. Sem-  
 per adde, semper ambula, semper  
 profice. Noli in via remanere, noli  
 retro redire, noli deviare. Remanet,  
 qui non proficit: retro redit, qui ad  
 ea revolvitur unde jam abscesserat;  
 deviat qui apostatat. Melius it clau-  
 dus in via, quam cursor præter  
 viam.

Laudata illa Moabitibus Ruth, ut <sup>Ruth.</sup>  
 sacrae paginae testantur, *collegit in agro* <sup>c. 1. v.</sup>  
*usque ad vespèram, & quæ collegerat, vir-* <sup>17.</sup>  
*ga cadens & excutiens, invenit hordei*  
*tres modios.* Constantia monet perti-



nax hic labor, & exigenda ab animo rationis sub serum vesperem. Quisquis es, hoc tibi met tuto persuade, non usquequaque omnia ex amussi & ad unguem te facturum, quin à te facta limam admittant, imo exigant: quantumcunque industrius & solers sis, tamen tam puri seminis acervum non colliges, quin collectum diligenter excutere oporteat, quando multa facimus, quæ velut cassa nux omni nucleo carent, & præter solam virtutis speciem nil habent in se pretiosi. Quam multi quarunt scientiam, & pauci conscientiã! Verendum sane, ne olim cum reddenda erit ratio, eveniat nobis quod infelicibus illis Ephratæis, Iordanem transire molientibus. Hi namque à Galaaditis intercepti & interrogati an Ephratæi essent, illis negantibus, imperatum porro, vernaculi idiomatis notam ederent, pronunciarentque vocem *Scibboleth*, hoc est, spica granis plena. Hic miseris inassueta lingua non parebat, neque illi aliud enunciare poterant, quam *Sibboleth*, hoc est, culmus grano vacuus. è vocali hoc signo, hostes esse noscebantur. ideoque *statim apprehensi jugulabantur, in ipso Iordanis transitu.* Et nos in itu perpetuo atque transitu sumus, è nostro in orbem prorsus alium & novum: neque fas transire ulli, quem non excepiat severum

Bern.  
c. 21.  
de int.  
dom.

Indic.  
c. 12. v.  
6.

severum examen, in quo sola virtus non rejicitur. Animus à virtute vacuus, velut sterilissimus culmus ad incendia aeterna dejicitur. At vero quemadmodum spicæ licet prægnantes granis, ob paleæ tamen sterilem societatem flagellis excutiuntur, ita vix ulli actus humani tam puti puri ab omni defectu & sorde, quin & in his pretiosum à vili, sincerum ab impuro sit secernendum. Ergo te ipsum, tuasque actiones, mi Christiane cæde & excute; rejice paleam, remove omnia quæ maculant. Et sane par esset, ut, quod Ruth fecit, trium modiorum mensuram quotidie comportares. Hos sacri interpretes ajunt esse cogitationis puritatem, locutionis veritatem, optimæ operationis sinceritatem, ut diem totum sibi rapiant & sanctæ cogitationes, & colloquia utilia, & honestissimæ actiones unius Numinis honori editæ. Et hoc ipsum nocturnæ discussionis pars erit videre, num tres modios istos repleveris.

Omnes igitur cordis nostri recessus (inquit Cassianus) jugiter <sup>Cass. col. 1. 2. c. 12.</sup> perscrutandi sunt, & ascendentium in eos vestigia indagatione sagacissima retractanda. Aureus ille orator ad idem gravissime suos hortatus:



Chryf.  
Hom.  
II. in  
Gen.  
ante  
med.

tatus: Et ne, inquit, ita simpliciter jejuniorum hebdomadę prætereant, scrutemur suam quisque conscientiam, & rationem examinemus, & consideremus quidnam in hac hebdomada probe actum sit, quid in alia, & quale augmentum fecerimus ad sequentem, quas in nobis affectiones correxerimus. quod si vitam nostram non instituerimus, magnam animæ nostræ curam habentes, nihil nobis usui erit jejunium vel inedia quam toleramus, præsertim si comperti fuerimus inferiores his, qui tantum studium colligendis opibus impendunt. Opus suum probet unusquisque. unusquisque enim onus suum portabit. Suum opus, inquit Anselmus, non alterius examinet, ut Phariseus publicani. Neque tantum peccata, sed & actiones alias, quantumvis bonæ videantur, examinari vult Paulus. Deus quàm primum lucem creavit, inspicere illam & experiri voluit: *Et vidit Deus lucem,* Gen.c. *quod esset bona.* Quid luci cum huiusmodi experimentis? an non de bonitate illius constabat, maxime cum à Deo esset creata? Constabat omnino, sed ostendit hic bonus Deus, qua ratione nostra nobis opera tentanda sint & experienda, quantumcunque bona illa & lucida videantur. Sunt quæ nitorem, non tamen naturam auri habeant.

Chri-

Christus discipulos suos super fama sua examinans: Quem, inquit, <sup>Luc. c. 9. v. 18</sup> me dicunt esse turbæ? Idem & nostrum quivis de se interroget: Et quem me ajūt esse cives mei? Quem expecta sis, mi homo, respondebo. Ajunt te esse hominem potulentum & madidum, vini amantissimum, & in dies pæne singulos ebrium: & forsitan tu solus hoc ignoras? Aut dicunt te Veneris esse mancipium, ad omnem petulantiam & libidinem projectum, ore, oculis, manu inverecundum: & forsitan tu solus hæc nescis? Aut, non negant te cetera probum, sed deparcum, sordidum, avarum Euclionem, qui multæ pecuniæ longe sit appetentior, quam puræ conscientiæ, avidior numi, quam cæli: & fortassis te solum hæc latent? Aut, constanter asserunt te hominem esse turgentis supercilii, ore asperum, gestu inflatum, ceremoniarum & pompæ cupidissimum, ostentatione & arrogantia plenum: & forte tibi uni hæc ignota sunt? Aut, non equidem dissimulant te pacis & concordiæ inimicum, omnis injuriæ impatientem, ad arma & iram præcipitem ruere, difficillime placari: & tu forsitan te talem ad hoc temporis non credebas?

Aut, plerique affirmant te dandis consiliis illustrem, politicum, commem;



mem; cetera te hominem tui sensus & cerebri esse, pertinacem & æneæ cervicis; nec religionis adeo tenacem: & fieri potest ut tibi soli hæc nunquam innotuerint: Aut, vox fere omnium est, te quieris tam amantem, ut nihil tibi dulcius sit quam feriari & otio diffuere: & tu forte hoc virtutis in te non notaras? Aut, fatentur plurimi, te precum quidem studiosum, sed patrem familias incuriose agere, & pecuniam utraque manu insigniter dilapidare: & forte an tibi hæc à nemine objecta? Aut, nemo est qui nō accuset lividos dentes tuos & oris mordacissimum acetum, quo omnium famam perfundi dicunt: & tu fors edentulum te credebas & mansuetæ linguæ hominem?

Quid ergo contra sermones hos obducis? omnesne falsi? Sæpe fit, mihi crede, ut hominem sibi met ignotissimum, intus alii & in cute norint. Tu ergo tuam conscientiam quot diebus interroga, non mentietur: si illa te reum pronuntiavit, errores ne defende, sed emenda & corrige: si in fontem te absolverit, tumores populi generosa patientia contemne. Conscia mens recti, famę mendacia ridet.

Epist.  
ad Se-  
cundi-  
um  
Ma-  
rch.

Augustinus olim intrepide de seipso: Senti de Augustino, ait, quicquid lubet, sola me in oculis Dei conscientia

entia non accuset. Idem, quicumque alius serenæ conscientia homo liberrime dicat: Loquantur de me alii quod volunt, modo me ad Dei tribunal defendat conscientia. At quomodo defendet eum à quo neglecta, oppressa, vix unquam loqui permessa? Hic forte dicas, quanti sunt, qui vix semel in anno, conscientia suæ potestatem faciunt loquendi: & nos quotidianas illius accusationes toleremus? Et quid oro, Christiani, malæ causæ argumentis pejoribus patrocinemur? Non est bonitas pessimis esse meliorem, aut effrenatissimis moderatiorem; non inde conscientia nostra erectior, quod ab aliis ea calcetur, neque nos culpæ eximit tantus aliorum neglectus. Iobus consiliis sanioribus usus: Veruntamen, inquit, vias meas in conspectu ejus arguam, & ipse erit <sup>Iob. c.</sup> saluator meus, & annexa causa: Vere-<sup>13. v. 15</sup> bar, inquit, omnia opera mea, sciens quod non parceres delinquenti. Virtutū, ô mi Deus iudicium prævertere; diebus omnibus meipsū iudicavi, & velut à deprehēso reo pœnas repetii.

Pulcherrime & ex natura rei de hoc differens Chrysostomus: Est tibi tribunal, inquit, multum habens emolumentum, & nullam referens accusationem. Constitue super conscientia iudicantem rationem, & in medium omnia



nia tibi patrata proponere, animæ tuæ peccata scrutare, & poenas exige diligenter, & dic: Quamobrem hoc, & hoc ausa es? Et si hæc quidem fugiat, aliena discutiatur, dic ad eam: Non de his te judico, non pro his venisti te purgatura. Quid enim si ille malus? quare tu hoc, & hoc admisisti? responde, noli accusare, tua consideres, non aliena. & eam in hanc anxietatem agas continue. Postea, si nihil quod dicat, habeat, sed refugiat: dilania flagellans eam quasi quandam ancillam insolentem, & fornicantem: & quotidie iudicium huiusmodi constitue (*quotidie, nota Gerarde, quotidie*) & ignis flumen designa, veneniferum vermem, tormenta reliqua: nec eam amplius sinas diabolo copulari, nec impudenter loquentem tolere: Ille, venit ad me, ipse mihi tendit insidias, ipse me tentat, sed dic ei: Nisi tu velis, illa omnia superflua. Quod si rursum dicat: Corpori connexa sum, carnem induta, mundum habito, in terra commoror, dic ad ipsam: Hæc omnia sunt excusationes & prætextus. Nam & ille carnem erat indutus, & ille mundum habitans, & in terra conversans, probabilis fuit: quin & tu ipsa, cum bene te gesseris, carne circumdata id facis. Quod si doleat hæc audiens, ne tollas manum: non enim morietur, si percusseris, sed eam

eam ex morte erues. At si rursum dixerit, quod ille exacerbat, ei responde: sed tibi licebat non exacerbare. Certe frequenter iram compressisti. Si dixerit, quod illius species me sublevavit, dicas ei, sed tu poteras continere, propone victos, propone primam mulierem quæ dixit: Serpens decepit me, nec à crimine liberatam. Cū autem hæc examinaveris, adsit nemo, nemo tumultuetur: sed sicut iudices sub velis judicant sedentes: sic & tu pro velis, quietis tempus & locum inquire. Et parvorum magnas exige pœnas, ne magnis unquam approximes. Si per singulos hoc feceris dies (observa iterū Gerarde, singulos dies) cū fiducia stabis ante tremendū illud tribunal.

Ita verbum è verbo expressit Chrysostomus, qui una gravissime questus: Sed nos, inquit, non ita facimus, sed omne contrarium. nam simul atque reclinati sumus, omnia versamus sæcularia, & hi quidem immundas inferunt cogitationes, hi vero fœnora & commercia, & corruptibiles curas. Ita somnum pessime auspicamur, inter vanas, avaras, invidas, inter impuras & sordidas cogitationes. ita nec dormimus quidem sine vitio, cum tam vitiose obdormiscimus.

Hoc est quod Christus toties repetitis clamoribus inculcat: Vigilate Matt. c. 24. v. 42.



& orate, quia nescitis diem neque horam, qua dominus vester venturus sit. Et vos estote parati, quia qua hora non putatis, filius hominis veniet.

Luc. c.  
12. v. 40

Pestilentissimæ incogitantia, & inexplicabilis audaciæ est, conscientiam ægram, & lethalis culpæ, vel unice ream, ad lectum deducere, ac plumis se sepelire, nec prius Numinis offensas deprecari, & cum Deo in gratiam redire. O mortalium miserrime, periisti, & æternum periisti, si nox hæc tibi sit ultima. Et cujus promissis securus, post hanc plures tibi noctes polliceris? Diebus pæne singulis immatura efferuntur funera; morte subita hinc illinc plurimi rapiuntur ad tribunal, & tu nihilominus offenso & irato tibi Deo, lectum temerarius irruis? Ah, infelix, quam non ludendum est cum *Æternitate!* levi obstaculo aut concussu, momento unico spiritus intercipitur, & omne tuum vivere consumptum est; cras cadaver tuum in sandapila, animus erit in gehenna, si non prius peccatum excludas, quæ somnum admittas. His sese periculis subducit, qui sopori se permissurus, ante serio evigilat, & quicquid per diem noxarum navorumque contraxit, dolore abstergit & emendationis proposito.

Hic talis licet ea nocte vitam finiat,

niat, vita tamen beatiore non excidet. Ergo vigilate quia nescitis neq; diem neque horam: Estote parati, quia qua hora non putatis, filius hominis veniet.

Sermonem, Gerarde, una cum die finiamus. Lux hæc abiit, sed non sine linea, quod tibi mihiq; gratulor. Longus fui, fateor, sed prædixi hoc futurum, & ideo longam à te patientiam postulavi. Ego quidem oppido fessus sum dicendo, sed non dubitem, quin tu etiam audiendo. Vtrique fatigationem somnus eximet, sed somnus quem præcesserit Examen conscientia, ut non doceamus tantum facere, sed & faciamus.





Imaginis sequentis brevis ex-  
plicatio.

**S**ollicita mater loquente digito diversos  
beatorum ordines monstrat, instruitque  
puerulum, qua ratione non tantum nosse  
Calites, sed & colere ac venerari debeat.  
Ab altera parte homo arumnis pressus,  
quem Concupiscentia carnis (Veneris puer  
in pavone equitans) quem & simia cum  
speculo, seu, Concupiscentia oculorum; sed  
& serpentes, afflictiones scilicet alia fati-  
gant: hic supplicem libellum porrigit An-  
gelo, rogatque Calitum apud Numen pa-  
trocinium, non ignarus ab Angelis ac ce-  
teris Calitibus adeuntium desideria exci-  
pi: cum Angelus luculente dixerit To-  
bia: Ego obtuli orationem tuam Domino.

Tob.  
c. 12. v.  
22.

Qua autem est ista iustitia, inquit Chry-  
sostomus, Sanctos colere, & sanctitatem  
contemnere? Primus pietatis gradus est,  
sanctitatem diligere, postea Sanctos. Sine  
caussa ergo iustos honorat, qui iustitiam  
non amat.





## LIBER SECVNDVS

## CAPVT I.

Ingressus ad sermonem,

DE

CVLTV CÆLITVM.

Polychronius, Gerardus.

POLYCHRONIVS.

**D**Iem primum ad conscientia-  
tribunal exegimus: hunc alte-  
rum Divis Cælitibus dicabi-  
mus. Ante omnia velim audire ex-  
te, & quæso ignosce quæstioni, Ge-  
rarde: Christianus es? *Ger. Sum. Pol.*  
Catholicus? *Ger. Sum. Pol.* Ergo jam  
peroravimus magnam partem. Ne-  
mo Catholici sanguinis fuit unquã,  
qui Cælites negaret esse venerandos.  
An nos damnabimus, quicquid om-  
nia retro annorum sæcula probarunt?  
Laus Sanctorum, Laus Dei, qui om-  
nis sanctitatis fons est & origo. Quic-  
quid honorandum aut commendan-  
dum in Divis est, Dei donum est.  
quicquid igitur honoris aut cultus  
Cælitibus impenditur, id omne in  
omnium auctorem Deum meritif-  
sima pensione refunditur. Lauda-  
tio servi, honor est domini. Quod  
beatus Hieronymus diserte affir-  
mans: Honoramus, inquit, reli-  
quias

Hier.  
ep. 53.  
ad Ri-  
par.

quias martyrum, ut eum cuius sunt martyres, adoremus: honoramus servos, ut honor servorum redundet in Dominum, qui ait: Qui vos suscipit, me suscipit. In eandem sententiam beatus Gregorius Nazianzenus <sup>Greg. de Laud. S. A. than. Alex. Arch.</sup> concedit, & Athanasium, inquit, laudans, virtutem laudabo, quoniam omnes virtutes complexu suo tenet. Virtutem autem laudans, Deum laudabo, à quo virtus ad homines promanat, cujusque beneficio nobis contingit, ut ad eum per cognatam illuminationem evehamur, vel potius revehamur.

I. Salomon humanæ sapientiæ miraculū, in eum errorem à feminis fasciatus est, ut pro uno, plurimos deos venerari cœperit. Roma caput Orbis, & veræ religionis nunc Antistita, olim eo prolapsa est abominandæ pietatis, ut diversorum deorū ipsa triginta millia percensuerit nominatim & coluerit. Proh quæ ista & quæ vilis deorum annona! alii longius etiam progressi infinitos pæne deos posuere; alii nullos: providentes alii, aliqui otiosos. Nos, quotquot Christiani sanguinis censemur, Deum unum agnoscimus, Divorum longe ultra triginta millia veneramur. Sed aliud est Deus, aliud Divus, qui quicquid honoris habet & ornamentum, habet à Deo.



Prisco ævo diversi generis amici numerabantur. Erant, quos *Prima admissio*nis amicos dixere: Alii *secundæ*, *tertiæ* alii vocabantur, scilicet ex ordine quo admittebantur. Tiberius Imperator, ipse amicos solitus describere in tres classes; & ab hoc more admissiones dictæ. Si hæc infima divinis fas conferre, Deus etiam amicos numerat, fere triplici classe distinctos. Amicos *tertiæ* admissionis dixeris, qui in gratia sunt apud Deum, sed etiamnum inter mortales degunt. Istos vero *secundæ* admissionis nuncuparis, qui vita functi & cælo destinati, sed necdum cælo admissi. At illos velut *primæ* admissionis familiares jure veneramur, quos Deus cælo jam recepit, beatissimis sedibus locavit, & vere *admisit* in conspectum. Et hos sciamus auxiliari nobis & nosse, & velle, & posse. Preces nostras audiunt, misérias & ærumnas nostras vident, idque in eo qui videt auditque omnia. Deus illis voluntarium speculum, & theatrum longe quam amplissimum est, in quo eis universa, prout sunt, repræsentantur. Hæc illi assidue contuendo, incredibili prorsus voluptate perfunduntur. Beati utiq; immortali lumine circumfusi, & plura & clarius cernunt in Deo, quam ullus olim prophetarum. Atqui prophetæ ea viderunt quæ esse desiderant,

desierant, & præviderunt quæ nondum erant.

II. Cur ergo Cælites, qui omni-gena felicitate circumfluunt, ea nesciant quæ ad ipsos spectant, quæque ab ipsis sciri cupiunt ii, qui opem illorum implorant? Helias clarissimus Hebræorū vates jam in sublime curru igneo fuerat evectus & tamen quid Ioramo Regieventurum esset cognovit, & ad eum super futuro statu litteras scripsit. Divinus Paulus à Corinthiis corpore aberat, iisdem tamen præsens animo; & iste nunc cælestis gloriæ jubar indutus, rerum inscientia laboret? An non primus à Christo Pontifex Petrus Christianis promittit, non modo se dum viveret, sed & mortuum unius cuiusque illorum memorem fore? Da-bo autem operam, inquit, & frequenter habere vos *Post Obitum meum*, ut horum memoriam faciatis. Istud promissi probe cepit Chrysostomus, eaque de causâ, die Principibus Apostolis Petro & Paulo natali, suis Petrum verbis compellat, monetque fidei & pollicitationis, ut qui suis discipulis promississet, eorum se haud immemorem, post discessum è vita futurum. Ergo norunt Beati quinam opem illorum implorent; ergo nil obstat quâ notitiam hanc, quo minus auxiliari nobis possint. At jam



cælo injuriam fecerit, qui beatissimam illius familiam non quidem neget id nosse, sed nolle affirmet:

1. Cor. *Charitas nunquam excidit.* Charitas  
c. 13. apud illos nunc auctior, inviola-  
v. 5. bili cursu æternitatis manet inte-  
merata. Et nos pronissimam eo-  
rum in mortales voluntatem in-

Cypr. *dubium vocemus? Vere & venu-*  
l. de *ste Cyprianus: Magnus, ait, illic*  
morta- *nos charorum numerus expectat,*  
t. *parentum, fratrum, filiorum; fre-*  
*quens nos & copiosa illic turba de-*  
*siderat, jam de sua immortalitate*  
*secura, & adhuc de nostra salute*  
*solicita. Quis autem cum ratio-*  
*ne ambigat de amplissima eorum*  
*potestate gratiaque apud Deum, à*  
Psa. 44 *quo, ut canit vates Regius, Con-*  
v. 17. *stituti sunt principes super omnem ter-*  
*ram. Ita iis ipsis olim per Ioan-*  
*nem arcanissimorum conscium pro-*  
*misit: Qui vicerit & custodierit us-*  
Apoc. *que in finem opera mea, dabo illi*  
c. 2. v. *potestatem super gentes, & reget*  
26. *cas. Ergo juvare nos norunt, &*  
*volunt, & possunt.*

## CAPVT II.

*Cultus Calitum contra opiniones as-  
seritur.*

GERARDVS.

**O** Bsecro, Polychroni, bona tua ve-  
nia, liceat mihi, sicut heri pi-  
grum, sic hodie hæreticum agere, &  
quæ strictim in fundamentum à  
te prolata, tricorni ariete concu-  
tere.

Placidissimam quietem Divorum  
turbari necesse est, si ad hominum  
vota vocesque animum debeant at-  
tendere, cum alioqui immensissimæ  
voluptatis suauitudo sic absorbean-  
tur, ut alio mentem nequeant avo-  
care. Hoc primum: en & alterum  
cornu. In Christum. Servatorem ea  
ratione injurii erimus, si aliis insu-  
per aduocationem nostram com-  
mittamus. En & tertium. Nul-  
lum est in divinis oraculis edictum  
quod ab eis opem & tutelam jubeat  
exposcere.

I. POLYCHR. Gossipio, non  
ferro præfixus est hic tuus aries.  
Et ô fatuam religionem! beata-  
rum mentium, quæ Deo felicissi-  
me potiuntur, vim & efficientiam  
eo modulo metiri velle, quo no-  
stros animos corporum custodia &  
con-



concretionē impeditos. Quid in mortalitatis mala superos adoptamus? hac quidem ratione Angelis, vix liberum ullum tempus aut solum foret, si humanæ calamitates illorum continuæ felicitati obstarent. Sic & alii Cælites æternis deliciis immerſi, vix mutuos in se aspectus flectere auderent, si hac reciprocati amoris benevolentia, à divinis amplexibus abstraherentur. Somnia sunt hæc, quæ nostros mores affingunt cælo, & quod terra patitur, id fieri putant inter sidera. Alii mores supra nos sunt, & vitæ ratio nostræ longe dissimillima. Beatissimæ cum Angelorum tum hominum mentes, in eo quem nunquam videre desinunt, dilucide vident, quæ ad illos pertinent omnia, tanquam lineas in suum centrum coeuntes, cum inferior hic mundus perfecte contineatur & distincte representetur in archetypo illo infinitæ capacitatis mûdo. Gregorius de Angelis: Interius, inquit, exteriusque sciendo diffusi sunt, quia ipsum scientiæ fontem contemplantur. quid enim de his quæ scienda sunt, nesciunt, qui scientem omnia sciunt? Et de Beatis aliis: Quia, inquit, in æterna hereditate omnes communi claritate Deum conspiciunt, quid est quod ibi nesciant, ubi scientem omnia sciunt?

Lib. I.  
moral.  
c. 2.

II. Sed tui arietis cornu alterum  
 retundo. Palam & liberrime fate-  
 mur cum Doctore Orbis: Vnus Deus, <sup>i. Tim.</sup>  
 unus & mediator Dei & hominum, <sup>c. 2. v. 5</sup>  
 homo Christus Iesus. Hic humanæ  
 gentis Advocatus, Mirabilis, Vnus,  
 Absolutus est, qui suo & nomine &  
 auctoritate loquatur. Sed negare in-  
 feriores alios, velut sequestres &  
 proxenetas, quos eo produxerit su-  
 prema Christi auctoritas, divinis pa-  
 ginis plane non repugnat. An non  
 Moses sua voce divulgans: Ego, in- <sup>Deut.</sup>  
 quit, sequester & medius fui inter <sup>c. 5. v. 5</sup>  
 Dominum & vos, in tempore illo.  
 Propter hanc eandem rationem Ba- <sup>Basil.</sup>  
 filius in Nicæno Concilio secundo <sup>orat.</sup>  
 laudatus, Apostolos & Martyres vo- <sup>20.</sup>  
 cat Mediatores, eorumque opem <sup>in 40.</sup>  
 implorandam docet his verbis: Qui <sup>Marty-</sup>  
 aliqua premitur angustia ad hos con- <sup>res.</sup>  
 fugiat; qui rursus lætatur, hos oret;  
 hic ut à malis liberetur, ille ut du-  
 ret in rebus latis. Eleganter Gre- <sup>Greg.</sup>  
 gorius Nyssenus Theodorum clarif- <sup>Nyss.</sup>  
 simum martyrem obsecrat, ut imma- <sup>orat. in</sup>  
 nitatem Scythicam armatosque cu- <sup>Theod.</sup>  
 neos Orienti jam imminentes suis <sup>mar.</sup>  
 precibus avertat: Vt miles, inquit,  
 pugna pro nobis, ut martyr pro-  
 conservis utere libertate loquendi,  
 &c. Admone Petrum, excita Pau-  
 lum, Ioannem item theologum  
 ac discipulum dilectum, ut pro  
 Ecclesiis quas constituerunt, sint  
 sollici-



Chryf. folliciti. Chryſoſtomus, Regum &  
 hom. Principum, Conſtantini Magni præ-  
 26. in cipue pietatem in Divos dilaudans,  
 ep. ad Cor. Et ille, inquit, qui purpuram geſtat,

ad ſepulchra illa ſe cōfert, ut ea exof-  
 ouletur, abjectoque faſtu ſtat ſup-  
 plex, Sanctoſque obſecrat, ut ipſi a-  
 pud Deum præſidio ſint. Sed mens  
 mihi non eſt priſcorum Patrum, qui  
 luculente idem teſtantur, ſyllabum  
 hīc texere. Quod ſi cenſura ſit in-  
 geniorum, iis ego facile crediderim,  
 quibus perſuaſum eſt, neminem ul-  
 lum Origenis aut Auguſtini ingenio  
 par unquam habuiſſe. Igitur quid  
 Origenes, quid Auguſtinus hac in  
 re ſenſerint, narratione brevi, ſed  
 fideliffima pandam. Origenes:

In la- Incipiam, inquit, me genibus pro-  
 ment. ſternere & deprecari univerſos San-  
 ad finē ctos, &c. O Sancti Dei, vos lacri-  
 Peri- mis & fletus pleno dolore depre-  
 archon cor, ut procidatis miſericordiis e-  
 jus pro miſero, &c. Heu mihi, Pa-

Lib. 2. ter Abraham, deprecare pro me. O  
 in Iob. beate Iob vivens in perpetuum a-  
 pud Deum, & victor permanens in  
 conſpectu regis Domini, ora pro  
 nobis. Auguſtinus multo clariffime  
 Aug. hanc in Divorum poſcenda ope re-  
 tom. 4. ligionem firmat, & Iobi verba ſic  
 Ann. interpretatur: Miſeremini mei, ſal-  
 in c. 19 tem vos amici mei. Angelos videtur  
 Iob. poſtulare, ut pro eo deprecentur,  
 v. 21. aut certe ſanctos ut pro pœnitente  
 orent.

orent. Et Augustinus ipse Divi Cy-<sup>Lib. 6.</sup>  
priani auxilium implorans: Adjuvet <sup>contra</sup>  
itaque nos, inquit, orationibus suis <sup>Donat.</sup>  
in ista carnis mortalitate, tanquam <sup>c. 1.</sup>  
in caliginosa nube laborantes, ut do-  
nante Domino, quantum possumus,  
bona ejus imitemur. In opere illo <sup>Tom. 5</sup>  
nobilissimo de Civitate Dei, hanc <sup>l. 21.</sup>  
formulam consuetæ precationis (ô <sup>de civ.</sup>  
Sancte, memor esto mei) ore om- <sup>Dei,</sup>  
nium Christianorum usurpari affir- <sup>c. 27.</sup>  
mat his verbis: <sup>proxi.</sup>  
<sup>me fi-</sup>  
<sup>nem.</sup>

*Quique sui memores alios fecere me-  
rendo.*

Prorsus tanquam eis diceret, quod  
frequentatur ore Christiano, cum se  
cuique Sanctorum humilis quisque <sup>Tom. 4</sup>  
commēdat & dicit, Memor esto mei, <sup>lib. de</sup>  
atque ut id esse possit, promerendo <sup>cura</sup>  
efficit. &: Cum itaq; recolit animus <sup>pro</sup>  
ubi sepultum sit carissimi corpus, & <sup>mor-</sup>  
occurrit locus nomine martyris ve- <sup>tuis</sup>  
nerabilis, eidem martyri animam di- <sup>geren-</sup>  
lectam, commendat recordantis & <sup>da c. 4.</sup>  
precantis affectus. Ideo idem Augu-  
stinus, ad subsidium à constantissi-  
mo martyre Stephano petendum <sup>Serm.</sup>  
hortatur, facilius enim orationes il- <sup>1. de</sup>  
lius pro orantibus quam pro lapidā- <sup>S. Ste-</sup>  
tibus admittendas. Et: Injuria est, in- <sup>phano.</sup>  
quit, orare pro martyre, cujus nos de- <sup>Serm.</sup>  
bemus orationibus commendari. <sup>17. de</sup>  
Nam, Sanctorum martyrum oratio- <sup>verb.</sup>  
nibus propitiatur Deus peccatis po- <sup>Apost.</sup>  
puli sui. Omnes matyres qui cum  
Deo



Tom. 8  
in Ps.  
85.  
Paullo  
ante  
finem.  
In Ps.  
88. fi-  
ne.

Deo sunt interpellant pro nobis. Non transeunt eorum interpellationes, nisi cum transit gemitus noster. Gaudeant de vobis qui orant pro vobis. Num tibi, Gerarde, solem claro meridie illustrioribus radiis vis allucere? nihil capit, qui hæc non capit.

III. Quod tertio loco divinas paginas requiris, en dictorum testes. Bar. c. 3. v. 4. Vatus Hebraeus Baruch: Domine omnipotens, inquit, Deus Israel, audi nunc orationem mortuorum Israel, & filiorum ipsorum qui peccaverunt ante te. Observa mihi verba, *orationem mortuorum*. Ergo etiam mortui orant? Vtique, sed ii qui jam vivunt supra cæruleas illas stellarum plagas.

2. Machab.  
c. 15.  
v. 12.

Laudatissimus dux, Iudas Machabæus per quietem vidit Oniam Pontificem passis manibus pro populo supplicantem. Proxime hunc alius senio & maiestate venerandus assistebat, quem Onias velut digito designans: Hic est, inquit, qui multum orat pro populo, & universa sancta civitate, Hieremias propheta Dei.

Luc.  
c. 16.  
v. 27.

Quin & ipse purpuratus epulo in flammis pro fratribus rogat, ne & ipsi veniant in locum illum tormento-

Hier.  
tom. 4.  
contra  
Vigil.  
Act. c.  
27. v.  
24. &  
32.

rum: Et Petrus ac Paulus in summis beatorum deliciis, jam ex toto securissimi, tacebunt? Hoc sensu Hieronymus ratiocinatus: Sanctus Paulus Apostolus, inquit, ducentas sep-

tuaginta

ptuaginta sex animas sibi dicit in na-  
 vi condonatas, & postquam resolu-  
 tus esse cœperit cum Christo, nunc  
 ora clausurus est, & pro iis, qui in to-  
 to Orbe ad Euangelium suum credi-  
 derunt, mutire non poterit? Divino  
 pariter imperio Iobi tres cognati ad <sup>Iob.</sup>  
 Iobum sic ablegantur: Sumite vobis <sup>c. 42.</sup>  
 septem tautos, & septem arietes &  
 ite ad servum meum Iob, & offerte,  
 holocaustum pro vobis, Iob autem  
 servus meus orabit pro vobis: faciem  
 ejus suscipiam, ut non vobis impute-  
 tur stulticia. Ergo Numinis iram mi-  
 tigabit homo, etiamnum sceleribus  
 obnoxius, & civis jam cælo donatus,  
 jam Numini proximus, id non pos-  
 sit? Tot in cælo potentissimi orato-  
 res nullam mortalitati nostræ gra-  
 tiam exorabunt? tam copiosæ fra-  
 grantiæ nubes foetoribus nostris me-  
 deri non poterunt? quid autem sunt  
 cælitum preces, nisi odorum suavissi-  
 ma congeries? Hoc eis nomen tri- <sup>Apo.</sup>  
 buit beatissimus Ioannes, &: Habentes <sup>c. 5.</sup>  
 inquit, singuli citharas & phialas <sup>v. 8.</sup>  
 aureas plenas odoramentorum, quæ  
 sunt orationes Sanctorum. Ergo,  
 Gerarde, hæreticam larvam quam  
 sumpseras, jam tuto ponere licebit  
 iterum, & certam Divorum opem  
 agnoscere. *Ger.* Si ergo Cælites co-  
 lendi, an non cum delectu id facien-  
 dum? an non alii præ aliis, vene-  
 ratione afficiendi? num alius alio

M non



178 DE CVLTV CÆLIT.  
non sublimior est in sedibus Beato-  
rum?

C A P V T I I I.

*Quinam Calitum præcipue colendi.*

POLYCHRONIVS.

**H**ic videri possumus in ipso limi-  
ne offendere & errare, dum  
quærimus ne erremus. Audio scri-  
ptorem sacrum qui moneat: Noli  
etiam inquirere de meritis Sancto-  
rum, quis alio sit sanctior, aut quis  
major fuerit in Regno cælorum?  
Quidam zelo dilectionis trahuntur  
ad hos vel illos ampliori affectu, sed  
humano potius quam divino. Ma-  
gnum est vel minimum esse in cælo,  
ubi omnes magni sunt, quia omnes  
filii Dei vocabuntur. Sed pace tua, ô  
magne, & ô sancte scriptor, præcep-  
tis tuis nil refragatur nostra quæ-  
stio: Non illorum dignitates distin-  
guere, sed nostrum obsequium in-  
struere animus est. Nec male hic cre-  
dam, me omnium voce loqui, si di-  
dam secundum Christum *Iesum* qui  
orbem restauravit suo sanguine, ma-  
trem Christi, & beatissimas illas mē-  
tes, Angelos, præcipue esse veneran-  
dos. Hoc ratio, hoc auctoritas sacræ  
paginæ, hoc priscorum Patrum volu-  
mina, hoc omnis antiquitatis con-  
sensus docet. Sit, qui neminem Di-  
vorum

vorum norit, matrem Dei, Deoque  
 proximum famulatum, Angelos ig-  
 norare nō potest. Non nescio Chry-  
 sostomum in beati Pauli tutelam mi-  
 rifico affectu transisse, cuius & ico-  
 nem in suo musco assidue oculis vo-  
 luit obversari. Scio Sanctos Philip-  
 pum & Ioannem Baptistam à Theo-  
 dosio Imperatore præcipua venera-  
 tione cultos. Novi Paulum Elcanum  
 Sancto Nicolao & sanctæ Catharinæ  
 devinctiorem quam Divis aliis. Non  
 me latet à beata Elisabetha Hassiæ  
 Landgravia, Ioannem Euangelistam  
 in Divum tutelarem adscitum; & re-  
 gem Anglorum Eduardum, nulli hu-  
 jus Apostoli nomine petenti, quid-  
 quam negare solitum. Non ignoro  
 Hungum Regem Pictorum divo An-  
 dreæ, Carolum Siciliæ regem divæ  
 Magdalene, Constantiam Constanti-  
 ni Imperatoris filiam divæ Agneti  
 virgini, Zimiscā Imperatorem divi  
 Georgio & Theodoro martyribus,  
 Urbanum I I. Pontificē divo Benedi-  
 cto singulariter devotū extitisse. Pari-  
 ratione alii alios sibi patronos dele-  
 gerunt. omnes bene & pie. Sed neq;  
 noster, puto, errabit amor, si præ Divis  
 aliis omnibus, ad Beatissimæ Virginis,  
 Dei matris, sanctorumq; Angelorum  
 patrocinium confugiamus. Gerarde;  
 si pie vivere & sancte mori in animo  
 nobis est, à matre Dei & ab Angelis  
 deprecationem efflagitemus : perire



non potest qui tales sibi conciliaverit patronos. Ita ego quidem inter Cælites, Matrem Domini, & sanctos Angelos singularibus obsequiis censeo nobis in amorem devinciendos, utrumque paullo explicatius nunc doceo.

I. Virgo beatissima, Dei mater *Maria*, nullius preces aspernatur, in omnes beneficiorum dives est. Quo major rogantis est miseria, hoc amplior dantis misericordia. Pulchre & cum sensu Bernardus: Ipsam, inquit, sequens non devias; ipsam rogans non desperas; ipsam cogitans non erras; ipsa tenente non corruis; ipsa protegente non metuis; ipsa duce non fatigaris; ipsa propitia pervenis. Ille solus hujus virginis laudes fileat, qui fideli prece appellatam suis necessitatibus senserit defuisse. Illud in hac Virgine admirandum, & opulentissimæ gratiæ illustrissimum argumentum. Adeo in hujus Virginis vultu & augusta venustas, & reverenda Majestas certabant, ut vel solo aspectu, vel ipsis tantum oculis etiam muta concionaretur, & aspicientis se animo castissimam flammam subjiceret. neq; solum omnes sui spectatores, ad pudicitiam mirifice accendebat, verum etiam si quid obscœni ignis in spectantium mente faviret, protinus suo vultu, velut frigida, extingueret. Auctores hujus &

testes

Serm.  
2 super  
Matth.

S. Th.  
part. 3.  
dist. 3.  
q. 1.  
art. 2.  
S. Bon.  
q. 2. &  
S. Gabriel  
Halen.  
ss. alii  
vost  
D. Am-  
brusii.

testes complures sunt. Hinc forsan antiqui Patres, contra carnis maligniores illecebras, Virginis hujus imaginem, velut virtutis speculum, aspicere, tam potens quam suave remedium censebant. Hinc illa Clarevallensis Præsulis assidua exhortatio: Respice Stellam, voca *Mariam*. Proxima Numini hæc Virgo est, quæ Numen peperit, quæ terris Deum dedit. Cum hanc Virginem laudamus, feliciori encomio ad Deum assurgimus. Et quam laudem hac Virgine dignam humani oris paupertas reperiatur? Sole clarior, Luna pulchrior; cælum premit, sideribus cingitur. Vere hortus conclusus, & paradysus voluptatis, imo horto floridior, & paradiso amœnior est. Propinquo Numine potentissima, virginitatis flore pulcherrima, in tota rerum universitate eminet, quam pulchra tam benigna, quam potens tam propitia. Ut Deum caperet, cælo major esse debuit: sic Deum concepit utero, & enixa est, ut cælum in terram traheret, & castissimis visceribus auream immensamque cæli majestatem vinciret.

At cum de Virgine hac dixerimus omnia, tacuisse plura videbimur: innumeris & æternis virtutum facibus collucet. Quicquid præconii & laudis, quicquid ornamentorum & nominum per quoscunque titulos ingressi,



gressi, in hanc Divam congesserimus, majus tamen elogium non suppetet, quam unum illud naturę ipsi obstupescendum, *Mater & Virgo*, Mater Dei, Virgo perpetua, Virgo sine exemplo, Virgo sine pari, omnibus antistans, nec primam habere similem visa, nec sequentem; inter sanctas sanctissima, inter puras purissima, cæleste prodigium, Virtutis speculum, Mundi miraculum, Orbis utriusque gaudium.

I I. Vaticinatur olim de se Virgo beatissima: Beatam me dicent omnes generationes. Ab ævo in ævum sic erit. Vel hostes tui, ô Virgo, præconium tuum augebunt. Tu illa regina cæli, terræ, maris. Tu Angelorum hominumque domina. Tu fons misericordiæ uberrimus. Tu intemerata mater, & humani generis sospitatrix perpetua, semper fovendis mortalibus munifica, dulcem matris affectionem miserorum casibus dispensas. Nec dies, nec quies ulla, ac ne vix momentū quidem tenue tuis transcurrit beneficiis otiosum, quin eos qui tuam opem inclamant, mari terraq; protegas, & depulsis vitę procellis salutarem porrigas dextram. Te superi colunt, observant inferi. Tu solem illuminas, Orbem exhilaras, tartarum calcas. Tibi respondent sidera, ancillatur terra, serviunt elementa. Supra te nihil nisi Deus est. infra

Luc. c.  
I. v. 48

fra te est, quicquid Deus non est. Tu luna ab illo sole proxima. *Beatam te dicunt omnes generationes.* Quot enim librorum volumina, quot per orbem templa, quot divites templorum aræ, quot facundi titulis ac donis parietes, quot sacrorum hominum cœtus, quot piorum juvenum sodalitia te colunt, tuas laudes commemorant, tuis honoribus deserviunt? *Beatam te dicunt omnes generationes.* Omnibus retro sæculis, omnes hominum ordines, ubique terrarum & locorum te *Domini Matrem*, religiosissimo cultu venerantur. Vna ubiq; Virgo es, sed materni divinique affectus ignem locorum varietate multiplicas: templa ornas, scholas erudis, domos protegis, imples Orbem beneficiis, virtutibus, gratiis, miraculis. Nimirum ab uno jubare innumeri emanant radii. O stella maris, quot naufragos servasti? quot perditos in salutis regnum revocasti? Mater es omnium qui cupiunt esse filii. O Magna, ô Admiranda! quæ in omnes esse benefica per te vis, per filium autem potes: ô vere animatum cælum, ô abyssus gratiæ, ô Mater Dei! Nemo hanc matrem coluit, & servus fuit; agnoscit illa nomen suum amabile, & in cultores derivat: reddit affectum, & filios appellat.

Et hanc Divam, Gerarde, præ Divis omnibus colamus, assidua sed non



perfunctoria pietate. Totis, inquit  
 Bern. Bernardus, medullis cordium, totis  
 Serm. præcordiorum affectibus, votis om-  
 de Na. nibus *Mariam* veneremur, quia sic est  
 tiv. B. voluntas ejus, qui totum nos habe-  
 Virg. re voluit per *Mariam*. Si viæ duces  
 hic quæris, si exempla desideras, san-  
 ctissimos homines, augustissimos  
 Imperatores, Reges, Principes, Vir-  
 gini Matri devotissimos, his ipsis  
 vestigiis præeuntes observa, & se-  
 quere.

At Angelorum Reginam tanto  
 potentius nobis demerebimur, quā-  
 to studiosius & Angelos reverebi-  
 mur. Huc Ambrosius digitum inten-  
 Ambr. dens: Obsecrandi sunt, inquit, Ange-  
 20. 4. l. li pro nobis, qui nobis ad præsidium  
 de Vi. dati sunt.  
 duis.

III. *Ger.* Mihi sane placet, quod  
 una & Angelos, & Angelorum Regi-  
 nam à nobis coli oportere doceas.  
 Regina cæli supra omnes Angelorum  
 ordines sublimis, illis præsidet, per  
 Angelos ergo transeundum est ad  
 eorum dominam sua vota contenden-  
 ti. *Pol.* Totus hoc sentio, beatif-  
 simam Virginem ab eo rectissime co-  
 li, qui & Angelorum amicitiam am-  
 biverit: & quisquis Angelos amave-  
 rit, Reginam eorum utique amore  
 prosequetur. Guilielmus Baldesa-  
 Lib. 3. nus, scriptor insigniter eruditus &  
 sim. pius hoc ipsum disertè docet, ante  
 Virt. c. 12. & cælitates alios omnes, beatissimam  
 c. 13.

Matrem

Matrem Virginem , & secundum hanc, purissimos illos genios, nobilissimos cæli ephebos, Angelos, veneratione singulari afficiendos. Multum debemus Angelis , multum supra omnem modum , & præsertim suo quisque tutelari Angelo. Hic nobiscum quasi nascitur, & ad cunabula nostra mox vigilare non dedignatur. Hic nutricem fidelissimam longe superat, & infantem sæpius, quem nutricis negligentia necaret, tutissimis manibus ( sic loquar ) excipit. Post cunas custoditas , pædagogum agere , vile sibi non putat. Semina maxime & veluti fundamenta virtutum, præalto affectu insinuare clientulo suo laborat. Simul vitiorum averfandam fœditatem proponit ; intemperantiæ, mendacii, fraudis, inobedientiæ, libidinis turpitudine, velut insolentia prodigiorum exterreret , fastigium præmiaque virtutis monstrat : præcipue vim Numinis venerari docet, nunc beneficio, nunc vindicta suspiciendam. Et hoc ipsum non atroci aut molesta ratione urget. Suavissimis impulsibus, hæc prima rectæ disciplinæ initia , in sui clientis animum stillatim transfundit. Vbi lenibus his rudimentis pueritiam initiavit, ad virilem cautamque virtutem exhortatur.

Quod vero admirandum , & in summis beneficiis æstimandum ,



quantumcunq; indocilem & refractarium discipulum sit nactus, eum tamen magisterio suo non excludit, sua ope non destituit, non subtrahit saluberrimos iustinctus, diurnas nocturnasque excubias non laxat, non subducit se; hominem quantumvis improbum & contumacem ad usq; supremum halitum constantissime tuetur & erudit.

O mi Deus, ô mi amantissime Tutor Angele, quantis beneficiis per momenta pæne singula obruimur, nec sentimus, incogitantis animi stupore defixi morimur ingrati.

IV. Nos misellos, viles vermiculos, tanti Deus æstimat, ut jugi castrorum incinctu providissime nos tueatur. Basilii Magni, illud regii vatis, *Immittet Angelus Domini in circuitu timentium eum*, sic exponens: *Omni*, inquit, *in Christum credenti Angelus assistit, &c.* Considera igitur quanta sit Angelorum natura, quoniam universo exercitui, & castris numerosæ hominum multitudinis unus assimilatur Angelus. Ob magnitudinem itaq; ejus qui te custodit, castra tibi munitionesq; præbet Deus: propter Angeli vero virtutem veluti circumvallat te undique securitate, quæ est per illum.

Quot ergo nominibus huic castrorum vigilantissimæ fidelitati obstringimur? Et quinam Cælites in

priscæ

Basil.  
in Ps.  
33. v. 8.

priscæ novæque legis sacris voluminibus crebrius laudantur quam Angeli? Non est liber è divinis, qui Angelorum elogia non recitet. Angeli per tota biblia largissime commendantur. Vix quidquam olim patravit Deus, quod effectum non sit actoribus Angelis, qui semper vigilantissimis studiis nostram salutem curant. Et hæc, mihi crede Gerarde, causa fuit cur meipsum Angelis arctissima devotione in omnem vitam strinxerim. Non reperio per omne cælum nec plures numero, nec origine nobiliores seu ministros Numinis, seu amicos. Ab his mihi tibi que omnem benevolentiam fidentissime polliceor. Angelorum in nos beneficia & plurima sunt, & maxima sunt, & sunt perpetua. Nihil eis sordet in ministeriis & obsequiis erga nos, dum prosint nobis.

Et num me peritutum trepidem, si pro me in extremis constituto, jam jamque animam acturo, infinita pæne millia Angelorum, admotis precibus Deo fiant supplices? Num in hoc tribunali salutarem mihi litteram non exorent, tot apud judicem gratiosissimi deprecatores? Num causæ meæ alioqui non bonæ diffidam, si tantos habeam advocatos & Oratores? Ita dico: beatissimæ Virgini & Angelis Amicus, perire non potest, nisi quem ipsa pereundi libido præci-



præcipitat. Non perit illis, nisi qui prius ipse sibi.

V. Illud tamen unum hîc monuerim, quod à prisco Philosopho discamus. Epictetus, ille origine quidem vilis, ac debilis corpore, sed mente nobilissimus, & qui inter omnis ævum lumina refulsit; cujus lucerna fictilis, illo mortuo, mille drachmis, seu, centum philippeis vāniit, in memoriam & honorem viri, & ob divinas scriptiones, quas ad lucernam illam elucubravat: non est sane inter priscos illos qui bonam mentem magis aut trahat aut formet, tam docta scripsit, tam & salutaria. Hic, inquam, philosophus de tutelari Angelo differens: Procuratorem, ait, unicuique addidit, genium cujusque, eumque illi custodiendum tradidit, & talem quidem qui nec dormiat nec decipiatur. Cum igitur fores clauseritis, & conclave tenebrosum effeceritis, cavete, ne unquam dicatis vos esse solos; neque enim estis, sed Deus intus est, vester genius intus est. Non erubescimus ad has voces, Gerarde? hoc viderit philosophus in illius ævi tenebris? ita Deum, ita custodem Angelum præsentem esse monuerit? Nos Christiani, nos beatissimæ Virginis sodales, tam insana libertate in vetitum ruamus, ac si Deus, ac si custos Angelus longissime remoti, nihil nostri sceleris arbitra-

Epict.  
l. i. di-  
spat.  
c. 14.

bitra-

bitrarentur? O temeritatem furialem! O impure, ô libidinoſe, quis es, quid impium illud *ſolus ſum*, in laſcivam turpitudinē te animat? ah, cogita, ubicunque es, nuſquam *ſolus es*. Quibuſcunque vel tenebris vel latebris tegaris, nunquam *ſolus es*. Habes tui ſcleris vel ſecretiſſimi ſpectatorem Deum, & cuſtodem Angelum, & eum quidem cuſtodem (uti Epiſtetus) qui nec dormiat nec decipiatur. Ergo attende tibi, & obſcœnarum cogitationum vel primos aſpectus exhorreſce: *Non es ſolus*, etiam cum ſolas cogitationes animo verſas, Deus intus eſt, intra tuum animum præſens eſt, libidinem tuam omnem vel latentiſſimam cernit. Ah! non *ſolus es*, ubique *deprehenſus es*; ipſa te conſcientia nuſquam deſerit, ubique comitatur, omnium actionum teſtis & accuſatrix, nuſquam *ſolus es*.

## CAPUT IV.

*Quanam potiſſimum ratione colendi  
Calites.*

NON eſt dignior litatio ſanctis, Serm. 30. de Sanctis & Ser. 47. qui tribuuntur.  
 quam Sanctorum imitatio. Satis illos coluit, quiſquis imitatus eſt. Auguſtino teſte, ſumma religio eſt, imitari quod colimus. Atque: Si ad conſortium, inquit, Sanctorum martyrum



tyrum pervenire volumus, de imitatione martyrum cogitemus: Solennitates enim martyrum, exhortationes martyriorum sunt, ut imitari nō pigeat, quos celebrare delectat. Neque arduum nimis videatur, eos qui hac via præcesserunt, eadem & sequi. Illi ipsi jam beatissimi cælites iisdē, quibus nos initiis creverunt, iisdem quibus nos elementis adoleverunt, easdam quas nos, molestias senserunt, & sæpe majores; ab iisdem hostibus impugnati, simillimis illicitis ad vitium invitati, iisdem nobiscum periculis obnoxii, nec aliis quam nos suppliciis & poenis castigati, neque ipsis pectus ferro aut chalybe stetit; corpus eorum eque ac nostrum fragile, & ad omnem injuriam projectum; tam ipsos quam nos Mundi rabies allatravit; ipsis non minus refractaria fuit caro quam nobis; Satanæ in eos non mitior, quam esse solet in alios omnes. At illi vincendis suis hostibus, rationem monstraverunt, qua nostros & nos debellaremus, si velimus esse victores. Illisne Deus adfuit? adierit & nobis. Vim eis & robur sacramenta cōtulerunt? & nobis conferent. Aliorum illis Divorum favor auxilio fuit? nec nobis dēerunt, tam illorum quam horum conjuncti favores. Divos igitur venerari conemur potissimum *imitando*. Porro nobilissimum hoc veneratio-

nis genus fere triplici capite constat, oratione, carnis castigatione, sacra lectione. de his, si ita tibi videatur Gerarde, libabo paucula, ut paullo copiosius differere liceat de mēstrua Divorum sortitione, de qua hīc dicere institui. *Ger.* Nihil contradico.

I. *Pol.* Oratione nobis conciliamus Divos, si tamen oratio ē puro castoq; pectore Deum anhelet. Nos sæpe generosum Creticum propinamus, sed poculo tam illoto & foedo, ut id etiam vehemens sitis aversetur. Quandoque optimas preces Superis allegamus, sed animus interim suo hærescit luto. *Non est speciosa laus in ore peccatoris.* Beatissima Virgo, Dei mater, uti narrant, uni adolescentum per quietem sese spectandam dedit hac ratione. Vinum ei, ut videbatur, generosissimum porrigebat, sed poculo immundo. miratus adolescens tam nobile donum in vase tam sordido. Cui Virgo: Vide, inquit, fili, rosarii tui preces mihi gratæ sunt & instar optimi potus, sed calix quo hunc offers, non placet. Oratio tua bona est, non item vita tua; pulchre precaris, sed turpiter vivis: ut in utroque placeas, castius vivas, Motus adolescens tam salubri spectaculo, castiores mores induit, ut se exlo probaret tam vivendo quam precando.

Illud autem frequentissimum, ut  
pre-

*Eccl.*  
*c. 15.*  
*v. 9.*  
*Præci-*  
*pue*  
*Alb.*  
*Cast.*  
*de ro-*  
*sario.*



precantis quidem animum tam fœdæ sordes non involvant, eum tamē cogitationes plurimæ plusquam Metium Sufferium distrahant, & à precibus amabili fraude abducant. ita sæpe animus nihil minus cogitat, quam quod orat, seque ipsum sibi blandissima vi suffuratur. *Appropin-*

It. c. 29

v. 13.

*quat populus iste ore suo, & labiis suis glorificat me, cor autem ejus longe est à me. Nec tantum puræ, neque attentæ tantum, sed & constantes sint preces nostræ. Heu, nimium lunæ in suscepta pietate ostendimus. Sæpe diem unum alterumve, unam alteramve hebdomadem magno precum numero fatigamus cælum: innox elanguescit ac hebescit pietas, & jam vel pauca toedet precari. Constantius, obsecro, constantius, nec enim in re ulla laudabilior est constans importunitas, quam in precibus.*

Luc. c.

18. v. 7

Luc. c.

21. v. 8

*Deus non faciet vindictam electorum suorum clamantium ad se die ac nocte? Et si ille perseveraverit pulsans, ait Christus, dico vobis, dabit illi quotquot habet*

Coloss.

c. 4. v.

2. &

Eph. c.

6. v. 18

*necessarios panes: Ergo, orationi instate, vigilantes in ea, orantes omnitempore in spiritu. Gerard. Odi ego meam ipse inconstantiam, nec tamen arceo: cœpi nuper Angelos quotidianis precibus venerari. Sed heu, quod mihi antea quotidianum erat, jam vix est menstruum. Pol. Nos ipsi nobis sæpe pessimo exemplo sumus,*

mus, sed en meliora & majoris constantiæ.

Bernardinus patria Senensis, qui jam à parvulo in virtutis leges jurarat, annis compluribus, idq; quotidie, & nudis genibus, ad beatissimæ Virginis effigiem precari solitus est. Eadem fuit plurium aliorum sanctissima in his conatibus pertinacia. Sed vicina & recentia nescio delectent magis, an moveant. Prodigium est panē, quod nostri ævi testimoniū habet. S. Carolus Borromæus, Pii Quarti, Summi Pontificis nepos, è stirpe nobilissima, Romanus purpuratus senator, vir ad omnem virtutem à teneris factus, præter quotidianas prolixas sacerdotum preces, Officium & coronam Beatissimæ Virginis quotidie, idque flexis genibus recitare consuevit, & nec in itinere quidem moris sui negligens fuit. En, tantus præsul Cardinalis, Archiepiscopus, tanta mole negotiorum pressus, nihilominus velut otii abundās, diebus singulis, flexo poplite suas Matri Virgini laudes liberalissime admetitur. Idem sanctus Antistes, quodocunq; æris campani signum ad Angeli salutationem audiret, quocunque loci esset, in via etiam fracta & coenosa, mox in genua ruebat, ab equo etiam desiliebat, & humo poplites flegebat, salutans cælestem Virginem. Pari pietatis officio, si quem

N

per



per compita sacerdotem, qui agro-  
 Angelorum ferculum deferret, of-  
 fenderet; cœptum iter deferrebat, &  
 Christum dominū per omnem viam  
 deducebat, nec prius abscedebat, dū  
 in templo Eucharistia in suum locum  
 reciperetur. *Ger.* Quid nos, viles ani-  
 mæ, quid nos simile? est sane quod  
 colorem ducere & erubescere ad hæc  
 miscell. talia velimus. *Pol.* Iure merito, in qui-  
 24- bus nec umbra tam magnificæ virtu-  
 tis elucet. Nec tacendus nobis, vir  
 ille doctissimus, Martinus Navarrus,  
 qui sexaginta amplius annis rosarii  
 quotidie recitandi consuetudinem  
 habuit. Quis nostram hoc unquam  
 fecit tam diu, quis facturus? utinam  
 longe faciliora nō subterfugeremus.  
 Sine incuria non præterierim illum  
 Beatissimæ Virginis cultorem exi-  
 mium, Ioannem Godefridum Bam-  
 bergensem & VVürtzburgensem E-  
 piscopum, qui Divæ matris officium  
 & rosarium, quantiscunque negotiis  
 distineretur, etiam in itinere, præter  
 statas sacerdotum preces, quotidie  
 recitavit, idque adeo constanter, ut  
 illa ipsa qua obiit nocte, Canonicas  
 preces (Matatinum & Laudes) unā  
 cum officio & rosario Beatissimæ Vir-  
 ginis recitavit, quod & S. Carolus  
 Borromæus mortis jam proximus fe-  
 cisse perhibetur.

Porro Ioannes Godefridus ad Di-  
 vine Virginis Dettinghænsis ordem,

duobus milliaribus dissitam, supplicationem crebrius instituit, nudis pedibus. Divi quoque Caroli Borromæi exemplo, quotidie hora una post coenam, aris campani signo omnem aulicam familiam convocari iussit, ut in facello litanias una recitarent, & examinarent conscientiam. En, quanti hac præeant; quin sequimur?

II. Sed hîc, Gerarde, velim una mecum in saluberrimam consuetudinem non consentias tantum, sed jures. Solent Beatissimæ Virginis, & suæ salutis amantiores singulis horis, ad cujusque horæ principium, verbis Gabrielis Matrem Domini salutare, eidemque illud præsertim, *Nunc, & in hora mortis nostræ*, ardentius commendare. Mos hic utilissimus quot horis Angelicam salutationem recitandi, etiam summorum Pontificum sacra liberalitate stabilitus est. Leo Decimus piæ memoriæ, Christianis omnibus mille dierum indulgentias impertiit, qui horæ signo audito, illam Angeli salutationem pronunciarent. Idem, piæ memoriæ Paulus Quintus Pontifex Max. anno millesimo sexcentesimo undecimo confirmavit. Putem ego, decere admodum, si id loci ac temporis ratio ferat, submissis genibus hoc facere. Gerarde, est quod tibi hîc in aurem, imo è meo pectore



in tuum mihi amicissimum pectus transfundam , si tamen silentium spondeas. *Ger.* Fidissimum. & saxo dictum credas , quod dicturus es. *Pol.* Ego quandocunq; domi in museo meo, aut alibi solus ago, mox atque horam audio, in genua procumbo , & oratiunculam Ave Maria, &c. pronuncio; addo quæ ex Horologio Tutelaræ Angeli didici: Benedictus Deus in æternum. Miserere mei Deus, secundum magnam misericordiam tuam: etsi Domine minor sum cunctis miserationibus tuis. O Dominus meus, & Deus meus, ego me tibi offero in omne tuum beneplacitum: fiat voluntas tua. Ita Deo Deique matri, me, mea, meumque obitum horis singulis commendo. Hoc tu alios docere quidem poteris, de me nec verbum poteris effutire, quia fidem tuam mihi obligasti in silentium.

Ceterum piam hanc industriam etsi facillimam, multis aliis precandi exercitiis prætulerim, modo quod instituimus facere, faciamus constanter. Et quid enim necessarium magis, aut magis optandum nobis, quam bona vitæ clausula & felix obitus? Hunc uno die millies & unice à Deo flagitemus, neque enim aliter quam precibus impetrari potest hoc prorsus gratuitum donum. hunc ipsum obitum nostrum divinæ Matri  
quot

quot horis ardentissime commendemus: & in hora mortis nostra. Ah, ab hoc mortis momento tota nobis pendet *Aternitas*. Hoc ergo momentum, Gerarde, momentis singulis prospiciamus, & vel singulis saltem horis serio precemur: & in hora mortis nostra. Vix mala morte defungetur, qui omnibus ante horis, illam ultimam prævidit, nec prævidit tantum, sed in eam cæleste sibi præsidium comparavit. Ger. In tuam sententiam me omnino pertrahis, nec invitum. Felici obitu nil felicius in hac vita, nec ullum operæ poeniteat, horis omnibus supplices preces cælo admovisse, modo unicam illam supremam horam impetret sibi benignam ac propitiam. Igitur, ô Sancta Maria, mater Dei ora pro nobis, nunc & in hora mortis nostra. O Maria, mater gratia, mater misericordia. Tu nos ab hoste protege, & in hora mortis suscipe.

Sic statuo: hac hora, & deinceps horis omnibus, ad usque horam ultimam, hoc unum assidue rogare non desinam: ita me juvent omnes Cælites.

III. Pol. Prima ergo ratio, Divos Cælites colendi, oratio est. Altera, Carnis castigatio. Hactenus nobis de Dei matre, & sanctis Angelis sermo est, de quibus & hæc dicta volo, quæ subjungo. Divus Bonaven-



C. 3.  
medit.  
vitæ  
Christi

tura memorat, Angelorum Reginam cum devota sibi matrona (is Elisabetham fuisse autumat.) in hæc fere verba locutam : Dico tibi filia, sine magno labore, continua oratione, ardenti desiderio, profunda devotione, multis lacrimis & afflictione, nihil gratiarum aut donorum me obtinuisse, gratia sanctificationis excepta. Scias igitur nullam gratiam calo in animam descendere, nisi per orationem & corporis afflictionem.

Levit.  
c. 16.  
v. 29.  
& c. 23  
v. 29.  
Tob.  
c. 12.  
v. 3.

Sane jam olim faxeos illos Iudæos toties Deus urget : Affligetis animas vestras : Omnis anima quæ afflicta non fuerit die hac, peribit de populis suis : Hoc & Angeli inculcant : *Bona est oratio, sed, cum jejunio.* Testudinis fides nisi admonita & pulsata non respondent : hominis corpus nisi severius habitum rationi non obedit. Res gestas omnium Sanctorum evolve, & fateberis neminem illorum non novercam fuisse in seipsum. hoc omnium certamen erat, corpori non blandiri.

S. Carolus Borromæus, quem paulo ante nominavi, non precibus tantum, sed & jejuniis, & insolutis alii rigeribus gratiam divinæ matris ambiit. Et quamvis frugalitatem nunquam non amarit, hostis lautitiarum, insuper tamen, omnibus Deiparæ pervigiliis pane solum & aqua

aqua ex more victitabat tantus princeps, velut pauperrimus mendicus. Nec in eo uno fuit abstinendi ardor. Non lubet hîc eorum catalogum texere qui singulis sabbati diebus, Beatissimæ Virginis honori cœna abstinerunt, & etiamnum id faciunt. Fecerunt hoc sanctissimi homines, potentissimi principes. S. Nicolaus Myrensis Pontifex etsi quavis hebdomade diebus Lunæ, Mercurii, Veneris non cœnaret, nihilominus tamen divæ Virgini honorandæ, omni Sabbato præter aridum panem & fontanæ hydriam in opsonium nil admittebat. Idem fecit jam inde à puero S. Bernardinus Senensis, idem S. Didacus Complutensis, qui pariter omne sabbatum ac pervigilium Virginis, fonte & modico pane traducebat. Illustrissimum illud sidus, in co-<sup>Ratis-</sup>  
mitiis extinctum, Ioannes Godefri-<sup>bonæ.</sup>  
dus Bambergensis & VVürtzburgen-<sup>Anno</sup>  
sis Pontifex per omnem vitam, om-<sup>1622.</sup>  
nibus Sabbati diebus, beatissimæ Virginis honori, cibo abstinuit. Idem omnino fecit, qui in eodē folio præcessit Nythardus Bambergensis Antistes, qui quovis Sabbato circa vesperam à negotiis jam magis vacrus esse voluit, ut Virginem Matrem impensioribus studiis coleret. Bono igitur omine, die Sabbati natus, Pōtifex creatus, inauguratus; eo demum die vita functus, eo sepultus est, singulari



utique beatissimæ Virginis favore ac patrocinio. Beatus Aloysius Gonzaga castissimus juvenis, è Societate *Jeŭ*, Sabbato cœnare nefas sibi duxit, ob amorem ejusdem sanctissimæ Virginis. Idem fecerunt alii complures, quorum exemplo ducti idem hodieque faciunt, non tantum religiosorum hominum plurimi, sed & reges, & principes maximi.

I V. Hic ego nil arcani evulgo; urbs tota Monachium ejus rei conscia, jam pridem tacita veneratione suspicit Serenissimum suum Ducem & Electorem Maximilianum cum Serenissima conjuge Elisabetha, omnibus per annum Sabbatis cœnam rejicere solere, Virginum Virgini colendæ. Et quis Monachii nescit, omnibus itidem Sabbatis eosdem Serenissimos principes, cum aulica familia in hypogeum (beatæ Virginis cryptam nominant) descendere consueſſe, atque illic, dum res divina sit, in pavimento humi genibus niti; locum ipsum etsi ab aulico Palatio remotiorem sæpe pedibus adire, ita divinæ Matri se devotissimos in rebus omnibus approbare. Qua in re & illud illustri argumento est. Cum Serenissimus Elector, Dux Bojariæ Maximilianus rebellis Austriæ ac Bohemiæ arma inferret, in labaro aulico, quod suum dominum fidelibus auspiciis præcedebat beatissimæ Virginis imago eleganter

leganter depicta visebatur, cum hac inscriptione: *Da mihi virtutem contra hostes tuos.* Vere dedit, toto expeditio- nis tempore, præcipue ad urbem Pragam, fugatis, cæsis, debellatis ho- stibus, victoria æternum memoran- da; utraque Austria, Bohemiaque jam domita & in Cæsaris potesta- tem redacta. Possem plura tenerrimi in Dei Matrem affectus symbola in- medium dare, ab iisdem Serenissimis Principibus petita: sed arcanum non temero.

En, Gerarde, quantis exemplis ad divinæ Virginis & Virtutis cultum trahimur! Nec desunt aliorum Prin- cipum, Regum, Imperatorum imi- tanda in hoc facinora.

Illa cælo dignissima Lusitaniæ Re- gina Elisabetha, Petro Perpiniano te- ste, non tantum preces plurimas, sed & plurima jejunia Angelorum Regi- næ in obsequium deferebat. Incredi- bile pæne est, quam illa in orando fuerit assidua. Siquidem diebus sin- gulis sacerdotum preces ad omnes horas, Pontificum institutis com- probatas, septem psalmos pœniten- tiæ scriptos, Officium defunctorum, una cum officio Beatissimæ Virginis recitavit. Nec ei satis erat annum vernum quadragintadiale jejunium, huic insuper alterum duplex & ge- minatum, æque diuturnum adjecit. Nam in honorem Matris Virginis à

Perp.  
l. i.  
lauda-  
tionis,  
orat. 3.  
in B.  
Elisa-  
beth.  
ante  
med.



die festo D. Ioannis Baptistæ, usque ad diem Virginis in calum assumptæ, quadraginta omnino diebus, & ab hac Beatissimæ Virginis die ad S. Michaelis Archangeli festum diem, diebus plane totidem, si Dominicos demas, pane tantum & aqua jejunium perpetuavit. Idem omnibus diebus Dominici Adventus, omnibus S. Maria, & Apostolorum pervigiliis, idem diebus Veneris & Sabbati fecit, idem multis aliis diebus, quos ipsa privata quadam religione, propter certorum Sanctorum merita delegit. Præter hæc statuta definitaq; anni tempora tribus hebdomadæ cujusq; diebus à cibo se continuit. Ita Regina hæc, ut summam jejuniorum ineamus, post omnes Adventus dies jejunio transactos, triplex insuper quadragintadiale jejunium servavit. Addidit per annum omnia Beatissimæ Virginis & Apostolorum multorumque aliorum Sanctorum pervigilia, omnes dies Veneris & Sabbati, quibus diebus omnibus communi continentia more non contenta, non solum carnes lautioresq; cibos removit, sed nihil opsonii adhibuit, pane tantum & aqua vitam ægre toleravit. Tu jam numera, quibus diebus per annum non abstinerit, & eos pane digitis computabis. *Ger.* Repeto, quod ante dixi, jam multo confirmator: quid nos simile,

simile, quid obsecro tantæ virtuti affine facimus? nescio quid magni præstare nos credimus, cum leges non contemnimus. Illustrissima certe sunt illa, & magni nominis exempla, quorum nos nec umbram æsequimur.

*Pol.* Quid jam aliorum voluntarias afflictationes memorem? Henricus <sup>Ioan. Nauch. gen. 34</sup> Imperator vere pius, vere Divus, quotiescunq; Romam adiit, primam semper noctem in basilica S. Mariæ majoris pervigil inter preces exegit. Mariæ de Oegnies quotannis ad ædem Deiparæ, duobus milliaribus domo dissitam, unica ancilla comite, nudis pedibus, aspera & rigente hieme revisit, impransâ & incœnata biduo illo duravit, noctem totam in Virginis templo precando insumpsit. Eadem unius diei noctisque spatium millies & centies ingenua procubuit æternam Virginem salutatura; & hoc salutandi officium subinde quadraginta diebus, ardore mirifico perseveravit. Sed ista me libaturum dixi. Orationi, & corporis afflictationi sacram lectionem subjungo.

V. Quam necessarium sit pię lectionis studium, id nos etiam *Nicetas*, seu Triumphata Incontinentia docet: notum tibi libellum nomino. Hic tantum, quos de beatissima Virgine & SS. Angelis legamus, digito monstrare



strare instituo. Francisci Albertini de Custode Angelo libellum non ignotum tibi reor. Horologium Tutelarum Angeli, heri, me spectante manibus versabas. Hos perge crebra lectione terere, neque enim Ambrosios aut Augustinos, ingentia volumina præcipio legenda. Libelluli, quos dixi, nec lectoris fastidium obruunt, & virtutum radices quotidianis incrementis erigunt. Hac ergo suaviori lectione animum irriga quam creberime, nunquam non eruditior, aut melior lectionem defines. De Matre Domini duo itidem scriptores præ ceteris tibi commendaverim: Franciscum Arias, &, Petrum Antonium Spinellum: Ille Imitationem, iste Amorem Deiparæ Virginis conscripsit, uterque magno emolumento legendus. Sed, quæso te, vidistine illud libri miraculum? Versus est unicus, nec plurium quam octo vocularum, & librum implet. In tenui scriptione ingens Divæ Virginis encomium est; in opere pusillo æternum argumentum. Poëta hic, totum versu uno complexus est cælum. *Ger.* Hæc ænigmata tua, ego sane non capio. *Tot.* Explico: Bernardus Bauhusius, versum scripsit unicum, hunc ipsum quem recito:

*Tot tibi sunt dotes, Virgo, quot sidera  
calo.*

Hunc versum quatuordecim syllabarum,

rum, millies, bis & viciis mutavit, iisdem prorsus verbis, sensu & metro, servatis. Quis hoc scriptionis prodigium non obstupescat? Versus quidē mille viginti duo numerantur, sed unicus est: in uno mille, in mille unus.

Res inaudita & invisa, versum pangi qui magnitudine sua liber atq; volumē sit. Vulgus stellarum numerum, quem confusum cernit, infinitum facit, quia oculis credit. E doctis alii jam olim ad calculos cælum vocarunt, stellas numerare ausim, hodieque non plures quam mille viginti duę recensentur. Hunc stellarum numerum poëta expressit versu unico, qui in mille viginti duos versus deducitur, & plane in librum dilatatur.

O admirandum voluminis compendium, novo prorsus & inaudito carminis miraculo: faciem mutat & pulchritudinem servat, numerum auget nec à monade recedit. Hic seu Versus, seu Liber, Proteus Parthenius inscribitur & jure, nam mille viginti duas facies sustinet. Huic Erycius Puteanus vir eruditissimus, Thaumata pietatis adjunxit: scriptum tersum, elegans, admirabile. *Ger.* Oro te, Polychroni, quæ officina venalem habet hunc librum? non morabor vel centum assibus emere. *Pol.* Hoc volui: capta est hæc avicula. decepi te, fateor, credebam enim hac offa te facile inescādum. Vbicunq; novi quid  
aut



aut curiosi emergit, huc manibus pedibusq; certatim advolamus. O vitiū humanæ gentis! O curiositas! quam blande & suaviter rebus plane omnibus te insinuas? Pietas ipsa technis tuis capitur. *Ger.* Feci quod multū, & rei novæ paullo appetentior fui. *Pol.* Hic noster morbus est. In ple-risq; omnibus curiosa majoris apud nos pretii sunt quàm utilia, quàm pia. Adolescentulis in ludo litterario simillimi sumus, quibus non tam placent solida quam pieta, qui potius pulchra quam docta sectantur, nec tam agētia diligunt quam sonantia, & ut verè Chrysologus, magis gaudent foliorum amœnitate coniper-gi, quam fructuum ubertate nutriri. A qua est, & illius scriptoris queri-monia: O quanti veritatem quærunt non in veritate, sed in vanitate: qua-sitam inveniunt nō ad veritatem, sed ad vanitatem; & quod miserrimum est, in verbis vitæ lucra mortis nego-tiantur! Ita, mi Gerarde, pii esse volu-mus, sed simul curiosi; eruditionem sectari, sed curiositate in non negligere; in libros studiose incumbere, sed simul etiam curiosamamus pia, sed vana non satis odimus. Ergo ut fa-mam hanc sequiorem declinemus, eos libellos nostræ lectioni destine-mus, qui nos facturi sunt meliores. Historiam ad solam contemplatio-nem legere, otiosa voluptas est; imi-

Prol.  
super  
Matt.

Rich.  
de S.  
Vit.

tari autē laudatos olim viros, vera & publica eruditio. Da veniam libertati meæ: quærere, ubi Franciscus Arias de Divæ Virginis imitatione vendatur, hoc decet hujus Virginis sodalem. Formandis moribus, non fallendo tempori hæc talia legenda sunt. Nec multa simul aut raptim lustranda, sed uti cibum bene mansum in stomachum trajicere, sanitati conducit; ita lecta bene expensa in animum demittere, probitati. Unica subinde sententiola menti fidelius impressa, magna dedit incrementa virtuti. Eo spectant gnomæ mensuris Divis subscribi solitæ. Hic nobis ostium sponte se reseat: si placet, ingrediamur, & quia de Cælitum cultu dicere instituimus, hoc agamus, obsecro, & de menstrua Divorum electione seu sortitione breviter, ordine, compendio differamus.

*Ger.* Hoc ipsum avidus expecto audire. etiam hîc curiositatem pascere licebit, res est nova, nec mihi audita. nec ab aliis, puto, dicta. Et hoc, spero, non leviter faciet ad cultum Cælitum uberius promovendum.

Sed agamus lege inter nos jam nota: magistrum aliam quam te, Polychroni, hîc neminem admitto; ex lingua tua prorsum captus sum.

*Pol.* Hoc quidem auribus das. Sed quæso, ostende ex intervallo, te linguæ usum nondum perdidisse. nimis triste Pythagoræ



208 DE CVLTV CÆLIT.  
thagoræus es : loquere & tu inter-  
dum. *Ger.* Poenitet me audaciæ, qua  
jam toties te loquentem interrui.  
Incipe Divis faventibus. *Pol.* Sed  
nunquid prius metas ducimus, & di-  
ctationem nostram septis includimus?  
Ordo & perspicuitas, vagum dicendi  
genus & extra suos limites effusum  
non amant. Certos ergo fines statua-  
mus : & ne saltemus extra oleam,  
per hæc nobis capita eundum. Pri-  
mum, quæ origo sit sortitionis istius  
menstruæ. Alterum, quid sibi velit  
Divi Cælitis nomen in menstrua  
schedula expressum. Tertium, quo  
fine addatur sententiosum dictum.  
Quartum , quo consilio preces im-  
perentur per mensem proximum.  
Quintum, adscripta Virtus quid mo-  
neat.

## C A P V T V.

*Origo menstrua sortitionis Divorum  
Calitum.*

I Nter complura colendorum Di-  
vorum pia incitamenta primarium  
videri potest, menstrua sortitio San-  
ctorum , tam Partheniorum sôda-  
lium, quam religiosorum cætuum  
consuetudine recepta. Origo illius  
hæc.

Franciscus Borgias, Gandiæ Prin-  
ceps, vir sane magnus quacunque  
specte-

spe&etur. Opibus florebat, doctrina non carebat, virtute præstabat, gratia pollebat. Nam à Carolo Quinto Imperatore Maximo in aulam adscitus, honoribus & latifundiorum terrarumque censu auctus est. Inter has ille divitias atq; delicias, inter has illecebras aulae Sirenumque cantus, jejuniorum famem, flagellorum sævitiam, ciliciorum asperitatem non intermittebat, divina frequentabat assidue, pius magis in aula quàm multi in cœnobio. Si quando ille aucupio vacabat, vicendi sui causâ, sæpius captas jam volucres generoso animo liberas rursus avolare permittebat, & missionem dabat: aut etiam dum aliis minorum gentium avibus casses & retia intendebat, tantisper animo volutabat, quam non dissimili fraude cacodæmon miseros homines in suas pedicas pertraheret. Inter hæc tam varia pietatis exercitia, illud etiam minime neglexit. Erat solenne familiæ Borgiae veteri instituto, ut è Divorum numero aliquem quot annis forte educerent. Hunc illi toto quidem anni spatio, sed illo præcipue die qui ei Divo sacer esset, singularibus obsequiis colebant sibi que demerebantur, adhibito ad lautas epulas certo mendicorum & pauperum numero, quos viciatim colligebant, iisdemque ad mensam ministrabant. Ser-



vabat religioſe hunc morem, etiam-  
num adoleſcens Franciſcus, qui  
poſtea felici ingenio reperiit, ut quot  
menſibus Divorum ſinguli, ſingu-  
lis ſchedis inſcriberentur distribu-  
endi.

Atque hanc fortiendorum Divo-  
rum rationem Borgias, poſtquam in  
ſancti Ignatii Lojolaæ familiam tranſ-  
ivit, Societatem *Ieſu* amplexus, in  
eandem ſecum migravit & omnium  
ſuffragiis hoc ſanxit, ut eo quo di-  
xi modo ſingulis menſibus ſuum  
quiſque Divum ſorte caperet, vario  
cultu afficeret, eique ſe quotidie per  
menſem illum impenſius commen-  
daret, & devoveret. *Ger.* Nesciveram  
ſane tantum virum conſuetudinis i-  
ſtius auctorem, qui olim Dux Gan-  
diæ, Gothalanie Prorex, tertius in So-  
cietate *Ieſu* Generalis fuit. vir ma-  
gnæ virtutis & vel inde notus, quod  
cum juvenis obefo admodum &  
crasso eſſet corpore, poſt aſſiduus je-  
juniis ciborumque abſtinentia, à  
cœna temperans, adeo ſe ipſe ma-  
ceravit, ut ventris cutem duplica-  
ret, & pellem togæ inſtar, quo vel-  
let, traheret; utrem dixiſſes eſſe in-  
anem. *Pol.* Hanc tu abſtinentiam  
miraris? nec immerito: ego tamen  
magis animi demiſſionem miror &  
obedientiam, quæ utraque virtus in  
hoc viro vere admiranda. Habemus  
igitur auctorem menſtrux illius for-  
titio-

titio nis, quæ suam nobilitatem suo  
debet inventori.

## CAPVT VI.

*Calitum nomen in menstrua scheda ex-  
pressum quid sibi velit.*

**I**ndagavimus originem & caput  
Iptæ istius consuetudinis, nunc por-  
ro videamus, quid ipsis schedulis  
perscribatur.

Primum quod in oculos incurrit,  
est nomen Cælitum, seu, Patroni  
menstrui aut Patronæ, appposito unâ  
mensis die qui eidem dies mortis &  
ultimus fuit, seu natalis & primus  
vitæ quam adiit immortalem. Hic  
ego te, mi optime Sodalis, aut quis-  
quis alius menstruum Sanctum ca-  
pis, ad examen cito, quæroque: Ama-  
bo te, mi juvenis, mi vir, quid cogi-  
tas, cum in menstruali chartula (ut  
agamus de eo, in quo agimus men-  
se) Divum tibi in auxiliarem patro-  
num designatum legis; & vel Mis-  
nensis Pontificis, & Monacensis Tu-  
telaris Patroni Bennonis, vel Ponti-  
ficis Augustani Vdalrici, vel magni  
Apostoli Iacobi, vel Christi amatricis  
Magdalænæ, vel Mundi deceptoris  
Alexii, vel nobilissimi medici ac  
martyris Pantaleonis nomen intue-  
ris, quæ hic animi tui sensa, quæ tuæ  
cogitationes sunt? An vero satis



esse putas Divum menstruum accepisse, reverenti osculo salutasse, nomen inspexisse, perlegisse reliqua: Mox, ubi domum ventum est, obvio libello abdere, aut pulpito velut captivum includere, aut etiam contemptim ut vilem chartam abjicere, mensem elabi finire, nec mense toto vel semel porrecti Sancti nomen aspicere, imo nec meminisse quidem accepti. Hoc non est honorare, non est hoc colere Cælites: satius esset hospitem hunc è cælo nunquam domo admittere, quam sic habere irreverenter, aut turpiter ejicere. Aliud sibi postulat menstrua sortitio Sanctorum. Atque ideo omnium primo in hunc modum cogitationes tuas formabis: En, novam vitæ meæ, mortisque tutelam. En, D. Christophorus, en D. Margarita, aut en D. Ignatius pia sorte mihi assignatus est in patronum. Et hic quidem homo fuit perinde ut ego, quem fames sitisque exercere, quem frigus & calor urere, quem humanæ miseriæ omnes, æque ut me affligere, quæ mors denique superare, solum vero Peccatum expugnare non potuit. Non quod ille ab omni prorsus labecula eximius vixerit, sed quod pravorum affectuum & sui ipsius victor insignis, nullū in se gravius delictum admiserit, aut admissum mature gemitibus & oculorum fontibus eluerit.

En,

En, (dices tibi ipsi) hic Divus, aut hæc Diva jam supra est, in illo meliori orbe, in illo cæruleo palatio, in arce illa stellata & aurea, in immenso Divorum theatro, Angelorum cognatus, imo ipse Angelus, Deo fruitur, Christum videt, Christi Matrem intuetur, ambrosia pascitur & nectare, vitam vivit immortalem & beatam. ô quantum mutavit ab illo! non hoc futurum credebant, qui illum olim contumeliis, irrisionibus, convitiis impetebant: mori videbatur, & ecce vivit non moriturus æternum. Hæ, mi Sodalis, mi Religiose, cogitationes tuæ primæ sint, quoties in manus sumis schediasma menstruum.

I. Proximum est Sanctorum res gestas libris comprehensas adire, & in iis, quem tuus ille Divus vitæ tenorem servavit, exquirere. Qua in re Surios, Lipomanos, Baronios, aliosq; complures habemus luculentos scriptores, & Divorum disertos encomiastas, è quibus tu tibi unum delige, qui omnia ex ordine, patroni tui acta & virtutes percenseat, ostendatq; qua imitari possis, qua debeas. Vbi mores illius sanctissimos & omnem vivendi periodum pervidisti, tecum ita deinceps statue. Ergo huic aut constantissimo martyri, aut castissimæ Virgini, huic Cælitæ defensori meo, hoc mense has quotidie pre-



ces adnumerabo; hæc illi jejunia, has illi flagellationes, has eleemosynas, hæc alia atque alia ipsius honori sacrabo, simulque certa die qua alioqui non solerem, ubi prius omnem animum per confessionem purgare, divinissimum epulum accumbam, in quo mihi eum in amicum & patronum magis conciliem atque propitiem, per illum ipsum cæli regem dominumque, quem lingua mea perinde ut alimoniam sum excepturus.

II. Hic ego te, Gerarde, rem unam bene & in solidum velim capere: De cultu Cælitum agimus & quidem tali, qui & ipsis placeat, & nobis proficit. In quo mihi videntur ii præclarissime & sibi consulere, & Sanctis plurimum deferre, qui festis diebus omnibus Christi Domini, Sanctorum Angelorum, Divorum Apostolorum, notiorum martyrum, celebriorum Virginum, divinam mensam frequentant, Regem Sanctorum omnium suscipiunt, & tam illum ipsum Dominum quem suscipiunt, quam per illum, illius diei divum ad vitæ suæ horam ultimam, & supremam cum morte luctam invitant. *Gerar.* Consilium mihi non displicet, sed quaeso, explicatius hoc trade. *Pol.* Obsequor quantum possum: ausculta. Sit dies Christo Nascenti, aut è sepulchro Resurgenti, aut in cælum Ascendenti

denti sacer: sit dies Matri Virgini aut  
 Natæ, aut Lustratæ, aut ab Angelo  
 Salutatæ, aut cælo Receptæ festus: sit  
 dies Divo Michaeli Archangelo, aut  
 sancto Bartholomæo Apostolo, aut  
 generosissimo martyri Laurentio, aut  
 doctissimæ Virgini Catharinæ, aut  
 cuicunque alteri è notioribus Divis  
 Natalis: hoc tali die, ita Christum,  
 ita & Cælites meo bono venerabor.  
 Animi fordibus per cōfessionem ex-  
 piatis, sanctissimæ Eucharistiæ divi-  
 num epulum accedam, & ubi cæle-  
 stem hunc panem jam in ipsam lin-  
 guam recepero, si dies sit Christo Na-  
 to solennis sic precabor: *O mi aman-*  
*tissime Iesu, ego te per teipsum, quem ore*  
*jam fero, & per hunc Natalem diem tuum*  
*humillime rogo, sis mihi in ultimo decessu*  
*meo propitius iudex. Quod si dies Divo*  
*Michaeli Archangelo, & universis in*  
*cælo Angelis sit sacer, precēs illas*  
*paullulum variabo in hunc modum:*  
*O beatissime Archangele Michael, & O*  
*Sanctissimi Spiritus, Angeli Dei, per hunc*  
*Dominum meum & vestrum, universos*  
*vos ad agonem meum ultimum invito,*  
*adeſte tunc mihi, & in extremis meis juva-*  
*te me. Hæc ego in specimen solum*  
*propono: addi his potest quicquid*  
*tunc temporis melior sensus aut af-*  
*fectus suggesserit. Quod si dies fe-*  
*stus sit, aut uni Apostolorum, aut a-*  
*licui è Martyrum vel Virginum cæ-*  
*tu, aut quibuscunque demum Divis*



aliis, tum ego preces meas sic instruam: *O beati Apostoli Philippe & Iacobe, aut, O beate Georgi Martyr, aut, O beate Ioannes Baptista, per hunc ipsum Dominum, quem lingua gero, ardentissime te precor, adsis mihi morienti, & à bono Deo hanc unam pro me gratiam impetra, ut in obitu meo cum Deo sim in gratia.* Vix ullus ab omni sensu tam sterilis est, quin his & plura & meliora in rem suam precari possit, si animum attendat. Et hoc ego magni momenti ducō, sic piis ac providis curis ad ultimum cum morte luctamen, ad fatalem illam necessitatem, ad illum Æternitatis ingressum se suaq; mature disponere. Si quid ego iudico, vix gratia divina excidet, qui gratiam illam tam laudabili ambitu quæserit; non pavebit ad æternitatis ostiū, qui tot viæ duces ac comites habuerit; diabolorum rabiem non formidabit, qui tot Angelos obtinuerit defensores: vix causā cadet ad ultimū tribunal, cui tot patroni suppetias venerint; vivet, qui sic mori conabitur. Et hoc quoq; arcanum è meo, mi Gerarde, in tuum mihi carissimum cor libuit transferre. Scis, consilia bona, primum bona sunt cum fiunt. Nec ignoras neminem gratis servire Deo, aut Divis. quicquid officii Cælitibus impenditur, amplissimo reddit fœnore. Audi rē miram & veram, cui consignatę tabulę fidem tribuunt. Est certe,

certe, ut dixi: Cælitum cultus nunquam indotatus, & sine præmio abit.

III. Henricus ab Haiden Canonicus Trevirensis, pari morum elegantia & nobilitate juvenis, cum ab extrema pueritia septem annos in Collegio Germanico Romæ egisset, instantè requisitus à suis, reditum parabat in patriam: sed veram illi patriam Deo destinante, incidit in febrem, quæ octavo die attulit mortem. Monitus à sacerdote de necessitate ultima (jam ante se generali confessione præmunierat) ad Apostoli Andræ corpus quod Malphi collitur, pro valetudine peregrinationem vovet: certam dein pecuniam ad crucem argenteam ponendam in æde S. Apollinaris, is est Collegii patronus: itemque ad pallium, quo altare operiretur Deiparæ Virginis, in cuius erat Sodalitio, reliquit. His rebus ita dispositis, cum somnus multis præsentibus oppressit, post paullo evigilans, accersito sacerdote, qui erat ei à confessionibus. O pater, inquit, ô mi Pater, quæ ego vidi? Quæ? interrogat ille. Cui æger: Quæ nec oculis, inquit, nec auribus, sed nec ullo sensu percipi possunt. Cum commovisset expectationem, & jungerentur omnium preces, subjecit inter attonitum lætumque, sed propior læto: Salus mea fuit in angusto:



gusto: at benignitas Mariæ Virginis, Sanctorumque Andreæ, Apollinaris, & Martyrum nostrorum tutelarium in tempore succurrit. à dæmone sum ductus ad judicem. magna vis (cum solus essem) circumstabat accusatorum, varia crimina objectantium, jã jamque exactor supplicii me pertrahabat ad gehennam. Cum abesset prope nihil quin essem miserrimus, adstitit misericordiæ parens, & ad illos conversa: Quò vos istum? quid vobis cum illo, qui tot annos mihi in mea Congregatione servivit? Consecutus deinde Andreas, idem indignans, titulum ostendebat mei patrocinii, quam voveram ad ejus tumulum peregrinationem. Sanctus postremo Apollinaris cum ceteris martyribus, quorum sacra lipsana in æde nostra sunt, vim inhibuit adversariorum, memorans crucem, quam proxime mandavi faciendam. Ita, quæ Deo est gratia, periculo simul somnoque solutus sum. Hæc cum dixisset exultans, quarta fere post hora animam reddidit Conditori. Ita nemo gratis colit Cælites, quisquis eos animo colit sincero.

## CAPVT VII.

*Quo fine menſtruis Calitibus ſententio-  
ſum dictum addatur.*

**A**Lterum, quod poſt Divi nomen in menſtrua tabella perſcribitur, eſt pronunciatum (nos ſententiam dicimus) vel ex iſſis divinis Bibliis, aut è ſanctorum Patrum monumētis, aut piorum ſcriptorum libris. Quod quidem dictum etſi unum ſit, & plerunque breve eſſe ſoleat, ſæpe tamen ei cui ſorte obtigit, plus attulit emolumenti, quam ſi is omnia Abulenſis præſulis Toſtati volumina evolviſſet. Pauca ſæpius voculæ mirros in animis hominum effectus dederunt.

I. S. Antonius etiam juvenis, cum in templo illud Chriſti promiſſum decantari audiſſet: *Centuplum acci-* Matth.  
*piet & vitam æternam poſſidebit, vix è* c. 19. v.  
*ſacra æde digreſſus patrimonii ſui* 29.  
rutilantem acervum hilari ore invaſit, & maximam illius partem am-  
babus manibus in pauperes tribuit, totum daturus, ni ſoror obſtiſſet.  
brevis poſt idem in templo, Euangeli-  
co illo, monito: *Nolite ſoliciti eſſe in* Matth.  
*cræſtinum, ſic attonatur, ut nihil jam* c. 6. v.  
amplius cunctandum ratus, moræ- 34.  
que omnis impatiens, continuo  
toti



toti Mundo, rebus suis omnibus, si-  
 bique ipsi dixerit æternū Vale, mul-  
 tarum gentium in Ægyptia eremo  
 factus pater. Seraphicus Franciscus  
 prima verba dominicæ precatationis:  
*Pater noster qui es in cælis*, attentius se-  
 cum expendens, mox patri suo &  
 matri, mox opibus & voluptatibus  
 omnibus renunciavit, & ad trophæū  
 crucifixi Regis pervolavit nudus. No-  
 tum est & illud in ejusdem Divi ore  
 frequentatissimum: *Deus meus, Deus*  
*meus & omnia*. S. Hieronymum assi-  
 dua formidine perculsum tenebat  
 unica illa sententiola: *Surgite mortui,*  
*venite ad judicium*. Hoc illi epulas o-  
 mnes perfudit amarissimo cinere.  
 Christus è rudi piscatorum plebe Or-  
 bis oratores, & cæli Principes fecit,  
 duabus solum voculis istis, *Sequere*  
*me*. Simeon Stylites audit in templo  
 à sacerdote cani: *Beati qui lugent,*  
*quoniam ipsi consolabuntur*, & proti-  
 nus opilionem exuens, monachum  
 induit, vitamque egit omnibus post  
 sæculis admirandam. S. Eucherius  
 profapia nobilissima oriundus, cum  
 legendo in illud D. Pauli dictum de-  
 venisset: *Sapientia enim hujus mundi,*  
*stultitia est apud Deum*, loco quam  
 primum confurrexit, & suas Mun-  
 dum res habere jussit, meliori ipse  
 domino serviturus. S. Paulinus, vir  
 complurium voce laudatissimus, cū  
 illud Christi dictum ad opulentum  
 juve-

r. ad  
 Cor. 3.  
 v. 19.

juvenem: *Si vis perfectus esse, vade. ven-* Matth.  
c. 19. v.  
21.  
*de omnia quæ habes, & da pauperibus, &*  
*habebis thesaurum in calo: & veni, se-*  
*quere me,* pensiculatus cogitasset, vi-  
 tam priorem desit, & ordiri novam,  
 meliorem, sanctam aggressus est, at-  
 que in Gemetico cœnobio, cælesti  
 philosophiæ se totum mancipavit.  
 Quot hominibus salutem attulisse  
 credendum est brevissimum illud,  
*Nosce teipsum?* S. Ignatius Lojola  
 quantum sibi, suis, Orbique toti pro-  
 fuit illo brevi effato: *Omnia ad mayo-*  
*rem Dei gloriam?* Neque dubium est  
 quin multos improborum vehemen-  
 ti sapius horrore affecerit serium il-  
 lud & severum de Evangelici Epulo-  
 nis sepultura pronuntiatus: *Et se-*  
*pultus est in inferno.* O profundum se- Luc. c.  
16. v. 22.  
 pulchrum! exclamat Augustinus. Et  
 quis ille animus in saxum ita obri-  
 guit, ut ad tales voces & monita, non  
 vivat ac sentiat?

II. Vir olim religiosus quispiam  
 ad mollissimum juvenem, & pæne  
 alterum Smindyridem, vitiis una &  
 deliciis omnibus innutritum, alia  
 lege aditum sibi aperire non pote-  
 rat, nisi prius promitteret, de rebus  
 piis, divinis, cælestibus mentionem  
 se nullam facturum; de morte nihil,  
 multo minus de inferis quidquam  
 locuturum: lex autem erat, paribus  
 poculis si certare collubitum esset,  
 veniret, propinaret, responderetque  
 pro-



propinanti, diceret quæcunque vellet. tantum non pia aut sacra, conditionem etsi iniquam prudenter accepit homo religiosus, nec dubitavit juvenem illum parte aliqua patere, qua saluberrime feriri posset. Adest ergo, & sano consilio multa dissimulat, & ut pacta conventa erant, nec de Deo, nec de diabolo quicquam sermoni aspergit. assidet lætus, ad risum etiam verba componit: jocatur simul, sed pudice, meridiatur una, sed parce, respondet propinanti, sed sobrie. demum abeundi veniam extorquet. Sub digressum, occasionem captat qua in animo incauti vel unicum pietatis aculeum defigat. Cumque bona fortuna juvenis ille lectum suum selecta pluma turgentissimum abituro monstraret, tum Pater: Nobilis domine, inquit, Isaias vates novam lecti rationem describens: *Subter te, inquit, sternetur tinea, & operimentum tuum erunt vermes.* Atque cum dicto valedixit, & placidi somni propitiam noctem precatus est. Mox juvenis, id vero contra pacta & legem actum esse pronunciat, alio se tempore de eo pœnas sumpturum, delicti piaculum fore prægrande saluatorium poculum, quod in multam ei uni foret exhauriendum. cetera jam valeret, atque ita hominem religiosum dimittit; voluisset quidem iisdem foribus illud

Isai. c.

14. v. 11

lud de vermibus dictum excludere,  
 sed id nequaquam potuit. hærebat  
 illud animo & reluctantem trahebat  
 fodicabat, impellebat, stimulat,  
 urgebat, miseris demum modis an-  
 gebat; inquieti vermes omnem ei  
 quietem turbabant. Hic juvenis tam  
 insolentis & occulti concionatoris  
 impatiens, remedium huic malo cir-  
 cumspicere: itaque ad solitas compo-  
 tationes redire, ambulationes itera-  
 re, sociorum numerum etiam auge-  
 re, novos lusus excogitare, choreis  
 plus indulgere, jocos effusius hilares-  
 cere, hoc demum agere ut à sole nun-  
 quam sobrius conspiceretur, quo hæ-  
 rescentem animo molestiam deter-  
 geret, abigeretque importunissimum  
 conscientiae monitorem, & vel sic  
 tandem molestissimos hos vermes  
 excuteret. Non evaluit tamen, quic-  
 quid egit contra domesticum hunc  
 carnificem. agmen hoc vermium in-  
 superabile animo expellere non po-  
 tuit, quocunque conatu. Dum ride-  
 bat, dum bibebat, dum ludebat, ver-  
 mes illi, & illæ tineæ conscientiam  
 identidem pervellebant arrodebant-  
 que. Evigilavit tandem miser ju-  
 venis, & prioris vitæ veter-  
 num excussit, hoc secum instituto  
 ratiocinio; Et quid, inquit ip-  
 se sibi, proficimus? dies noctes-  
 que contra importunissimam hanc  
 & vermiculosam cogitationem  
 pugno,



pugno, nec inducias ullas aut quietem impetro, nec aliud hactenus egi resistendo, quam ut altius inharet; quo magis repugno, hoc minus excutio. Quod si sola de vermibus cogitatio animum ita compungit ac lacerat, quid vermes ipsi facient, præfertim stygii, & nunquam morituri? quid facient illi æternæ mortis ministri vultures? Sed mittamus hæc morosa & tristia. Si possem, equidem vellem. Da te latioribus, & gaude cum gaudentibus. Sed ah, quam vanis & simul quam brevibus gaudiis inhiamus? hodie genialiter vivimus, cras inter alienas lacrimas perimus. Ita eodem sæpe loco quo luserunt navigia, sorbentur. Et quis tandem finis, ubi amabili insania diu luserimus? & ipsi demum ludibrium sumus immitissimæ mortis: Ergo: Ergo: dixi; nunc coëpi. Alius fui, alius ero in posterum. Vela feci ad gehennam, nunc ad cælum remigabo. Munde vale; diu satis ludos me fecisti, habes alios quos ludificeris: ego me mature subduco. dixit, & fecit. & eodem quo coëpit pede ex magno Mundi prostibulo in castra Christi transiit, unica illa brevissima comminatione permotus.

III. En, ibi quam disertâ fuerit & efficax concio, vel unica sententiola. Laudatissimus ergo Partheniorum catuum mos est, singulis tutelari-

bus.

bus Sanctis, singulas adscribere sententias, quas quivis non semel tantum legat (hoc enim parum, hoc nihil est) sed toto illo mense accuratius in omnem partem sensumque secum exputet. Nunquam sine fructu est, quæ de talibus instituitur cogitatio, nec frustra scribitur, quod ad pietatem est calcar. Testimonio est luculentum hujus rei exemplum.

Ante annos certe non multos In-<sup>Anno</sup>golstadii juvenis fuit, qui ut vel <sup>1606.</sup> morbi sævitiem, vel certe Mundi blanditias evaderet, Deo sese devovit & religioso statui. Morbus abiit & brevi post bonum hoc propositum cum illo. Sensim enim quicquid pietatis in morbo hauserat, evanuit: & ita juvenis iste post restitutam corporis valetudinem ægrotare primum coepit animo, & post perfunctum morbum pejus habere. Principio quidē fervebat & volabat, post paulo lentius ibat, deinde stabat, sed nec diu nec impigre; mox languere incipiebat, tandem aperte vitiorum dulcedini succumbebat. Nam Mundi facies, quæ prius terrebat, jam arridere; religiosus status qui antea placebat, jam terrere; societas bona qua gaudebat, displicere incoepit. ita miser tam suaviter & facile oblivisci potuit primum voti sui, dein sui ipsius, postea cæli, demum ipsius Dei. Ita paullatim per gradus ibat, sed



non ad cælū: tendebat in præceps, sed via molli & clementer declivi. neq; enim repēte pessimus factus est, ut qui hodie fuit aureus, cras vix argenteus repertus est: brevi post æreus, exinde ferreus, denique factus est luteus, & ipsū coenū. Ita prodigus ille Euangelicus, primo patrimonium repetiit: hoc impetrato in regionē lōginquā abiit, parentisque oculis se subduxit: neque hīc stitit, pravæ etiam societati se junxit. nondum finis. ea tandem fecit quæ socii & sociæ; gula & luxuria in quotidianos mores transie-

Eccl. c. 20. v. 9 runt. Ita ad mentem Siracidæ, Est processio in malis viro indisciplinato. Hoc plane modo, juvenis ille de quo cœpi dicere, sensim seipso deterior factus est, & è sancto progressu temporis in improbum mutatus: hoc fere solum retinuit boni, quod Beatissimam Virginem & Marianæ Congregationis coetum non penitus deseruerit, sed subinde se præsentem stiterit, saltem in ceremoniam. Ita factum est, ut statō die cum ceteris menstruum sanctum acceperit, & quidem sorte prorsus divina. Nam sententia quæ pronunciata est, dum ille ante crucifixi signū ex more fle-  
 S Ber. ep. st. 105. ad Romanū, Rom. Curia subd. citr genua, è melliflūo doctore Bernardo transcripta erat, hisce omnino verbis: Quid tardas ipsum, quem jam dudū conceperas spiritum parturire salutis? nil mortalib⁹ vel morte cer-

-tius

tius, vel incertius hora mortis. quomodo vivere potes, ubi mori non audes? Audiit hæc juvenis, tacitus quidem, sed quasi fulmine ictus, monitorem è calo agnovit, & illo statim die fugam è lubrico in tutum paravit, altera vero luce hilaris & alacer ad Religiosâ domum contendit, iisque sese aggregavit, quos diu fugerat victurus illic ubi mori non trepidaret.

IV. En tibi vel unica iterum sententiola, menstruo Divò subscripta, apud juvenem istum tantum evicit, quantum vicenæ aut tricenæ conciones non potuissent. Ergo probe instituto menstruis Cælitibus sacrum aliquod piumque effatum subscribitur: sed illud malo contemptu sæpe non legitur, aut lectum non perpenditur. impius sane neglectus hic est cum concio tam brevis non auditur, aut oblivione quam primū sepelitur. Hoc ergo sine, Divorum nomini an menstruis illis chartulis, dictum aliquod de dictis melioribus subjungitur, ut autem vellicet legenti, eumq; officii moneat, addatque stimulum ad vitam emendatiorem. Non multum absimili modo fortem olim captabāt è divinis oraculis, quod vel ex hoc pateat, quod subjungo. Meroveus Regis Francorum Chilperici filius, homo regii quidem sanguinis, sed probrosa ambitionis, & qui scelus etiam per pietatem quæreret. Hic Tarone



D. Martini sepulchro tria sacra volumina, Psalmorum, Regum & Euangeliorum imposuit, eaque nocte tota illic pervigilans, sanctissimum Antistitem Martinum rogavit, ostenderet quid eventurum, & an regno potiri posset. Huic pervigilatæ nocti triduum insuper adjecit, quod jejuniis, precibus, vigiliis exegit. O ambitio quid non mortalia cogis pectora! Exacto hoc triduo ad Divi tumulum regressus, sacram historiam Regum aperuit, primus autem explicatæ paginæ versus hic erat: *Pro eo quod dereliquistis Dominum Deum vestrum, & ambulastis post deos alienos, nec fecistis rectum Dei, ideo tradidit vos Dominus Deus vester in manibus inimicorum vestrorum.* Primus Psalmorum versus erat iste. *Veruntamen propter dolos posuisti eis mala: dejecisti eos dum allevarentur. quomodo facti sunt in desolationem? subito defecerunt: perierunt propter iniquitates suas.* Ex Euangeliiis, in capite paginæ hoc legendū occurrerat: *Scitis quia post biduum pascha fiet, & filius hominis tradetur, ut crucifigatur.* Ad hæc librorum responsa Meroveus; qui regnum inique affectarat, rubore & lacrimis confusus, assumptis in comitatum quingentis viris, discessit loco. in via ab Erpone Regis Gunthramni duce captus est, uti Gregorius Turonensis memorat. Quemadmodum vero sa-

Hist.  
Franc.  
l. 5. c.  
14.

cri codices olim per usitatam sortem consulti, de futuris quandoque monuerunt, ita fit nonnunquam ut in menstruo Divorum sortitu, & oraculi vim habeant & vaticinii, quæ è sacris codicibus exscripta traduntur.

Vt ut sit, minime negligendum est breve illud monitum in charta menstrua perscriptum: quanto enim minoris est operæ, illud quotidie perlegere, tanto majoris est negligentia, in re etiam tam facili torpere. Sed pergo.

## CAPUT VIII.

*Quo consilio preces indicantur in mensum proximum.*

**T**ertium, quod in scheda menstrua visitur, est orandi scopus, nos intencionem dicimus, quæ aliud non est quam propositum & pia voluntas pro istis atque illis preces ad Deum allegandi, quandoquidem in tabella menstrua cuius sodaliū suaviter imperatur, pro quibus illo potissimum mense debeat precari. Ita pro omni statu sexuque, pro ætate omni & ordine, pro regnis & provinciis, pro amicis pariter & inimicis, probis, improbis, vivis, mortuis deprecationes instituuntur; ita ad omnem virtutem impetrandam, ad avertendam omnem noxam, & pestem quamcunque, certi precandi fines



nes præscribuntur. Inter hos tamen ii singulariter observandi, qui preces nobis indicunt pro iis in quorum incolumitate vel interitu maximarum rerum momenta vertuntur. Par est omnino in precibus nobis commendatissimi sint Principes Christiani omnes, in quorum manu salus & exitium plurimorum sita sunt. ita vigilantissimos oratus à nobis postulant tota regna & provinciæ, afflicta bellis Hungaria, foecunda martyrum Iaponia, vexata hæresi Germania, revocanda ad fidem Anglia. sic & pro magnis Regibus Hispaniæ, Galliæ, Poloniæ omni studio Numini supplicandum. Et quis oblivisci possit vel lethaliter peccantium, vel manium in purgante flamma luentium, vel infantium de lustrali fonte periclitantium! Pro his talibus precari quicumque mensis initio admonetur, is certe sine culpa sic imperatas preces penitus negligere non potest; quanti enim censendum est vel uni infantulo suis precibus cælum donare; animam vel unicam ex igne lustrali evocare; ei qui delicto lethali obnoxius est, resipiscendi gratiam impetrare, & sic è turpitudinis cœno extrahere? Quantæ item necessitatis est pro dono Castitatis, sibi aliisque consequendo, Deum frequenter & ferventer rogare, pacem & concordiam poscere, ad Indos & extremos Sina-

Sinarum populos suspiria mittere, benefacta his gratiis referre, inimicis injurias hac talione compensare, homines ad petulantiam & lasciviam obstinatos Calitibus serio commendare, postulare denique perseverantiam nobis maxime necessariam. ita vere Antiochenus orator Chrysostomus dixit. Pro se precari necessitas cogit, pro aliis charitas hortatur; pro se orare, naturæ est, pro altero autem, gratiæ. Dulcior est autem ante Deum oratio, non quam necessitas rei transmittit, sed quam charitas fraternitatis commendat.

I. Ger. Hic ego forsitan non male objecerim: Quantulus sum ego unus, aut quæ sunt precatiunculae meæ, ut iis vel universam Galliam, vel latissimam Hispaniam, vel amplissimam Germaniam, aut Italiam totam, aut Principes Christianos omnes fulciam? non earum sunt virium preces meæ, ut ego Atlas sim & humeros supponam ruenti cælo. *Tot.* Atqui audi, mi Gerarde, non tuis solius precibus, sed aliorum etiam tribuendum est, si iis toti alicui provinciae opituleris. Deus tam bonus est ut ad paucorum castas purasque preces maximis quandoque populis pepercerit: neque dici potest quantum virtus unius etiam, & solius homunculi possit, si Deus eam posse velit. Recente mun-



Livius  
Dec.  
1, 1, 5,

do unicus Abrahamus Deo supplicat pro quinque civitatibus, & benignissime auditur. Et profana consideras? Vnus solusque erat Horatius Cocles, qui bello contra Porsenam, in ponte sublicio toti exercitui se opposuit, magna sui gloria & suorum bono. Q. Mutius Scævola unus solusque & primus è trecentis conjuratis Hetruscum Regem à Romano Capitolio avertit. Vnus ac pàne solus Camillus fuit qui Romam jam prope bustum factam, de manu Brenni & Gallorum ferro liberavit. Vnus solusque Hercules fuit qui monstris Orbem inauditis repurgavit. Sed ut hos taceam, Vnus solusque Ioseph fuit qui fame perituram Ægyptum ab interitu servavit. Vnus solusque Moses tot centenis millibus Hebrææ plebis toties saluti fuit, suis partim consiliis partim precibus. Hierosolyma funditus eversa in magnum cadaver corruissent, sed unus solusque Mathathias cum lugendo & suadendo, tum hortando, & agendo restituit rem. Israelis populus universus idolis litasset, nisi per unum & solum Eliam Thesbiten à tam immani scelere fuisset revocatus. Daniel unus solusque fuit, & juvenis, cum senum plebisque decreta rescidit, & Susannam paratæ neci eripuit, ipsosque iudices morte mulctandos æquissime judicavit. Vnus solusque David

David fuit, tunc etiam adolescentulus & contemptus, cum carneam illam & loquentem Philisthæam turrim, & quasi sedem belli Goliathū, in oculis trepidantis exercitus fundasaxoque expugnauit. Vnus solusque Samson fuit, tantum asini mandibula, non ære ferreo armatus, cum tot simul Philisthæos trucidauit. Vnus solusque Ioannes Baptistes fuit, qui tacentibus universis ausus est Herodem omnium facinorum quæ patrat, arguere. Quid? etiam una & sola mulier Hebræa Holofernem, tunc terrorem Orbis, suo sibi gladio iugulauit, itaque Assyriam militiam universam una illa superavit. Vnus Mardocheus & una Esther omnem Iudæorum gentem à certo interitu seruarunt. Vno Ambrosio sublato florens Italiæ status magnam partem corrui. Vnus fuit solusque Leo Magnus, cum illud Dei flagellum, Attilam, Romanis arcibus jamjam imminuentem, oratione non modo stitit, sed & in Pannoniam redire persuasit.

II. At vero ut neque Daniele, neque Abrahami, neque Samsones nos simus, certe ii esse possumus qui fuerint ævo etiam nostro vel pueri & mulierculæ. Vnica ancillula, uti narrat Illustrissimus Baronius, suis precibus & cilicio, quo multos sanarat, totam gentem Iberum ad Christi fi-

Tom. 3  
Ann.  
327. n.  
11.



dem perduxit. Carolus V. Imperator, cum Thomam Morum, qui Regis Angli fuit Cancellarius, capiteplexum inaudisset, dixisse fertur: Henricus Rex totius Angliæ caput præcidit. Tanti erat universo regno, virum hunc unicum amisisse. Vna Ioanna, Tulliensis virgo, pudica & sancta, ab obsidione plurimos liberavit. Melior est enim unus timens Deum, quam mille filii impii. Ab uno sensato inhabitabitur patria. Vnus itidem & solus Laurentius Iustinianus Venetorum urbem ab excidio suis precibus servavit. nam quo tempore bellum inter Venetos & Mediolanenses arserat, in Corcyranomemore Eremicola vaticiniis clarus degebat. Hunc è Venetis optimatibus vir nobilis adiit, quæsitque, cui parti bellum illud feliciter cessurum esset? huic respondens Anachoreta: Deus, inquit, urbi Venetorum vehementer iratus, quod nulla morum emendatio post tot admonitiones, post tantos clamores sequatur, illam perinde ut Palæstinæ Pentapolin jam dudum deleffet, nisi unicus illorum Patriarcha, suis precibus vindictam divinam avertisset. Idem pæne de Simone Salo Leontius Neapolitanus Præsul commemorat. Fuit enim ut civis Emesanus Hierosolyma iret, quo illic se precibus abbatis Ioannis commendaret. Ioannes,

Aub.  
My-  
raus  
Ann.  
1429.  
Eccl.  
c. 16.  
v. 3. &  
5.  
Bern.  
Iusti-  
nianus  
orator.  
nepos  
illius,  
apud  
Zach.  
Lippe-  
loo  
tom. 1.  
die 8.  
Ian.

annes, Simeonis olim socius, cum illum Emesa ad se venisse cognosset; Atqui quam maxime miror, inquit, te tantum viæ tam casto labore confecisse. Ecquid est quod me Hierosolymis quæras cum Emesæ habeas Simeonem, cujus precibus non ego solum, sed & Orbis totus indiget. Deus bone, quæ tua sunt judicia! quem hominem ut fatuum & stultum mundus totus deridiculo habebat, hujus precibus mundus totus egebat. Ergo unius atque unici hominis ad Deum emissæ preces, non tantum unum aliquod regnum, sed & orbem terrarum universum sustentare possunt. Ergo & sodalis ille, qui cum alios innumeros juvare possit, tamen id tam temere negligit, innumeris nocere censendus est. vere enim nocet, qui cum possit non prodest.

## CAPUT IX.

*In charta menstruorum Calitum  
adscripta Virtus quid mo-  
neat.*

Vltimum deniq; quod mensuris schedis inscribitur, una aliqua Virtus est per illum potissimū mensem crebriori actu exercenda. Campum dicendi hic nullum ingredi-



diar, cum exitum spectet mea dictio. hîc solum mirari multa debeo, ac etiam indignari. Et qua tu fronte, ô frigidissime Sodalis, quisquis es, qua conscientia Sanctum menstruum domi tuæ sordescere sinis, & pulveribus situque obduci, aut libello clausum & male sepultum non colis ut sanctum, sed custodis tantum ut vinctum, totoque mense illius nomen nec semel quidem aspicias legisque?

Memoriæ mihi est, Gerarde, ante annos aliquot missas ad nos Oeniponto literas, quæ defuncti Brixinensis Pontificis manes nobis commendarunt, simul etiam de hujus Principis virtute illustria quædam narra-  
runt, inter quæ illud eximium & imitandum. Siquidem Brixinensis iste præsul, suum sibi Divum quot mensibus Oeniponto ad se mitti, eundemque nunquam nisi flexis genibus accipere voluit. quis ambigat quin religiose coluerit, quem excepit tam pie. Novi ego Beatissimæ Virginis sodales, qui omnium Divorum Cælitum, quos unquam per menstruam sortitionem acceperunt, syllabum & litanias confecerunt, quas & ipsi singulis mensibus ordinate percurrerunt, & in mortis vicina sibi ab aliis prælegi petierunt. Bona utique & jucunda est morituro hæc prælectio, si tamen eos quos nominari.

minari audit Cælites, in vita sibi familiares fecerit frequentiore cultu. Sed nobis nunc de virtute menstruis Cælitibus adscripta sermo est.

I. O Gerarde, quam longe aliud est dicere aut docere, aliud facere. Quoties apud nos virtus laudatur, & alget? Omnis in actione consistit virtus, nec ulla est sine labore. Virtutem in chartula menstrua notatam circumferre, virtutis sane non est. Quid porro de iis dicendum, quibus in distributione menstrua è virtutibus Patientia obtingit, ipsi vero vel asperiore verbulo afflati, velut vento pestilente correpti fremunt, frendent, furunt, calcaturi omnia si possint, laceraturi & pessum daturi omnia, adeo largiter bilem effundunt. O mi juvenis, & ô mi vir, quid menstrua te schedula docet? an non illa hortatu tacito assidue tibi occidit: *Patientia, Patientia, Patientia*, quid ais? an omnem adeo patientiâ consumpsisti, ut nec levem injuriam, aut innocentem jocum: nec paucas voculas, aut obliqui oculi minas possis concoquere? ô te heroem, qui ad pulicis morsum, Herculem inclamas! Quis unquam cælo se dignum fecit impatientia? quis non probe contusus in illam patriam pervenit? quis non omnia vincere potest silendo & patiando? quid indignaris, quid sævis, quid minaris? hi  
mores



mores cælo non conveniunt. Sapientie comes est Patientia, quæ dolori cuicunque fert remedium. Iter ad cælum sine Patientia nunquam reperies. Ergo schedam tuam inspicere, lege, & centies relege: hæc tua lectio voce unica constat, *Patientia*.

II. Et quid de iis sentiendum, quibus in mensuris chartis Obedientia præscribitur, at ipsi nihil minus faciunt quam quod imperatur: quibus jejunium suadetur, illi nec unico bolo genium suum fraudant: quibus Veritas consulitur sequenda, illi technas, fucos, sutelas, mendacia confarcinant. Sic auditorum ubique multos reperias, factores paucos. An non ii auditores solum, apud quos pax publice laudatur, rixis illi ac jurgiis turbant omnia: examen conscientie jubetur, illi toto mense nec semel quidem in seipsos descendunt: quatuor novissimorum meditatio proponitur, illi mortis & judicii immemores, cæli & inferorum securi vivunt: vigilantia præcipitur, illi venientem solem hora septima in lecto salutant, ubi ubi tandem sit sacrum: pia lectio commendatur, illi libellos pios nec habere quidem student, nedum legere: frequens confessionis usus inculcatur, vix illi ut hoc quovis bimestri semel faciant, adducuntur. Et de illis

quid

quid dicas, quibus virginitas & Pudicitia colenda indicitur? obscœnos illi Catullos pro stimulo virtutum legunt. O mi sodalis, an non iste mens identidem tibi oecentat, *Castitas, Castitas, Castitas*. Vide obsecro quam casti sint tui oculi, quam verecundi gestus, quam pudica verba, vide ante omnia quam puræ & mundæ sint cogitationes tuæ; si hæ libidinis cœnum admittant, ne mireris & oculos, & gestus, & verba eodem luto infici. ubi cor libidinem olet, ubi cogitationes castæ non sunt, nec lingua, nec vultus, nec oculi cordis indices castimoniam spirabunt. Ergo & tu menstruam tabellam tuam inspice, lege atque relege centies, sexcenties; lectio tua finitur verbo, *Castitas, Castitas, Castitas*.

III. Quid porro de iis censendum qui menstrualis scheda Sobrietatis monentur, illi diem merq̃ frangere, & crumenam in calices student exhaurire. Quid de iis videtur quos pia illa fors ad desiderium patrię cœlestis erigit, illi in variam curiositatem effusi, omnibus vanitatibus indulgent. Quos putes eos, quibus scripta traditur Carnis afflictatio, illi hoc unum agunt, ut Carni faciant bene, ut corpus mulceant & saginent. Quid de his, inquam, omnibus sentiendum? qui proffus in contrarium  
nitun-



nituntur, & alia omnia faciunt quæ  
 quæ Sancti menstrui monent, sua-  
 dent, jubentque. De te, Gerarde,  
 tua me virtus meliora vult ominari.  
 In eos dixi hætenus, qui torporem  
 & desidiam nec alienis quidem te-  
 gunt oculis, qui suo se officio fun-  
 ctos credunt, cum consuetudini pa-  
 ruerunt, tametsi mense toto nec Di-  
 vi cura, nec statæ preces, nec speci-  
 men virtutis ullum se prodat. Ita  
 alios atque alios Sanctos, ita pluri-  
 mos accipiunt colendos, nullum  
 colunt, tunc maxime sensuri quam  
 malum sit Divos Cælites negligere;  
 cum serum nimis erit velle coluisse,  
 cumque nihil ultra restabit quam  
 ut tam profanæ socordiae frustra pœ-  
 niteat. Non satis est, ô juvenes; ô  
 viri, non satis est menstruas schedas  
 flexo poplite, reverenti manu, pio-  
 que osculo excipere, perlegere, re-  
 tinere, nisi & Divos in iis descriptos  
 colere, & virtutem in iis notatam  
 placeat exercere. Nemo virtuti fa-  
 vet, nisi qui eam sequi potest, & Cæ-  
 lites nemo experitur propitios cum  
 moritur, qui eos sibi amicos nō con-  
 ciliat dum vivit.

*Ger.* Sæpe cœpi, sed sæpe etiam de-  
 si Divis menstruis honorem habere;  
 nunc oblivione, nunc etiam tadio vi-  
 ctus. *Pol.* Vix est ubi altioribus cla-  
 moribus sit opus, quem cum bene  
 cœptorum constantia docenda. Ani-  
 mus

mus humanus ingenerato pondere nunquam non deflectit in prava, varius semper & mutabilis: virtutem præsentem sæpe non odimus, sed negligimus. ita virtutum radices non raro antequam adolescant, sterili frigore exarescunt, ut jam supra demonstratum est. Sed quicquid dixerimus, minus semper quam par erat, dixisse videbimur. Et quia de Conscientiæ, de Cælitum, de Corporis cultu agimus, hunc nobis laborem necessario sumemus, Gerarde, ut belluam istam huic triplici cultu infestissimam pro viribus impugnemus. Sane ab hac animi levitate & inconstantia admirandæ metamorphoses, & sæpe monstra vitiorum horrenda proveniunt, quæ ab iis eduntur qui quandoque sanctissime incipiunt, finiunt sceleratissime, ab angelis, suo vitio, in diabolos mutati. Hæc enim inconstantia, & lentus ad vitium descensus, non unam aliquam virtutem enervat, sed universas. Audi funestam tragoediam in qua histrio seu actor, & conscientiam & Cælites religiosissime cœpit colere, suum etiam corpori qui conveniret, cultum tribuere; sed quam sancte incœpit, tam impie finivit. Audi mirā, bis miram catastrophem.



## CAPVT X.

*Inconstantia in Animi & Calitum  
cultu, exemplo inaudito co-  
arguitur.*

VNus quidam adolescens, & honesto loco natus, & à fortunis felix atque copiosus, melioris sanctiorisque vitæ studio incensus, parentem obnixè rogavit, liceret sibi rebus mortalibus abdicato, Christum & immortalia sequi. Negavit hoc ei pater. Institit rursus ac sæpius filius: cum actum agere se putaret, propinquos in parentem immisit, ut id à parente extorquerent. Impetravit tandem ab invito potestatem abeundi, & mox in cœnobium se inclusit, in quo tam magna & illustria continentia & abstinentia quotidie documenta ceteris dedit, ut haberent omnes quod imitarentur. Cum aliquamdiu in cœpto vitæ cursu profecisset, ratus se perfectiorem quam erat, affectat solitudinem, & à Cœnobiarcha secedendi copiam flagitat: dehortatur juvenem prudens hostilium technarum pater, pericula proponit, insidias exponit, enumerat damna ex eo discessu secutura, nec persuadet tamen juveni, quem jam persuasit, imo abripuit affectus.

Ætus. Si ergo, inquit præses, audendum est, dabo socios qui comitentur. Ita discedenti comites geminos. e contubernio suo adjungit qui novo eremicolæ locum opportunum quarant. Faciunt una iter diem unum atque alterum, ac per vastam solitudinem fessi oberrant; æstuque tandem ac labore fracti in terram corpora abjiciunt, somno pauxillum vires refecturi. Cum aliquamdiu placide omnes quievissent, ecce tibi ales streperis advolat pennis, & clangore alarum excitat sopitos. Hic comites: En, inquiunt, socium Dominus cælitum tibi misit, sequere ducentem. Ille de providentia Dei mire lætus, salutatis comitibus, sequitur præviam ductricem. Ales post pauca spatia semel atque iterum subfidit, ac vanescit; in quo loco novus incolæ silvæ antrum reperit, juxtaque salientem ad sedandam sitim, & dactylos ad pellendam famem. Intellexit eam sibi regionem à Deo per avem designatam, ubi Deo preces assiduas sterneret, & vitæ cursum feliciter perageret. Ergo totum sexennium in summa vitæ innocentia & sanctitate solus & unicus traducit. Et jam de tironis felici progressu non parum sollicitus erat cacodæmon, timebatque ne tam altas virtutis radices ageret, quas non posset amplius con-



vellere. Aggrediendum itaque si-  
 bi militem advocatis in consilium  
 consuetis artibus decernit, per-  
 sonam inculti & horridi natuque  
 grandis anachoretæ sumit, tironem  
 adit, seseque spectandum primum  
 exhibet. horret juvenis, & aspectu  
 inusitati hospitis percellitur, nam in-  
 tra sexennium mortalium neminem  
 aspexerat. Dat ergo se in preces, pre-  
 catur una in speciem vaferrimus in-  
 fidiator, surgentemque hortatur, ut  
 denuo secum etiam votis Deum  
 conveniat. Tum personatus ille dæ-  
 mon: Quamdiu, inquit, hîc degis?  
 Sexennium, inquit juvenis. O infe-  
 licitatem, inquit hostis; quî te tam  
 vicinum tamdiu ignoravi! non am-  
 plius quatrimum est cum hîc esse te  
 cognovi, statimque consurrexi loco,  
 & salutatum te perrexi, uti de iis in-  
 ter nos rebus, quæ ad utriusque sa-  
 lutem pertinerent, ageremus. Quid  
 agimus hîc in tam vastis & desertis  
 ambo saltibus, à sacris Christi my-  
 steriis, à divino Eucharistiæ epulo  
 exclusi? vereor equidem ne ab ejus  
 quoque regno excludamur. Ad deci-  
 mum quintum hinc lapidem duo-  
 sita sunt coenobia, quæ licebit nobis  
 festis diebus adire, ac percepta sacra  
 synaxi redire. Visa res imperito ti-  
 roni salutaris ac necessaria, specum  
 deferit cum ipso dæmone, quem vi-  
 rum sanctum existimabat, & domi-  
 nico

nico die monasteria petit. Templum ingressus, & in preces fusus cum paullo post circumspiceret, & socium ac ductorem suum requireret, nusquam invenit. Quærit ex cœnobitis ubi comes suus & pater esset: neminem, inquit illi, nisi te & prorsus incomitatum adventantem vidimus. Tum demum sensit se à veteratore circumventum, & per dolum è cubili suo extractum, neque tamen nimium doluit, ad homines post tantum temporis, revisisse. Ergo ad latibulum suum reversus progreditur in consueto vitæ instituto. Sed adest rursus stropharum fabricator dæmō, verum jam alia longe via perniciem incauto machinatur. Juvenis formam induit, habitum civilem & patrium finxit, ut cui semel illuserat, eundem denuo falleret, ac tandem à loco, pietate, religione penitus averteret, ac in sempiternum exitium præcipitaret. Adest ergo & in latibula sedentem ad sui spectaculum elicit, nihileffatus, sed perinde ac si è patria quæsitum religiosum juvenem venisset: adstat, intuetur curiose, hæret, & modo vultum, modo alias corporis partes respicit, ut ad sciscitandum provocet tacentem. Nec frustra; rumpit silentium prior imperitus Anachoreta, &: Quid, inquit, ades, quid me tam exquisitè contemplaris? Hic architectus mendacii: Haud



videris me nosse amplius, religiosissime domine, post tantam temporis intercapedinem. Ego sum vicini patris tui filius, Pater tuus ita audiebat, hoc nomen erat matri, hoc sorori: sed mater quidem ac soror, ante biennium naturæ concessere, pater hoc anno defunctus, te hæredem exasse scripsit, ut tu veluti pius ac religiosus filius relictum aurum ac thesaurum omnem, pro utriusque salute in egentes dispertias, misitque, qui te pervestigarent, nec hætenus ab ullo reperiri potuisti, quod equidem vehementer gaudeo, mihi eam felicitatem divinitus oblatam, ut in te inciderem. Respondet anachoreta religiose, modo etiam constanter: Ego vero pecuniæ causa locum hunc deserturus non sum. Et ille: Quid enim mali suadeo? non sum auctor tibi ut opes possideas, aut retineas, sed in pauperes tribuas, ac relictam solitudinem quam primum repetas. Quid, respondebis, de neglecta & direpta tanta pecuniæ summa, summo judici? quid patri? quid egenis ac miseris, quos tanta misericordia privas? Huic anachoreta: Ego, inquit, hætenus rerum caducarum curam penitus nullam habui: conscientiam solum, & cælum atque Cælites curavi. Et hoc est (inquit larvata vulpes) conscientiam & cælum atque Cælites curare, paren-

parentibus; in caussa præsertim tam pia, succurrere, pauperibus per occasionem tam bonam non deesse. qui hæc non curat, conscientiam negligit, & cælum atque Cælites contemnit. Ad hæc anachoreta iterum: An nō sunt, inquit, alii, an nemo superest cognatorū, qui me absente, bona hæreditaria in egenos dividat? Si tu desis, inquit impostor, avarissimus quisque advolabit, & prædam faciet pro libitu: interim mendicorum turba lugebit & abibit inanis, cujus culpam tu sustinebis. Ductus & victus his dolis simplex & stolidus juvenis, surgit, pedem, quem retulit nunquam, ex adicula profert, solitudinem simul ac cælum Cælitesque deserit, viam init, patriam repetit. In via non pauca nec levia nequitie rudimenta accepit à viæ socio, à quo insigniter & cum fallaci venustate malus esse didicit, antequam id se doceri crederet. In patriam ubi pervenit, ecce domum paternam ingredienti pater ipse, quem dæmon finxerat mortuum, occurrit, miratur novum hospitem, nec agnoscit filium, sed probe filius patrem. Quærit pater, quis, unde domo, quid adesset? Attonitus prope filius, quod videret vivum, quem audierat defunctum, fingit (tantum in itinere ex comitis societate profecerat) fingit inquam,



se desiderio patris extremum videnti & salutandi adesse. agnitum pater in ædes admittit, & amicissime ut filium tractat. Sed non diu in ædibus paternis versatus, Mundi mores & leges exacte addidicit, fortasse illas nunquam satis oblitus, tanto jam appetentior vanitatis, quanto ante pietatis studiosior, perinde si dole-ret tamdiu vitiis non serviisse, ita sapere coepit misero peccandi licentia. Conscientiam quã antea quotidiano examine solebat explorare, jam opprimere, eique silentium imperare; Cælites quos prius assiduissimis obsequiis consuevit colere, jam contemptim negligere, & fastidire; corpus quod aliquot annis laboribus & inedia macerarat, jam vere colere, & mollissime procurare coepit. his gradibus in præceps ibat, seipso deterior factus in dies. adeo dulcis ei erat vitiorum libertas, qua tamdiu carere potuisse mirabatur. Sic per summum scelus pudorem & innocentiam amisit, turpissimisq; sese flagitiis contaminavit, ita ut à parente plagis etiam multatus, tamen non resipisceret, sed infelicem animam in scelerata vita exhalaret.

O prodigium? ô portentum! quis nunquam hoc sanctius incoepit, quis flagitiosius finivit? Mali origo esse solet: melioribus non parere, sibi fidere, seipsum non nosse. hinc istæ lacrimæ.

crimæ. Verum quid huic misero irascor? mihi deberem. Et ego hunc lulum in aliis atque aliis quotidie ludo: & hoc, & istud, & illud incipio, nullum finio.

I. Tales Protei sumus, hodie conscientiam lustramus & purgamus, & vix crastinum expectamus, cum eandem novis sceleribus implemus: hodie Divorum genua advolvimus, iisdem cras tergum obvertimus: Isaïæ vaticinium in nos plane non quadrat: *Current & non laborabunt; ambu-* Isaïæ  
*labunt & non deficient.* Nos ambula- c. 40.  
mus quidem, sed brevi deficimus; v. 31.  
currimus, sed medio sæpe cursu lassescimus; quandoque etiam finem jam vicinum, jam proximum, stultissima præcipitatione corrumpimus. Saul regum optimus, si ejus principia spectes, à Samuele jussus septem diebus expectare, dum victimas simul immolarent, expectavit omnino adusque septimæ diei serum vesperem, cumque populus ab eo dilaberetur, tanquam coactus sacrificavit. Et en eo ipso tempore advolans Samuel: *Stulte, inquit, egisti: nequaquam* I. Reg.  
*regnum tuum ultra consurget.* Heu la- c. 10. v.  
crimabilem jacturam regni! sex die- I. & c.  
bus Saul expectaverat, & undecim 13. v. 8  
horis septimi; angustiis tandem compul-  
sus, & de Samuelis adventu diffi-  
sus: ipsa ultima hora priorem per-  
severantiam omnem corrumpit, defe-  
cit,



cit, itaque sibi posterisque regnum  
 perdidit. ex quo tempore per eos sce-  
 lerum gradus cœpit non ire sed rue-  
 re, ut post mortale regnum amissum,  
 immortale quoque amiserit & æter-  
 num. Quam tutum est alienis malis  
 sua dediscere & aliorum ruina cogni-  
 ta, in statu firmiore se componere. Et  
 sane ultima vitæ perseverantia pluri-  
 mum ab ea pendet quæ quotidianis  
 actibus roboratur. Qui bene cœpta  
 toties tamq; facile deserit, in supre-  
 mo vitæ actu egre sibi constabit. Ideo  
 sanctissimus Rex David: Inclinavi,  
 ait, cor meum ad faciendas justifica-  
 tiones tuas in æternum, &: In æter-  
 num non obliviscar justificationes  
 tuas. Nil magis necessarium nobis,  
 quam quotidie firmissime statuere  
 ac proponere. Quid autē juvet quo-  
 tidie proponere, si licet propositum  
 quotidie deponere? Nihil hoc est a-  
 liud, quàm felici manu substructa,  
 ridicula pœnitentia destruere, aut  
 molem Sisyphæam in rupis fastigium  
 educere, mox in infimam vallem ro-  
 tatu præcipiti revolvendam. *Ger.* Hæc  
 labes nostræ mortalitatis est, non diu  
 eadem consilia probare. *Pol.* Ama-  
 mus mixtas pœnitentiæ voluptates,  
 & bona semper placitura vix admit-  
 timus. *Ger.* Statui jam sæpe, nullo  
 die conscientiæ discussionem in-  
 termittere: proposui quot mensi-  
 bus oblatos sorte Cælites studiosio-  
 re

Ita sen-  
 tiunt  
 Testa-  
 tus A-  
 bul.  
 Thom.  
 Aquin.  
 Bernar-  
 dus,  
 Hiero-  
 nymus,  
 & alii.

Pfalm.  
 118. v.  
 112. &  
 93.

re cultu prosequi: decrevi jam crebro  
 corpori minus indulgere, oculorum  
 incendia cavere, linguæ pestilentes  
 impetus coercere: cœpi non semel  
 infantiâ amabilium nugarum & for-  
 dium mearum detestari. Et tamen,  
 quæ statui non feci; quæ proposui  
 neglexi; quod decrevi, violavi; quod  
 detestatus sum, rursum amavi. quæ-  
 so, unde hic morbus, nunquam fa-  
 cere, toties statuere? *Pol.* Mi Gerar-  
 de, forsan non satis firme statuis. per-  
 functorie ac leniter leviterque velle,  
 non animi decretû, sed impetus est,  
 qui uti cito vires acquirit, sic cito a-  
 mittit, subita cæli serenitas, subitis  
 nimbis foedatur, herbæ ac flores ce-  
 leriter nati, celeri morte subducun-  
 tur. Firmum propositum non est,  
 quod in cera aut arena scribitur: ri-  
 gido metallo commendandum est  
 quod diuturnum esse cupimus. Io-  
 bus hoc fecit; quod statuit, perin-  
 de si exarasset id ære, sic executus. *Iob. c. 27. v. 2*  
 Donec, inquit, deficiam & mori-  
 ar, non recedam ab innocentia  
 mea: justificationem meam & vir-  
 tutem quam cœpi tenere, non de-  
 feram.

II. Narrant hominem generosi  
 sanguinis, sed vitæ profligatissimæ, la-  
 trociniis insuper infamem, ejus sibi  
 consue- *Iacob. de Vo-  
rag. ar-  
chie-  
pisc.  
Ianu-  
ens.*

Hercules Vincemala lib. i. mirac. mir. 14. *Pet. Anton.*  
*Spinelli de Amore Deiparæ c. 5. fine.*



consuetudinis inviolabilem legem dixisse, ut nullus iret dies, quo se Matri Dei non commendasset Angeli salutatione. Quantula scintilla pietatis, in vasto mari flagitiorum! Habuit hic miræ & prolixæ fidelitatis famulum, qui ipsis quatuordecim annis industriè illi serviit. Patuit tandem famulatum hunc fuisse insidiosissimum. Siquidem vir sanctus qui in castro illo captivus detinebatur, hunc famulum adegit Iesu Christi nomine, fateretur quis esset. Ille vim imperii sentiens, demum se diabolum fassus est sub humana specie tot annis illic serviisse, idque in mandatis habuisse, ut si quo die herus salutandæ Virginis consuetudinem omitteret, suffocatum abriperet ad impiorum carnificinam, verum ad id temporis nullum omnino diem abiisse quo herus Dei matrem pro more non coluisset. Hæc ego fide complurium aliorum recitavi. Hoc liquet mirifice placere Deo cujusque boni operis constantiam. Sicut natura indefessa operatrix ab exili planta arborem educit admirandæ altitudinis, non subitis incrementis, sed diu & continue operando; aquæ guttulæ lapidem cavant, non vi sed sæpe cadendo; ignis immortalitas tamdiu durat, quamdiu subministrantur alimenta; semper vivit flamma, semper vorando: sic Deus, assidue operatur

tur benefaciendo, sic homo probus ad immortale fastigium exurgit nunquam ignave cessando.

Felicem Pilatum si quo pede coeperat, decurrisset. Turpe est cedere oneri, & luctari cum officio quod semel receperis. Posito fundamento, imponenda est & coronis. Virtus boni operis perseverantia est, qua ubique est opus.

Orpheus Euridicen ab inferis reducturus accepit conditionem, ne incōstanti curiositate duci se sineret, & retro torqueret oculos. At miser,

— *avidusque videndi*

Ovid.

l. 10.

*Flexit amans oculos, & protinus illa relapsa est.* metam.

Orphei & nos sumus (ingemisco cum cogito) & vix parta mox iterum perdimus inconstantia miserabili. Et quoties suam quisque animam ab Orco revocat pœnitentia? verū quia ad pristinos amores cor iterum reflectimus, iterum etiam atque iterum, relapsam ad Orcum animam damnamus. Quid juvat, hodie in castimonix leges jurare, cras iterum libidinis cœno se mergere? quid prodest, hodie infra omnes se submittere, cras grande supercilium resumere, & omnes alios despicere? quid magni, hodie præclarum patientiæ specimen edere, cras omne patiendi studium abjicere? hodie frugali quadra vivere, cras helluari & græcari; hodie agni  
man-



mansuetudinem induere, cras in lupum efferari; hodie cælum atque Cæ-  
lites sollicito cultu ambire, cras Ve-  
neri & Pluto ceterisque inferorum  
monstris applaudere. Gerarde, si Dei  
matrem, si Divos alios venerari cœ-  
pimus, quæso, non hoc solum die  
aut hebdomade, non hoc tantum  
mense aut anno veneremur: conste-  
mus nobis nostrisque cœptis, & cras  
simus quales hodie fuimus.

III. Equidem multa sunt quæ  
nos ad constantiam hanc accendant,  
Nota tibi non ingeram vel alias au-  
dita. Illustre & prorsus inauditum ap-  
ponam pro clausula. Narratis qui &  
auribus suis & oculis non immerito  
vult credi. Nuperrime in scriptoris  
hujus notitiam deveni, è cujus fide  
hæc ego tibi fideli narratione pan-  
dam.

Ioan.  
Nyder  
l. 4.  
formic.  
7.

Franciscus Retzanus rerum divi-  
narum consultus; è S. Dominici fa-  
milia, in Austriæ Academia Vien-  
nensi triginta sex annis sacras litteras  
docuit. Hic à teneris unguiculis Bea-  
tissimæ Virginis cultor tam fervidus  
quam constans fuit. Quotiescumque  
Dei Matrem vel nominari solum au-  
diit, vel eam ipse nominavit, mox  
occasione proxima salutationem An-  
geli submitte pronunciavit. Idem fe-  
cit, quotiescumque illius imaginem,  
& quocumque loco transieret. Ea-  
de causa non tantum in museo suo,  
sed

sed & alibi divinæ Matris iconem voluit esse frequentissimam. Preces, seu, Officium Mariæ Virginis vel unico die intermittere nefas duxisset. Pecuniam omnem quam docendi munere fuisset promeritus, in beatissimæ Virginis cultum expendi voluit. Singulis sabbati diebus dimidiam prælectionis partem decorè & cum gratia in laudem divinæ hujus Virginis deflexit, & frequenter eo sensu, ut uberes lacrimæ verba dicentis interciperent. In precibus, quas magno numero quotidie huic Beatissimæ Matri adnumeravit, ingenti affectu animum omnem in hanc cæli Reginam intendit. Medullis ac visceribus ei hærebat pietas in istam Matrem. Neque vero interim quæ sui muneris esse norat, negligebat. Sic ad annum octogesimum quartum ætatem provexit, vir miræ abstinentiæ & hostis sui corporis, quo nudo telam lineam non attigit, culcitre non nisi laneæ indormiit, religiosi silentii semper observantissimus. Si quando è cubiculo in bibliothecam, aut triclinium, aut templum iret, aut domo ad scholas prodiret, ne tantilli temporis jacturam faceret, Dei parentem Angeli verbis assidue salutabat. Post lucubrationes plurimas & libros à se compositos, in illa Salomonis verba: *Per me principes imperant, &c.* digres-



digressus, tria bene magna volumina conscripsit in laudem cælestis Virginis Mariæ, cujus in cælum Assumptæ die, suum ipse laborem eliminare coepit, & curis secundis perficere. Dū ergo manum habet ad tabulam, en febricula scribentem occupat. tantisper ergo calamum ponit, dum impetus morbi solveretur. At ubi febris in dies recurrebat auctior & gravior, æger ad socium conversus: Quid hoc sibi vult, inquit, Virgo beatissima, quod me suis octodialibus festis suoque opere distentum æstu febrique jactari sinat? sed feramus, quicquid in nos Dei bonitas decernit. Et hoc etiam scribere est, hoc etiam est Deum Deique Matrem laudare, non repugnanter pati, ergo patiamur. Fecit, ut dixit. Iamque dies Beatissimæ Virginis Natæ aderat, cum sacramentis omnibus confirmatus Franciscus, visu tamen (quod rarum in hoc ætatis) auditu ac mente integra consisteret. Horam novissimam præsentiens, more suo salutationem Angeli recitare coepit, & licet in ultimis esset, jamque animam ageret, nihilominus tamen verba formabat, quantumvis exili spiritu ac intermortuis vocibus, illudque suum (Sancta Maria mater Dei, ora pro nobis) continue pronunciabat, usque dum labra non amplius contrahere aut diducere valeret. Sic extremum vitæ spiritum

ritum in ipso Matris desideratissimæ affatu edidit. In extincti facie nil horroris, sed hilaritas & prope vitalis decor spirabat, qui ad gaudium invitaret spectatores. En, Gerarde, insignissimam in Deiparæ cultu constantiam per tot vitæ spatia ad ipsum usque quartum & octogesimum annum. Et quid miremur tam lenem & felicem exitum, post vitam in hujus Dominæ tam pio famulatu exactam?

I V. Huic omnino geminum & plane recens addo, quod non ita pridem Pater quidam è Societate Iesu mihi narravit, & ego nunc tibi. Paulus Hoffæus, quem incanum egomet sapissime vidi, neque enim adeo multi anni sunt cum naturæ concessit. Hic in Societate Iesu sacerdotem egit ultra quinquaginta annos, muneribus & curis variis exercitus. Cumque à Collegii Rectore moneretur, pro veterum more, primum sacrum in templo publice repeteret, vir modestus & submissi animi, omnisque honoris & applausus fugiens, privatim & in suo Bethlehemo (sic appellarat extemporaneum sacellū, quod ipsius senio excitatum est) sacrum illud fecit. Post plurimos labores otiosus repertus est nunquam. Mane diebus singulis ante horam tertiam surrexit: totum tempus usque ad sextam meditando & orando traduxit. meditationibus Sacrum,

R. Sacro



Sacro lectiones & scriptiones illius sacrae successerunt. Tam in verbis semper consideratus & cautus, quam in cibo potuque omni abstinens & moderatus fuit, quo effecit ut infestam podagram ultra septuagesimum annum à se distinuerit. Et testati sunt medici, vitam ipsi in tot annos ideo prorogatam, quod tam contumaci & severa abstinencia sese exercuisset. Cibos delicatos etiam in morbo averfatus est, facile parabiles & communes aliis omnibus, amavit. Patientia fuit tanta, ut savissimos dolores calculi & podagrae, subinde etiam jocularibus dictis tegere. Paupertatis religiosae sic amans, ut ob res levissimas facultatem à maioribus petere sit solitus. Manes saepius (res ei jam nota erat) ad cubiculi fores auxiliū ab ipso flagitarunt. Eundem vitae terminum habuit magnus iste, quem prior ille, de quo dixi; nam pariter ad octogesimum quartū annum aetate processit. Hæc ideo nosse interest ut sciamus quantae virtutis viri in clientelam fidemque caelestis Reginae confugerint. Quantum vero hic ipse Paulus Hoffæus beatissimam Virginem Matrem amavit & coluerit, vel ex eo solum conjicias: Omnibus Divae Virginis pervigiliis jejunium religiosissime servavit, & quem senem non facile ullus unquam cantantem audit,

is ipse paucis diebus ante mortem carmen de Beatissima Virgine præter omnem morē cecinit. Dixisses octogenarium olorem funeri suo præludere. Mortuus, subridenti similis, tamque amœno erat vultu, ut ab eo vocem expectasses.

V. En, mi Gerarde, adultos istos & prope nonagenarios Æternæ Virginis clientes, & cultores constantissimos. His, Francisco & Paulo, qui Angelorum Reginam præcipue coluerunt, subjungo Franciscum & Philippum, qui Angelos. De S. Philippo Nerio facile est conjicere, quo honore affecerit Angelos, cum eum tanto affecerint Angeli. Nam in eam sese humilitatem submisit Angelus erga Philippum, ut ab eo etiam stipem petere mendici habitu dedignatus non sit, dixeritque, cum personam aperiret. *Veneram experiri quid factururus esses.* Eundem hunc integerrimum virum in altissimam foveam noctu prolapsum, penitus illæsum eduxit Angelus. Idem vir sanctus suavissime concinentes Angelos audivit, uti in ejus rebus gestis testatur Antonius Gallonius. At vero Fran-

In vita  
S Phil.  
Nerii.



devotissimum probaret, à die beatissimæ Virginis in cælum evectæ quadraginta continuos dies jejunio & inedia traduxit. Et quia Franciscus animorum salutem mire ardebat, Michaellem Archangelum, cui jus aliquod in animos corpore solutos, singularibus obsequiis sibi demereri studebat. Tantorum exemplis ducimur ad præstantissimam in cultu Cælitum constantiam. Magni prorsus momenti est in omni actione nobiliori, non temere ordiri, non leviter

& cito desinere. Atque hîc præclarissimi documenti loco sit, quod Mathois abbas dicere solitus: Malo, ajebat, aliquod leve opus & continuum, quam grave & cito finiendum. Ut autē bene coepta continuemus, necessarius est plane in rebus agendis ordo. D. Ambrosius id significans: Animum, inquit, relaxaturi, videamus ne omnem harmoniam & quasi concentum bonorum operum solvamus. Concentus iste ut constans sit, plurimum refert, si omnes diei occupationes eo fiant ordine, ut primariis hora conveniens assignetur, ad quam statim designati operis capiatur initium. Hunc dives ille Booz suorum messorum labori præfinivit modum, ut horam nossent, qua ad messem venirent, qua cibum sumerent, qua ad opus redirent, qua quietem interponerent, qua demum vesperi

Pela-  
gius in  
terpres  
è Græ-  
co. li-  
bell. 7.  
num. 11  
apud  
Ros-  
vveid.  
Lib. 1.  
offic.  
c. 10.

Rut. c.  
2. v. 14

peri labores finirent. Ne turbulenter facias, quicquid facere vis constanter. ordine fiat quicquid diu faciendum est.

Sed meministi, Gerarde, de triplici nos cultu cœpisse differere: De cultu Conscientiæ & Cœlitum, ego meam tibi sententiam peregi: quam bene, tui hoc arbitrii facio. Restat de cultu Corporis agere. Sed hoc posteræ lucis opus erit. Iam Hesperus os cælo exerit, & dies flectit in noctem. Ego in crastinum promitto, ut quod cœpimus finiamus, & constantiam doceamus non verbis, sed re.





Imaginis sequentis brevis explicatio.

**S**alomon ad miraculum ornatus; purpura & diademate in regem cultus, speculum à Servatore propositum interrogat, quid de se illud sentiat? Nam Dominus Matth. c. 6. v. 28. & 29 nos ad flores ablegans: Considerate, aiebat, lilia agri, quomodo crescunt. Dico autem vobis, quoniam nec Salomon in omni gloria sita coopertus est, sicut unum ex istis. Hoc Ecc'les. c. 1. v. 1 speculum allocutus Salomon: O vanitas vanitatum, inquit, ô vanitas vanitatum, & omnia vanitas! Quid corpus, animi sepulchrum, ornamus frustra, si omni ornatu nostro nec quidem liliū pedibus calcandum aequamus? Quid fastu inani effe- rimur, si à floribus superamur? Faceffat igitur vanus corporis cultus, qui magis est probro, quam ornamento. Animi decor, innocentia.





LIBER TERTIVS.  
DE  
CVLTV CORPORIS.

CAPVT I.

*Animone potius, an Corpori cultus  
debeat.*

Polychronius. Gerardus.

POLYCHRONIVS.

Alex.  
ab A-  
lex. l. 4.  
dier.  
gen. c.  
20.

**E**Rgo nos diem auspicamur, ad  
solis occasum, cum priscis Æ-  
gyptiis? *Ger.* Quid hoc verbi, Po-  
lychroni? num tibi sol brevi obitu-  
rus est? mihi vix ortus est. *Pol.* Hoc  
ajo: Diem hodiernum non hodie, sed  
heri exorſi ſumus ad ſolem jam de-  
cumbentem. An non heſternus veſ-  
per hodierno ſermoni dedit initium?  
ſiquidem uterque de *Cultu Corporis*  
nos acturos condiximus. *Ger.* Iam ca-  
pio, & ſic eſt: lucem hodiernam heri  
ſub noctem inchoavimus, prorſus  
ad Ægyptium ritum. *Pol.* Hoc igitur  
habemus: Coepimus. ut autem amici  
ſiniamus, præmoneo, tuam à me pa-  
tientiam explorandam varie. & ti-  
meo ne ſubinde feriam vitalia, & de  
vivo quid reſecem. Sed noſti, *Gerar-*  
*de:* Conſtans nunquam erit, qui non  
didicerit eſſe patiens, De *Cultu Corpo-*  
*ris* agere, res tam delicata quam ſeria  
eſt,

est, quare ne in limine offendamus,  
& præmature ferii simus, Deo Fabu-  
lino prius hostiam feramus.

Fabula est; quam refert Lactan-  
tius, Cererem, cum Proserpinam fi-  
liam quæreret, venisse ad Eleusium  
regem, cujus uxor Meganira puerum  
peperit Triptoleum, seque nutri-  
cem simulasse. Hanc regina libens fi-  
lio suo recepit. Ceres cum alum-  
num suum immortalem vellet, in-  
terdiu lacte divino nutrebat, noctu  
clam igne obruebat. itaque præter-  
quam soliti erant mortales, cresce-  
bat. Cum hoc pater miraretur, no-  
cturno tempore observavit nutricē,  
& cum Ceres puerum igne perfun-  
deret, pater expavescens & filio me-  
tuens exclamavit. Irata illa Eleusium  
exanimavit, ac Triptolemo alumno  
suo æternum beneficium contulit:  
fruges ei propagandas & currum  
draconibus junctum dedit, quibus  
ille victor orbem terrarum frugibus  
obsevit. Inest non raro fabulis sapi-  
entia. fictæ illæ sunt quidem, sed ad  
docendum, non ad decipiendum, si  
fictas esse intelligamus. Ego profe-  
cto, si hac de re sententiam rogarer,  
quod Ceres hanc Triptolemo curam  
fecerit, factum bene, dicerem. Ve-  
rum equidem est, illud primum  
quod curetur, occurrere, cui natura  
ipsa primum suum consecravit labo-  
rem. Nam cum animo constemus &



corpore, animus aptum sibi domicilium à Natura vult extrui quod occupet. Idcirco natura primam corpori curam exhibet, animo tunc nondum præfenti non potest. At nos incipere debemus, ubi natura defuit: divisam operam cum illa habemus, ut sicut illa sedula fuit, fecitq; quod debuit instar fidissimæ nutricis, ita nec nos desimus muneri nostro: corpus illa aptavit animo, nos animum aptemus, ut recte præsit corpori. Dignior est animus cui serviatur, qui imperet, qui colatur. nam & ab ipso naturæ Conditore homini datus est tanquam rector. Venit ille ad corpus nudus ab ornamentis omnibus, & suppetias à nobis expostulat, ut ad immortalitatem sublimem illam & beatam crescat & ornetur. immortalitas nobis cum Cerere curanda, seu lacte sit opus seu igne, sive animus eruditione nutriendus, sive exercendus pietate. Ecquis recte sentiens denegabit operam animo, quam corpori non denegat? Magnificum est aulas principum servitio colere: & cur nos nullâ hujus servitutis gloria titillat? cur non magni facimus, si magnum servitium præstemus animo? est ille à magno illo Deo vere magnus, & aliquo modo illum refert, ad cujus imaginem conditus est.

I. Nihilominus corpus origine sua  
longe

longe vilissimum, nimium sibi juris tribuit in animum, eodem fere dolo quo usus est Amasis. Hic Ægypti rex factus, ob natales obscuros agre tolerabatur ab incolis. maluissent illi vivere sub illustriori domino. Advertit hoc Amasis, & ne qua forte ob id oriretur seditio, cautum voluit erudita calliditate. Pelluvium habebat aureum, ex eo hospitibus vestigia & manus abluebantur, immundumq; reddebatur ab immunda aqua: hoc in ignem coniectum conflavit fecitque ex eo statuam, tum in publico tanquam Deum adorandum proposuit. Circumfluxit ingens venerabunda turba, & materiam eandem quam antea ut sordidam cum stomacho aspexerunt, jam osculis attriverunt. Nec diu cunctatus Amasis, advocata concione hujuscemodi verba fecit: Viri Ægyptii, & qui habitatis regna nostra, quod videtis, etiam noscite. Pelvis erat ante, receptaculum sordium, oculi vix ferebant nauseabundi, nemo coluit: at vero postquam arte purgatum, & formatum in hanc statuam est, induitque Dei similitudinem, omnibus esse honori coepit meritissimo. Sic quoque mea nunc vitæ conditio est. fui olim unus ex vobis, imo plerisque inferior, & merito à vobis contemptus: at postquam ornamenta regia suscepi, & scepro vestro potitus sum, alius



alius esse cœpi, quod alia gestem insignia. similis jam sum aliis regibus; in eorum numero jam habere similem, quem alioqui juste aspernari possetis.

Egregius hic gregis sermo, etiam nobis, *Gerarde*, utilis est, si attendamus. Si animus è facie hac terrea cōcretus esset, si ex affinitate & cogitatione animorum mortalium prodiret, esset fortasse cur cunctamur, esset cur tanquam plebejo denegaremus famulatum, sed cum supremi Regis gerat imaginem, omni officiorum genere colendus est. Corpus, quod luto proxima cognatione junctum, pro seruo tractandum est. At pœne simile quid cōtingit corpori nostro, quod *Amasis* pelluvio. Corpus à natura ad servitutem abjectum est, sed pravi amoris ignis, & nescio quis adscititius vestium splendor illud sic immutat, ut à multis pro Deo habeatur, & in animum dominetur. sed verissime dixit ille: Nullos dominari deterius quam quos ad serviendum natura creasset. *Ger.* Sed antequam, quid corpus sit, explices, quæso quid est animus? quid enim colam hospitem ignotum?

*II. Pol.* Heu quam multa sunt quæ esse concedimus; quæ & qualia sint, ignoramus. Habere nos animum, cujus imperio & impellimur & revocamur, omnes fatebuntur: quid tamen

tamen sit animus, ille rector domi-  
 nusq; nostri, priscorum philosopho-  
 rum turba nunquam satis expediet.  
 Alius illum dicet esse spiritum, alius  
 concentum quemdam, alius vim di-  
 vinam & Dei partem, alius tenuissi-  
 mum aërem, alius incorporalem po-  
 tentiam. Non deerit qui sanguinem  
 dicat, qui calorem. Adeo animo non  
 potest liquere de ceteris rebus, ut  
 adhuc ipse se quærat. Empedoclem  
 fero, si negligat culturam animi,  
 quem nihil aliud esse contendit, quã  
 cordi suffusum sanguinem. Zenoni  
 ignosco, qui animum ignem esse do-  
 cet; ignis autem colendus non est,  
 nisi fortasse à Persis, qui illum pro  
 Deo habent. Democrito quoque ve-  
 nia danda, si hac in parte hallucine-  
 tur, corpusq; præponat animo, quem  
 ex vilissimis atomis conflatum som-  
 niat. Pherecrates etiam pacate vivat,  
 imo hilariter, & cuticulam demul-  
 ceat. quid enim ad animum atten-  
 deret, qui, ut ipse eum definit, nihil  
 est. At vero nos melius & peritius a-  
 nimum noscimus, rem divinam &  
 immortalem, originis nobilissimæ  
 spiritum, & prope Deum in humano  
 corpore hospitantem: par igitur erit  
 eum pro dignitate colere, corpori  
 autem tanquam servo herilem ma-  
 jestatem nunquam induere, aut id in-  
 solium attollere.

Habuit Isocrates inter suos disci-  
 pulum.



pulum, quem advertit horti colendi studiosissimum esse, ceterum in ornandis moribus languere, nec fere quidquam in studiis proficere. Ideo aggrediendum sibi hominem ratus: Obsecro, inquit, ne hortum habeas cultiorem quam animum. Brevis exhortatio, sed seria, & omnium auribus ingerenda, eorum præcipue qui suos hortos, qui domos suas, qui sua corpora, qui alia sua omnia colunt potius quam animum. de quibus jure conquestus Demonax: Stultissimi mortalium, inquit, omnem sollicitudinem suam ponunt, in extruendis ædibus, & hominum qui ædes illas habitaturi, nullam penitus rationem habent. Et quid magis miremur, quam cum omnes & cupiant optime vivere, & sciant non alia re quam animo sic vivi, nec fieri posse, quin si optime vivant, animus colendus sit, tamen animum suum minime colant. Sunt qui villas opipare extruunt, & domos ditissime exornant, & familias numerosè comparant: sed in istis omnibus, in tanta rerum affluentia, nihil est cujus illos magis pudeat quam inculti animi. Habent igitur omnia cumulata, omnia affluentia, omnia opulenta, culta omnia & ornata præter animum, quem velut alienum & rem non suam negligunt. ea contra quæ aliena sunt, inter laudes suas

nume-

Ma-  
daur.  
de Deo  
Socra-  
tis, fi-  
ne.

numerant. Et quid, mi homo, de bonis non tuis te jactas? Nobilis, generosus es? parentibus age gratias. Dives es? fortunæ non credas. Honoratus es? ab honorante hoc habes. Validus es? ægritudine fatigaberis, Pernix es? abibis in senectutem. Formosus es? expecta paullisper, & non eris. Animus tibi cultus & eruditus est? Hoc tuum est. hoc enim nec à patre hæreditarium, nec à casu pendulum, nec à fortuna mutuum, nec à suffragio annuum, nec ab ætate varium, nec à corpore caducum est. hoc à te, hoc vere tuum est. Animus cultus proprium cujusque & revera magnum ac solum bonum est. Animus neglectus & incultus, intima, inhærens nimis, & vere summa paupertas est.

III. De modo colendi animi, ut video, Gerarde, quæsiturus es. An non nudius tertius abunde de hoc actum? Conscientiam curare, est animum colere. Hoc tu, siue conscientia, siue (quod forte usitatus) animi cultum appelles; per me licet. Sed ut jam de cultu corporis sermo sit planior, de animo colendo summam rem complectar. Ceres etiamnum mihi in animo est. Quid fecit illa? alumnum suum, quem curavit, igne perfudit, ut immortalem redderet. Nec Cereri duntaxat hæc ad immortalitatem visa fuit via. Nam & ipsam



ipsam Thetin indignatam se Deam mortali Peleo in matrimonium collocatam, filios, quotquot oriebantur, in ignem exurendos conjicere solitam tradunt mythologi, quod ita rebatur mortalitatem exuri, & quod immortale esset, perpurgari & conservari, uti aurum ære confusum ignis ope purgatur. Atque ita sex jam filios consumpserat, donec ad Achillem ventum, quem pater superveniens ab igne exemit. Vtraque mulierum istarum animum curarunt per ignem, & eam hominis partem immortalem cupiverunt, quæ esse poterat. Duæ nobis pariter pro excolendo animo constituendæ sunt nutrices. quænam illæ? Pallas & Pietas. Pallas se primam offert, sed inermis & onusta libris, hæc suos quos informandos recipit, igne perfundit, ut æternet. quis ille ignis quem affundit? Doctrina est, mente homineque digna; nam cum omnis doctrina derivetur ab æterno illo doctore, & cælestis quædam quasi flamma sit, quid ni mortalitatem in animo comburat, & ad illas beatorum sedes erigat? Sed tamen hic ignis satis pusillus est, quantus quantus est, si virtus ejus spectatur; instar scintillarum duntaxat urit, parum aut nihil in animis excoquit, nisi & Thetis, hoc est, Pietas accedat, quæ non solum stricturas nobis inspergat, sed totos  
in

in focum præcipitet. absq; his flammis crudi manent animi & confusa massa. Pietas verum ignem habet, & luminosum purumque, quo debiles & cæcas mentes roborat & illustrat. Ad cælestia & divina animi nostri non aliter se habent quam argillaceæ Promethei statux, quæ etiam solis radiis expositæ nec vigorem tamen habebant, nec movebantur: at vero ubi conscenso olympo virgulam soli admovit & incendit, reduxque in terras flammam superis ereptam, statuis inseruit, illico in membris motus & in statuis gressus sequebatur. ita mentes nostræ vecordes & statuis immobilitate similes, etiamsi doctrinæ igne perfundantur & colustrentur, tamen nisi cælestis & divinior illa lux superveniat, nullus animo vigor, nullæ sunt vires. Sed intervenit non nemo qui Thetin hanc impediat, qui culpet, qui exclamet & damnet. eam jam ætatem vivimus, in qua nec pietatem apud alios ferimus, nec in nobis ipsis colimus, quam à nobis facimus per scelera extorrem. Tandem quid sumus? pulchræ statux. quemadmodum Stilpon interrogatus, quem statuis simillimum censeret? Hominem, inquit, stupidum, & animi sui negligentem.

Verum, extra chorum salto. Recepi dicturum me hodie de corporis  
 S cultu.



cultu, non de animi. quamvis ille ab isto pendeat. Nos eo ipso animum negligimus, quia nimium colimus corpus. Ita cultum hero debitum, iniquissima permutatione transferimus in servum. Quicquid sapientum voces moneant, nos saepe in solius corporis curam intenti, mire insanimus in exornando hoc mancipio. Et hoc est, quod severa castigatione dignissimum. Suum corpori cultum non eripiemus, sed nimias ei phaleras detrudere conabimur. Et quid est corpus, ut in illud potius quam in animum, omnem benignitatem tantis blanditiis effundamus? Sit ergo nobis hæc altera quæstio: Quid est Corpus?

## CAPVT II.

*Quid sit Corpus, & unde tam dignum coli.*

GERARDVS.

**A**N non hæc quæstio supervacua? quid quærimus quod videmus, quod tangimus? *Tol.* Equidem videmus, sed fallacibus oculis, equidem tangimus, sed manibus in adulationem corruptis, hinc hosti nostro, etsi noxiosissimo, honestissimos tamen titulos imponimus, & pro amico colimus, odiis dignissimum. Auxiliator noster videtur esse corpus,

pus, sed non minus infidiator est; adiutor censetur, magis tamen impugnat quam ullus hostium. quid ergo est *Corpus*?

I. *Corpus* hominis, sepulchrum esse affirmabant prisci. *Ger.* Itane, sepulchrum? *Pol.* Ita prorsus. *Ger.* Quid ergo nos ornamenta ei adjicimus, & speciosam facimus miseriam nostram? atra & tristitia illud melius decerent. *Pol.* *Corpus*, Græce *σῶμα* dicitur, quod recte Plato vocavit *σῶμα*, hoc est sepulchrum, quasi animus in corpore delitescat sepultus. *Plato in Gorgia.* *Ma-* *crob.* *l. i. in somn.* *Scip.* *c. ii.* *Corpus* certe simillimum sepulchro, mephitim exhalat undique. Hem! quam vanus est labor noster! popina vermium, taberna serpentum, busonum hospitium, sordium sentina, ita splendeat, ita curetur, ita superbiat? infelix hæc terræ gleba tam sordida, tam putris ita tegatur? tanto labore inserviatur famulæ carni, relicto hero animo, nudo & intacto?

Qui *corpus* sepulchrum vocant, honestiore nomine id afficiunt. fuerit qui tartarum & inferos illud appellarent. Calius Rhodiginus: *Corpus*, inquit, esse velut tartarum scripsere; in quo fluxiones infestent, & perflatus tumultuentur non absque festuosis ardoribus, sitque planè mortuorum conceptaculum ac verius sepulchrum. Adjiciunt & illud auctores



Lib. I.  
in som.  
Scip.  
c. 10.  
II. &  
12.

sanctissimi, multorum animas corpore tanquam mylone quodam, hoc est, pistrino esse obvolutas occlusaque. Et primi illi Theologi nil aliud inferos putarunt quam ipsa corpora, quibus inclusi animi, per omnium incommodorum, ægritudinum, dolorum species raptantur. Auctor huius sententiæ Macrobius: Antequam, inquit, studium philosophiæ ad tantum vigoris adolesceret, qui per diversas gentes auctores in constituendis sacris ceremoniarum fuerunt, aliud esse inferos negaverunt, quam ipsa corpora, quibus inclusæ animæ, carcerem fœdum tenebris, horridum sordibus & cruore patiuntur, hoc animæ sepulchrum, hoc Ditis concava, hoc inferos vocaverunt. Oblivionis fluvium, errorem dicebant animæ obliviscentis divini originis maiestatem: Phlegethonem, ardores irarum & incendia cupiditatum: Acherontem, humanæ varietatis dolorem & ægritudinem animi fluctuantis: Cocytum, quicquid homines in luctum lacrimasque compellit: Stygem, quicquid inter se humanos animos in gurgite mergit odiorum.

II. Neq; vero hi adeo aberrarunt à vero, cum corpus hoc quàm mortale, & mille tam vitiorum illecebris, quam incommodorum suppliciiis obnoxium, animi carcerem & infe-

ros nominarunt: quod & Hebræo  
 Sapienti *animam aggravans* vocatur. Sap. cap. 9. v. 15.  
 Hoc corpus, quod nos palatium aut  
 paradysum censemus, pro carcere ha-  
 buit sapiētissimus psaltes, nam velut  
 carcerem hunc exosus in vinculis  
 exclamat: Educ de custodia animam Psal. 141. v. 10.  
 meam. Num carcerem in quo Sam-  
 son molebat, isto fuisse molestio-  
 rem putas? aut Iosephi lacum, aut  
 Hieremiæ foveam, aut Danielis inter  
 leones specum, aut Petri geminis ca-  
 tenis vincti militarem custodiam?  
 non arbitror.

Cur igitur sepulchro, carceri, pistri-  
 no, tartaro, inferis tam pretiosum  
 cultum, tam delicatum pastum in  
 nostram perniciem impendimus?  
 Hoc sciamus, à nullo nostrorum ho-  
 stium tam nobis cavendum esse,  
 quam à nostro corpore. Vis plura &  
 speciosiora corporis elogia? Cælius, L. 3. antiq. lect. 9.  
 quem ante nominavi, sua corpori  
 pigmenta conquirens: Imprimis ve- cap.  
 ro, inquit, quam circumfers vestem,  
 exuere oportet (corpus designat) in-  
 dumentum inscitix, pravitatis fun-  
 damentum, corruptionis vinculum,  
 velamen opacum, vivam mortem,  
 sensivum cadaver, sepulchrum cir-  
 cumvertile, domesticum deniq; furē,  
 qui dum blanditur, odit; dum odit,  
 invidet, umbraculum inimicum, ad  
 seipsum raptans deorsum, ne forte  
 conspicias veritatis decorem, & ejus



oderis pravitatem. Hoc est, *Corpus* sua laude ornare. Et tamen domesticum hunc furem tam operose nos & vestimus, & alimus, ut, si forte parcior sit aut lentior furando, nostris subdiis crescat in maiorem audaciam. Hoc non est aliud quam furi suam rapiendi licentiam non tam laudare quam imperare, quin & modum docere quo pessimas artes facitet liberius.

## CAPVT III.

*Quantus noster hostis sit Corpus.*

**N**on tantum rem nobis & excellentia nostra indignam facimus, cum corpori servimus, sed etiam perniciosam. Nostine, Gerarde, ingenium crocodili? Audi obsecro. Penes mulierem Ægyptiam crocodili catulus educabatur: hanc Ægyptii beatam putabant, quod scilicet Deum nutriret, ideoque & mulierem & alumnum demulcebant. mulieri huic erat filius cum crocodilo educatus & ludens: Deus vero ille cecur erat, dum infirmus adhuc erat viribus, at aucto corpore ingenium detexit, puerumque illum occidit, atque hic finis fuit amicitiae illius infidae, has scilicet gratias altrici suae retulit perfida bestia, quae, antequam puerum sorberet, lacrimas profudit sceleris futuri

futuri testes. Quid nos aliud curamus & educimus, nisi crocodilum, si corpus tantum curamus? suppetias ferimus hosti, & cum postea pugnandum est, vincimur à subsidio nostro. Nec potest esse miserabilior clades quam propriis armis confici. Vere nullus major hostis hominis est, quàm *Corpus*, cum illud amicum habemus & amice tractamus: blanditur nobis, dum nos illi blandimur, & quanto nos magis candide & fideliter, tanto magis subdole illud atq; perfide, crocodilo animalium nocentissimo simillimum. Imo, quod pejus, non suis tantum, sed & alienis pugnat viribus, ut jam ostendam.

I. Rem mihi dixisse visus est, qui *Corpus*, diaboli vallum & propugnaculum dixit, è quo ille in nos pugnat opportunitate maxima. Vnde quaq; patemur hosti, ad omnem incursum, ad omnem ictum, & ne frustra sudet hostilis calliditas, corpus nostrum operam suam adjungit, & nos vinci, gratiam interpretatur.

Semiramis olim regii vernæ apud Babylonios ancilla fuit: captus illius Muret. l. 6. var. c. 17. è Græcorum commentariis. forma rex Ninus, adeo eam deamavit, ut illa tandem temere quidvis auderet petere, ille negare non auderet. Illa in hanc occasionem prona, velut leve quid postulans, unicum sibi diem à rege indulgeri petiit, quo sceptri & solii jus penes se esset. Facile



cile rex annuit in preces, ut videri poterant, tam modestas. Itaque poscenti concessit, in solio suo jus diceret, ejusque jussis omnes parerent. Hæc, potestatis quidem avida, primo tamen leviora imperat fieri, fiunt. Dein seria magis mandat perfici, perficiuntur. Tandem regem comprehendit, comprehenditur. vinciri, vincitur. interfici, interficitur. Sic ancilla ex diurno diuturnum principatum adeptæ est. Æque improba vafrutæ corpus sceptrum eripit male conniventi rationi. Initium à blandimentis sumitur, his fraudes succedunt, inde vis & Manliana imperia. Nec facile est corpus ab assuetis deducere, male servit hoc mancipium, postquam dominari assueverit. Quicquid ei vel semel per indulgentiam cōcessum est, hoc ut debitum exigit. subinde morbos simulat aut invaletudinem, ut abstinentiæ legibus fraudem faciat: jam pisces recusat, & stomachum caussatur; jam in ediam non fert strictioris jejunii; jam has jamque illas vestes exigit, & ut deliciis ac pompæ honestum titulum prætexat, id ad status sui decentiam spectare pertendit. Hoc agit *Corpus* ut imperet, & rationem, quam tollere non potest, ad turpissimos assensus emolliat.

Iob. c.  
24. v.  
20.

Iobus de homine corpori nimium indulgente differens : *Dulcedo illius*

*vermes*

*vermes, inquit, non sit in recordatione, sed conteratur quasi lignum infructuosum.*

In quæ verba Gregorius : Potest, inquit, apertius vermis nomine caro <sup>L. 16. mor. c. 29.</sup>

designari, unde, *homo putredo, & filius hominis vermis* dicitur? Sane, quisquis

putidas corporis voluptates anhelat,

quid nisi vermes amat? corpus agna-

tione proxime vermibus junctū es-

se, sepulchra fatentur sincera verita-

te. Ita *dulcedo illius vermes*. Hinc foedo

Cupidini vincendo plurimum facit,

ut hoc quod vivum quis diligit, qua-

le sit mortuum expendat. Fecit hoc

Anachoreta, uti Hugo memorat, qui <sup>Hugo Car-</sup>

ad abolendam memoriam mulieris, <sup>din. in</sup>

quam dæmon illius animo identi- <sup>c. 24. Iobi.</sup>

dem repræsentarat, tumulum jam se-

pultæ & tabescentis clam reſeravit,

& ablatam inde cadaveris partem to-

ties naribus opposuit, quoties ani-

num titillaret libido : & en, agebat

ipse sibi, *dulcedo tua vermes*. Ita præſig-

ni victoria seipsum triumphavit. Ve-

re, omnium luxuriæ deditorum *dul-*

*cedo vermes*, hoc est, corpus, brevi ob-

ijciendum vermibus pabulum. &

quia homines impuri ac libidinum

ſuam ſervi, talem amant dulcedi-

nem, & in ea felicitatis ſuæ ſummam

collocant, *non erunt in recordatione a-*

*pud Deum, ut ab eo præmium bea-*

*titudinis accipiant, ſed conterentur vel-*

*ut lignum infructuoſum, in flammas*

*ſtygias deijciendum.*



II. Europa regis Agenoris filia, ut in fabulis est, ad littus Tyrii maris in prato nitidissimum taurum conspiciata, quamvis primo contingere metueret, tamen ubi mitem & adblandientem nec minarum quidquam habentem vidit, dempto metu adire, tangere, manu demalcere sustinuit; herbas etiam & flores in pabulum porrexit. Taurus varie alludens, & nunc blandus stare, nunc in genua procumbere; modo collum & palearia manu palpanda præbere, modo cornua sermo impedienda offerre, jam etiam niveum tergum subjicere, & velut ad sessionem invitare. Tam humanam pecudē experta virgo regia, ausa est etiam, nescia quem premeret, tergo confidere. Hic taurus sensim atq; fallaciter à sicco littore abducere, & in primis undis falsa vestigia ponere, inde subito impetu per medium æquor cum insidente sibi præda natare. Misella littus relictum frustra respicere, & sero nimis sui lusus audaciam damnare. Verissima hæc effigies est hominis, carnis blanditiis jam capti. Plato (uti Augustinus Cælius refert) Europam regis filiam, animam Dei sponsam interpretatur. Nam, sicut regia illa virgo, etsi patriam humentibus oculis respectaret, tamen à tauro, cui nimium blandita fuerat, à patria abducebatur: eodem prorsus modo anima

anima aeterni Regis filia, maximo salutis periculo, per medios huius vitæ vortices, per procellosum hoc mare, ab indomito tauro, a suomet corpore in vitiorum præcipitia abripitur: & licet illa cælum, suam patriam, licet illa Deum, conditorem & parentem suum sapius respiciat, tamen a furēte hac bestia longe a patre abducitur. Sed sibi culpam illa imputet: cur tam facilis & blanda fuit in hoc pecus, cur se illi permisit, cur fætæ illius māsuetudini fidem habuit? Sic agit corpus, ubi suis nequitias vires acquirit, sic abducit miseram animam, sic ingemiscientem abripit per voluptatum fluctus, in lacrimabile exitium. Caro & sanguis regnum Dei nō possidebunt. Nam, qui in carne sunt, Deo placere non possunt.

1. Cor.  
15. v. 50  
Rom. 8  
v. 8.

Huic ergo fallacissimo tauro, o regis filia, ne fide, ne blandire, ne illum poppysmis demulce, ne sagina, aut tuum in te hostem incitas beneficiis nusquam pejus collocatis.

III. Elisabetha, sanctissima illa Lusitaniæ regina, quid non fecit tulitque (jam supra demonstratum est) ut huius tauri impetum frangeret, furorem frenaret, rabiem coerce-  
ret, ut denique hanc bestiam immanitate teterrimam perdomaret. Neque vero aliud quam hoc ipsum se fecisse divinus Paulus tam animose proclamat: Castigo corpus meum,

1. Cor.  
9. v. 27



meum, & in servitutem redigo. Hic ei cultus, hæc illi beneficia debentur, his obsequiis cicuratur in melioris disciplinæ cautionem. eadem enim corpori conveniunt quæ mancipio, quæ asino, flagellum, onus, severa

Rom. 8. castigatio. Nam, debitores sumus  
v. 12. non carni, ut secundum carnem viva-

Gal. c. 5. v. 24. mus. Et certe, qui Christi sunt, car-  
& c. 6. nem suam crucifixerunt cum vitiis  
v. 8. & concupiscentiis suis, quoniam qui

feminat in carne sua, de carne & met-  
tet corruptionem. Ideo vel millies  
nobis ingerendum monitum illud

Rom. saluberrimum: Si secundum carnem  
c. 8. v. vixeritis, moriemini: si autem spiritu  
13. facta carnis mortificaveritis, vivetis.

Nemo à vitiis liber est qui corpori  
servit. nam ut alios dominos, quos  
nimia pro illo sollicitudo invenit,  
transeas, ipsius corporis dominium  
quam morosum & delicatum est?

Ger. Ergo negligendum est corpus,  
imo & injuriis afficiendum? At tu,  
Polychroni, dicturum te promiseras,  
qua ratione colendum sit corpus,  
non qua vexandum aut affligendum.

Pol. Ergo tibi, mi Gerarde, agricola  
ille non censebitur agrum colere,  
qui cum aratro proscid erit, qui ste-  
riles herbas evulserit, qui effatum  
solum mille vulneribus sauciarit?

Nunquid non hoc colere est terram,  
ferro eam subigere? hæc cultura de-  
betur agro, aliis alia, cuique sua.

Certe

Certe vix quidquam est in orbe,  
 quod non silvescat, si absit cultura.  
 Sterilefcit ager nisi in exercendo illo  
 assidua manus defatigentur: forde-  
 fcit domus, nisi eam à sordibus cura  
 pervigil defendat: obsolescit vestis,  
 & turpes naevos contrahit, si illam a-  
 qua non lavent, non purgent seta.  
 Desit cultura, planta non surgent,  
 flores non erumpent, arbores in di-  
 rectum non crescent, segetes non e-  
 mergent, pascua non virescent; la-  
 pidescant & silvescant omnia. Adsit  
 cultura, planta stabunt, flores pul-  
 lulabunt, arbores triumphabunt, re-  
 spondebunt messes, ridebunt campi,  
 virebunt & gaudebunt omnia. Tanti  
 est in plerisque omnibus cultura.  
 Atqui si ista humanam & operosam  
 manum postulent, à qua colantur,  
 homo ipse sine cultu erit? Primus est  
 qui coli debeat, & ante alia omnia.  
 At cum homo corpore constet & ani-  
 mo, corpus autem animum degravet,  
 impediatur, mille damnis afficiatur, tu  
 nihilominus illud præ animo & suavi  
 quidem ac benigna humanitate co-  
 lendum censebis? Hic me fines non  
 elinguent esse, & libere profari quæ  
 ad natam quæstionem erunt, non o-  
 mittam dicere quæ dedecent corpus,  
 dum ea, quæ decent, dixero. Osten-  
 dam hoc ipso coli corpus optime, si  
 non nimium colatur.



## CAPVT IV.

*Quantus labor impendatur à nobis corpori, hostium nostrorum maximo.*

**H**erus fuit, qui duos in suo famulatu servos numerabat, plane dispares, æthiops alter, noctis colorem amulabatur corpore; genere obscurus, doctrina rudis, artificii omnis indoctus; contumax etiam, vecors, ignavus, & qui non semel de domini nece cogitabat, jamque aliquoties impacta sica graviter sauciabatur: Alter vero prosapia nobilissimus, scientiarum amantissimus, elegantissimus forma; natus ad omnia magna, & qui heri sui salutem curabat ut suam. & hic quidem ab hero extreme neglectus, non nisi laceris panniculis, & vix quidem tegebatur: cum alter ille fœdus æthiops ab hero plurimum amatus non nisi pinguibus & pretiosis tunicis superbiret, & jussu heri in formosum illum juvenem exerceret iniquum imperium. Subolet tibi credo, quid velim, Gerarde. Dux sunt homini partes tanquam servientes, Animus & Corpus, ille è cælo, hoc è cœno, & tamen cœnum istud se supra cælum suum erigit, mancipium ingenuo, corpus animo præfertur. Ah, contra oportet, & grandis

grandis injuria est animi nobilitatem sic abjicere, vilitatem corporis sic attollere. Ornatius est corpus, quo minus ornatur, & tunc est longe cultius, quo magis præ illo colitur animus. *Ger.* Atqui ego hîc putem, centones & mendiculorum tegetes, depexas & pertusas tunicellas, crines incomptos & sine lege errantes, vultum fame corrugatum, exercitatum labore, pulvere & sudore madidum; illuviem, pædores, aliamque similem sorditudinem inter ea vere numerari quæ corpus dedeceant. *Pol.* O bone, quam facis, quod ego sæpe, & eras! ista sint dedecora humani corporis, quæ quandoque etiam inter ornamenta illius numeranda? Ergo, tu idem ille purpuram auro crepantem, capillos surgentes & scite contortos, vultum longa sagina nitidum, stibio & cerussa perunctum, ad vitreum oraculum sæpius examinatum, vestes concinnas & ad omnem ostentationem factas: hæc, inquam, affirmas corporis esse decora? O quâ rem tetigisses, si contrarium dixisses. *Ger.* Atqui, hic omnium sensus est, qui meus. *Pol.* Atqui ego velim serio sciant omnes, nihil magnum aut præclarum esse quod omnibus placeat. Communis furoris mala est defensio, furentium multitudo.

I. Certe



Seneca  
epist. 8

I. Certe aliter de cultu corporis sentit Romanus sapiens, quam sentiant isti tui omnes: Hanc sanam, inquit ille, & salubrem formam vitæ tene, ut corpori tantum indulgeas, quantum bonæ valetudini satis est. Durius tractandum est, ne animo male pareat: cibus famem sedet, portio sitim extinguat, vestis arceat frigus, domus munimentum sit adversus infesta corpori. Hanc utrum cespes erexerit, an varius lapis gentis alienæ, nihil interest. Scito hominem tam bene culmo quam auro tegi. Contemne omnia quæ supervacuos labor velut ornamentum ac decus potuit. Cogita in te præter animum nihil esse mirabile, cui magno nihil magnum est. Animus certe si nobilitatem suam nosse velit, corporis velut oneris necessarii non amator sed procurator erit, nec se illi cui impositus est, sed illud sibi subjiciet. Et hoc Senecæ judicium est, cui qui ogganniunt, non è sapientiæ schola prodisse censendi, sed è taberna illiteratæ plebis, quæ nihil minus hodie negligit quam quod deberet maxime, quæ noctes & dies sudat pro corpore.

Conferamus nos paullisper in hoc magnum orbis theatrum; dispiciamus mortaliū conatus, quid agent iniqui. Hinc inundant milites campi, hinc institorum turba fervent:

vent semitæ, hinc maria sternuntur  
classibus, hinc in montibus anxia &  
crudeli diligentia aurum effoditur;  
illinc concurrunt acies, & ferreis nu-  
bibus obtexunt cælum, unde, ut Pa-  
pinus canit,

—stant ferrea calo

*Nubila, & copiosa telorum grando  
volat.*

Vrbes ingrediamur, & videamus  
quæ non fiant in corporis gratiam.  
isthinc curiæ litigantium vocibus  
pane rumpuntur, illinc opere assi-  
duo æstuant officinæ, hinc summis  
contentionibus agitur, sudatur, cur-  
ritur; omnia strepunt plena negotiis.  
nihil vacat ab operosis mortalibus; &  
moliuntur, & satagunt, & conten-  
dunt. Quo vero tot labores, tan-  
ta rerum impendia pertinent nisi  
ad corpus? cui hoc terræ punctum  
ferro & igni inter tot gentes divi-  
ditur.

II. Nunc vero parum ad nos re-  
deamus, nosq; ipsos nostramque do-  
mum inspiciamus. Non edimus, ut  
animus vivat, ipse immortalis est,  
sed ut corpus sustentetur; bibimus,  
non ut mens madescat, ipsa non bi-  
bit, sed ut corpus refocilletur; dor-  
mimus, non ut animus perpetuetur,  
qui mori non potest, sed ut conser-  
vetur corpus. Quæ vero alia nostra  
studia? quærimus gaudia, sed cor-  
poris; opes ambimus, sed corporis;



ædificia ſtruimus, ſed corpori; ther-  
 mas ædificamus, ſed corpori; vivaria,  
 piſcinas, varidaria, hortos grandi  
 ſumptu molimur, ſed omnia corpo-  
 ri. quicquid fere in nobis vigilat cu-  
 rarum, id vigilat corpori, maxime  
 paſcendo, veſtiendo, ornando, co-  
 mendo. Quotidiana cura noſtra om-  
 nis quo tendit niſi ad corpus? quo  
 veſtitus tam vanus, niſi ad hoc ipſum  
 corpus? propter quod novus dies no-  
 vas veſtes videt. Ecquid vani ac mi-  
 ſeri noctes & dies pro corpore ſuda-  
 mus? Quorſum omnis noſter labor  
 & molimentum ſpectat niſi ad cor-  
 pus & corporis commoda cultum-  
 que? A natura luxuria pridem deſci-  
 vit, quæ quotidie ſeipſam incitat, &  
 tot ſæculis creſcit, & ingenio adjuvat  
 vitia. Primo ſupervacua cœpit con-  
 cupiſcere, inde contraria, noviffime  
 corpori animum addixit, & illius de-  
 ſervire libidini juſſit. Omnes illæ ar-  
 tes quibus aut exercitatur civitas  
 aut ſtrepit, corporis negotium ge-  
 runt: cui omnia olim tanquam ſervo  
 præſtabantur, nunc tanquam domi-  
 no parantur. Itaque hinc textorum,  
 hinc fabrorum, illinc ſartorum offi-  
 cinæ ſunt, hinc odores coquentium,  
 hinc molles corporis motus cantus-  
 que docentium: Receſſit enim ille  
 naturalis modus deſideria ope neces-  
 ſaria finiens: jam ruſticitatis & mi-  
 ſeriæ eſt, velle quantum ſat eſt. Sic  
 multa

multa concupiscendo, omnia amittimus, & necessaria ignoramus, quia non necessaria discimus. Ita dum corpori nimium indulgemus, & corpus & animum perdimus.

Hic mihi in mente est quod Reginaldetus narrat hunc fere in modum. Duo fratres una iter fecerunt, quorum unus intelligens & providus, alter non sanę mentis, homo rudis & bardus. Delati ad bivium litigare cœperunt, qua eundum esset. Amens ille viam prima fronte delectabilem ingrediendam ratus: Heus tu, inquit ad fratrem, hac eamus; invitat jucundissima semita, en merum viridarium. At ille providus: Mi frater, inquit, hac vię facies non displicet, amoena est: at exitus vię me terret, ad pessimum hospitium deducit. itaque tibi mihi que suaserim, hanc potius non nihil asperam insistamus; principii & progressus molestiam hilariter sine pensabit, ad hospitium ducet nobilissimum. At fatuus ille suę sententię tenacissimus: Ego, inquit, oculis meis malo quam tibi credere: hac eo, sequere. Sic alter quamvis invitatus, ne fratrem desereret, comes ivit. Dum progrediuntur, in prædonum insidias deveniunt. ab his in carceres sed diversos rapiuntur. Post aliquantum temporis e vinculis ducti, ad nescio quod tribunal sistuntur judici. Hic alter fratrum, prudens

Petr.  
Regi-  
nald.  
in spe-  
culo  
final.  
retrib.



ille & sanæ mentis : Mi domine, inquit, in has ærumnas frater iste meus, homo fatuus me cōjecit. viam adiimus bonam & tutam, at ille stultitiæ suæ potius quam verbis meis fidem habere maluit, & aliam, per quam infesta sunt itinera, ingressus est. ita refractarium secutus sum altera via, amœna quidem sed intuta, & hæc latronum nos prædam fecit. itaque si moriendum est, ille horum omnium causâ pro me moriatur. Contra fatuus : Imo, inquit, non mihi sed fratri meo moriendum, nam si tam sapiens est, qualem se gerit, cur me tam facile secutus est? cur persuaderi se passus est? cur reluctat? non est? cur viam ivit, quam sciebat latronibus infestam? Ad hæc alter : O domine iudex, inquit, verba mea contumaciter rejecit; nulla ratione ab errore abduci potuit. Cui stolidus : Si me, ait, reclamante tu viam tenuisses tutiorem, ego vel invitus rediissem, & te secutus fuisset : tu meæ mortis es causâ. Mox prudentior : Tu stolide, inquit, tu causâ es meæ mortis. Ita utrinque verbis acriter certatum est.

His auditis iudex sententiam in hæc fere verba pronunciavit : Tu fatue noluiisti sapienti credere, & tu sapiens secutus es fatuum, ideo poenas mihi dabit uterque.

Ita prorsus, mi Gerarde, ita supremo

mo iudicii die, cum *Corpus & Animus* ad Christi iudicis tribunal stabunt inter reos, in utrumque sententia dicetur: Quia *Corpus* fatuum, omne consilium animi spreuit, & *Animus* sapiens omnem petulantiam corporis tulit, damnationem uterque meruit: Ite maledicti, ite, ite: simul deliquistis, simul luetis. Ite, in ignem non unius horæ, nec unius diei vel anni, non unius nec mille lustrorum, non unius vel centum millium sæculorum, sed, Ite in ignem æternum. Vere de iudicis istius ore *gladius* utraque parte acutus exit, qui & corpus & animum feriat: corpus quod animi monitiones non admiserit, Animum quod Corporis libidines non coercuerit. Ideo iudex ipse fidelissime nos præmonens: Nolite, inquit, timere eos qui corpus occidunt, animam autem non possunt occidere: sed potius timete eum, qui potest & animam & corpus perdere in gehennam. ita dico vobis hunc timete.

Apoc.  
cap. 1.  
v. 16.

Matt.  
c. 10.  
v. 20.  
Luc.  
c. 12.  
v. 5.

Sed ad Corporis curam redeo, qua & corpus perit & animus.

III. Chrysostomus, hanc pro corpore nimiam curam merito castigans: Animæ, inquit, nobilitas quantā sit, nobis serio cogitandum, ne quid ea indignum operemur, ne coinquinemus eam illicitis operibus, ne sub carnis servitutem eam subjugemus,

Hom.  
12. in  
Gen.



ac tam nobilem tantaque dignitate  
 sublimem sic crudeliter & immiseri-  
 corditer tractemus. Sed nos concio-  
 nes istas tanti non facimus, ut hosti  
 nostro minus faveamus : dulce no-  
 bis videtur cum corpore non rixari.  
 & siue amicum illud alii dicant siue  
 inimicum, id nobis curæ non est, sed  
 hoc pæne solum laboramus, ne cor-  
 pori male sit. Idcirco Bernardus, no-  
 strum hunc hostem ipsummet serio  
 allocutus : Propterea, inquit, noli, ô  
 corpus, noli præripere tempora : po-  
 tes enim impedire animæ tuæ salu-  
 tem, tuam ipsius operari non potes.  
 Omnia tempus habent. Patere ut  
 nunc anima pro se laboret, magis  
 autem etiam collabora ei, quoniam  
 si compateris & conregnabis. Quan-  
 tum ejus impedis reparationem,  
 tantum impedis tuam : quod nimi-  
 rum ante reparari non poteris, do-  
 nec suam in ea Deus imaginem  
 videat reformatam. Nobilem ho-  
 spitem habes, ô caro, nobilem val-  
 de, & tota salus tua pendet de ejus  
 salute. Da honorem hospiti tanto.  
 Tu quidem habitas in regione tua :  
 anima vero peregrina & exul apud  
 te est hospitata. Quæso te, quis ru-  
 sticus, si forte nobilis & præpotens  
 quispiam apud eum voluerit hospi-  
 tari, non libenter in angulo do-  
 mus suæ, aut sub gradibus suis,  
 vel in ipsis cineribus accubabit, ce-  
 dens

Serm.  
 6. de  
 Ad-  
 vent.  
 Dom.

dens hospiti suo locum (sicut dignum est) potiore? Et tu ergo fac similiter.

Sed ô beate Bernarde, non facit hoc corpus, non facit. recusat subesse rusticissimum hoc mancipium; nec dat honorem hospiti, non cedit, non reveretur, non obedit; omnia turbat agitque pro libitu. Animus vero insipiens, tametsi satis sciat vix ullam perniciosiorem sibi esse hostem, quam corpus, nihilominus & conivert, & blanditur, & indulget, ac hosti suo in suum exitium benigne facit: nec grande damnum reputat, una cum perfidissimo servo suaviter perire, quicquid vel cælum spondeat, vel inferi minentur, modo corpori bene sit. hæc unica pæne actionum omnium norma est & regula: modo corpori bene sit. Animus quidem millies & suæ originis & officii sui monetur, sed dissimulat ille, & modo corpori bene sit, male sibi esse tolerat. Corpus ipsum, quicquid ei minarum ingeras de morte, de domicilio post mortem; quicquid ei de diabolorum crudelitate, de cruciatuum atrocitate, de tormentorum æternitate proponas, hoc unum contumaciter agit, ac si respondeat: Id scilicet curat corpus, modo corpori bene sit. Sic vivimus, sic obimus, sic interimus.

I V. Pachomius, Tabennensis

T 4 abbas,



In vita  
ejus  
c. 46.

abbas, nobilissimis olim præceptis  
animum instituit, & velut dictat, qua  
ratione is corpori suo quotidie con-  
cionetur: Cum, inquit, vesperi ve-  
nitur ad lectum, singulis membris  
sui corporis dicat: Suadenti mihi  
optima, obsecro morem gerite, dum  
in loco meliore simul simus; Do-  
mino mecum alacriter servite. Suis  
quoque manibus dicat: Erit tem-  
pus, cum vestra jactantia cadet, cum  
pugnis ab ira collectus solvetur,  
cum digiti ad res furtivas extensi ri-  
gescent. Dicat & pedibus: Erit, cum  
omnia vobis itinera obsepientur,  
cum ad omnem petulantiam excur-  
sus negabitur, velitis nolitis. Sed &  
alia membra sua pariter alloquatur:  
Eja quæso, antequam mors nos diri-  
mat, certemus fortiter, stemus perse-  
veranter, viriliter dimicemus; servia-  
mus Deo sine pigritia, usq; dum ab-  
stergis sudoribus, ad beatam æterni-  
tatem nos evocet. Et quid mihi vo-  
bisque proderit, omnem vitæ suavi-  
tatem gustasse, si qua tamen est ulla  
sincera suavitas, in tantis vitæ mi-  
seriis? Quid vultis vos labori sub-  
trahere, nata & educata ad laborem?  
Quid recusatis pati? brevi vobis mo-  
riendum est, & sub terram eundum.  
Quid mollitiem & delicias quæritis?  
illic, illic in cælo reperietis, si tamen  
hæc prius velitis perdere. Iactura in  
loco, pro lucro habenda. Non hoc deli-

deliciarum tempus, non locus est, supra est inter beatos. Hoc velim vos exactissime capere, per delicias iri ad flammam non amplius extinguendas, at per spinas perveniri ad delicias non amplius finiendas, & æternas. Quid contra me toties querimini & tyrannum vocatis, cum jejunia, cum vigilias aut preces impetro? indulgentia mea præsentissima vobis pestis est. Nemo unquam alteri sic nocuit saviendo, quantum ego vobis parcendo. Hoc meum parcere, est & vos & me in exitium sempiternum conjicere. Si mitior essem, vestram vobis gloriam & beatitudinem, quam mecum pariter habebitis, inviderem. Vultis mecum una quiescere? una etiam laborate: vultis mecum simul gaudere? simul etiam pati & dolere ne recusate. quæ societas fuit in luctu & labore, ea etiam erit in gaudiis & honore. Rem vobis dicam: Si vos jussis meis reclamare & obsistere, ego contumaciæ vestræ parcere velim ac indulgere, & me & vos supplicia manent æterna. Et quæ ista insania vestra est, brevissimo tempore, momento, laborem non summum, dolores patibiles sufferre nolle, & tormenta sempiterna non formidare? Quare obsecro patientiam ne rumpite. Laborum vix bene initium facietis, & beatus finis labores vestros excipiet.



brevis est luctus, gaudium immortale, levis est pugna, præmium æternum.

Hanc membris concionem ab anima quotidie haberi, sapienter suavit Pachomius. Et sane si hæc capiat pars ignobilior hominis, nullum quantumvis asperum imperium abnuet, nullum quantumvis vile tegumentum respuet.

Hæc generatim & universe dicta sint de cultu qui corpori debetur. nunc manum propinquiorem admoveamus ad pravum, curiosum, perniciosum cultum, qui corpori plane non debetur. Sed vide, Gerarde, ut nec patientia tua deficiat, nec constantia.

## CAPVT V.

*Quam varius sit cultus Corporis exterior?*

**V**erissime proclamat præscus poëta:  
*Auferimur cultu —*

Ovid.  
l. 2. de  
arte.  
Suet.  
in Aug.  
gust.  
cap. 3. Nec in alio magis assentior Augusto Cæsari, quam cum insigniorem corporis cultum, & amictum plus æquo nitidiorem, superbix vexillum & luxuriæ nidum vocavit. Vere sic est: Decipit hac oculos Ægide dives amor. Et uti orexin quantumlibet dormientem excitant odores, sapor, colores, & exotica ciborum condimen-

dimenta; sic libidinem quamvis languentem & sopitam resuscitant hæc ornamenta, lenocinia, pigmenta corporis. O quanta ubiq; & quam incredibilis est vestiū tam varietas quam pretium! Christus ad magnatum palatia nos amandans: Ecce, inquit, qui <sup>Matt. c. 11. v. 8.</sup> mollibus vestiuntur, in domibus regum sunt. Aulas ingredi, & videbis illic nitere vestes Attalicas, vestes pictas, palmatas, cycladatas, polymitras, phrygias, undantes, segmentatas, fimbriatas, paragiatas, rasiles, conchyliatas, surriculatas, auro virgatas. Et utinam hæc vestium monstra intra aularum septa se modo continuissent: in alias etiam domus jam pridem immigrarunt. Tamq; nos alii, etiam è plebe, dociles sumus, ut quicquid in veste ingeniosa ostentatio invenit, felici genio quam primū imitari sciamus, antequam didicerimus. Inde ingens & copiosissima supellex vel soli capiti comendo reperta. Nosti, Gerarde, Sycophantam Plautinum sic olim gloriari solitum: Tam longum est nomen meum, ut ab aurora ad concubiam noctem si ambules, vix ad finem perveneris. Cui apte senex subjiciens: Opus est, inquit, face & viatico ad tuum nomen, ut tu prædicas. Hic ego prorsus idem dixerim, & jure meliore: viatico & face opus est ad iter tam longæ narrationis, quæ omnem colendi corpo-



corporis instructum & mundum explicet. Singula p̄ne membra suum sibi, eumq; singularem cultum vendicant. Hinc modo lunulas, modo torques, modo armillas & monilia poscimus: nunc mitellas, nunc murenulas, nunc discriminalia, nunc olfactoriola, nunc dextralia, nunc paliola depromimus: jam vestem sericam, subsericam, holosericam, jam byssinam, bombycinam, jam cymatilem, prasinam, russeam, xerampe-  
 alii, rumale-  
 tilem. linam, caltulam, crocotulam & carbasinam hosti nostro aptamus: jam & anulos, & inaures, & gemmas fronti appendimus: jam & specula, & acus, & vittas, & sindones, jam the-  
 ristra & Zonas, & fascias pectorales, & periscelides cum cura & studio, nimirum ornando nostro carceri disponimus. Omnino face & viatico est opus, dum colores, formā, pretium, materiam, imo & odores vestium distinguimus. Infinita res est cum de corporis cultu agitur. Et sane priscis in hoc genere non multum concedimus. Incredibile videri possit quod Athenæus & Plutarchus, inter Græcos scriptores celeberrimi memorant, consueſſe Sybaritas ad convivium, aut etiam ad sacrificia, annum ante invitare feminas, ne quid temporis deesset, corporis cultui parando. Nec Persæ Reges feminam ad-  
 mit-

Athen.  
 l. 12.  
 Dyp-  
 nosop.  
 c. 6.  
 Plut.  
 tom. 1.  
 opusc.  
 in cōv.  
 7. sap.  
 Vide  
 Perer.

tom. 3. in Gen. disp. 3. c. 12.

mittebant, nisi per annum prius lotam, comptam, politam, pumicatam, delibutam, exornatamque. Et id etiam sacra Estheris historia confirmat. Nulla sunt apud nos hæc miracula; subinde audemus majora. Nec nostro ævo rarum, dies & annos, & pæne sæcula in unius corporis cultū vanissimis laboribus impendere.

I. Et quantus olim vel in pedibus solum priscorum luxus fuit? Quantum veteres Romani stemmata & profapiam lunatis calceis jactabant, quos aut elegans lunula insigniebat, aut corniculans fibula mordebat. Varius certe luxus veterum, vel in hac infima & vilissima parte humani corporis. Antiochi regis Syriæ cæcam & amentem luxuriam imitatus exercitus, magna ex parte aureos clavos calceis subiectos habuit. Agnon Tejus aureos quoque clavos crepidis suppastos solitus fuit gestare. Fuerunt qui gemmas & uniones calceis adderent. Tertullianus testis: Et in peronibus, inquit, uniones emergere de luto cupiunt. Testis & Tranquillus: Nec crepidarum tantum obstragulis, inquit, margaritas ponunt, sed totis focculis addunt. Testis & Plinius: Tolerabiliorem tamen fecit (*Pompejus Magnus*) causam Caji Principis, qui super omnia muliebria, focculos induebat è margaritis.

Fuerunt

Esth.

cap. 2.

v. 12.

Valer.

Max.

l. 9.

cap. 1.

Ælia.

l. 9.

var.

hist.

c. 3.

Terr.

l. 6. de

pall.

Suet.

in Vi.

tel.

Imp.

Plin.

l. 47.

cap. 2.

init.



Fuerunt qui pedi altiusculos calceos inducerent, ut incrementum darent staturæ. Et habuerint priscorum feminae elegantes illos Sicionios calceos, habuerint mulleos patricii, soccos alii aut socculos, crepidas, cothurnos: Nos sane neque hic cedimus, imo superare contendimus, qui hanc humani corporis partem ad lûtum damnatam, sæpe sumptuosius tegimus quam caput. Face mihi denuo sit opus & viatico ad commemorandas tot nova, tot desitas formas calceorum. E rebus gestis complurium Divorum discimus, quam pertinaci luxu superioribus sæculis repandi & rostrati calcei passim apud omnes obtinuerint. Clamabant quidem contra hos à suggestu concionatores diversi, sed multis clamoribus parum proficiebant; valentior erat ostentationis istius pertinacia quam ut verbis cederet. Huic tandem calceorum formæ, seu illa sponte displicere cœperit, seu placuerit nova, aliæ atque aliæ successerunt. Necdum finis est excogitandi novas in annos pæne singulos. Nam modo acuminati placent, modo lati à fronte, modo fenestrati & dissecti, modo illos sine vulnere malumus. Ante paucos annos è simplici solea depressi fiebant; nunc passim cothurnos, & frangendo cruri perquam aptos videas. hic nostri & vi fur-

Péral.  
tom. 2.  
pag.  
180.

ror est, altiusculum lignum calceis addere, & ut audiaris, quaqua incedis, & ut pedem nisi caute figas, facile frangas.

Sed nec idem color in calceis placet: plerisque nigri, aliis candidi aut crocei præferuntur. tam varius est lufus, in hac pedum, ut Tertullianus <sup>Tert. c.6. de</sup> loquitur, tutela. Et uti non idem color omnibus, ita nec eadem omnibus placet materies. Aliquibus sordet corium, & pro eo holosericum substituunt. Taceo Tyrrhenicum & Hetruscum sandalicum Italis Hispanisq; feminis usitatum. Eo jam luxus alicubi locorum abiit, ut aliqui pane phæcasiati, velut Antistites & Præsules, incedant. Proximis annis usque eo calceorum pretium excrevit, ut olim totidem florenis vestem toti corpori velando facilius præstinas, quam nuper tale par calceorum. Neq; vero luxus, remittente annona, remittit, & aliquibus vix menstruum militare stipendium in calceos sufficit, tot futuris & elegantis est opus. Neque temere & sine delectu omne corium admittimus, nam sæpe delicata curiositate tam corii patriam quam vini exquirimus. Et nisi calceus ad pedem strictus sine ruga & plica niteat, velut nostro pede indignum rejicimus: imo pedem uri & misere torqueri malumus, quam calceum paullo laxiorem admit-



admittere. Quid ni hos tales, tam *Aultæ* patientiæ homines, diaboli martyres vocemus?

Quid jam de calceamentorum vinculis dicam? olim ansule è polito ferro, aut etiam argento in usu erant: his corrigiæ, obstragula, ligulæ successerunt. Iam vero & hæc eviluerunt. & quod mireris, periscelides à genibus migrarunt ad imum crus in calceos, nam sericas fascias quibus olim utrumque poplitem vincire poteramus, nunc in calceis luculentius ostentamus; nonnunquam ex eodem serico rosas apponimus, & suam pedibus ætatem facimus. Vniverse, superbiam & luxum non tantum pedibus non calcamus, sed in regnum & supra caput attollimus. Sed quæso, Gerarde, liceat ab imis vestigiis ad hominis verticem ascendere. *Ger.* Sed & prius quæso, Polychroni, hoc discamus, num olim etiam has seu vestium seu calceorum ostentationes sic amarint? *Pol.* Etiam olim, mi Gerarde, sed nec olim quoque deerant, qui vanam hanc elegantiam reprehenderent. Quantum aureus orator Chrysostomus contra hanc in calceis pompam stomachatus sit, audi, sed audi patienter; tam prolixus quam disertus est. Ego nec verbulum Chrysostomi mutabo.

II. Vultis igitur, inquit, ut largas  
ora-

orationi habenas mittamus, ac de-  
 decus hujus rei præ oculis ponamus?  
 Sed nolite, oro, irasci, imo vero et-  
 iam si irascimini, parva mihi cura est,  
 non enim ipse, sed vos hujus mole-  
 stia causa estis, qui cum nec peccata  
 quidem ista putetis, ad reprehenden-  
 dum acrius tale prodigalitatis genus  
 impellitis. Age igitur diligentiori  
 usi examine, quale malum hoc sit.  
 Quantum vobis dedecus esse puta-  
 tis, cum serica licia calceamentis  
 vestris, quæ nec vestibus quidem vir  
 probus unquam subtexerit diligen-  
 ter inseritis: quantis hoc dignum ca-  
 chinnis arbitramur? Quod si huic  
 nostræ sententiæ non acquiescitis,  
 audiat Paulum quanta hæc cum a-  
 crimonia reprehendat, & auctoritate  
 ipsius turpitudinem rei cognoscite.  
 Quid igitur hac de re Paulus scribit?  
 Non in tortis crinibus, inquit, aut  
 auro, aut margaritis, vel veste pretio-  
 sa. Quam igitur veniam habere pote-  
 ris, cum neq; uxori tuæ, jubente Pau-  
 lo, pretiosæ vestes permittantur: tu  
 calceos luxuriosissime polias, ac ita  
 construas, ut nimium attentus ad ri-  
 diculosa dedecora esse videaris? Non-  
 ne vides naves fabricari, eligi remi-  
 ges ac gubernatores, vela dari ven-  
 tis, maria navigari ac mercatores pa-  
 tria, uxoribus & liberis relictis, ac vi-  
 ta contempta, & fluctibus commissa;  
 ad extremas barbarorum partes mil-  
 le peri-



le periculis pervenire propter serica hæc licia, ut tu scilicet calceis tuis ipsa inferas, & corium exornes? Dic, oro; quid hac absurditate pejus? Non erant veterum talia indumenta, sed viris probe convenientia. Quare ipse timeo ne tempus veniat, in quo adulescentes apud nos vestibus atque calceamentis, sine pudore aliquo mulierum utantur. Illud autem modestius differendum est, quod juvenum parentes, cum indifferentem hanc rem censeant, non increpent, non expostulent. Vultis ut afferam quod gravissimum mihi videtur, quod pecuniis ita abutimini, cum multi inedia laborent, cum esuriens Christus ac nudus in medio vestri versetur, captus, catenis etiam victus nonnunquam: & quibus non ista digna sunt fulminibus? illum quidem cibo necessario indigentem negligentes, vos sericum calceis inseritis. Ipse cum discipulos suos legibus instituebat, nullos illis calceos permittebat: nos autem non dico nudis pedibus, sed viriliter calceatis deambulare non sustinemus. Quæ turpitudine atq; ritu quid pejus fiet? Magnam enim animi mollietatem hoc ostendit, atque etiam sævitiam & crudelitatem, magnam denique levitatem una cum curiositate temeraria. Nam quando rebus poterit, qui tantis defluxit luxurijs, diligenter

ter vacare? quando animę suę curam habebit? imo vero, quando se omnino habere animum cognoscet? pusillanimis enim omnino est, atque abjectus qui hæc admiratur. Atrox etiam atque crudelis, qui hac de causa pauperes negligit. Virtutis quoque penitus expers, qui studium suum ad hæc contulit universum. Nam qui gloriam serici, qui florem coloris, qui ad aureos intextus curiose perspicit: quando in cælum suspiciet, quãdo illam pulchritudinem admirabitur, qui tincturas istas respiciens, & ad terram flexus altius se non potest erigere? Et Deus quidem cælum extendit, ac solem accendit, ut oculos tuos sursum erigat: tu vero ad terram quasi porcus, diaboli artibus persuasus devolveris. Hæc enim omnia ille excogitavit, ut illa tu beatitudine privatus, ad hæc miserrima detrudaris. Ita Deus, qui cælum tibi offert, à diabolo serica tibi licia offerente superatur: imo vero nec ista offert diabolus, opera enim hæc etiam Dei sunt, sed molliciem, luxum, atque maleficas artes, quibus oppressi adolescentes aspicere terram coguntur, qui calorum philosophiæ studere iussi sunt, magis calceis suis gloriantur, quam si novas res atque inauditas gessissent. Digitis enim pedum sublevatis deambulant in plateis, nimio plerunque inde mœ-



rore confecti, ne cœno in hieme,  
aut pulvere in æstate, calcei sui ma-  
culentur.

III. Hæc tota Chrysostomi dictio  
est, & studio prolixam hanc facun-  
diam in medium expromere volui,  
ut evidens & perspicuum nobis sit,  
quam ab illo ævo longe divertamus.  
quæ olim ut piacula habebantur,  
nos velut inane ludicrum ridemus:  
nostro an temporis vitio? Hinc li-  
quet quædam à priscis Patribus se-  
verissime castigata, quæ nos in minu-  
ta numeramus: Chrysostomus hac  
ipsa oratione, ejus rei causam red-  
dens: Nam etsi, ait, parva hæc peccata  
videantur, ac ideo negligantur, mayo-  
rum tamen delictorum causas nobis  
præbent. Quod hîc protus verissi-  
mum. Illud etiam jam clarum ex hac  
objurgatione Chrysostomi, quâ non  
otiose nos contra nimium & vitio-  
sum corporis cultum agamus: res di-  
gna est acerrima insectatione. Sed  
permittes credo, Gerarde, Chryso-  
stomum quod cœpit, pertexere: sic in  
eundem luxum differendo pergit. Quid  
facis homo? animam hac luxuria in  
cœnum coniecisti. eam in terra negli-  
gis detineri, & calceamentorum tan-  
to mœrore angeris: discas usum ipso-  
rum, & tanti ea facere pudebit. Quod  
si tu ab hujuscemodi labe munda-  
cupis calceamēta servare, cervicibus  
tuis aut capiti connēde. Ridetis hoc  
audi-

audientes; mihi autem lacrimandum potius videtur, cum studia in his rebus vestra & vesaniam considero, cumq; intelligam corpus nos malle luto, quam calceos deturpare. Ita pusillanimi, ac penitus molles hinc juvenes efficiuntur, erunt etiam alia ratione pecuniarum avidi. Nam qui vestibus, calceis, ceterisq; hujusmodi valde inhiare soliti sunt, cum multa in his rebus consumant, magno indigent pecuniæ cumulo: quod si acciderit, ut ambitiosum etiam & ostentatorem patrem quispiam habeat, tunc vero hac turpissima captus cupiditate, acrioribus servitutis vinculis coarctatur: sin vero avarum, cogitur ad alia pejora confugere, ut sibi pecuniam ad impendia ista conquirit. Hac ratione multi ex adolescentibus ætatis florem perdiderunt, & gnathones atque parasiti divitum constituti, ut hujusmodi cupiditatem atque animum suum expleant, turpia nimium ministeria subierunt. Quod igitur avarus, effeminatus, pusillanimis atq; otiosissimus sit, & ad omnem luxuriam pronior qui hæc optat, manifestum ex istis fecimus; quod autem etiam crudelis, ac inanis gloriæ cupidus, quis unquam non insanus dubitabit? Crudelis enim est, qui cum viderit pauperem, tanta sui ornatus cura detinetur, ut nec aspexisse quidem videatur: sed



auro quidem atque serico seipsum ornat, pauperem autem fame deperire finit. Inanis vero gloriæ cupidus est, qui vel minimarum rerum gloriam aucupatur. Ego quippe sic arbitror, Romanorum nunquam Imperatorum fuisse, qui se tantum propter trophæa sua jactaret, quantum luxu perditæ adolescentæ, ob calceorum ornatum, ob vestes scite confectas, ob cæsariem in modum pilæ tonsoris opere circumductam: nec pudet alienis artificum operibus gloriari. Adderem alia his graviora &c. Et hæc Chrysostomi hæc de re sententia est. Cui nostra dissertatio, Gerarde, bilem moverit, huic ego littem non intendam; id unum à me audiet: Ad Chrysostomum abi, cum Chrysostomo litiga, Chrysostomus respondebit, Nunc, ut dixi, à pede, & calceis, ascendamus ad caput.

IV. Verum, omnia capitis ornamenta insequi, mei instituti non est. Vix ulla fax aut viaticum ad tam longam narrationem sufficiat. E capitis cultu id duntaxat sumam, quod nos collare appellamus, translata voce à canum vinculis. Collaria nostra, ut scias, fere cum luna mutant, ita ut singulis pene mensibus, aliqua collarium novitas se prodat. Perpetua hîc mutatio, & sæpe ridicula. Iam collare densum, & multo sindonis volumine impeditum, jam è simpli-

simplici tela collo affunditur; jam in orbem, jam pane quadrangulum disponitur: jam ferro aut chalybe à prunis calente, jam asserculis ligneolis in plicas & sinus ordinatur, jam à lotionem temere plicatum collo injicitur. Memini, etsi facies mea nondum computet annos, cum è simplici bysso collaria in pectus usque, geminum cornu protenderunt; nec ita multo post dempti sunt apices, & cornua illa quasi forfice præsecta: quamvis & hoc pridem desitum. coeperunt deinde collaria nimium quantum in humeros expatiari, & tergum etiam vestire, credidisses mantilia cervicibus circumposita. Nec istud diu placuit. Vidimus dein è Gallia aut Italia collaria advolare quæ velut alæ collum ambiabant, & linei candoris radiis cingebant. Sed neque ista ætatem tulerunt, jamque alia atque alia, semperque novæ formæ in consuetudinem veniunt. Passim jam videas collare multiplici plica gravidum, quod instar valli, collum ambiat. Pleraque segmentata, rugata, & striata liberaliter.

Quid, quod nec idem color in collaribus placeat qui olim. Ante annos aliquot nemini nisi candor in collari probabatur, & quo illa candidiora & magis nivea erant, hoc



mundulis illis placebant magis. Iam vero & cærulea, & nigricantia & purpurea passim videas, seu filo, seu tinctura sic facta. *Ger.* Equidem spero ad id ætatis me pervicturum, ut etiam prasina cernam & viridia collaria. *Pol.* Olim pepla crocea pulcherrima censebantur, quod ævi muliebri iudicium Guilielmus Peraldus Lugdunensis Antistes acriter perstringit. Sed tædet me prorsus omnem hujus insanix prodigentiam percensere, & sæculi nostri pudorem tam multiplici delirio onerare. Illud constat, neque id ipsi rei inficiari possunt, nimium laboris & pretii in hoc luxus genere collocari. Femina fuit nostro ævo, numorum quam pietatis ditior, quæ eo deliciarum & luxus processit, ut in unicum collare lavandum, explicandum, & ad certas leges componendum, ipsos quinquaginta Philippeos expendere solita mercede. Prodigium omnino nobile, & suspiciendum in re tam parva tam magni luxus! Sed navis & mulier nunquam satis ornantur, dicebat Cato. Ceterum majorem partem videre est in viris feminisq; protensa nemiũ & in humeros excurrẽtia collaria, nimis exquisite & operose fimbriata, in quibus nimium & operẽ & pecunię ponitur; neq; alio nomine hæc culpa purgatur, nisi quod plerunque dicant, ita moris

moris esse; hos, & illos. & istos idem facere, se illis non æquales tantum, sed & superiores esse tam censu quā sanguine, aut dignitate; si illis hæc & hæc liceant, eadem sibi potiori jure licitura. Sic ad aliorum mores pri- dem damnatos, componimus no- stros; peccatis à peccantium multi- tudine patrociniū quærimus, at- que per aliena exempla perire pul- chrum ducimus.

V. Et quid de aliarum vestium fa- stu, lascivia, luxu, novitatibus innu- meris dicemus? Repeto; face iterum & viatico foret opus ad narrationem tam prolixam. Ausim iterare quod dixi: novus dies novas vestes videt, adeo nihil neque nimium, neque satis diu bellum & elegans nobis vi- detur; pane quotidie novitia reper- tura emergit, quæ pretium sæpe à novitate metitur. Adjicit ornatus proxima quæque dies.

Pileus jam fastigiatus caput circum- tegit, jam depressus; jam acumina- tus placet, jam in rotunditatem pla- nus; jam cum spira, jam sine spira elegantior habetur; jam cinerei, jam candicantis, jam mustelini aut cervini coloris præfertur. Pallium modo simplex, modo alatum est, ju- rares vespertilionis exuvias esse. Et an non istud insignioris luxus nobile argumentum cum pallium è lana, quantum quantum est holoserico.



subducitur, quasi tegere velimus expensarum superbiam, dum maxime ostendimus. Et quis thoracis patriam investigaverit, quem modo ex Gallia, modo ex Italia, ex Hispania modo petimus, jam dissectum, jam institis obductum gerimus, quandoque singularem elegantiam censemus, vestis materiem omnem fimbriarum numero cælare. Manicæ quæ? modo amplæ, arctissimæ, & ad brachium strictæ. Et quis omnes caligarum figuras explicet? Caligæ nunc ad genu, nunc infra, nunc supra genua clauduntur; nunc laxæ, nunc adstrictæ sunt; jam volitant & genibus illudunt, jam in globum aptantur: modo follicant, modo crassa farctura intumescunt; aliqui Gallos caligis, alii Anglos iis æmulantur. Ligulæ olim in eum duntaxat usû erant, ut caligas thoraci necerent: nunc numerosa ligularum agmina, totis caligis sparsa, puerilem prorsus & ridiculam concinnitatem exhibent. Vere, ut vetus verbum habet, Afræ aves sumus. Omnia hîc varia & pæne in dies nova; infinita series est mutationum cum statim moritura novitate. Neque tantum se circumspectat qui has novitates excogitare, sed & qui sequi scit & imitari. Sed & alius atque alius in veste color placet: ater, nimis lugubris est; lannæ natus, simplex nimis. Luxuria

ria vestibibus quoque provocavit eos flores qui colore commendantur. Vestes quarimus non solum quæ muniant per pinguedinem, sed quæ mulceant per mollitiem: nec solum quæ per mollitiem tactū mulceant, sed quæ per colorem oculos seducant. Tertullianus eleganter & fa-De cete, versicolorum vestium & pur-<sup>cult. fem.</sup> puræ usum perstringens: Nimirum Deus, inquit, demonstravit succis herbarum, & concharum alveis incoquere lanas. Exciderat illi, cum universa nasci juberet, purpureas & coccineas oves mandare.

Et ô quoties, vestium partim pondere, partim tormento misere vexamur! illum calceus urit, tolerat tamen; istum thorax constringit, tamen dissimulat; hunc frigus ultro advocatum contrahit, non tamen queritur, ne sua vesti pereat venustas.

O curas hominum! reliqua taceo, quæ ipsa per se oculis loquuntur: sileo aurium vulnera, olim usitata, quasi satis anulorum digiti non caperent: omitto nebulas lineas, ventos textiles, topas vitreas, ut Arbiter & Varro loquuntur: oratione nemo satis evolvat tot tænias, tot redimicula, tot strias & fimbrias, tot undas & uncinulos, tot globulos & clavos. Nam habitu ad omnem novitatem mollis elegantiae assidue correcto, peregrina



peregrina semper magis æstimamus quam nostra : modo aliunde sit forma vestis quæcunque, mox in laudem trahitur, nec formam tantum, sed & materiam vestis peregrinam amamus, lanam, & rudioris naturæ beneficium spernimus. Peregrinitas ubique gratiam reperit, à qua res quæque pretium possidet. Quis vestes parat in quod inventæ sunt? vitum cultumque ad nova identidem exempla componimus. Hinc luxur noster transalpino serico pretium fecit; hinc non mollissimis tantum pellibus contexti, sed serico splendore ad luxuriam vibrantes, vestium ambitiosa pretia mire augemus. Non est locus ut defleam satis, aut ut satis execrer ludibria hæc externorum habituum, quos nobis ab extremis mundi finibus furibunda præsens ætas intulit, & etiamnum quotidie infert.

Sopho. Minatur Deus per Sophoniam: Vi-  
c. I. v. 3 sitabo super principes, & super filios  
regis, & super omnes qui induti  
sunt veste peregrina. Divus Leo Pon-  
tifex de Roma vetere: Hæc civitas,  
inquit, ignorans suæ profectionis  
auctorem, cum pæne omnibus do-  
minaretur gentibus, omnium gen-  
tium serviebat erroribus: & magnam  
sibi videbatur assumpsisse religio-  
nem, quia nullam respuebat falsi-  
tatem. Idem ego pæne ausim dicere  
de

de Germania, quæ cum suos in omnium nationum terras emittat, omnium nationum ritus recipit, & magnum sibi videtur adfiscere ornamentum, si nullum respuat peregrinum habitum. Vis videre vestitu Gallos, Italos, Hispanos, Anglos, Polonos, tantum Germaniam lustra, & videbis. Iusserat sibi, ut ferunt, Turcarum Imperator, omnium gentium habitum vestitumque pingi. Pictor, ubi plurimarum nationum diversissimas vestes expressisset, hominem indusio tectum statuit, & juxta varii generis pannos. Hanc picturam suam interpretari jussus: Hi, inquit, Ungari sunt, hi Poloni, hi Galli, hi Britannici, Itali isti, ita & de aliis. ubi ad hominem illum investem devenit, Hic, inquit, Germanus est; certa vestitus forma pingi non potest, nam quotidie novam excogitat. Rem dixit hic pictor. Hinc videre est peregrinas omnis stultitiæ ineptias, & exoticum lasciviæ habitum ornatumque, unde ferme nec in moribus quidquam patrii ac vernaculi superest. Tanquam originis pudeat, hoc unum omnes agunt, ut videantur à majoribus descivisse. Et hæc illa ornamenta sunt, quibus superbus cinis nescio quam altum stemma mentitur, & pæne Adamum transilit.

V. L. Interjungamus hic paullisper.

Ecquid



Ecquid, Gerarde, hoc libri est quod manu tenes? *Ger.* En nomen auctoris in fronte. *Pol.* Non hoc quæro. *Ger.* Quid ergo? *Pol.* Quod gaudeo me non reperire. *Ger.* Ergo suspicabaris mali quid latere? *Pol.* Metus potius quam suspicio erat. & quid apud te dissimulem? mores ævi nostri corruptissimos jam nosti; nihil non audemus. Hinc aliquibus non satis est domi horas optimas pessime conterere inspiciendo speculo, libellis etiam inseri, & una compingi curant speculum, ut ubi demum locorum sint, vitrei hujus judicis responsa in promptu habeant, Et quoties aliqui de die domesticum hoc oraculum consulunt, quanta patientia responsum quantumvis prolixum præstolantur, quam sollicitè oculos in omnem partem flectunt, ne quid navu-  
Tertul.  
d. l.
li industriam oculorum effugiat, Vah! vanitatem vanissimam! O vane quid speculum consulis? mores tuos intueri, conscientiam tuam inspicere, in Christum crucifixum oculos conjice, hoc tibi speculum, & opifex splendor sit, in hoc non fabram levitatem, sed cruenta tubera, & alta vulnera considera. Quid vis speculum omni occasione consulere, anxie inspicere, cum tamen cognito Deo & adempta placendi voluntate, per luxuriæ vacationem, omnia illa ut otiosa, ut hostilia pudiciæ recusantur.

Nam

Nam ubi Deus, ibi pudicitia, ibi gravitas adjutrix & socia ejus. Tertullia-  
nus, quasi pudicitiae nundinatrices <sup>virg.</sup> <sup>vel. c.</sup> <sup>12. &</sup> <sup>de cult.</sup> <sup>fem. c.</sup> <sup>8. L. 1.</sup> <sup>nat. qq.</sup> <sup>c. 17.</sup> eas feminas habet, quæ (ut loquitur) consilium formæ à speculo persequuntur. Potiori jure & in viris hoc ipsum reprehendit. Verissime Seneca: Iam speculum, inquit, ornatus tantum causa adhibitum, nulli non vitio necessarium factum est. Scis, Gerarde, quid olim Pudens in oratione censoria velut grande crimen detestetur, & clamitet: Habet speculum philosophus, possidet speculum philosophus. An nos non vehementius vociferemur? Habet speculum alumnus Parthenius, possidet speculum sodalis beatæ Virginis, inspicit speculum juvenis Marianus. Quid hoc, mei juvenes, ad pietatem aut litteras facit, formam suam spectaculo assiduo explorare? Socrates quidem philosophus, suis suasisse fertur, ut semet in speculo contemplaretur, sed in morum ac disciplinæ, non in formæ gratiam id suavit. hoc enim volebat vir sapiens, ut si quis suorum à pulchritudine commendaretur, impendio procuraret ne dignitatē corporis malis moribus dedecoraret, qui vero minus se commendabilem forma putaret, sedulo operam daret, ut virtutis laude turpitudinem tegeret. Non jussit Socrates, ad speculum curiosius comam struere, non capillamentum



mentum in statione disponere, non crines velut suggestum ædificare, nō turres sublimibus cincinnis in occipitio excitare, non denique tempus nobilissimum apud vitreum hunc censorem perdere, quod nos injussi sæpe facimus. Gravissime queritur Seneca contra otiosos hos fucos, quibus apud tonsorem multæ horæ transmittuntur, dum decerpitur si quid proxima nocte succrevis, dum de singulis capillis in consilium itur, dum aut disjecta coma restituitur, aut deficiens hinc atque illinc in frontē compellitur. Quomodo irascuntur si tonsor paullo negligentior fuit? quomodo excandescunt, si quid ex juba sua decisum est, si quid extra ordinem jacuit? &c. Quis est istorum qui nō malit rempublicam turbari, quam comam suam? qui non sollicitior sit de capitis sui decore, quam de salute? qui non comptior esse malit quam honestior! Hos tu otiosos vocas inter pectinem speculumque occupatos? Si hæc Seneca non immerito exprobrat, ignoscendum Cyrillo Alexandrino exclamanti: Væ calamistratis ad lædendas & vulnerandas animas. Crede mihi, hæc talia omnia, speculum, & ad speculi examen vibratus capillus, cirri, cincinnati, gypsatissimæ chirothecæ, peregrini odores, moschum, smigmata, tot quæritæ elegantia, tam diversa

L. de  
brevit.  
vitæ c.  
12.

versæ amictus deliciæ, hæc inquam, omnia castitatis & pudicitie amorem non olent. Qui castimoniam amat, hæc fugit & vitat omnia: optimus odor in corpore, est nullus. Iam olim minatus Isaias: Et erit, inquit, <sup>Is. c. 4.</sup> pro suavi odore foetor, & pro zona <sup>v. 24.</sup> funiculus, & pro crispanti crine calvitium. Mirabilis mutatio! illis ego carere malim, quam cum istis mutare: alterutrum necessarium. Qui illis abstinere non vult, audiet tandem horrendum istud: Quantum se <sup>Apoc. c. 18. v.</sup> glorificavit, & in deliciis fuit, tantum date illi tormentum & luctum. <sup>7.</sup>

Neque tantum graviolem censuram incurrunt hæc talia, ubi honestas Christiana viget, sed & ab idololatriis honesti amantibus damnantur. Flavio Vespasiano Imperatori juvenis quidam gratias egit pro impetrata præfectura. At hæc gratiarum actio minime placuit Cæsari, ea solum de causa: juvenis ille plus æquo comptus videbatur, & quia etiam unguento fragrabat, Vespasianus severo eum nutu contemnens: Maluissim, inquit, allium oboluisse, mox & litteras concessas revocavit.

Optime olet, qui nil olet, & satis formosus est, qui formæ iudice speculo potest non egere.

VII. Ger. Si speculum damnes, Polychroni, multo magis pigmenta



damnabis, quæ ad speculum præli-  
nuntur vultui. *Pol.* Optime mones;  
omiseram pæne nobilissimum genus  
colendi corporis. Fui tamen, fateor,  
in errore autem hac: feminas nostri æ-  
vi fuco non uti credebam. *Ger.* Er-  
rabas sane, ô mi Polychroni, pridem  
revixit Iezabel, nec jam una tantum  
cerussatas buccas ostentat. In urbi-  
bus tales invenire est, quæ sibi ipsæ  
non placerent, nisi purpurissatum os  
speculo propinarent. Novi feminas  
quæ ut tutiore nequitia hanc artem  
facitent, maritos id velle fingunt,  
*Pol.* Pulchre conveniunt, fingere &  
stibio se pingere, quid enim figmen-  
tum, nisi falsitatis stibium? Sed ô  
misera, & in propriam perniciem va-  
fra! velint nolint, jubeant non jube-  
ant mariti, cerussatam cutem nun-  
quam satis excusabitis. hic ratio &  
Christianæ leges reclamant. Audite,  
oro, quid prisci ævi Patres in pessimū  
hoc pingendi se studium pronuncia-  
rint.

De  
cult.  
sem.

Tertullianus non sine stomacho:  
In illum, inquit, delinquant, quæ  
cutem medicaminibus unguunt, ge-  
nas rubore maculant, oculos fuligi-  
ne collinant. displicet illis nimirum  
plastica Dei, in ipsis redarguunt, re-  
prehendunt artificem omnium, re-  
prehendunt enim cum emendant,  
cum adjiciunt, utique ab adversario  
artifice sumentes additamenta ista,  
id

id est, diabolo. Quod nascitur, opus Dei est, ergo quod fingitur, diaboli negotium est. Quantum autem à vestris disciplinis & professionibus aliena sunt, quam indigna nomine Christiano faciem fictam gestare, quibus simplicitas omnis indicitur, effigiem mentiri, quibus lingua non licet appetere quod datum non sit, quibus alienum abstinentioniam in speciem exercere, quibus studium pudicitiae est.

Atque utinam miserrimus ego in illo die Christianae exultationis vel inter calcanea vestra caput elevem, videre, an cum cerussa, & purpuris, & croco, & in illo ambitu capitis resurgatis, an taliter expectam Angeli in nebula sublevent obviam Christo.

De cetero cultu corporis moderando sic monet Tertullianus: Quamobrem erga vestitum quoque, & reliqua compositionis vestrae impedimenta, periinde vobis curanda est amputatio, & decessio redundantioris nitoris. Nam quid prodest, faciem quidem frugi, & expeditam, & simplicitate condignam divinae disciplinae exhibere, cetera vero corporis, laciniosis pomparum & deliciarum ineptiis occupare? Hae pompae quam de proximo curent luxuriae negotium, & obstrepant pudicitiae disciplinis, dignoscere in facili est.



Lib. 3.  
Pædog  
c. 2.

Clemens Alexandrinus non minus acerbus in tam sterilem solertiam: Turpe est, inquit, pudicam facere flaventes pilos, sed & genas fucare, & oculos depingere. Non intelligunt autem miseræ, se propriam perdere pulchritudinem dum externam inducunt. Summo itaque mane se lacerantes & extendentes, variisque ac confusis mixtionibus effingentes, vivum quidem cutis colorem refrigerant, carnem autem venenis effodiunt, curiosisque ac superfluis absterisionibus proprium decoris florē corrumpunt, & marcidum efficiunt. quocirca à cataplasmatibus quidem pallidæ cernuntur, à morbis autem facile arripiuntur, ut quæ adumbratam carnem venenis jam liquefactam habeant: hominum opificem contumelia afficientes, tanquam qui pro meritis non fuerit eis largitus pulchritudinem. Iure ergo quod ad domum servandam & administrandam familiam attinet, ignavæ fiunt, ut quæ sedcant, veluti depictæ ad spectaculum, non natæ ad domus custodiam familiæve administrationem. Quo autem nihil dici aut fingi potest absurdius, fictæ istius suæ formæ, perinde ac si res ab eis bene gesta & confecta sit, specula excogitarunt, cum huic fraudi esset potius admovendum operculum. *Et paucis interjectis:* Si ergo naturalem corporis pulchri-

pulchritudinem minus quam pulchritudinem animæ æstimat Dominus, quid sentiet de adulterina, qui quicquid falsū est, omnino expulit.

Vt autem hujus probrosæ artis primum magistrum fuisse diabolum sciamus, Cyprianus hoc fucandi artificium gravissime detestatus: Quæ <sup>Cypr. de hab. virg.</sup> omnia, inquit, peccatores & Apostata angeli suis artibus prodiderunt. illi & oculos circumducto nigrore fucare, & genas mendacio ruboris inficere; mutare crinem adulterinis coloribus, & expugnare omnem oris & capitis veritatem corruptelæ suæ impugnatione docuerunt. *Addit:* Manus Deo inferunt quando id quod ille formavit, reformare & transfigurare contendunt; nescientes quia opus Dei est omne quod nascitur, diaboli quodcunque mutatur. Quod ornari te putas, quod putas comi, impugnatio est ista divini operis, prævaricatio veritatis. Et: Num sinceritas perseverat & veritas, quando quæ sincera sunt, polluuntur colorum adulteriis, & medicaminum fucis in mendacium vera mutantur? Dominus tuus dicit: Non potes facere capillum unum album aut nigrum; & tu ad vincendam Domini tui vocem vis te esse potiolem? Audaci conatu & sacrilego, contemptu crines tuos inficis, &c. Non metuis, oro, quæ talis es, ne cum resur-



rectionis dies venerit, artifex tuus te non recognoscat, & ad sua præmia & promissa venientem removeat & excludat; increpans vigore censoris & judicis, dicat: Opus hoc meum non est, nec imago hæc nostra est; cutem falso medicamine polluisti, crimem adultero colore mutaſti, expugnata est mendacio facies, figura corrupta est, vultus alienus est. Deum videre non poteris, quando oculi tui non sunt, quos Deus fecit, sed quos diabolus infecit. Illum tu sectata es, rutilos atque depictos oculos serpentis imitata es; de inimico tuo compta, cum illo pariter & arſura.

Seria sunt hæc, ô Deus, & alte cogitanda! Atque de corporis colendi studio, univérſe ſic ſentit Cyprianus: Ornamentorum, inquit, ac veſtium inſignia, & lenocinia formarum non niſi proſtitutis & impudicis feminis congruunt. Et; etſi ipſa non pereas, alios tamen perdas & velut gladium te & venenum videntibus præbeas; excuſari non potes, quaſi mente caſta ſis & pudica. redarguit te cultus improbus, & impudicus ornatus.

Gregorius Nazianzenus: Quod ſi ob adſcitiſſimam formam, inquit, ita inſoleſcis, nunquam certe pudicum animum habebis, utpote qui fucum averſatur.

Chryſoſtomus, huic vitio verecundam

Cypri.  
de diſ-  
cipl. &  
hab.  
virg.  
medio  
fere.

Carmi-  
ne  
de orn.  
mul.

cundam honestatem opponens: Quæ <sup>Hom 4</sup>  
 unguentis, inquit, delibuta non per- <sup>in 1. epist. ad</sup>  
 git, quæ faciem nequaquam fucis <sup>Tim.</sup>  
 atque coloribus pingit, quæ Dei  
 contenta opificio nihil ex se addere  
 quasi arte molitur. Quid enim stu-  
 dium tuum, quid artem consumma-  
 to à Deo opificio admoveere præsu-  
 mis, atque ad auctoris injuriam or-  
 naris?

Sed & profani scriptores hunc cor-  
 poris cultum vituperant. Optime  
 dixit priscus satyricus: Color arte <sup>Arbiter</sup>  
 compositus inquinat corpus, non <sup>in sat.</sup>  
 mutat. <sup>Simo-</sup>

Theophylactus Sophista feminam <sup>Theano</sup>  
 ætate progressam, suavi vituperio <sup>Eury-</sup>  
 abstracturus ab hac insania: Natura- <sup>dicæ epist. 3.</sup>  
 le, inquit, ornamentum tibi præte-  
 riit, & ad rugas properat elegancia.  
 Tu vero veritatem obscurare conaris:  
 fictitio ornatus: quid frontem sputo  
 & cerussa signas? obtempera tempo-  
 ri. Non enim decent prata in autum-  
 no flores. Memineris etiam mortis,  
 cui vicina es, & modestiam ex neces-  
 sitate disce colere. Alioqui senium  
 & juventam afficis injuria: hanc enim  
 promittens, frustraris, illud autem  
 possidens adulterare conaris.

En, undique vapulant purpurissa-  
 tæ genæ: sacri juxta & profani scri-  
 ptores stibium & cerussam ab ho-  
 nestis matronis removent. Ergo vi-  
 lior ei honestas est, cui purpurissum



328 DE CVLTV CORP.  
& fucus tantopere commendatus  
est.

Loco  
cit.

Finio cum Tertulliano qui hic ag-  
men duxit: Quare, inquit, medite-  
mur duriora, & non sentiemus: re-  
linquamus latiora, & non desidera-  
bimus. Stemus expediti ad omnem  
vim, nihil habentes quod relinque-  
re timeamus. Retinacula ista sunt  
spei nostræ: projiciamus ornamen-  
ta terrena, si cælestia optamus.

Multa dixi hoc capite, sed in sum-  
mam colligam, quæ dixi. Quicquid  
carnem olet, nihil sanctimonix spi-  
rat: quod Corpori jucundum & pul-  
chrum, Animo plerunque noxium:  
Conscientiam non curat. Cælites  
parum honorat, qui corpus nimium  
amat.

## C A P V T VI.

*De cultu Corporis quid sacra pagi-  
na, & sancti Patres sentiant.*

Eccl.  
c. 19. v.  
87.

**E** Veste virum noveris. Nam, ami-  
ctus corporis, & risus dentium, & in-  
gressus hominis enunciant de eo. Ut  
risus, ut sermo, ut incessus, animi  
cogitationumque character & nota  
sunt, sic & habitus non immerito  
esse perhibetur. Vestitus levis, levem;  
muliebris, effeminatum; monstro-  
sus, monstrosus; plus æquo nitidus  
ostentationis amantem: ac vicissim  
gravis

gravis prudentem, modestus continentem arguit: atque ut ille probum, sic iste laudem domino suo conciliat. Minatur olim Deus severe, omnem cultum corporis auferendum, &: In illa die, inquit Isaias, auferet Dominus ornamentum calceamentorum, & lunulas, & torques, & monilia, & armillas, & mitras, &c.

Esther quamvis reginarum amplissima, tamen imminente suis fatali periculo, vestem regiam omnemque mundum muliebrem ponens, & indumentis ad luctum vestita, has Numini preces supplex admovit: Tu scis necessitatem meam quod abominer signū superbiæ & gloriæ meæ, quod est super caput meum in diebus ostentationis meæ, & detester illud. Quibus illa verbis luculente testata est Orbi, quantum oderit cultum corporis, qui vere signum est superbiæ. Hic ego non diffiteor, terri me sapius illo Christi monito, de Epulone purpurato: *Homo quidam erat dives, & induebatur purpura & bysso.* Tantine res flagitii est, ô Christe, byssina & ostrina veste amiciri? neque enim aliena vi aut dolo rapuit, ut purpuram & byssum emeret, nec opifices manupretio fraudavit, nec mercedem famulis negavit, nec invasit aliena; è suis oculis, ære suo hæc sibi comparavit, & ut videtur, dignitati & opibus congrue se vestiit.



Et tamen sepultus est in inferno: in hoc ei sepulchrum viam stravit, è bysso & purpura vestitus. Horreo cum cogito. hunc mihi horrorem augent

**Rom.** Divi Gregorii verba: Sunt, inquit,  
**40. in** nonnulli qui cultum subtilium pre-  
**Euang.** tiosarumq; vestium non putant esse peccatum. quod si videlicet culpa non esset, nequaquam sermo Dei tam vigilanter exprimeret, quod dives qui torquetur apud inferos, purpura & bysso indutus fuisset. Nemo quippe vestimenta pretiosa nisi ad inanem gloriam quærit, ut honoratior ceteris esse videatur.

**I. Ger.** At decorum est egregie vestiri. **Pol.** Mos est, nec tu id ignoras, vilia & foeda coloribus & fuco venalia facere. Hoc illustrium vestium callidum munus est, ut viles & abjectos animos velent illustri fuco. Ita profundissimum coenum vestit fragilis indigna fronde cespes, ita fimum nives induunt, nec ipsis anguibus pulchrum veneni tegmen versicolore tergo, & squamis fulgentibus deest. **Ger.** Honori est, exquisite indui. **Pol.** Pudebit te cultus exterioris, quoties quid eo tegatur, cogitabis. insana enim est ambitio, fimum operire purpura. **Ger.** Ecquis reprehendat vestes quam mundissimas habere? **Pol.** Non audisti quid ille vir fortissimus apud Crispum dicat; Munditatem mulieribus, laborem

viris

**Madau**  
**rens.**  
**l. i.**  
**Mile-**  
**nar.**

viris convenire. Et quamvis sequio-  
 ri illi sexui divus Paulus plusculum  
 quid ornamenti concessit, aurum  
 tamen & argentum & vestem pretio-  
 sam adimens: Non in tortis crini-  
 bus, inquit, aut auro, aut argento,  
 aut margaritis, vel veste pretiosa, sed  
 quod decet mulieres promittentes  
 pietatem per bona opera. Eiusdem  
 animi & divus Petrus: Quarum, in-  
 quit, non sit extrinsecus capillatura,  
 aut circumdatio auri, aut indumenti  
 vestimentorum cultus. *Ger.* At ve-  
 stitus insignis auctoritatem addit.  
*Pol.* Sæpissime minuit, dum suspi-  
 cionem auget, cum vanissima cura  
 placendi laborare, qui has sibi pha-  
 leras circumdat. Et sæpe cultus  
 corporis qui ad famam quæritur,  
 risum movet: nec ulla re pejus sibi  
 consulit deformis homo, quam  
 cum formosus vult videri: quod  
 si natura ei formam non inviderit,  
 quid adscititiis his pigmentis natura-  
 lem gratiam corrumpit? *Ger.* An non  
 festi dies plus cultus indulgent cor-  
 pori? *Pol.* Cadaveri, dicas. Pone  
 in feretro aureo cadaver pallidum,  
 gemmis illud ostroque circumda,  
 quo plus ornatus, plus & horroris  
 erit. Et ne ad injuriam trahas quod  
 dixi, origo nominis inquirenda est.  
 Cadaver à cadendo dicitur: mortui  
 corpus cecidit, vivi casurum est, ca-  
 ditque continue, semper enim mori-  
 mur



Iac. c.  
3. v. 1.

mur quamdiu vivimus. ita exili discrimine, istud ab illo discedit. Hoc sē-  
fu Iacobus Apostolus: Agite nunc divites, inquit, plorate & ululate in miseriis vestris, quæ advenient vobis. Divitiæ vestræ putrefactæ sunt, & vestimenta à tineis comesta sunt. Factum dicit, quod certo & proxime futurum erat ut fieret.

Tertullianus interrogans: Quo pacto, inquit, pudicitiam sine instrumento ejus, id est, sine gravitate tractabimus? quemodo autem gravitatem administrandæ pudici-  
tæ adhibebemus? nisi & in facie, & in cultu, & in totius hominis contemplatione severitas circumferatur. Nam, ut idem testatur, Pudicitia Christiana satis non est, esse verum & videri. At vero qua ratione in illo videatur, qui tantopere studet, ut Tertullianus loquitur, sese *expingere*.

De leg.  
I. gent.  
hom. 24

I. I. Magnus Basilius, hic velut legem condens saluberrimam: Quicquid necessitatis, inquit, usum excedit, vitandum, neque corpori plus ornatus dandum est, quam quantum animæ pro-  
fit. Non minus eleganter

E. r. de  
virg.

& vere Ambrosius: Neglecta, inquit, decoris cura plus placet, & hoc ipsum quod nos non ornamus, ornatus est. Eximius hac in re Bernardus nobilissime de cultu corporis philosophatur, &: Serica, inquit, & purpura, & tincturarum fucus, deco-

Epist.  
113. ad  
Sophia  
virg.

rem

rem habent, sed non præbent. quicquid tale applies corpori, exponit speciem suam, non deponit. Secum denique tollit, cum tollitur ipsum. Porro decor qui cum veste induitur, & cum veste deponitur, vestis procul dubio est, non vestiti. Tu ergo noli æmulari in malignantibus & mendicantibus pulchritudinē alienam, ubi perdidierint suam. Eiusdem divini doctoris sensu, mollia dicuntur vestimenta, quia mollem faciunt, aut esse ostendunt. Mollia, inquit, indumenta, animi mollitiem indicant. Mollibus vestimentis delectatur regis curia: asperis vero & humilibus delectatur Christi Ecclesia. Talia debent esse vestimenta servorum & ancillarum Dei, in quibus nihil possit notari novitatis, nihil superfluitatis, nihil vanitatis, nihil quod pertineat ad superbiam, aut ad vanam gloriam. Nam, quanto amplius in compositione corporis latamur, tanto magis à superno amore disjungimur.

Orabat sapientissimus Salomon, tantum victui suo tribui necessaria, non superflua. Habentes (inquit apostolus) victum & vestitum, non ornatum. Alius quidam Sanctorum: Si dederit, inquit, mihi Dominus panem ad manducandum, & vestimentum quo operiar. Nota, quo operiar. Sic ergo & nos, inquit Bernardus,

Idem de modo bene vivere. ser. 9. initio, & fine. plura in A. pol. ad Guil. Abb. ante finem.

Prov. c. 30. v. 8. 1. Tim. c. 6. v. 8. Gen. c. 28. v. 20.



nardus, contenti sumus vestimentis quibus operiamur, non quibus lasciviamus, non quibus superbiamus, non quibus mulierculis vel similari vel placere studeamus. *Ger.* Sed hoc faciunt ii quibuscum habito: si non facio quod ceteri, notabor quasi numero velim eximi, & esse singularis. *Pol.* Licetne, Gerarde, tua venia Bernardi responsum addere? *Ger.* Cur per me non liceat? non est auditoris, magistro legem dicere. *Pol.* Addo ergo, querelæ tuæ Bernardus sic respondet: Propterea exi de medio eorum; ne aut in urbe notabiliter vi-vas, aut exemplo pereas aliorum. quid agis in urbe delicate miles? Commilitones tui quos fugiens deseruisti, pugnant & vincunt, pulsant & intrant, cælum rapiunt & regnant, & tu sedens super ambulatorem tuum, indutus purpura & bysso, circuis plateas, vicos perambulas? Purpura non propulsat libidinem, non superbiam, non avaritiam repellit, & si qua sunt alia ignea inimici jacula non extinguit. Denique quos magis metuis, febrem non prohibet, mortem non arcet. Vbi sunt arma bellica, ubi scutum fidei, ubi galea salutis, ubi patientiæ lorica? Laurentius Iustinianus operosiores cultum corporis gravi censura notans. Sicut, inquit, continens ac pudicus vilibus induitur vestimentis, ut se oculis

Epist.  
2. ad  
Fulconem.

L. de  
ligno  
vitæ c.  
5.

lis divinæ majestatis exhibeat mundum: ita impudicus ac incontinens, ut videatur magnificus, satagit vestiri pretiosioribus ac mollioribus. Ephrem hic apte interrogans: Quid lucrabimur, inquit, vestimentorum cultu, & ornato elationis amictu, nisi ignem inextinguibilem?

III. Gregorius Magnus originem indagans cultus qui corpori impenditur: Res ipsa, inquit, testatur, quod pro sola inani gloria vestimentum pretiosius quærat. Nemo vult ibi pretiosis vestibus indui, ubi ab aliis non possit videri. Divus Hieronymus de Pauli defuncti Anachoretæ tunica, velut de opimis spoliis triumphans: Vos, inquit, in tunicis aurum textitis, ille ne vilissimum quidem vestimentum habuit mancipii vestri. Sed è contrario illi quidem pauperculo paradus patet; vos auratos gehenna suscipiet; ille vestem Christi, nudus licet, tamen servavit, vos vestiri sericis, indumentum Christi perdidistis. Aureus ille Constantinopolitanus orator Chrysostomus, tam diserte quam copiose de cultu corporis hæc pronuncians: Audiant, inquit, opulenti & qui luxuriantur in vermium operibus, & vestiuntur sericis, discantque quomodo ab initio humanam naturam misericors Deus docuit. Pelliceas vestes fecit eis ut con-

L. i. de  
lucta  
Spir.  
c. 2.

Hom.  
ult. in  
Euang.

Hier. t.  
i. in  
vita  
Pauli,  
sub fin.

Tom. i  
ho 18.  
in c. 3.  
Gen.



confusionem tegerent, quo docuit nos ut mollem & dissolutam vitam fugiamus, nec inertem & remissam sectemur, sed magis austeram amplexemur. Itaque vestium amictus continuum nobis sit monimentum, quo memores simus quantis bonis exciderimus, & discamus quanto supplicio humanum genus ob inobedientiam sit affectum. Dicant igitur nobis, qui tanto utuntur apparatu, ut jam usum lanæ prorsus audire nolint, sed serico vestiantur, eoque infantiæ pervenere, ut aurum vestibus intexant. Imprimis autem mulieres huic mollitiæ deditæ sunt. Quare, dic obsecro, corpus ita ornas, & gaudes ejuscemodi ambitu? Non cogitas quod pro magno supplicio, propter transgressionem, tegmen hoc excogitatum est? Et quare non audis Paulum dicentem: Habentes victum & amictum illis contenti sumus? Vides quod unius duntaxat rei habenda sit hîc cura, videlicet, ne corpus nudum sit, sed ut tegatur. Num adhuc de vestium varietate oportet sollicitum esse?

*Ger.* O mi optime Chrysostome, quam apud multos tam sacros quam profanos, tam Ecclesiasticos quam politicos, antiqua nimis est & simplex hæc tua oratio! hæc illi montata, etiâ millies ingesta, & occurrentia millies, non pensi habent. Te a ca-  
the-

thedra clamantem non turbant, audiunt monita, at interim domi, non quod tu mones aut jubes, sed quod illis lubet, faciunt, & pro more nostri avi dicunt: Fuit vehemens oratio. Hic omnis illorum profectus est, concionem frigidissime laudare: cetera nec hilo meliores, in eodem hęrent luto, nemo est qui dicat: Rei sumus, emendemus nos. *Pol.* Sed non terretur Chrysostomus, qui omnem luxum perosus, sic peregit: Quali venia dignandi sunt, qui & in vestimentis multam vanitatem ostendunt, & quod gravissimum, in his superbiunt? Si omnia quę intus reposita habent, indigentibus divites distribuerent, neque sic supplicium effugerent eorum peccatorum (nota Gerarde) quę in deliciis vestium & conviviorum admittunt. quo enim supplicio non sunt digni, qui modis omnibus dant operam, ut sericis & auro intertextis induantur; & post se pompam trahunt in foro; Christus vero nudus obambulat necessario alimento destitutus? Post pauca: Quot pauperum ventres poterant inde pasci, & quot corpora nude agentium poterant contegi ex his quę à solo collo & humeris pendent, nullius alterius usus gratia, quam in damnum & nocumentum animę? Et ut dictorum causam reddat: Hoc enim studium, inquit, in ornando corpore

Tom. I  
hom.37. in  
G. I. 5.  
Gen.



internam indicat deformitatem, & hujus deliciæ illius manifestam faciunt famem, & hujus vestium sumptus illius indicat nuditatem. Impossibile enim est aliquam agere curam animæ, & tanti facere corporis pulchritudinem ac ornatum; sicut & impossibile, in externo illo cultu tantopere occupatum, illius agere curam. Ita, Chrysostomi sensu fieri non potest, ut is exteriorem cultum adeo curet, cui quidem curæ sit animus. *Ger.* Chrysostomus hæc solis mulierculis objicit. *Pol.* Ignoscat mihi tuus genius, mi Gerarde, erras luculente, etiam viros. ob hanc colendi corporis insaniam acriter reprehendit. & en verba Chrysostomi tomo quarto, homilia vigesima octava in caput XII. epistolæ ad Hebræos. Lege, lege, hæc illius verba sunt: Non enim mihi sermo ad solas mulieres dirigitur, sed etiam ad viros, omnia enim reliqua quæ habemus, supervacua sunt. Soli pauperes supervacanea & vana non possident, fortassis autem etiam ipsi ex necessitate. ceterum si liceret, neque illi prorsus abstinerent. Ita Chrysostomus ad verbum. Si quis contradicat, huic ego non aliud, quam quod supra, insurrem: Ad Chrysostomum abi, cum Chrysostomo age, Chrysostomus respondebit. *Ger.* Do manus, magis à

te victus sum quam ab Apolline  
 Marfyas. *Pol.* Ergo jam ad alia.

## CAPUT VII.

*Cultus corporis nimius, quam à ratione,  
 & prisci nostrique à vi legibus  
 alienus sit.*

**S**olebant Indi reges majorum suorum cadavera igni ficcare, deinde in palatii penetrali pretiosis funibus suspendere, auro & gemmis ornare, sic ornata servare, & pæne adorare. Ridenda superstitio, sed an nos non etiam in illa sumus, qui corpus in eadaverosam tabem brevi abiturum sic comimus, sic ornamus, sic excolimus? Num hoc cum ratione, & recte fieri dicendum? Sed hîc opportune monuerim, nullum mihi sermonem esse de habitu cuiusvis hominum ætati & ordini conveniente. Sunt certæ inter homines. (quis nescit?) distinctiones & gradus ab ætate, ab nobilitate, ab eruditione & virtute, ab officiis & dignitate, sunt & certa pro his gradibus vestium discrimina, de quibus ego hîc nihil; neque illos philosophos audio, qui omnes attrito pallio suo amiciunt, hîc solum contendo, nec omnem, nec nimium cultum corpori esse indulgendum. quod probe solo rationis ductu intellexit Saladi-



nus, ille Christianorum olim terror, qui cum Syriam, Ægyptum, & Africæ bonam partem subegisset, morti jam vicinus in cogitationem hanc serio descendit, & solam interiorem tunicam, pro omni pompa funebri, in hasta sublimem ferri iussit, cum acclamatione: *Hoc unum ex domitore Orientis restare.*

I. Obsecro te, quicumque corpori plus æquo faves, & rationi tam audacter insultas, intueri Adami purpuram, ovem habebat indutui, sed non ostro rubefactam. Non male Demonax quondam purpurato alicui insolentius sese jactanti, ad aurem immurmurans: Heus tu, inquit, hoc ante gestabat ovis. Et quoties sub tali ove ferocia lupina, pigritia asinina, vulpina astutia, superbia pavonina delitescit? Sunt in Palæstina poma Gomorrhæa, quorum intrinsecus favillaceam fuliginem, extimæ cutis ambitus elegans & formosus quidem continet, at si hæc vel levi tactu premantur, fumum exhalant, & in vagum pulverem fatiscunt. Simillimum huic pomo corpus humanum est, quod sæpe cinnama fragrans, balsama rorans, & vario compectu elegans est, sed prematur nonnihil sepulchro purpurascens hoc pomum, quid exprimetur præter pulverem, foetorem, saniem? Non immerito castigat olim Athenienses suos Græcus Cicero,

Cicero, quod cum in Philippum Macedonem eundum esset, cum aggeres muniendi, miles colligendus, exercitus instruendus, ipsi turres & moenia dealbarint. Quid nos facimus aliud? carcerem nostrum dealbamus, cum in stygium draconem juratum & æternum hostem nunquam non sit pugnandum, mille alia potius agenda sint. Num hoc rationi congruum? Refert è Seneca Augustinus, ille antistitum Antistes, apud Romanos in Capitolio idolis ex more lumina accensa, velut in tenebris agentibus, salutantium nomina pronunciata tanquam audientibus, speculum quasi videntibus ostensum, capillamenta pexa, uti sentientibus; easdem etiam illas statuas aquis lotas, strigilibus frictas, unguentis permultas, linteis extersas, velut veros homines. Quàm imitamur avide hanc impiam religionem! Idolum habemus *Corpus*: hoc lavatur, hoc ungitur, hoc comitur, hoc colitur. Vbi speculum animo, ubi lavacrum, ubi unguentum? Ah, sordescit dominus, dum servus bene nitidus incedit; herus calcatur, dum extollitur mancipium; princeps conspuitur, dum subditus adoratur; rex cruciatur, dum epulatur famulus; necatur imperator, dum triumphat gregarius miles. Et hoc prorsus contra omnem rationem. O improbum mancipium, ô

L. 6. de civit. Dei c. 10. Senec. epist. 105. post med. I. Lips. l. 2. e. lect. c. 18.



execrandum idolum! quod in suum dominique sui malum tantis impendiis exornatur, quod videri vult & conspici, quod locum ambit eminentem, quod omnibus servitiis vult coli, proximum est ut faces ei accendamus, & adoremus. An non hic & ratio & veterum exempla gravissime reclamant? *Ger.* Optime hæc quidem à ratione ducis, sed non æque ab exemplis veterum, qui ab hac sapientia longissime divertunt. & si quidem de corporis cultu sit sermo, quæ non hic portenta habuit priscum ævum?

II. Feminae fuerunt, teste Antiphane, quæ crocodili excrementis faciem polirent. hem, eruditam insaniam, & ô dignas quæ hoc vultus sui medicamen etiam glutirent. Clemens Alexandrinus jure graviter indignatur: Ter enim, inquit, non semel dignæ sunt ut pereant, quæ crocodilorum excrementis utuntur, quæ spuma sepiarum unguntur. *Popæa Domitii Neronis Imperatoris conjux* quingentas secum per omnia trahens fætas asinas, balnearum folio totum corpus illo lacte mace-  
rabat, extendi quoque cutem & vultus candorem servari credens. ajunt enim ab hoc lacte faciem erugari & tenerescere. Hæc eadem, etiam in exilium relegata, suas secum asinas trahebat. Affirmat Plinius, notum esse  
esse

L. 3.  
pedag.  
c. 2.

esse quasdam etiam è Romanis feminis, quotidie quingentas asinas custodito numero in hanc ipsam curam fovere. O scyllas & charybdes patrimoniorum, quæ per hunc unum corporis cultum profusissima luxuria sorbentur. Et quod illud monstrum, non femina, quæ, ut Vmber poeta canit,

—— incedit census induta nepotum.

Plinius visam à se ait Lolliam Paulinam Caji Principis matronam, ne serio quidem ac solenni ceremoniarum aliquo apparatu, sed medicorum etiam sponsalium coena, smaragdinis margaritisque opertam, alterno textu fulgentibus, toto capite, crinibus, spiris, auribus, collo, manibus, digitisque, quæ summa quadringenties HS colligebat: ipsam confestim paratam nuncupationem tabulis probare. Portentum & prodigium in Oceanum deportandum! una mulier, uno corporis cultu \* decies centena millia philippeorum gestet sibi circumposita? Queritur jure Seneca, &: Video, inquit, uniones non singulos singulis auribus comparatos: jam enim exercitatæ aures oneri ferendo sunt: junguntur inter se, & insuper alii binis superponuntur. non satis muliebris infania viros subjecerat, nisi bina ac terna patrimoniam auribus singulis pepēdissent. De Christianis feminis Tertullianus:

L. rr.  
C. 47.  
Nat.  
hist.

L. 28.  
C. 12.

\* 1000  
0000  
S 112

bers  
tronē/  
live,  
gwan  
sigbae

snert  
tant  
enim  
philip-  
peus,  
quod  
hic &  
alibi  
noran-  
dum.

L. 7. de  
benef.  
c. 9.

De  
hab.  
mul.



Ajunt & de frontibus draconum, inquit, gemmas erui, sicut & in piscium cerebris lapidositas quædam est. Hoc quoque deerit Christianæ, ut de serpente cultior fiat. sic calcabit diaboli caput, dum de capite ejus, cervicibus suis aut ipsi capiti ornamenta struit. Neque hic sexus immodico tantum pretio subinde, sed & nimio studio animi ergastulum adornat, & hoc anxie agit ut omnia corporis æqualiter sint ad regulam, ut incessus ad artem compositus, vestigia nihil extra mensuram aberrantia dirigat, ut caput aliquot horis ornatum decore emineat, ut denique omnia cultum præ se ferant & gratiam, velut si de arca prodirent, aut, ut Seneca loquitur, de capsula rotæ.

Epist.

115.

initio.

Gel-

lius

lib. 1.

Noct.

Artic.

cap. 5.

III. At ne solæ femine in jus ambulent, & luxum luant, etiam viri olim in hac noxa sunt. Quis nescit quam solícite nitorem & venustatem vestitus consecrati sint Demosthenes & Hortensius, quorum iste diem collegæ dixit, quod ei in loco angustiore forte obuius, togæ stru-cturam disturbaverat. Ita, mi Polychroni, veteres ne nimium laudales leges iis non malæ, sed victrix legum audacia, in colendi corporis studium certatim se effudit. Pol. Quid cum prodigiis aut larvis luctemur? quod si à prisci ævi moribus patrocini-um quæras cultui corporis, frustra

es,

es, & tuo te jaculo fauciatum videbis, iisdem tibi nominibus occurro. Constat, illum ipsum oratorem Græciæ Demosthenem propter nimis accuratum exquisitumque cultum, probris sæpe laceratum fuisse. fecit ergo quod nec illius quidem sæculi homines probabant. Hortensium item Censorum & reprehensorum voculas ob nimiam munditiem, nimisque affectatum decorem haud effugisse. si rem ævo suo dignam Hortensius fecisset, in hanc reprehensionis notam non incurrisset. Quin & ipsis feminis Romæ lex Oppia, nec veste varii coloris uti, nec auri plus semiuncia habere permittebat. Et nostro ævo an non bonæ leges, & pravi mores inter se pugnant? quàm præclaræ multarum urbium sanctiones sunt in hoc vestium luxu abolendo? Promulgantur, & non servantur, tabulæ figuntur & negliguntur. Quam serio edixit Augustissimæ memoriæ Imp. Carolus V. ne quis fraudem faceret legi seu latæ seu ferendæ circa rem vestitiariam. Edita est Augustæ Vindellicorum, anno 1548. Reformatio politiæ Imperialis, quæ ut legis dicendæ causam exponat, vestitus insolentiam his ipsis omnino verbis perstringit: *Modus autem vestium ac ornamentorum, cum in tantum luxum devenit creveritque inter dominos, equites,* *Y s nobiles,*

Cōstit.  
Impe-  
riales,  
in Re-  
form.  
Polit.  
c. 9. 10.  
11. 12.  
13. ad  
finem  
tomi.



nobiles, cives, & colonos seu agricolas, hoc pacto modoque, ut idcirco non solum privata persona, verum etiam nationes & provincia inde extenuentur, egentioresque efficiantur: videlicet cum per aurea, argentea, sericaque indumenta, per Dammasena, Attalasena, Byssina, aliosque peregrinos pannos, mitras, margaritas, uniones, qui hodie abusus ad luxum magnus est multusque in Germanica natione, ex qua traicitur atque avehitur in peregrinas & alienas regiones ingens pecuniarum copia: ut interim de livore, odio, atque invidia in diminutionem ac detrimentum Christiana dilectionis conticescamus. Quandoquidem igitur in tanta luxuria, & ut ita dicam, pretiositate & prodigalitate immodestia exuberat, sic ut inter Principem & Comitem, inter Comitem & Nobilem, inter Nobilem & Civem, inter civem & colonum sive agricolam, nullum discrimen nullaque agnoscat tur differentia. Idcirco &c. Quid aliud diceret è cathedra religiosus Ecclesiastes? Ne igitur commune malum deflere solum videatur Imperator, & inaniter queri, etiam imperat & coercet: inter cetera & hoc quod maxime mireris: Porro (verba legis sunt) Nobiles, sericas, aut carmasinas atlasinas vestes non gerant. Ergo Nobiles corio aut panno patrio abstant? ergo nefas iis veste serica aut holoserica uti? certe sic lex jubet. Sed quis legi pareti?

\* fam.  
mat.

\* serico abstineant? ergo natales suos  
corio aut panno patrio abstant? ergo  
nefas iis veste serica aut holoserica  
uti? certe sic lex jubet. Sed quis legi  
pareti?

parēt? jam etiam textores, cerdo-  
nes, sartores in totas sibi vestes ho-  
lofericum conscindunt, quod viris  
nobilibus, in fimbrias solum lex  
permittit, quæ & addit: Nobilibus  
torques aureos non nisi involutos,  
pro veteri ritu, nec ultra ducento-  
rum florenorum licere gestare, evo-  
lutos torques, & sine fascia, tantum  
equestri dignitate auctis permitti.  
Eadem lex Baronibus & Comitibus  
vestes intertextas, seu, Attalicas pe-  
nitius interdicat, & nec fimbrias qui-  
dem tales assui concedit. Tu illic re-  
liqua vide, & miraberis legibus tam  
probatis, mores tam corruptos in-  
valuisse, quamvis etiamnum maxi-  
morum virorum modestia sibi con-  
stet, & communem furorem ex-  
emplis luculentis damnet. Sed hoc  
ipsum uberius jam demonstrabi-  
mus.

## CAPUT VIII.

*In cultu corporis quanta maximorum vi-  
rorum fuerit modestia.*

**M**odestiam cultus appello eam  
virtutem, quæ decorem in cul-  
tu corporis, & alio rerum externa-  
rum apparatu servat. Alexander Rex  
Macedo, hoc etiam nomine Ma-  
gnus, & jure laudandus, quod ei cul-  
tus corporis habitusque paullulum  
à pri-

Lessius  
de Iure  
& Just.  
lib. 4.  
dub. 14  
Gurt.  
lib. 3.  
c. 10.



Suet.  
in Au-  
gust.

à privato abhorrrens fuerit. Cumque corpus à labore calidum adhuc & sudore perfusum, in Cydno amne pararet abluere, decorum quoque futurum ratus est, si ostendisset suis, levi & parabili cultu corporis se esse contentum. Augustus Imperator, vel hoc ipso nomine augustior, quo modestior in hoc cultu. Hic tantus monarcha, non verbis tantum sumptuosas illas vestium elegantias exagavit, sed & exemplis damnavit modestissimis. nam nec toro cubitavit nisi humili & modice instrato, nec temere alia quam domestica veste, ab uxore, sorore, & filia neptibusque confecta uti consuevit. Has sartrices, ditissimus hominum, Romanorum Imperatorum maximus domi aluit, & compendio admirando eandem & conjugem suam & sartricem, easdem & filias & netrices suas habuit. En, cunctorum dominus, paucas quidem sibi que junctissimas feminas occupabat: nos, aliorum servi, disjunctissimas fatigamus gentes. Equidem nobis Christianis, addo, nobis & mendicis ad Augustum collatis, turpissimum est à tanto principe moderatione in hoc superari. Neque vero alii non secuti sunt post ipsum Imperatores. Hadrianus Caesar frequenter vili tunica contentus processit in publicum, baltheo præinctus in quo nihil esset auri.

Septimius

Septimius Severus Imperator humili amictu contentus, sic factum defendit: Imperatoria Majestas virtute constat, non corporis cultu. Vespasianum etiam scimus veste & habitu neglecto fuisse, & vix à gregario milite distante. Nescio an non præcipuus adstricti moris auctor Aurelianus Imperator, qui non modo vestem holosericam in vestiario suo non habuit, sed nec alteri utendam dedit. Quid ni etiam Alexandrum Severum nominem, quem constat vestes holosericas nunquam induisse: subsericam nunquam donasse. Imo quod gemmarum ei fuit, vendidisse, aurum autem in ararium contulisse, dicto addito: Gemmas viris usui non esse. Quid Tacitum Imperatorem memorem, qui holoserica veste viris omnibus interdixit; toga qua ipse privatus fuerat usus, nonnunquam in Imperio utebatur. Verum, ne fabulas à me narrari putet, etiam nostri ævi Principes, Reges, Imperatores in cultu corporis modestissimos, paullo post tibi sistam.

I. Nec omittendum illustre Cari Imperatoris exemplū, quia nec vulgatum. Narrat hoc Synesius, sed quod ille de Carino homine ignavo per errorem affirmat, hoc ad Carum qui in Persas movit, referendum. Carus ergo Imperator, cum ad Armeniorum  
 limites



limites pervenisset, militē corpus curare iussit, & cibum ē suo commeatu capere, brevi ex hostico (simul elata manu Parthorum agros ostendebat) petendum. Dum id agit miles, ecce adsunt hostium legati, neque tamen sperant se illico ad Imperatorem admittendos; opinabantur scilicet futurum, ut primo ad procures quosdam aulicos deducerentur: deinde dierum aliquot intervallo ad ipsum belli ducem. At ille ad se recta jubet adduci. Cœnabat tum casu, cum ingressi sunt. Et vide, mi Gerarde, quæ in victu vestituque tanti Imperatoris pompa fuerit. Iacebat in herba Carus, frequens miles circumstabat, sed argento vel auro nil cultus. Vestis Carii erat punicea chlamys; cibus, vetus aliquod & nigrum pulmentarium, & in eo frustula quædam salsæ suillæ carnis. Atque ut vidit oratores illos ad se ita jacentem ingressos, nihil omnino turbatus, & illos ad se ultro vocans: Scio, inquit, quid vester hic adventus velit, hic ipse Carus est qui vobis queritur. Sed redite, & juveni vestro regi renunciate, nisi resipiscat, futurum, ut intra unam Lunam omnis illius ager, tam glaber sit & nudus, quam hoc meum caput, & simul cum dicto pileum sustulit, & caput tam glabrum ostendit quam galea ejus fuit, quæ adiacebat. Vos vero manum in ollam

mittite, & mecum pultem haurite, si quidem appetitis: sin minus, statim abite, & extra Romana castra este, tanquam legatione omni jam defuncti. Ita me Deus amet, ista virum olent, imo heroem, qui in comitatu suo, qui in victu, qui in omni vita quam minimum voluit esse tragoediae & pompæ.

II. Neque Græcia viris caruit, qui cultum in animo, non in corpore posuerunt. Agesilaus dignus rex <sup>Iust. Lips. lib. 2. Monit. Politi. c. 15.</sup> Sparta, senex jam in Ægyptum Regi Tacho suppetias ivit, & cum navi vehens propinquaret, ingens Ægyptiorum turba in portum se effudit, ad celebrem illum ducem spectandum. Præceperant animo, majestatis plenum virum, veste, comitatu, ipso corpore spectabilem. At ille prodiit vili & defloccato palliolo, gregalibus suis non multum aspectu cultuque absimilis. Non impar huic Philopæmenes, Achæorum præstantissimus dux, de quo non sine lepore Plutarchus hæc narrat. Megaram ivit hic Philopæmen ad quemdam suorum familiarium, cui se vespere affuturum convivam prænunciari iussit. Civis ille Megarensis lætus ob talem hospitem, curam uxori mandat ut quâ celerrime domi paret, verrat, sternat, nec quicquam eorum omitat quæ tanto hospiti cōveniant: ipse in forum officiosus properat ut obsonet.



sonet. Dum abest & rerum suarum fatagit, adest Philopæmenes obsole-  
ta amictus chlamydula, & comiti-  
bus post se relictis, hospitam inquie-  
tam salutatur; illa resalutat, sed ut e-  
rat curarum plena, virum non agno-  
scit, sed de cultu ejus & corpore u-  
num aliquem ex ministris & ante-  
cursorem suspicata: Heus tu, inquit,  
manum admove, & adjuta, festina-  
mus. en, paratum tibi laborem, quæ-  
so te, hæc mihi ligna finde, & una  
porrigit securim. neque ille moratur;  
chlamydem abjicit, & ut rogatus  
seu jussus, ligna scindit impiger. Su-  
pervenit interea ille de foro, & atto-  
nitus exclamat: Quid hoc rei est,  
Philopæmen, ita te & me dedecoras?  
Subridens ille: Pœnas, ait, do cultus  
& vultus mei, adeo non indignatus  
est se pro servo habitum, ut ultro in  
se sit jocatus.

Quam nos, ad hunc virum delica-  
ti sumus? ubi vel suspicio est no-  
stram dignitatem lædi, mox ira &  
impotens sui animus se prodit, su-  
perbire scimus exacte, quid sui de-  
spicientia sit, plane nescimus. Au-  
ctoritate florere volumus inviolabi-  
li: nemo nos tangat, honoris vel mi-  
nimi derogationem non ferimus si-  
ne stomachi noxa. Verbo, belli ho-  
mines sumus, & præterea nihil. Sed  
Cari & Philopæmenis modestiæ co-  
mites damus.

III. Quinq; & quadraginta magistratus gessit Phocion, ille Atheniensium clarissimus, sed quo sit vestis genere interim usus, calceandi ratio in eo demonstrat. Nam, inter urbanos in proverbium cessit, ut cum immensum frigus & intolerabile significare vellent, Phocion, dicerent, calceatus est. Omitto hîc Synopæum Diogenem Cynicæ disciplinæ affectatorem, qui pallio vixit unico contentus, tanto rigidior Antisthene, qui ejus sectæ princeps, pallium duplicavit. Reipsa hi tales viri docuerunt, etiam in hoc vestitus genere verissimum esse illud: Natura paucis contenta.

Portius Cato (ut Romana Græcis misceamus) qui à nobilissima censura quam gessit, Censorii cognomen tulit, nunquam toga usus est pluris quam \* drachmis centum empta: \* Sunt tatum  
Apu  
Apud nos mediastini & atrienses famuli lautius vestiuntur. Nec Catone 13. floreni, &  
sumptuosior esse voluit Thebanus 10. sextertii.  
dux Epaminondas tot victoriis clarus, qui tam exactæ fuit continentia, ut unica veste contentus ætatem 10. sextertii.  
fuerit, & si quando vetustate detritam refarcire opus foret, domi seclusum continere cogebatur, dum facta vestis rediret. Huic tam rerum inopi, quam fortitudinis & prudentiæ diviti, cum rex Persarum magnam vim auri dono misisset, modeste  
lib. 5. var. histor. cap. 5.



repudiavit. In qua quidem munerum abſtinentia, ut mea fert opinio, celſiore animo fuit is qui tantum auri potuit non accipere, quam qui potuit offerre. Epaminonda & Catone ditior eſſe noluit Ageſilaus, ſextus Lacedæmoniorum rex, qui ſub eadem veſte & æſtivos calores, & brumæ frigus pertulit. Porro Dionyſius Siculorum tyrannus, cetera illaudatiſſimus, hoc uno tamen in præconii partem venit, quod cum ſicarios aut depeculatores gravibus ſuppliciis afficeret, iis tamen, qui ſplendidarum veſtium aut ornamentorum fures eſſent, iram donare difficilis non eſſet, quo ſcilicet facilius Syracuſani laſcivam habitus elegantiam dedicerent.

Ergo jam ſatis liquet, priſco etiam ævo exquiſitum corporis cultum veſtiumq; luxum, & exemplis præclariſſimis, & honeſtiſſimis legibus damnatum fuiſſe. Neque tibi, Gerarde, amplius integrum negare, quod  
 Lib. 3. de Conſtit. veſtium curioſitas, ut Bernardus loquitur, & morum iudicium ſit, & mentium deformitas.

IV. Priſcorum in habitu modeſtiam, etiam noſtri ævi magnates ſanxerunt. Benedictus XI. ſummus Pontifex, humili loco natus, cum ad hoc dignitatis faſtigium evectus eſſet, non erubuit ſuæ paupertatis rudimenta. Mater illius, dum is inter monachos

Alber. Crant.  
 lib. 8.  
 metr.  
 c. 48.

nachos ageret, pannos lavit. Hanc, creatus jam Pontifex ad se venire iussit. Venit illa sed pane alia quam ante fuerat. Matronæ illam, ut Pontificis matrem, summis honoribus extulerunt, & vestibus in diversam à priori feminam mutarunt, decere hoc ratæ, pro magnificentia summi principatus in filio. Ita in conspectum filii producta est. Pontifex, ubi eam aspexit, agnoscere dissimulans: Quid, inquit, facitis errando? meam mihi matrem adducite; hanc ego dominam non novi. mea mater lotrix est, cum hac colloquar: ite. Obruebantur pudore, qui honoris causa matrem deduxerant. Detra-cto igitur omni mundo muliebri, pannuciam illi suam reddidere, ac denuo reduxerunt. Tum eam amplexatus Pontifex: In hoc, inquit, vestium apparatu matrem meam reliqui, sic jam novi, sic recipio. O tempora, & ò mores, novos quidem sed malos! ab antiquis illis moribus quantum mutatum est? Quis jam è ditioribus illis non ruborem ducit, ad occursum pauperum parentum aut cognatorum? ita tenuitatis nostræ primordia erubescimus, vestes & numos humanius salutamus quam cognatum sanguinem. Hos mores gravi censura notans beatus <sup>Iacob.</sup> Iacobus: Etenim, inquit, si introierit <sup>C. 2.</sup> <sup>v. 2.</sup> in conventum vestrum, vir aureum

Z 2      anulum



anulum habens, in veste candida, introierit autem & pauper in fordido habitu, & intendatis eum qui indutus est veste præclara, & dixeritis ei: Tu sede hîc bene: pauperi autem dicatis: Tu sta illic, aut sede sub scabbello pedum meorum: nonne iudicatis apud vosmetipsos, & facti estis iudices cogitationum iniquarum?

Anno 1277. V. Post Pontifices, Imperatores & Reges maximi, majus sibi decus pararunt aspernando cultum corporis quam usurpando. Rudolphus I. Austriacus, Imperator, in vestitu adeo moderatus fuit, ut à plebejo nihil differret. & accidit, ut Moguntiaci quodam mane solus egressus pistoris domum ingrederetur, & se ad prunas furno ejectas conferret, tremulas manus (aura frigidior erat) calefacturus. Hic à pistoris uxore, cum pro milite haberetur, non tantum audaces calumnias in Imperatorem jactas audivit, sed tandem etiam vase aquario in prunas conjecto, vapore, fumo, cinere perfusus, domo ejectus est, nec re minima ultus est. O vere virum, qui adeo omnem corporis splendorem contempnit, ut ob illum etiam contemni non indignaretur! *Ger.* Sed iste cultus ejus privatim fuit, non dubitem quin publice plus ostenderit Imperatorii splendoris. *Pol.* Prorsus imperite

rite judicas, parce dicto. Nec in publico quidem ornatior fuit Rudolfus. Quis dies latior, & aptior pompæ, quam cum victum Ottocarum, Bohemiæ regem, ad se vocatum, excepturus erat, & fidem ab eo (homagium vocant) accepturus? Rex Ottocarus cum magno & splendido comitatu veniebat: viri & equi, auro, gemmis, serico nitebāt. Dictum Rudolfo, talem, & taliter adventare, & sedulo à quibusdam additum: Pararet se, veste & cultu ornatiore, tantum Regem admissurus. Rudolfus renidens: Imo rex Bohemiæ, inquit, \*griseam meam vestem sæpe derisit, nunc ipsum vestis mea grisea deridebit. At vos arma & equos expedite, & accincti instructique, ut ad pugnam, stete. Decus Teutonicorum armorum, non vestium, advenis illis ostendite: hoc me vobisque dignum est. Ottocarus certe illi vili cultui se & aurum suum submisit, & ad genua supplex accessit; Imperatorem nimirum, non vestem veneratus est.

Carolus Quintus Imperator Augustissimus, ut sanguinem ab eo, sic & hanc virtutem traxit, in omni vita temperans, maxime vero in cultu. Vestium adeo fuit incuriosus, ut non temere alia quam amiculo laneo plebeioque uteretur. Ostendit hoc in primo & solenni ingressu Mediolanum. Nam cum viæ omnes au-



latis, tabulis, frondibus superbirent, cives vero vestibus quam cultissimi cum aurea umbella obvii venirent, ille & Imperator, & non semel Rex ac Princeps, in lanea & nigra penula, vilique pileolo sub aureum illud cælum se dedit. Videbant illum & tamen querebant quem videbant, passim audisses interrogari: Istene Carolus, iste Imperator est? cultu tam modicus? Vana plebs vestes auro illulas, & fulgentes in vestibus gemmas expectabat.

Macti virtute Imperatores! magni fuistis, quo minus corporis cultu magni esse voluistis.

V I. Secundum hunc, Carolus Alberti Neapolitani Regis parens, tam eminuit hac modestia, ut præter restrictam, & subductam vilem tunicam, tegumentum aliud non admisit. Ludovicus II. Rex Gallorum, gloria regnoque, in primis liberalitate, quantum ullus superiorum regum, ingens, victoriis etiam clarus, lana aut bombyce induebatur, cum alii Reges serico & auro radiarent. Denique Ludovicus XI. Galliarum, Matthias Pannoniarum, & Alphonsus Neapolis ac Siciliarum Reges, nihilo fuere à vulgo elegantiores hoc corporis mundo. Et Alphonsus quidem notatus à quopiam, quod parum regie vestitus esset, respondit: Malle se moribus & auctoritate regem videri,

deri, quam diademate & purpura. Vox magnifica & Rege digna. Fuitque hoc magnorum aliquot principum laus, plebi virtute eminere, cultu consentire.

Sed quam dispares ab his, Imperatores Græcanici, quos luxus & deliciæ ad cultum vix virilem traduxerunt. quod Nicetas Choniates narrat de Alexio Angelo Byzantino principe. Hic cum inaudiisset ab Henrico V. Imperatore legatos ad se mitti, suos omnes quam ornatissimos, auratos & gemmatos adesse imperavit, ipse à capite ad calcem nil nisi splendor & nitor fuit, rarum vel in templo aliquo spectaculum, quo legatorum oculos præstringendos putavit. Germani vero ut venerunt, Germanos se ostenderunt, hoc est, viros, & tantum abfuit, ut hoc aspectu in metum adducerentur, ut etiam ad prædæ cupidinem incitarentur, nihilq; jam magis vellent, quam cum effeminatis istis quam primum manus conferere. Accedentes interim Græculi, cubitis eos tangebant, & loquente digito hortabantur: viderent gemmeam Imperatoris vestem, qua ille ut floridum pratum varie nitebat. At Germani luculente probarunt se his spectaculis minime terreri: tempus esse, ut Græci his sepositis aurum commutent ferro. nam si legatio sit irrita, Græciæ

Lips.  
lib. 2.  
Monit.  
Polit.  
c. 15.



pugnandum non cum pavonibus, sed cum viris vere Martiis & infracti animi. Hæc Germani ad Græcos jam tum verbis territos. quid si ad rem ventum fuisset? & fuisset, nisi mors Henrici Imperatoris subsecuta, consilia ista turbasset. Hæc majorem partem doctissimi Lipsii verbis percernere volui, qui aurum & gemmas non digna satis ornamenta magno principe agnoscit. Et præcesserunt ævo superiore, magni fastigii exempla, quæ doceant, ut dixi, virtute plebem vincere, non veste. Narravit mihi vir fide dignus, inventas alicubi in vetusta charta subductas rationes: in his inter expensa cetera, & istud studiose annotatum: Item, Cæsaris thoraci reficiendo 6 cruciferi expensi. O Deus! hæc priscam frugalitatem sapiunt, hæc illa tantorum principum adoranda modestia: hæc longe plus suspiciēda posteris, quam si legant: Pro pallio nuptiali expensa tria millia philippeorum, pro cristis & pilei ornamento mille floreni, pro thorace & caligis mille ducenti aurei, pro cetero mundo corporis octingenti philippeii, præter uniones & gemmas sparsim additas. Et hæc erubescendi luxus egregia sunt specimina: mirabuntur posterius lecturi talia; & ad audenda majora animabuntur. Hæc forsan admirationi sint apud imperitos, laudi nunquam erunt

runt apud prudentiores. Et sane quisquis seruo laudari vult, non à veste, aut corporis cultu, sed aliunde laudem colligat, quod illustri facto, priusquam caput hoc finiat, ob oculos ponam.

VII. Elegans cum primis & scitu dignum est, quod Ioannes Damascenus vir miræ sanctitatis & eruditio-<sup>Histor. Ios. & Barl. cap. 6.</sup> nis, in hunc fere sensum commemorat. Iter faciebat Rex Magnus, numerosa satellitum manu stipatus. In via viri duo sordente & lacero habitu, ora macie confecti, exangues & pallidi obvios se tulerunt. Non ignorabat rex à corporis voluntaria afflictatione & laboribus, Dei causa toleratis, hunc oris pallorem contractum. Ut igitur eos cominus vidit, è curru defiliens, & prono in terram corpore illos veneratus, mox humanissime complexus salutavit. Iniquis oculis id tulerunt aulæ proceres, alienum hoc rati à regio fastigio. Ita germanum regis subornarunt, moneret fratrem, ne diadematis maiestatem ad infimorum hominum pedes deprimeret. Hæc à fratre monitus rex, verbis ambiguis & obscuris respondit. Mos autem illic locorum erat, ut si quis capite damnandus, mortis præco tubicen ante illius fores canere juberetur. Rex igitur sub vesperem ad fratris ædes lethalem hanc tubam, velut extremi supplicii



nunciam misit. Audiit regis frater, & cohorrui ad fatale hoc classicum. Proximo mane atratus & lacrimis perfusus, cum omni familia ad fores palatii adest. Rex ad se accitum asperius affatus: O demens, inquit, si fratris, cum quo idem tibi sanguis, & honor pæne par, præconem sic exhorruisti, quamvis nullius tibi criminis conscius, ecur mihi vitio vertebas, quod supremi regis summiq; iudicis olim affuturi præcones, ego non unius sceleris reus, nuper submissus salutarim? Tuæ ergo dementiæ castigandæ hoc factum: in posterum non è facie, non è veste iudicabis hominem: sed & illi faxo errorem suum intelligant, qui hanc tibi mentem injecerunt, nunc salvus abi. Fratre sic correcto, quatuor arcas ligneas fieri iussit, quarum duas auro vestiri, sed cadaverum ossibus referciri; duas alias pice & bitumine oblini, sed selectis unionibus & unguentis impleri præcepit, atque has ita compactas proceribus suis, intempestivis illis monitoribus proposuit, ut suam utrique æstimationem facerent. Illi duabus auro inductis pretium ingens imposuerunt, ut quæ indubie coronam & ornamenta regia continerent, iis vero quas bitumen obduxerat, pretium leve fecerunt. Quibus Rex: O boni, inquit, erratis largissime; nec me fugiebat hanc à vobis

vobis censionem statuendam. mox arcas omnes aperiri iussit. Et en, ait, stultitiæ vestræ præsens argumentum: oculis nimium credidistis, & hinc viros his diebus mihi obvios, ab exteriori habitu imperitissime iudicastis. Sed ite jam, non sic feretis impune tam impudentis iudicii errorem.

Sapienter prorsus rex ista. Quem Macrob. lib. I. Satur. c. II. admodum enim stultus est qui, empturus equum, non ipsum inspicit, sed stratum ejus & frenum: sic errat qui hominem ex veste aut conditione, quæ modo vestis nobis circumdata est, æstimandum putat. Hoc non philosophia tantum arguit, sed ratio, & Senecam testem adjungo: Equum empturus, inquit, solvi jubes stratum; detrahis vestimenta venalibus, ne quæ vitia corporis lateant: hominem involutum æstimas? Mangones, quicquid est quod displiceat, aliquo lenocinio abscondunt. Itaque ementibus ornamenta ipsa suspecta sunt: sive crus alligatum, sive brachium aspiceres, nudari juberet & ipsum tibi corpus ostendi. Vides illum Scythiæ Sarmatiæve regem, insigni capitis decorum? si vis illum æstimare, totumque scire qualis sit, fasciam solve: multum mali sub illa latet. quid de aliis loquor? si perpendere te voles, sepone pecuniam, domum, dignitatem: intus te ipse

Ep. 36.  
huc.



Ma-  
dau-  
rens.  
de  
Deo  
Socr.

ipse considera. Nunc qualis sis, aliis credis. Imo, mi Seneca, vestibus & nostris & alienis credimus, & tunc demum nos, aut alios, quasi mag-nos suspicimus, cum laute vestitos cernimus. Absurde fallimur; & hoc est in emendis equis phaleras considerare, & balthei polimina in-spicere, & ornatissimæ cervicis divi-tias contemplari. Quoties sub sordi-do palliolo culta latet sapientia? quoties in vagina aurea plumbeus absconditur gladius? sed progredi-mur.

## CAPVT IX.

*Cultum corporis, Sanctissimi homines  
quam & oderint, & fu-  
gerint.*

Natura, omnium parens & opi-fex solertissima, abunde satis do-cuit hominem, si unum id animal nō seipsum oblivisceretur, quam non o-peroso sit opus velamento ad tegan-dum corpus. Nisi quis hanc vocare malit novercam (quod nefas dicere) ut quæ ceteris animantibus varie te-gumenta tribuerit, testas, cortices, coria, spinas, villos, setas, pilos, plu-mam, pennas, squamas, vellera: trun-cos etiam arboresque cortice, inter-dum gemino, à frigoribus & calore tutata sit; solum hominem nudum, & in

& in nuda humo natali die ad vagitus statim & ploratum abjecerit. At qui sapientissime hoc egit natura, velut solerter providens, non diu placitum homini quicquid demum tegminis ei assignasset Itaque nudam statuit hominem, docuit tamen quo fine, quibus legibus vestes sibi aptaret ipse, nimirum ut ex tegerent & velarent, aerisque injurias defenderent. At homo legibus naturæ procul relictis, eo processit, ut per furorem & insaniam, non jam vestitum qui tegat, sed qui oneret & torqueat humana corpora, inter ignotas feras, inter peregrinos vermes & maris beluas, tam stulte quam laboriose quærat.

Protoplastorum hominum prima vestis, è fici folia fuerunt, huic crudæ pelles succedere. Nec multo cultius vixit Ioannes Zachariæ filius, Iordanis accola, camelorum setis amictus, scortea zona cinctus. Christo, Regi summo, Mariæ Virginis filio, vestes quidem mundæ fuerunt & honestæ, sed, uti Isidorus Pelusiota Lib. 2. loquitur, quibus usi sunt pauperes in epist. Galilæa. Si harum pretium spectassent Pilati milites, Christum iis amictum crucifigere potuissent, tam non fuerunt pretiosæ. Sed altius hic æternæ providentiæ consilium, quæ in nostros usque annos servari voluit vestem illam, quæ arte ineffabili con-



texta verius quam facta, cuius magnum in opificio miraculum, majus in usu, neque enim perpetuo vestitu attrita, neque minus habilis, sed ad corporis modulum augeſcebat: digniſſima prorsus, quę vaticiniis multo ante laudaretur, & in Calvaria rupe in sortem abiret, ne ſcinderetur. Sed enim, hanc in cultu ſobrietatem, quam admirando ſpectaculo docuit Chriſtus in cruce nudus, in præſepi linteolis obvolutus? Invenietis, inquit Angelus, infantem pannis involutum, & poſitum in præſepio. Iam tum divinus infans vel mutus concionabatur, & mortalium in vestitu vaniſſimas curas damnabat, ſed ea exhortationis dulcedine, ut delicatos illos jure pudeat non perſuaderi. Et en ſuaviſſimus puer noſtrum nobis luxum non exprobat, nec amarulentis verbis faſtum noſtrum ut intolerabilem perſtringit; hoc unum agit, ut oſtendat pompam noſtram ſibi non placere.

Luc.  
cap. 2.  
v. 12.

Quid ſervuli cunctamur, has Domini veſtes minime pretioſas, hunc regis habitum modeſtiſſimum æmulari? Clamant in ſtramineis cunis viles pannuli, clamat in cruenta cruce nuda & extrema paupertas, heu nimis potenter invitamur ad veſtitum modeſtiorẽ. Sed confer mihi obſecro, Gerarde, has Chriſti faſciolas & inelaboratas telas cum  
veſtium

vestium nostrarum lascivo & subinde monstroso ambitu. Rem miram audi, & plane monstrum pretiosæ elegantix. Fuit anno à pariente Virgine, millesimo quingentesimo decimo octavo, Princeps sacri ordinis (nomen prætereo) qui talarem tunicam habuit, suffultam pellibus, quas pellio è \* carduelium seu a- \* <sup>Aug</sup> canthidum capitellis, opere prorsus incredibili, confecit. Hem, <sup>Stis</sup> <sup>gellist</sup> <sup>Rops</sup> <sup>Ren.</sup> quot centuriis, quot millibus avicularum, ad unam hanc togam convolandum erat? nimirum ut unicuique homo ad raram venustatem vestiretur, tot avium turmæ, suis vestibus erant spoliandæ. Adeo multum apud nos possunt Christi exempla & monita? Verissime dixit Bernardus: <sup>Serm.</sup> <sup>in Na-</sup> <sup>tali</sup> <sup>Dom.</sup> In signum positi sunt panni tui, Domine *Iesu*, sed in signum cui à multis usque hodie contradicatur. Sed nos ad lineam.

I. Nota lex Christi, quam discipulis tulerat, singuli singulas haberent vestes, non arcas vestiarias secum traherent, è quibus modo has, modo illas indutui sumerent. Iacobus Alphæi filius, qui ob faciem similitudinis indiscrete, Christi frater dictus, è matris utero sanctus, sanctior dein Christi disciplina factus, nunquam balneo usus, nec unguento unctus, nunquam attonsus, qui esu carnium penitus abstinuit, vinum & sice-



Hom.  
5. in  
cap. 1.  
Matth.

ram non bibit, de quo Chryso-  
stomus : Ajunt, inquit, genua ejus ob-  
duruisse callo, tantamque in eo car-  
nis incuriam fuisse, ut adhuc viven-  
tis omnia fere membra morerentur,  
atque orationis assiduitate, jugique  
ad pavementum corporis prostratio-  
ne, frontem quoque ejus callo simi-  
liter (*quod inauditum*) obductam, ut  
nihil fere à cameli genibus, si duri-  
tiem spectes, discreparet. hic sanctis-  
simus vir, non laneis vestibus, sed a-  
miculo lineo usus est, tam membris  
suis quam membrorum tegumen-  
tis pie iratus. Petrus, ille Apostolo-  
rum princeps & Ecclesiæ caput, ille  
primus à Domino Pontifex, nihil  
amplius tegumenti habuisse credi-  
tur, præter tunicam & pallium, nihil  
aliud calceamenti, præter caligas. Il-  
lud Clementis liber, hoc Apostolo-  
rum Actus testantur. Rideant hanc  
tenuitatem, qui ignorant Ecclesiam  
ab ipso fundatam, olim in pauper-  
tate gloriantem, postquam cumu-  
lari divitiis cœperit, virtutibus de-  
crevisse. Nemo divitum nunc ægro-  
tos verbo sanat, tunc autem seminu-  
di Pontifices etiam mortuos revivif-  
cere jusserunt. Nec alios Domini  
discipulos delicato aut eleganti seri-  
co vestitos crediderim. Nec multum  
ab his diversus Aurelius Augusti-  
nus, gemma Præsulum, qui vestitu  
calceatuque indiscreto vixit, cum iis,  
quibus

quibus sanctitate, scientia, dignitate longissime antistabat. Si quis ei vestem excultiozem obtulisset dono, acceptam venum jubebat dari, ut pecuniam inde exactam cum aliis communicaret, quandoquidem vestis ipsa communis esse non posset. itaque Clericis suis officio præstitit, habitu par fuit. Facile est ei vestium pompam spernere, qui purpuram immortalitatis ambit.

Paulus, qui primus eremum habitavit pietatis studio, non laneam, non scorteam, non lineam habuit vestem, sed quam inculta solitudo suppeditare poterat, è palmæ foliis contextam, illustri exemplo humanæ luxuriæ à natura repudiata, quando ipsa tam modicis contenta est. Antonius abbas, qui Paulum ope leonum velut vespilonum terræ reddidit, defuncti pallium adeo in deliciis habuit, ut illud festis duntaxat diebus indueret, tam memorabili exemplo quam Hieronymi optatum clarum, qui maluisset in vilibus exuviis Pauli quam in regum ostro conspici. Nam: Si mihi Dominus, inquit, optionem daret, multo magis eligerem tunicam Pauli cum suis meritis, quam regum purpuram cum regnis suis. Porro Timotheum anachoretam non folia, sed capilli texerunt, adeoque humanam ei speciem ademerunt, ut à Paphnutio in solitudine



tudine repertus, immanis fera primo aspectu, non homo sit creditus, vox inde hominem aperuit, quem cultus efferatior involvit. Felix Timothee, cui sua vestis in capite nata est. Haud multum absimilis huic Onuphrius, & ipse eremi incola, qui consumpta veste, quæ illi unica fuit, foliis se texit. Satis indutus est, qui sic cum Christo nudus est. Animam Onuphrii ab Angelis, aspectabili obsequio fideribus illatam tradunt. Quis nostrum rudiores pannos aspernetur, cum nudi etiam ab Angelis honorentur? Hilarionem taceo, totque alios viros sanctos, qui generosissimum, quo fervebant, spiritum sacco velabant. Patientissimus Iobus hoc exemplo illustris: Saccum, inquit, consui super cutem meam. Non minus aspera fuit interior lorica illius Hebræi Regis, qui: Ego autem, inquit, cum mihi molesti essent, induabar cilicio. Quo etiam ut veste usus: Et posui, ait, vestimentum meum cilicium. Sed hæc aliquanto vetustiora, nec recentioribus & notis destituimur. Franciscus Assisias rigida paupertatis cultor studiosissimus, non in eremo vasta, ut illi, sed medio in luxu, crassi nativique panni tunicam nudo induxit corpori, inductam fune compressit, nudis pedibus ligneas subiecit soleas, ut quantum liceret, animum à corporis

Iob. c.  
16. v.  
26.

Psa. 34  
v. 13.

Psa. 68  
v. 12.

poris contagione seduceret, & cælestibus donaret. Omitto innumeros Francisci cum virtute æmulatores.

II. Norbertus tam sanctitate <sup>Zach. Lippe.</sup> quam submissione singulari clarus, <sup>to 6.</sup> dictus jam Magdeburgensis Pontifex, <sup>Iunii.</sup>

quia aspernabili togula & exalceatus incessit, à janitore velut mendicus repulsus est. Clarevallensis Abbas Bernardus, tenui etiam & despicatiore tunica est usus, ceterum minime sordida, cujus illud scite dictum. Vestem sordibus obsoletam, socordix testem esse. Ad tantorum virorum tã eximiam in habitu modestiam, an non ruborem ducant, quibus parum est, si vestis munda sit, nisi sit & nitida? Hic veniam & pacem præfari oportet, neque vero aliena vineta cedere, aut cuiquam importunius insultare, mihi mens est, sed monere solum, idque succincta modestia. Scio, admoneri bonus <sup>Seneca.</sup> gaudet: pessimus quisque correptionem <sup>l. 3. de ira c.</sup> asperissime patitur. Reperias <sup>37.</sup>

forſan; Gerarde, nostro hoc ævo viros sacros & ecclesiasticos, homines religiosos & Deo devotos, Antistites & sacris titulis insignes, qui magistri morum audire velint, qui Christi paupertatem & Euangelium verbis amplissime doceant, sed exemplis pæne contrariis confutent, quibus panniculi Christi & stramineæ cunæ sordent, qui legum sua-



rum obliti, paullatim in profanos cultus degenerant, qui comam accuratius struere, barbam cura & arte pectere, collari leges suas dicere, indumentum aut colore non congruum, aut filo nimis pretiosum, aut forma parum religiosum, aut opere ultra quam decet, sumptuosum gestare solent, qui nitorem à templis & aris in corporis cultum, aut men-sarum apparatus, aut equorū phaleras transferre religioni non habent: qui mappas à coenis suis repudiarent, quas Dominico corpori sub-  
sterni nimis modeste ferunt, qui numos in pauperes erogandos, in pompam effundunt, varia sed mala liberalitate. Ego hīc quidem digitum labellis impono, sed clamat pro me Bernardus: audite sanctissimi viri

Apol.  
ad Gui-  
helm.  
abb.

justas querelas: Nobis autem, inquit, est pro victu satietas, nec vestitum appetimus sed ornatum. quaeritur ad induendum, non quod utilius, sed quod subtilius invenitur, non quod repellat frigus, sed quod superbire compellat: non denique (juxta regulam) quod vilius comparari potest, sed quod venustius, imo vanius ostentari. Et paucis interjectis: Ecce enim habitus noster (quod & dolens dico) qui humilitatis esse solebat insigne, à monachis temporis nostri, in signum gestatur superbiae. Vix jam in nostris provinciis inve-

invenimus quo vestiri dignemur. Subjicit: Vanum cor vanitatis notam ingerit corpori, & exterior superfluitas interioris vanitatis indicium est.

*Indumenta molliora & animi molli-* Monast.  
Tro-  
chaic.  
Bern.  
epist. 4<sup>a</sup>  
*tiem indicant.*

III. Hic cum Bernardo non immerito quis quærat: Vbi senatus principis Christi per urbem Hierosolymorum asina vehentis? Vbi sanctissimi Ioannis Baptistæ hirsuta tunica à camelo mutua? ubi saccus Hilarionis, ubi melota Serapionis ubi cilicium Benedicti? Laudamus veteres, & nostris utimur annis. Ex ejusdem divi Bernardi epistola unica, quam ad Henricum Senonensem Archiepiscopum dedit, quid verat paucula delibare, ubi de sacerdotum officio: Honorificabitis autem, inquit, ministerium vestrum, non cultu vestium; non equorum fastu, non amplis ædificiis, sed ornatis moribus, studiis spiritualibus, operibus bonis. Quam multi aliter? Cernitur in nonnullis sacerdotibus, vestium cultus plurimus, virtutum aut nullus, aut exiguus. Vide cum vacat, Gerarde, quæ sequantur. Illis addit: Verum tu sacerdos Dei altissimi, cui ex his placere gestis, mundo an Deo? Si mundo, cur sacerdos? si Deo, cur qualis populus, talis & sacerdos? Nam si placere vis mundo, quid tibi



prodest sacerdotium? nec enim potes duobus dominis servire, qui autem vult amicus esse hujus mundi, inimicus Dei constituitur, &c. Sed etsi ego fileo, clamatur tamen in Ecclesia, Non in veste pretiosa. Nunquid etsi ego non loquor, sua cuique non loquitur conscientia? quid si alius audacior me, illud gentilitium ingerat: Dicite Pontifices, non quidem in sancto, sed freno quid facit aurum? quam tolerabilius cernitur in sancto, quam in freno! Hoc me etiam tacente, etsi non curia regum, tamen penuria pauperum clamat: Sileat licet fama, sed non fames; clamant nudi, clamant famelici, &c. Nostrum est quod effunditis, nobis crudeliter subtrahitur, quod inaniter expenditis, nostris necessitatibus detrahitur, quicquid accedit vanitatibus vestris. Duo denique mala de una prodeunt radice cupiditatis, dū & vos vanitando (*ignoscamus hanc vocem. Bernardo.*) peritis, & nos spoliando perimitis. Plura addit Bernardus, & æque seria, & crede mihi, non sunt e pelvi hæc tonitrua. Vera hæc

Anno

1359.

Nan-

cler.

volum.

3. gene-

rat 46.

Serari-

us hist.

Mogūr.

i. i.

\* Qui

esse, satis loquuntur oculi; improbanda esse, abunde testantur sacri codices. Hi tantum? etiam monita priorum. Carolus IV. Imperator, cum Moguntia ageret, forte in colloquium venit cum Archiepiscopo Gerlaco. Una tum aderant, hono-

iis

\* Qui Elector 25. Archiepiscopus 42. Episcopus 82.

ris caussa, aliquot è Canonicorum numero. Hic Imperator paullo attentius circumspiciens, observavit unum aliquem profanæ elegantix hominem, cujus pileus maxime, auro & gemmis nitebat. Dicebaturis Cuno ab (sed familiæ, quia notæ, parco) hunc Imperator humaniter accedens pileum ei, velut per facetias blanda manu detrahit è capite, & suo imposuit. & quæ comitas ejus erat: Mi domine inquit, dic obsecro, quis tibi nunc videor, sacerdoti an militi similior? Et ad Moguntinum Pontificem conversus Domine Archiepiscopo, inquit, tempus & necessitas flagitat, ut disciplina Cleri corrigatur, & hi vestium abusus tollantur. Parere nolunt? nec sacerdotiis fruantur. O Carole, Imperator Magne, ô veniant dies qui corrigant mores, qui tollant vestium abusiones, qui faciem meliorem restituant orbi!

I V. *Ger.* Liceat hîc paucula. Ergo nitelam omnem à veste proscribis, ergo nefas ornari? Et an non vestium mundities curanda? *Pol.* Non ego ornatum omnem accuso, lasciviam accuso. Eo jam ventû, ut munditiem sola pompa æstimemus, & vestis non vestis sit, nisi pretiosa. In corporis cultu plerunque non sordes fugimus, sed aularum delicias.



cias adumbramus, nec tam vestiti volumus quam ornari; non calorem in habitu, sed colorem quarimus.

Epist. Divi Hieronymi monitum est: Elegantias & sordes pari modo fugiendas, quia alterum delicias, alterum gloriam redolet. Nescis illud Augustini? Etiam in ipsis sordibus luctuosus posse esse iactantiam, & eo periculosiorem, quo sub nomine servitutis Dei decipit. Hoc nomine non immerito reprehensus Antisthenes, qui cum depexum & pertusum palliolum spectatoribus vanius iactasset; Aspicio, ajebat Socrates, per pallii scissuram, animi tui vanitatem, quin desinis teipsū ostentare? Idem Diogeni fuit animus, hic cum Olympiā venisset, adolescentes quosdam Rhodios illic conspicatus, cum risu: Hoc nihil est, inquit, nisi fastus. Rursus cum in Lacedæmonios incidisset, vilibus tuniculis ac sordidis opertos: En, inquit, alius fastus, tam enim Spartani squalore, quam Rhodii ornatu sese iactabant: illi se iusto plus colebant, isti se iusto plus negligebant. Nec affectata sordes, nec exquisita deliciae laudem pariunt. pulcherrimum est, nec turpia velle, nec nimia. Itaque non culpaverim quod pulchrum, aut decenter ornatum, sed quod inane, quod redundans, quod fastum, mollitiem, delicias, luxum, lasciviam, pompam

præ se fert, hoc vitupero, & mecum  
sentit Bilbicus vates:

Mart.  
l. 2. e.  
pigr. in  
Panni-  
cum.  
ep. 29.

*Pectere te nolim, sed ne turbare ca-  
pillis;*

*Splendida sit nolo, sordida nolo cutis.*

An nescitur medium à beatis tene-  
ri, virtutem in medio, & modum in  
rebus esse? Sed & hoc addo: Memi-  
nisse me apud Hieronymum legere: Epist.  
ad Ru-  
sticum  
mon.  
Sordes vestium candidæ mentis in-  
dicia esse. Et beatus Hilarion sac-  
cum quo semel amictus fuit, nec la-  
vit unquam, nec mutavit, superva-  
caneum asserens, munditias inci-  
licio quærere. Plures omnino inve-  
nias, in sacris paginis, & sapientum  
libris, ab illo munditie & lotionum  
contemptu laudari, quam ab earun-  
dem studio. Et pars quædam pœni-  
tentia est, neglectus politura, om-  
niumque harum concinnitatum &  
elegantiarum. Isaias olim procla-  
mat: Descende, sede in pulvere vir-  
go filia Babylon, sede in terra. La-  
vat se David, sed post fletum. La-  
vat faciem Ioseph, sed post lacrimas,  
quas viso Beniamino fuderat. La-  
yat se Iudith & ornat, sed Assyrium  
ducem Holofernem hoc laqueo de-  
ceptura. Sane vestitus mollis &  
pumicata illa ac polita mundities,  
libidinum fomes, oculorum rete,  
animorum suavis est pernicies. Hinc  
Ambrosius, serius hac in re censor Lib. de  
virgin.  
ausus



ausus dicere, mulierem comptam,  
domum esse omnium infernalium

*Eccli. c. 9. v. 8. & 9.* dæmonum. Hinc & Siracides cla-  
mat: Averte faciem tuam à muliere

compta, & ex hoc concupiscentia  
quasi ignis exardescit. Hinc regina

*Esth. c. 4. v. 16.* Esther has tales elegantias signum  
superbiæ nominat. Hinc & Hierony-

*L. ad- versus Helvid.* mus: Ingrediuntur, inquit, expoli-  
tæ libidinum victimæ. Hinc omnes

Sancti, & quibuscunque cordi fuit  
pœnitentia, hunc corporis cultum  
velut libidinis incitamentum, adeo  
& oderunt & fugerunt, ut inter pri-  
ma semper pœnitentiæ specimina  
fuerit, suas corpori plumas & orna-  
tum detrahare, vestem mutare, sacco  
se operire.

*Sur. tom. 7. Novèb. 19. c. 7. p. 447.* V. Sapiens illa mulier, & regum pro-

genies Elifabetha, plerunque trita &

panniculis facta veste amiciebatur,

gestiebatque magis mendici centonibus,

quam regum ostro spectari.

Fuit, ut hæc sollenniori die, publico

se commissura, exquisite in reginam

ornaretur, & auro, gemmis, insuper

regia corona irradians ad templum,

rem divinam auditura deduceretur à

frequenti familia. Primo fere ingres-

su templi, crux Dominica, & ex ea

pendentis Christi cruenta imago in-

currit oculos. Hoc illa aspectu feriri

graviter, & animo fauciari, hinc altum

ingemiscere & velut pudefacta eru-

bescere, lacrimas demum vi prorum-

pentes

pentes non continere. Mox varii cogitationum ætus in animo se prodere: En creator, dicebat illa secum, en servator meus Iesus, nudo corpore, flagris laceratus, spinis redimitus, sanguine perfusus, in alta trabe mortem pro me obiit ignominiosissimam: at ego misera tot vitiis immunda, tot delictorum rea, bysso tamen auroque, purpura gemmisque culta niteo, heu vitam divinis beneficiis indignam perdo magis, quam ago. Ah, divinum illum verticem in Pilati domo sertum spineum perforavit: ah, Domini mei aures opprobria innumera saturarunt. At vero caput meum corona cingit aurea, me numerosum circumdat famulitium, cuncti venerantur, suspiciunt, pæne adorant. Me mulierem infelicem! sicine præceptis Domini obtempero? itane Dei beneficia recogito? istane vita Christi vestigia sequor? ô membrum sub spinoso capite nimis delicatum! ô me nimis dissimilem meo Domino! Adeo mentem intimam cogitationes hæ penetrarunt, ut Elisabetha jam ægrius respirare, pallorem in ore trahere, animo linqui, humi demum defectis viribus collabi. Nec prius ad se rediit, quam gelidæ aspersione fuisset recreata.

Vna hæc regia mulier altius aliis videtur cepisse, quis cultus corporis  
 eos



eos deceat, qui Christi disciplinam  
profitentur, regi crucifixo auctorati.  
Elisabetham reginam sibimet iras-  
centem intuemini vos expoliti pa-  
vones, cultissime imagines, vos pom-  
pæ fercula, quibus nil magis curæ  
est quam speculorum, anulorum,  
inaurium, strophiorum, cycladum  
& hujusmodi nugarum vanissima

supellex. Vobis, ô munduli, pectunt,  
vobis nent, vobis texunt Belgæ, vo-  
bis Persæ, vobis Seres, vobis Indi,  
vobis Tyrius murex natat, vobis fra-  
grans bacca hispidis pendet arbus-  
culis, vobis oves Britannicæ albi-  
cant, vobis Indica sandix rubet, u-  
terque vobis sudat Oceanus. Eo us-  
que decrevit apud vos virtus, crevit-  
que superbia, ut jam pudor sit imi-  
tari sanctissimos viros feminasque,  
Norbertos aut Elisabethas: jam op-  
timis contemptis abire placet post  
pessimos: sed nec Augustum Impe-  
ratorem in vestitu frugalem prorsus  
& sobrium sequi lubet, sed Cajum  
& reliquos quorum nec civilis un-  
quam, nec virilis, nec Romanus cer-  
te, nec humanus, sed insanus, &  
nunc femineus, nunc divinus, ab o-  
mni autem parte profusus atque  
monstrificus cultus fuit. Hoc socie-  
tas est vitiorum, & novæ cupiditati  
inhærentium oculorum, perque va-  
rios illecebrarum motus volitantis  
animi: sic virtus atteritur, sic animi

corporisque vires expugnantur. Qui exemplis vult vivere, ne periculosa sit imitatio, honestissima sectetur.

## CAPUT X.

*Cultus Corporis quantorum malorum causa sit.*

Cultus corporis nimius, non solum peccatum est, sed multorum malorum vel causa vel effectus, & argumentum est. Peccatum esse arbitratus Gregorius: Nemo, inquit, existimet in luxu & studio pretiosarum vestium peccatum deesse: quia si hoc culpa non esset, nullo modo Dominus Ioannem de vestimenti ipsius asperitate laudasset: si hoc culpa non esset, nequaquam Apostolus feminas à pretiosarum vestium appetitu compesceret, dicens: Non in veste pretiosa. Isaias sane Hierosolymorum urbi inter graviores culpas, & hoc opprobrians: Et ornasti, inquit, te regio unguento, & multiplicasti pigmenta tua. Christus ipse hanc circa cultum corporis, sollicitudinem & curam manifeste damnans: Nolite, inquit, solliciti esse, dicentes; quid manducabimus, aut quid bibemus, aut quo operiemur? Et de vestimento quid solliciti estis? Idololatrarum hoc est non Christianorum, fiden-



fidentia hoc argumentum est, non fiducia. *hæc enim omnia gentes inquirunt.* Quod quid aliud est quam ordinem rerum turbare, & rei vanissimæ curam divino cultui anteponere: *Primum quarite regnum Dei.* Quod si Deo displicet sollicitudo circa necessaria, quanto magis curiositas circa

Leff. de  
Iure &  
Iust. l.  
4. c. 4.  
dub. 14 superflua? Atque, si quidem theologos audiamus, peccatum etiam letale est, si quis corpus eo animo contemnat, ut ad libidinem spectatores pertrahat: aut si propter cultum hunc ita semet extollat, ut alios despiciat, salutem aliorum nihili pendat, nec curet perniciosum exemplum prodere: aut si quis alios ideo suppilare, debita non solvere, eleemosynam non erogare, aut alia demum ratione ob corporis ornatum gravius delinquere non detrectet. Neque Deus in his puniendis tardus vindex. Prætextate matronæ nobilissimæ, cum Eustochium virginem, conjugē Hymetio etiam iubente, ad sui sæculi lascivam venustatem componeret, manus arefactæ sunt, evidenti vindicta Numinis. & ubi per quietem monita, necdum ornatrices manus à virgine abstineret, vincere cupiens & virginis propositum, & matris desiderium: en tibi, quinto post mense, miserabili & præmaturo interitu sublata est. Hujus rei narrationem Hieronymus in hæc verba concludit:

Sic

Sic gemmas & pretiosa ornamenta <sup>Epist.</sup>  
 Christus defendit. Verissimum in <sup>ad Læ-</sup>  
 hac causa, quod de alia quapiam <sup>tam de</sup>  
 Cyprianus affirmat: Tormenta pau- <sup>instit.</sup>  
 corum, exempla sunt omnium. <sup>si iæ.</sup>

I. *Ger.* Quid causæ est, hæc minuta  
 sic puniri à Deo? *Pol.* Causam rogas,  
 & minuta vocas? Expecta sis, &  
 grandia dices, & causarum satis. has  
 ad digitos numeremus.

Prima: Exterior hic cultus corpo-  
 ris, animi neglecti pæne certum est  
 indicium. Vti avis è pennis noscitur, <sup>In A-</sup>  
 sic homo è veste. Dilucide Bernar- <sup>pol. ad</sup>  
 dus: Quanto amplius inquit, cor- <sup>Guil.</sup>  
 pus foris propter vanam gloriam <sup>abb. &</sup>  
 componitur atque ornatur, tanto in- <sup>super</sup>  
 terius anima foedatur & sordidatur. <sup>Missus,</sup>  
<sup>&c.</sup>

Non ita curaretur corporis cultus,  
 nisi prius neglecta fuisset mens in-  
 culta virtutibus. Chrysostomus: Dif- <sup>Hom.</sup>  
 ficile est, inquit, difficile, ô dilecti, <sup>18. in</sup>  
 fortasse autem etiam fieri non po- <sup>ep. 1.</sup>  
 test, ut sic ornato corpore, simul quo- <sup>ad Cor.</sup>  
 que ornetur anima, sed necesse est,  
 ut si alterutrum curetur, alterum ne-  
 gligatur; non est enim ejusmodi eorū  
 natura, ut simul fiant. De Paula non  
 minus sancta quam nobili matrona  
 Hieronymus: Si vidisset, inquit, com-  
 ptiorem aliquam, contractione fron-  
 tis & vultus tristitia arguebat er-  
 rantem, dicens: Munditiam corpo-  
 ris atq; vestitus, animæ esse immun-  
 ditam. Venuste & graviter, ut so-  
 let,



let, Ambrosius: Neglecta, inquit, decoris cura plus placet, & hoc ipsum quod nos non ornamus, ornatus est.

Lib. de  
discip.  
& hab.  
virg.  
med. His subscribens Cyprianus: Sericum, inquit, & purpuram induta, Christum induere non possunt: auro & margaritis & monilibus adornata, ornamenta cordis ac pectoris perdidderunt. Quis non id excretur & fugiat, quod alii fuerit exitio? quis id appetat & assumat, quod ad necem alterius pro gladio fuerit & telo? & Nullarum fere pretiosior cultus est, quam quarum pudor vilis est.

Ita corporis cultus, animi parum culti signum est. Nec id veteres nescierunt. Philippus rex Macedo quendam ex Antipatri familiaribus in iudicum subsellia extulit: verum ubi eum, nescio quo fucō barbam & capillos tingere rescivit, officio movit, & causam hanc dedit, eum in rebus gerendis non videri dignum cui fidatur, qui in capillis fidus non esset. Augusto Imperatori, convivorum & vestium luxus, ægrotantis Reipublicæ signum fuit. Hic idem Imperator licentiore vestitu filia graviter offensus, cum illam postero die, veste mutata vidisset: Quanto, inquit, probabilior est hic cultus tam honestus in filia Augusti? Hanc ob causam Augustinus: Verus, inquit, ornatus Christianorum, non tantum nullus fucus mentis est,

Maer.  
lib. 2.  
Sat. ur.  
c. 5.

est, verum nec auri quidem vestisque  
pompa, sed mores boni. Ergo, ple-  
rumque ubi corpus sic nitet, squalet  
animus. Omnis gloria ejus, filia re-  
gis ab intus. Psa. 44  
v. 14.

*Ger.* Ne tamen, Polychroni, tot  
honestissimas feminas in turbam ea-  
rum conjiciamus, quas parum lauda-  
vimus, feminæ factum audi prorsus  
illustre, nec ab antiquo sæculo peti-  
tum. Hoc ipso anno nobilissima ma-  
trona, non sanguine tantum & opi-  
bus, sed & ingenio florens, novum  
vestimenti genus invenit tantæ con-  
cinnitatis & elegantia, ut omnium  
oculos in sui spectaculum raperet;  
mirabantur aliæ feminæ, non solum  
vestis pretium & artificium, sed tan-  
tam ingenii felicitatem, quæ hoc ar-  
tificii reperisset. Palla erat perquam  
spatiosa è purpura serica; hanc acu  
pinxerunt ex auro tres Phrygiones,  
qui annum & amplius huic vesti assi-  
duam operam impenderunt. Ad cy-  
cladem hanc seu pallam, quam dixi,  
additus est thorax feminæ habilis,  
ex eodem purpureo serico, aureis fi-  
lis pariter pictus. Primo autem die  
quo hanc vestem matrona illa indu-  
tui gerebat, observavit nimium in se  
oculos convolare, timuitque ne aliæ  
atque aliæ novi artificii curiositate  
ductæ, imitari vellent quod vidis-  
sent, peterentque ejus conficiendæ  
modum sibi dictari. Itaque ne fa-



cere rogaretur quod recusare vix posset, hortante vehementer conscientia, omnem hanc imitationem mature præcavit. Ergo vestem illam, unico die spectatam & semel exutam, nunquam induit amplius, sed pio consilio, quod superbię fuerat instrumentum, religiosa liberalitatis & eleemosynæ ornamentum esse voluit, & illum omnem mundum Mariæ Magdalenæ in templo quodam obtulit sacravitque. Porro ex hac una tam pretiosa veste, altari sacrum frontale seu pallium, sacerdoti sacrificantis indumentum, calici velum, libro missali tegumentum, sanctissimæ Eucharistiæ amiculum confectum est. En, Polychroni, etiam feminæ in triumphum ducunt superbiam. *Tol.* Utinam, quibus luxum illum sectari placet, norint & hanc frugalitatem sui que victoriam imitari. Sed causam alteram addo.

*Mem. in epist. ad Cor. I. II.* II. Altera causa: Vestimentorum luxus, non tantum animi corrupti est index, sed & corruptor, fons, origo malorū multorum. Aperte Chrysostomus: Nunc autem, inquit, multa etiam alia mala nascuntur ex nimia ornandi sui cura, manifestæ suspiciones, sumptus intempestivi, blasphemix, avaritiæ, & plura habendi cupiditatis occasiones. Testem locupletem addo Tertullianum: Quid alteri

alteri periculo sumus, inquit, quid <sup>Lib. de</sup> alteri concupiscentiam importamus: <sup>cultu</sup> nescio an impune abeat, qui alicui <sup>fem.</sup> fuerit caussa perditionis. Perit enim ille simul in tua forma, si concupierit, & admisit jam in animo quod concupivit, & facta es tu gladius illi. Ea caussa divus Antoninus Florenti- <sup>Sur:</sup> nus Archiepiscopus, feminas petu- <sup>tom. 3.</sup> lantiore habitu, velut illicium dia- <sup>in vita</sup> boli, in templis non ferebat. Apposite quærit Chrysostomus: Quid enim ornaris, dic quæso? ut viro placeas? Igitur domi hoc facias. At vero contrarium fit, incultior domi, foras prodis cultissima. Vtinam hinc tam modeste peccaremus, ut culpa se domi contineret. Sed malum hoc publicari vult, ut pluribus noceat, quo plurium oculis hanc vanitatem ingerit. Quis eam quam nulli ostenderet, induit purpuram? nemo oculis suis lautus est, sed alienis. His implendis, aut saltem in admirationem rapiendis, tot hominum omnes pæne cogitationes laborant. Hoc mihi nemo persuaserit apud hos comptulos multum profunda, aut piæ cogitationis reperiri: prima virtus, quæ apud hos exulat, notitia sui est. Et sicut ligno putrido innati vermes, lignum magis corrodunt: sic è superbia, vanitate animi, cupiditate oculorum, superfluous cultus, & vestium luxus nascitur.



idemque post luxuriam superbiam auget, erigit, consummat. Ab artifice diabolo sunt hæc irritamenta, quæ de proximo curant lasciviam mercedem, & obstrepunt pudicitiam disciplinis. Hinc illa Laconum severa

Ælian.  
lib. 14.  
var.  
hist. c. 7

lex, cujus servandam curam gerebant Ephori (supremus magistratus) ut quotidie obirent inspectiones vestimentorum, si quid in illis forte à decenti iustoque ornatu alienum inveniretur. Eandem ob causam apud Syracusanos lege cautum erat, ne mulieres auro, veste florida, contextu purpureo uterentur, nisi quæ pudicitiam vulgassent, ne quis etiam vir supervacua veste modum excederet. Factum bonum: nam si Tertulliano credimus, pudicitia non tantum in carnis integritate, sed & cultus simplici munditie consistit. Non minus præclara lex illa veterum Francorum, quam totidem verbis exscribere non piguit. Hæc est:

Lib. de  
cult.  
fem.  
c. 1.

*Nemo plures vendito aut emito, quam sagum optimum & duplum XX. solidis: simplex X. Vilnos autem minoris: Roccum Martimum seu Lutrinum optimum XXX. solidis. Sisimusimum optimum X. solidis. Qui secus faxit XL. solidis multator, & delatori XX. solidos exsolvo.*

Ger. Prisca hæc sunt, & ad Evandri matrem pertinent. Pol. Ergo etiam nostri sæculi vis specimen? Ant-verpia

verpia Europæ oculus, inter plurimos laudum titulos, hunc quoque tulit à suo encomiasta, quide nobilissima hac urbe: Magna, inquit, ubique majestas oculorum, incessus, <sup>Caro-</sup> oris, vestium: in quibus nihil quod <sup>lus Scri-</sup> libidinis negotium curet. nulla hîc <sup>banius</sup> purpura multo saturata conchylio, <sup>in Ant-</sup> intexta auro, coloribus distincta; aut <sup>verp-</sup> sane non nisi perquam rara. Plurimum pulla veste gaudent: & respondet innatæ morum gravitati & modestiæ, vestitus enim pudoris prænotius est, nam mores fere habitus prænunciat. gravitatem ergo hic & quā dā maturitatē sapit, nihil leve, nihil quod matronalem, nihil quod virginalem pudicitiam dedeceat. Itaque honestatis exempla non desunt, sed imitatores.

III. Tertia causa: Dispendium <sup>Sur. in</sup> temporis, quod corporis cultum se- <sup>vita S.</sup> quitur. Notum illud Comici: Dum <sup>Pela-</sup> moliantur, dum comuntur, annus <sup>giæ.</sup> est. Sanctus Nonnus Heliopolita- <sup>Herib.</sup> nus Præsul, cum videret Pelagiam, <sup>Ros-</sup> mulierem vulgarem ad unguem un- <sup>vveid.</sup> dequaque gemmis & auro cultissi- <sup>in vitis</sup> mam, forte tum transeuntem, in <sup>Patrū</sup> ejus contemplatione aliquantulum <sup>lib. I.</sup> oculis defixus dein ad circumstan- <sup>P. 377.</sup> tes versus: Et quot, inquit, horas putatis hæc mulier expendit, dum se in cubiculo comit, lavat, ungit, componit, ornat, dum se



omnium oculis quam exactissime polit? & nos quantillum temporis, neque id sine nausea, insu-  
mimus, ut Deo placeamus? Cum dicto in lacrimas & preces solutus est. Et certe à Deo hoc impetravit, ut Pelagia ex impura, in castam & pudicam mutata, longe aliter finiret quam cœperit, vitæque pessimæ clausulam optimam apposuerit.

O temporis jacturam irrevocabilem! quanti horulam emerent vel unicam ad inferos dejecti? & nos tot horas optimas prodigentia pessima perdimus magis quam vivimus. Bernardi querela est æquissima: Tempore nihil esse pretiosius, sed eo nihil aut vilius haberi, aut pejus expendi. Transeunt, inquit, dies salutis, & nemo recogitat: nemo sibi non reditura momenta perisse caussatur. Cum re vera tamē dispendium temporis vel modicum, damnum sit gravissimum, damnum irreparabile, nec ullo auro reconcinnandum. Crede mihi, Gerarde, si cultus corporis aliud malum non inureret, nisi hanc temporis amissionem, nullo censu sat æstimandam, dignus esset utique quem modis omnibus detestaremur. Thomas Morus ille martyrum æmulus & Angliæ gemma, litteris & pietate clarissimus vir dicere solebat: *Quam plurimos in hac vita eo labore infernum mercari, cujus vel dimidio calum*

In Eu-  
ang.  
Ecce  
nos re-  
liqui-  
mus o-  
mnia,  
&c.  
multū  
ante fi-  
nem.

Staple-  
ton. in  
vita  
Mori  
c. 12.

lum lucrati fuissent. Cumque hic ipse vir sanctus interveniret virgini ad speculum stanti, quæ multo cum labore, nec sine dolore comas nodo coge-  
bat, & tunicam, quo gracilior videretur, arctissime stringebat, tam festive quam sapienter interpellans: *Nisi Deus*, inquit, *tibi pro hoc tuo tanto labore infernum re-  
dat, magnam tibi profecto injuriam faciet*. Ita est; hi tales labores malo otio peiores sunt, nam & temporis pretium auferunt, & pestem afferunt, non unius vitii.

Alexandriam contenderat \* Pam-  
bus eremita, ab Athanasio Episcopo  
accitus: occurrit in via mulier sumptuosius ac delicatius ornata, quæ omnium oculos in sui spectaculum flexerat. Hanc ut Pambus tacito stupore conspexit, attonito similis hæsit, uti Nonnus, & protinus in lacrimas iit. Rogantibus sociis, quid hæ lacrimæ sibi velint? Duplex mihi causa flendi respondit: una, quod videam hanc mulierem sibi aliisque exitio esse: altera, quod ego ah ne-  
tiquam tantum studii ac curæ adhibeam, ut mihi prosim & Deo placeam, quantum femina illa, ut sibi oblit & Deo displiceat. Certe hoc paullo aliquid supra dementiæ malum est, fatigari in suam perniciem. Apage sis hunc impium laborem, si non possim corpus colere, nisi velim tempus perdere.

\* Alii,  
Pam-  
mon.  
Rufin.  
Aquil.  
apud  
Ros-  
vveid-  
num.  
164.



IV. Quarta caussa: Cultus corporis non alium ullum aut fructū quærit aut finem respicit, quam *vanam gloriæ*. Sæpe plus expendimus ut oculos pascamus quam ut ventrem.

Nat. Verissime Seneca: Non sunt, inquit,  
 qq. l. 3. homines ad popinam dentibus, &  
 c. 18. ventre, & ore contenti, oculis quoque gulosi sunt. Nec ille inscite dixit: Mundum esse animal mirabile, quod majores habeat oculos quam ventrem. Ergo, ut os hominum mereamur, oculis placere cupimus, & ut laudatores habeamus, spectatores ambimus, & tum demum operæ pretium fecisse credimus, cum voces illas audimus: En, quam scite, quam eleganter, quam venuste vestitus est! en hominem ad omnem gratiam excultum! Nimirum tanti est Deum lædere, ut ab homine lauderis. qua una re uti nihil in se vanius, ita divinæ legi, & Christianæ disciplinæ nil repugnantius. Meo iudicio liberalissime desipit, qui ob cultiores vestes vult aut ditior, aut doctior, aut ceteris dignior videri, quasi vero equum phaleræ faciant generosum, aut quasi vero interior domus ideo speciosa sit, quod foris magnifica se specie ostendet. Helenam olim pingebat unus aliquis è tironibus Apellis, eamque picturam auro liberalius, quam artis erat, obduxerat: vidit hoc magister, & istud pin-

pingendi compendium minime probans : O adolescens , inquit , cum non possis pingere pulchram , pinxisti divitem . Tales sunt qui ab exteriorre corporis cultu formam sibi quærunt , & nescio quod nomen vel auctoritatis splendorem venantur , simillimi templis Ægyptiis , de quibus erudite Clemens Alexandrinus : A-  
 Lib. 3.  
 pagag.  
 c. 2.  
 pud Ægyptios , inquit , templa , porticus , vestibula ac luci magnifice instructi , & atria multis columnis cincta sunt . Parietes autem lapidibus externis & artificiose depictis resplendent , ita ut nihil desit . Ædes enim auro , argento & electro collucent , & ex India ac Æthiopia variis fulgentibus lapillis : adyta vero intextis auro adumbrantur peplis . Sed si penetralia templi ambitus subieris , & ad ejus quod præstantius est , spectaculum properans , imaginem quæ templum habitat , quæsieris , non invenietur Deus qui quærebat-  
 tur & expectabatur sub tanto apparatu , sed felis , vel crocodilus , vel serpens indigena , vel aliqua ejusmodi bellua , quæ templo quidem est indigna , sed antro speluncæ , ac cœno magis congruit . Ita nostrum , velut templum , variam sibi venustatem adsciscit à crine , à pigmentis , à veste ; filiæ eorum composi-  
 Pf. 143  
 v. 12.  
 tæ , circumornatæ ut similitudo templi . En templum , sed Deum intus



quære, hujus ædis incolam, & reperies animum ignorantem, indoctum, rudem, pusillum, abjectum, sordidum, impurum. en crocodilum, en felem, en colubrum in cultissima domo habitantem. Vir magnus & eruditus (nuperrime mihi narratum) juvenem cetera cultissimum, sed indoctum & Romani sermonis penitus ignarum latine instituit examinare. hic misero nec vox erat nec fesus. Cum cantharo & poculis loqui didicerat bonus juvenis, non cum viris doctis: Bacchum noverat & Cupidinem, non Musas, ita vel pisce magis mutus stabat, & ne omnino feriaretur, terram pede terebat. Vbi hominem vir ille doctus tam amulum vidit: Pulchra est, inquit, bestia; sed dolendum, eam nil didicisse quam superbire. De hoc tali homine verissime dixeris: ô pulchram statuas, modo ei cerebrum non deesset? ô plumbeum gladium in aurea vagina! ô elegans templum, sed in quo ignorantia pro dea colitur!

Innocentius Pontifex hoc ipsum sapienter adstruens: Quid, inquit, aliud est pretiosior ornatus, quam sepulchrum foris dealbatum, intus spurcitia? Cræsus rex Lydiæ regiæ ornatus, sublimi folio residens, Solonem interrogavit, an pulchrius unquam spectaculum vidisset? Vidi, respondit, in gallis gallinaceis, phasianis,

Lib. de  
vilit.  
condit.  
hum.  
Laert.  
lib. de  
vit.  
Phil. c.  
2.

fianis, atque pavonibus. Certe pavones sumus; spectari volumus, & ab hoc spectaculo quod aliis præbemus, laudari. Xantippe olim Socratis uxor, lautius se vestierat, à marito causam ejus rei interrogata, respondit se spectatum prodituram: ô mea conjux, inquit ille, non ut spectes, sed ut specteris, sic vestiris. Vanitas vanitatum, dixit Ecclesiastes <sup>Ecclesiastes c. 1. v. 2</sup> (ostenduntur enim istæ res, non possidentur, & dum placent, transeunt) vanitas vanitatum, & omnia vanitas. Et quid vanius iis hominibus, qui <sup>Thom. Morus</sup> quo meliorem habent togam, eo sibi <sup>Vtrop.</sup> meliores & ipsi videntur. qua una in <sup>1. 2.</sup> re bis errant, neque enim minus falluntur quod meliorem putent togam suam quam quod se. Cur enim si vestis usum spectes, tenuioris fililana præstat crassiori? At illi tamen tanquam natura non honore præcellant, attollunt cristas, & sibi plus pretii credunt accedere ab ornatu, honoremque quæ vilius aestiti sperare non essent ausi, elegantiori togæ velut jure suo exigunt, & prætermissi negligentius, indignantur. Vanitas vanitatum! E hanc Anglus quispiam non è plebe, tam festivo quam opportune oculis subjecit. Londini in Angliæ metropoli moris est, ut cives primarii, præsertim exdecurationes, statis diebus apud Prætorem urbis prandcant, etiam invoca-



invocati. Ad has ergo Prætoris ædes, civis honeste quidem, sed non delicate vestitus venit, cum ceteris pransurus. Verum à janitore, velut eo coetu indignus, repulsam tulit: ille causam erroris facile addivinans, domum rediit, vestem mutavit, struetius processit, & priorem aditum de novo tentavit. Iam notus, jam gratus hospes admittitur, accumbit, prandet. Prandio expirante, & ceteris gratiarum actionem parantibus, ille togam sibi detractam imponit mensæ, & observantia singulari venerabundus, suæ vesti ob prandium illud gratias agit amplissimas. Aliis insolentiam facti mirantibus, sui consilii rationem memoravit cum risu & applausu omnium. Vanitas vanitatum! quæ nos gloriæ sed vanæ, sed stultæ facit mancipia. Pulchre Chrysostomus: Gloriantur, inquit, in re quam vermes & gignunt, & perdunt. Nosti, Gerarde, aves in nuptiis Aquilæ indignissime tulisse, upupam avem pastu alias obscœnam, tamen ob versicolore pennas & plicatilem cristam ceteris præferri. Non minus stultum est laudare vel honorare quempiam, ob vestem potius aut formam, quam virtutem. Hinc ille non immerito in suas ipse vestes sæviit, quamvis ridicula crudelitate. Expertus is fuerat sibi in obsoletiore toga ad forum descendenti, honorem

Hom. 3  
in epi-  
stol. 1.  
ad Ti-  
moth.

Hermas-  
nus  
Bis-  
chius.

rem illum minime deferri, qui tam in nitida veste prodeunti, magno ceremoniarum apparatu deferbatur ab omnibus. Idcirco cum è publico domum rediit, vestem humi abjectam pedibus calcans: Esne tu honoratus ille vir, inquit, an ego? tibi honor iste tribuitur, an mihi? vanitas vanitatum, & omnia vanitas!

V. Causa quinta: Vestium luxus & numos dissipat, & rem domesticam frangit. Pecuniæ comparcere difficile est, ubi tam multiplex imperium jubet effundere. Crumena sæpius hiet necesse est, ubi corpus studiosius ornari coeptum est. Iam hoc, jam illud deest, aut certe deesse fingitur, modo istud, modo aliud argento pensandum. Res tam nota quam mira est, neminem egenum esse, cum superbiæ negotium agitur. Petunt pauperes? non suppetunt numi. Corpus ornari postulat? jam abundamus. Opem pecuniariam rogant amici? jam pridem ipsi egemus, Nova vestis commetienda est? jam turgent marsupium. Opificibus merces solvenda est? differri hoc potest in aliud tempus. Novū collarii genus repertum? simile quā primum conficiatur. Necessarium quid domesticis emendū? expectent; pecunia deficit. Nuperus & novitius corpori cultus parandus? paretur; superest



superest loculis quod dent. Ita paupertatem nunquam pejus odimus, quam cum vestium nitori adversum it. Tunc opulenti sumus, cum sumptus faciendi in corporis lenociniū. Iure Bernardus queritur: Inveniunt curiosi quo delectentur, & non inveniunt miseri quo sustententur; cum periculo animæ acquirunt, unde oculos hominum delectent. Neque hîc formidamus nomina facere, & æs alienum cogere, modo vestis splendeat, quisquis nomina expungat, aut ære alieno nos levet. Fit quandoque ut quis in veste se jactet quam adhuc sartori & mercatori debet. neque injuriarum agi posset qui accederet & moneret: Heus tu, hæc vestis nondum est tua, quid te in aliena vendis? tuus creditor suam appellat. Et quam turpe est corniculæ plumis non suis superbire? Sed ea est libido quorundam sumptuose se vestiendi, ut nullas expensas seu suas seu alienas vereantur. Hinc monstra illa & prodigia: Nero nullam vestem bis induit: Heliogabalus gemmas ab optimis artificibus sculptas in calceamentis ferebat, quæ nunquam iterabat; sed nec lintheum lotum unquam attigit, mendicos dicens qui lotis uterentur. Nec nostro ævo talium monstrorum inopia est. Gualterus Rajolaus ille apud Anglicanam Cleopatram nimis gratus.

tiosus homo, visus est in aula cre-  
 pidas gestare ita gemmis distinctas,  
 ut 6600. *hoc est*, sex millium sexcen-  
 torum aureorum & amplius æstima-  
 rentur. Ante annos non adeo mul-  
 tos, cum feminarum sŷrmata etiam-  
 num in usu essent, sed minime lau-  
 dabili; Comitissa quædam in mate-  
 riam unius huiusce sŷrmatis, flore-  
 norum duo millia & quingentos, o-  
 pifici vero in manu pretium & pro  
 opere faciendo centum quinquagin-  
 ta florenos numeravit liberali ma-  
 nu. Sunt, quibus fortunas omnes  
 veste bajulare ac deterere pulchrum  
 est, tanta stultitia contemnere au-  
 dent opes, qui iactant; qui gerere  
 malunt quam possidere. Sic aliqui-  
 bus omne in ornatu patrimonium  
 est. Et eo jam luxus vestiumque pre-  
 tia excreverunt, ut quo vestitu olim  
 Comites, Marchiones, Duces uti fue-  
 runt, illo nunc novi homines & in-  
 fimæ nobilitatis viri feminaque u-  
 tantur, & qui antea nobilium erat  
 habitus is jam plebeculæ & mecha-  
 nicis vix approbetur. Hinc pretia  
 rebus sic inflammantur, ut jam inter  
 maximos sumptus numeretur, *Tegi.* Iuve-  
 Verissime Satyricus etiam de nostro *nal sa-*  
 hoc ævo: *tyr. 3.*  
*vers.*

*Hic ultra vires habitus nitor; hic ali-* 180.

*quid plus*

*Quam satis est: interdum aliena sumi-*  
*tur arca.*

*Commune*



*Commune id vitium est, hic vivimus  
ambitiosa*

*Taupertate omnes* ———

Quando ergo Principes suum famulitium splendore & sumptu vestium ægre superare queunt, rectissime sapiunt, qui sumptuosissimum hoc certamen detrectant, & quos luxu nequeunt, vincere conantur modestia. Olim qui mollibus vestiebantur, in domibus regum erant. Desierunt jam ista sæcula, aliis nunc moribus vivitur. Etiam in tabernis, tuguriis, casis sunt qui mollissime vestiantur, quique potius sordide & parce cœnare, quam minus sumptuose vestiri velint, multi malunt male esse, modo bene & opipare vestiantur; adeo etiam gula multum superatur à superbia. Mirum! saccus optimo tritico refertus, trioboli fune stringitur, saccus noster, corpus nostrum immunditiis plenum, non tam vestimentis quam ornamentis sumptuosissime vult cingi.

Amos  
c. 6. v.  
1.

Vociferatur Amos Propheta: Væ vobis optimates, capita populorum, ingredientibus pompaticè domum Israël. Quantis hodie clamoribus ageret vates, si cerneret quo apparatu, quanta pompa, non optimates solum, sed & e plebe uterque sexus in templa sese inferret. Numen suppliciter exoraturi, quanta posunt ostentatione in ade sacra, velut

velut ad choream conveniunt; ad divinum cultum properant, sed ut suum ostendant. Num hoc, Gerarde, mores Christianos sapit? Theophylactus velut templi custos, comptiorem feminam examinans: An saltatura, inquit, ad Ecclesiam pergis? nunquid hic nuptias & lasciviae oblectamenta conquiris? num ut tui spectaculum præbeas advenisti? Non iste supplicis est habitus, accessisti ut Deum pro peccatis tuis depreceris, ut cum gemitu & lacrimis veniam petas; quid teipsam ornare improbo & intempestivo studio contendis? Profecto hæc curæ nec domos ditant, nec templa ornant; illæ sumptibus exhauriuntur, hæc levitatibus & perulantiis implentur.

V I. Causa sexta: Ostentatio hæc vestium sine modo est, nec finem invenit. Quod præclare docuit Clemens Alexandrinus: Ebriosum esse, inquit, & vinosum, etsi sunt magna vitia, non tamen tanta, quantum est nimium sui ornandi studium. Mensa plena & frequentes calices satis sunt ad implendam ingluviem. At qui auri, purpuræ & gemmarum nimio studio tenentur, iis nec quod super terram, nec quod sub terra est, aurum suffecerit. Dum ergo cupiditatis limites sibi non constituunt, in impudentiam impingunt. his enim opus est & theatro, & pompa, & spe-

C c                      ctato



Etatorum multitudine, & errore in  
 facris, & diuturna mora in triviis, ut  
 sint manifesti omnibus. Ita vitia nec  
 finem habent nec modum, juvatque  
 ludere impendiis, & lusus hos gemi-  
 nare, dum quotidie aliquid novita-  
 tis sumptuosius adjicitur. Linum  
 aut byssum patriam pridem fastidi-  
 mus, peregrinam quærimus. Belgi-  
 cam aut Batavam quantovis pretio  
 mercamur. muscus quo chirothecæ  
 aut vestes imbuendæ, ab ultima  
 Thule & terræ finibus apportetur  
 necesse est; omnia vicina & quæ vi-  
 lioris pretii sunt, sordent. Sic earum  
 vestium summa commendatio est,  
 quarum odor invitet etiam aliud a-  
 gentes. O Gerarde, male olet quic-  
 quid carnem olet, etiamsi moschum  
 oleat. Sed & hoc spectamus in cul-  
 tu corporis, ut is plus artificio de-  
 beat quam naturæ, & majus pre-  
 tium sartor exigat quam mercator,  
 labore materiem superante. Novi vi-  
 rum doctum dicere solitum: A Iu-  
 risconsultis quibusdā minores sum-  
 ptus fieri in libros & Iuris codices,  
 quam à multis feminis in mundum  
 & concinnitūdines. Finem non inve-  
 nit & modo caret ambitiosus hic ve-  
 stium cultus, qui jam olim excogita-  
 vit, qua ratione araneorum textura  
 in amictum transiret. Diserte Pli-  
 nius affirmans: Telas, inquit, ara-  
 neorum modo texunt, ad vestem lu-  
 xumque

L. 11.

c. 22.

xumque feminarum, quæ bombycina appellatur. Telas illas raritate textura, & macularum pervia latitudine tralucidas, seu vestem Coam, cum araneorum opere confert Plinius. Sed an non hoc extra modum est, sic vestiri quasi araneos textores habueris, & eorum retia in vestem aptaris? O quantum à lorica discessere mores, ut oneri sint etiam vestes! ô quam commode possemus vestiti esse sine commercio Serum & exoticis his deliciis! Prudentius olim jure quærit & indignatur:

*Num pudet esse viros? quarunt vanissima quaque*

*Quæ niteant: genuina leves ut robora solvant,*

*Vellere non ovium, sed Eo ex orbe petitis:  
Ramorum foliis fluitantes sumere amictus*

*Gaudent, & darum scutulis perfundere corpus:*

*Additur ars, ut fila herbis saturata recoctis*

*Illudant varias distincto flamine formas.  
Ut quæq; est lanugo fere mollissima tactu  
Pectitur, hunc videas lascivas prapete cursu*

*Venantem tunicas, a vium quoque versicolorum*

*Indumenta novis texentem plumea telis.*

D. Hieronymus ad Lætam de institutione filiae in eandem hanc nimiam & pellucidam mollitiem invehit:



Spernat, inquit, bombycum telas,  
Serum vellera, & aurum in fila len-  
tescens. talia vestimenta paret, qui-  
bus pellatur frigus, non quibus vesti-  
ta corpora nudentur. In Marcellæ vi-  
duæ epitaphio ad Principiam virgi-  
nem: Solent enim, inquit, purpurisflo  
& cerussa ora depingere, sericis nite-  
re vestibus, splendere gemmis, au-  
rum portare cervicibus. Nostra vidua

De hoc  
queri-  
tur Se-  
neca.  
l. 7. de  
benef.  
c. 9. &  
in  
Cōn-  
sol. ad  
Hesv.  
c. 15.  
& epi-  
stol. 90.  
\* Alii:  
Dioge-  
nem.

talibus usa est vestibus, quibus arce-  
ret frigus, non membra nudaret, au-  
rum usque ad anuli signaculum re-  
pudians. At nos plerunque omnia  
nostra, bona & pulchra esse malu-  
mus, quam nos ipsos & animum no-  
strum. Vir nobilis & opulens Aristip-  
pum \* philosophum in ædes intro-  
duxit, & circumduxit quaqua ver-  
sum. Varia ubique & pretiosa supel-  
lex, summus in omni angulo nitor,  
& accuratissima ubique mundities.  
Et jam gratiæ agenda erant ab eo  
qui sic humane fuisset deductus:  
cum ecce philosophus sputum collig-  
git, & in ipsius heri barbam jacet. Il-  
le, quasi coniecto in se Tisiphones  
angue, totus in fermento esse & ar-  
dere ira. Philosophus ut huic incen-  
dio verborum lymphas affunderet:  
Quæso te, inquit, ignosce; totam do-  
mum lustravi, nec angulum reperi  
qui immundior esset hac horrente  
tua barba. videbar ergo recte factu-  
rus, si in locum domus tuæ sordidif-  
simum

simum has oris sordes ejicerem. *Ger.* Hic silentium rumpo, vel te invito. Quanta & quam incredibilis huic philosopho fuerit audacia? *Pol.* Longe major est, sed tectior diabolo. Vaferrimus hic philosophus ex Orco, ubi in homine omnia compta videt & exulta, præterquam animum hominis, variis eum suggestionibus conspuit, & hoc prolixè agit, ut tanto magis sordescat animus, quanto magis nitefcit corpus. Erubescat ergo seipsum homo malum & turpem, inter res suas bonas & pulchras. Et sane vestes pudori nobis sint potius quam honori. Nam vestis apertissimum signum est, primum omnium parentem fuisse furem. nisi vetitum malum è paradiso sublectum fuisset, nativa etiamnū pulchritudine gauderemus. Quis vero stigmaticorum, stellantem & cauterio inustam frontem in laude ponit? Neque ad claudi aut loripedis gloriam facit, ligneo pede gradi vel argenteo, cum defectus fulcrum sit, non argumentum roboris; neque est quod scabiosus triumphet, si scabiem panniculis nitidioribus velet. Et quid ægrötus cataplasmatum aut medicamentorum copia superbit? Quid ergo nos vestes notissimi furti argumentum inter decora nostra numeramus? *Ger.* At vestes ornant nos. *Pol.* Hoc laudis esset, si nos illas ornaremus.



VII. Causa ultima ; Iactura nominis & famæ. Nos laudem aucupamur ambitioso habitu ; plerunque contra fit, & vituperium reportamus, aut in suspensionem sinistram venimus. Rex Ochozias, nuncios suos ad se redeuntes interrogavit, cur spectius reverterentur ? At illi remissos se aiebant à viro , qui occurrerit in via. Institit porro rex querere , cuiusnam habitus esset vir ille qui occurrisset , & mox è viri veste colligens quis esset : Elias, inquit, Thesbites est , hic ipse est. O mi Gerarde, si te viderint alii adeo comptum & velut pumice expolitum , non te dicent Eliam , sed Thrasonem , sed pavonem, sed cultam statuam. Animum nostrum referamus iis qui nos vident ; defectus nostros aperimus spectatoribus nostris , eosque qui forte nos frugales & sapientes censebant, errasse ostendimus. Latentis in animo vanitatis indicium est, ambitiosior corporis ornatus. quam vero prona & facilis post hæc indicia, suspicio ? Salomon dum se tantopere in sui cultu occupat , Dei obliviscitur , & sensim per tot corporis lenocinia ad gentium idola turpissime deflectit. Vere *dedit maculam in gloria sua*, & sapientiam stultitia confudit. Quando nux ante tempus corticem abjicit, intus se corruptam ostendit: quando Christianus exteriorem habitum

4 Reg.  
c. 1.  
v. 2.

Eceli.  
c. 47.  
v. 22.

bitum disciplinæ Christianæ congruum rejicit, hærescentis in animo vermiculi cariem prodit.

Vulgare feretrum efferendis cadaveribus assignatum, nunquam decentius vestitum cernitur, quam cum cadaver in illo recumbit. ah multi tales, & huic feretro simillimi sunt, qui corpus suum tunc maxime ornant, cum animum letali culpa emortuū circumgestant. In hunc talem Abacuc jam olim pronuncians: Ecce iste, in-<sup>Abac.</sup>  
quit, coopertus est auro & argento,<sup>c. 2.</sup>  
& omnis spiritus non est in visceribus ejus. Tam varia tamque disparia simul ex æquo curare non possumus; corpus comere, & animum excolere vix ejusdem hominis est. In nimium diversas curas hæc agunt, quantoque plus sollicitudinis huic impenditur, tanto plerunque minus alteri. ita dum corpus cura & diligentia nostra complectimur, animum otiosi & negligentes fere transimus: nimirum ut servus niteat, herus in squallore est. Arca testamenti erat intus obducta auro, at foris cooperta cilicio: si animus noster amore divino plenus, parum interest, qualem se ostendat exterius. Cordis penetralia virtus occupet, nec anxius eris qua veste corpus alienis oculis commendes. Commemorat Paulus<sup>Hebr.</sup>  
probatissimos homines priscæ legis,<sup>c. 11.</sup>  
camelorum & caprarum pelles<sup>v. 37.</sup>



vice vestium habuisse. Sciebant se nudos in hunc Orbem prodiisse, nec aliter discessuros.

Tract.  
de Na-  
bucha-  
don.

Nescit natura divites, inquit Ambrosius, quæ omnes pauperes generat. neque enim vestimentis induti nascimur, nec cum auro argentoque generamur. Nudos fudit in lucem egentes cibo, potu, amictu; nudos recipit terra quos edidit; nescit fines possessionum, sepulchro nos includit cespes angustus, qui & pauperi abundat & diviti, & terra viventis quem non cepit affectum jam divitem capit. Eodem sensu Seneca: Nemo, inquit, nascitur dives: quisquis exit in lucem, visus est lacte & panno esse contentus. At ista non cogitat; alios mores sapit qui vestes lautiusculas tam provide quærit, atque hoc unum agit ut placeat, sed plerunque hoc unum minime omnium impetrat: sapissime alia omnia dicuntur quam quæ in laudem. En, ajunt, politissimam statuam, en pavonem speciose ingredientem; en vestitus insolentiam, en cultum censu majorem! Vnde huic homini ad hanc lautitiam tam dives crumena? tam magnifice non incederet, nisi & aliena marsupia emungeret. en ostentationem inanissimam, en pompam idoli! Et quis tandem est hic Thrafo, qua domo, qua gente, quinam ipsius progenitores? homines è  
pago,

pago, rustici, gens agrestis: ille ipse olim olus vendidit, & nares brachio absterfit, noluisse de manu ejus panem accipere, nunc quantus, quam sublimis est? Hæc illa sunt elogia, hi speciosi tituli, quibus liberalissime afficiuntur ii qui sui status & ordinis rationem ignorantes, in vestitus elegantias plus expendunt quam laudari possit. Ita melioris notæ famam non auget, qui corporis cultui tam religiose studet: malignas suspiciones non effugit, qui seipsum tam affectate comit. Pulcherrima deformitatis excusatio est, vestitus decentia & honestas.

## CAPUT XI.

*Dictorum ratio, confirmatio, coronis.*

GERARDVS.

ET cur, mi Polychroni, aut unde tam disertus es in vestium luxum, & quidem facundia tam prolixa? *Pol.* In aurem tibi dicam ipsissimam veritatem: Hoc vitium multa secum trahit vitia, curiositatem, delicias, vanam gloriam, pessimam liberalitatem, temporis jacturam, & post hæc omnia, re vera potens Libidinis fomentum est. Non venit de integra conscientia hoc studium placendi per decorem, quem naturaliter invitorem libidinis scimus.



Ad Ne-  
por.

Ita Hieronymus sentit, & : Si vir, inquit, vel mulier se ornaverit, & vultus hominum ad se provocaverit, etsi nullum inde sequatur damnum, iudicium tamen patietur, quia venenum attulit, si fuisset qui bibisset. Est ita, ut dicit : concinno vestitu alienos oculos vulnerare facillimum. *Ger.* Absit hoc. *Pol.* Ita loqui solemus, sed communē nobis vitium est, aliter dicere & aliter facere, ut merito idem Hieronymus moneat, aut loquendum nobis ut vestiti sumus, aut vestiendum ut loquimur. Lingua castitatem iactamus, veste levitatem aut impudicitiam sæpe non dissimulamus. *Ger.* Modo in leges divinas non peccemus. *Pol.* Vbi politicæ calcantur, nec divinæ in honore sunt. at politicas hîc sperni, vel oculi loquuntur. O lex Oppia quam dudum exulas? O leges vestitiarum tot urbium & provinciarum, quam dudum expirastis! jam pridem nullos limites patiuntur effusissimi sumptus in vestium pompam. Et quæso te, Gerarde, dic quæ biblia docent cineres serico velandos, cœnum auro tingendum, fimetum purpura operiendum? & an non, corpus nostrum cinis, cœnum, fimetum? Cur istud, mi homo, sic operis, sic comis? subter te sternetur tinea, & operimentum tuum erunt vermes. Pulchre Ambrosius : Audi, inquit,

Isaïæ  
c. 14.  
v. 11.

inquit, omnes nascimur nudi & morimur: nulla distinctio inter cadavera mortuorum, nisi forte quia gravius foetent corpora divitum distenta luxurie.

Voluit bonus Deus spiritum hominis, velut divinæ particulam aure, & sui simulacrum nullo pretio sat æstimandum, nihilominus vili sacco corporis abscondere: cui jam verosimile videatur opificem hunc voluisse, corpus quod vilissimum est, pretioso tegmine involvi, qui spiritum inæstimabilis pretii tam vili tegumento circumscripsit? Et cur ipse Deus protoplastis pelles in vestem dedit, si nos auro & gemmis vestiri voluit? Aut igitur miserabili virtutis incitiam laboramus, aut insaniam hilarem insanimus.

I. Quasiit nuper è Dionysio cognato meo quispiā, quos ille in stultorum navigio prima sede putaret honorandos? Hæsit nonnihil Dionysius ad subitam quæstionem, &: Res hæc, inquit, multæ cogitationis est; at tu luce crastina redi, & responsum à me auferes: interim ego senatum in animum advocabo, ut suis momentis quæstio tam seria ponderetur. Rediit alter postero mane, &: An responsum, inquit, reperisti meæ quæstioni? Cui meus cognatus: Reperi, ait, & ut scias secreta æstimatione rem probe pensiculavi, demum hoc



hoc statui : in stultorum triremi primos omnino videri aut primis proximis, qui à vestium luxu magnum sibi ornamentum crederent accedere. Cumque alter ejusmodi responsionis rationem sibi non liquere dixisset, subjecit cognatus meus : Tu ergo vide quid fieri dementius possit, quam operimenta, quæ dedecoris nostri & infamiæ, à primis parentibus contractæ, certa sunt indicia, in laudem & ornatum velle trahere ? nisi vero tu dicas nebulonem numellis, aut furem ornari fune. Ad-do: cum à lapsu protoplasti, libido & omnis generis foedæ concupiscentiæ in membris nostris jam ante nimium quantum exardescant, nos infami huic incendio pabulum insuper sufficimus, & ardenti camino prælarge oleum affundimus; colimus & comimus nos, & sic cultos comptosque mutuis aspectibus propinamus, ut si forte sopita dormiat lascivia, ad has illecebras reviviscat. Memini, etsi nondum senex, cum non tantum corpora, sed & vestes ipsæ honestissime tegerentur : Viri suas promissiore nigro pallio, suas matronæ nigra & per totum corpus defluente palla tegebant. At nunc tantum abest ut vestes tegantur, ut pæne etiam detegantur corpora, & initium alicubi jam factum est, ritu plane non Germano, sed extero & in-  
verecun-

verecundo. Non satis est pompaticæ ostentationis curiositatē omnium oculis ingerere, jam etiam, quæ olim velata, nudamus, & paullatim pe-ctus aperimus. Quod quid aliud est quam pudicitiam aperto Marte oppugnare? Quid hoc aliud quam irritare cupiditates hominum jam ante incitatas? an non hoc nobile specimen est flagitiosæ stultitiæ, & quæ primas mereatur? Quidquid dicas, hæc in veste lenocinia non sunt pudoris tegumenta, sed irritamenta libidinis. Luculenta hæc est & manifestaria insania, ad mortem damnati sumus omnes, capitis supplicium nemini non impendet, ex quo natus est: jam ducimur, in via jam sumus ad supremum exitum, & tamen etiamnum de curiosiore cultu solliciti sumus? Et quam illud solers sed grandis stultitia est, domum, quæ jam vitium facit & ruinas minatur, foris magno sumptu depingere, intus nil opitulari ruituræ? Quid corpus, ruinofum hoc tugurium tam exquisito vestium nitore, tot pigmentis obducimus? jam ad ruinam inclinat; brevî abjicietur in tumbam, terra obruendum. Cyprianus obsecuro hîc occurrens: At locupletem, Lib. de discip. & hab. virg. inquit, te dicis & divitem; & utendum putas iis quæ possidere te Deus voluit; utere, sed ad res salutares: utere, sed ad bonas artes: utere, sed ad illa



illa quæ Deus præcepit, quæ Dominus ostendit. Divitem te sentiant indigentes. Patrimonium tuum Deo fœnera, Christum ciba; commenda illic thesauros tuos, ubi fur nullus effodiat, quo nullus insidians grassator irrumpat.

Ad  
Mar-  
cell. e-  
pist. 33

Ad Se-  
ren. de  
vita  
Chri-  
stian.

I I. Vix credi potest, quantum post Apostolos viri doctissimi, Apostolorum imitatores laborarint, ut Christianos quæ cultum corporis, in modestiæ officio continerent, præsertim cum idololatræ in eos qui neglectioris habitus erant, varie jocarentur & dictéria spargerent, uti divus Hieronymus commemorat, cujus verba hæc sunt: Si tunica non canduerit, statim illud è trivio: Impostor, aut Græcus est. Laborandum ergo fuit ne Christiani vitandis his conviciis, corpus potius excolerent quam mores. Hinc Tertullianus de cultu feminarum, Cyprianus de habitu virginum scripsit; hinc Ambrosius, Hieronymus, aliique complures ad hanc ipsam in cultu corporis modestiam graviter cohortati sunt. Sed ante hos omnes Iustinus martyr jam olim in eas declamat, quæ arte dolosa tentarent quod feminis Christianis esset interdictum, atque has ita objurgat: Vsu venit quibusdam seipsas fallentibus, ut cum aperte vultum pigmentis fingere non audeant, arte id faciant. Nam in undam aut oleum  
facie

facie inclinata despicientes de seipsis  
 judicant, an adversus castitatem bel-  
 ligerare possint. E quibus facile est  
 scire, Christianas pudicas feminas  
 nec speculo quidem licenter uti so-  
 litas, cum eæ, quas Iustinus perstrin-  
 git, legem eluderent arte. Nec dis-  
 sentit Tertullianus, qui eas pudici-  
 tiæ nundinatrices nominat, (supra  
 exposui) quæ consilium formæ à spe-  
 culo petunt. Et quæso quid Numinis  
 & naturæ ordinem invertimus? Cur  
 servum ornamus, ad speculum comi-  
 mus, & deliciis pascimus, dum herus  
 & imperator fœda macie tabescit?  
 Bernardo magna abusio est, & nimis  
 magna, dominam ancillari, & ancil-  
 lam dominari. Apud Romanos o-  
 lim statim dies Saturnalium, quibus  
 per ludum & jocum, jus herile servi  
 occupabant: at nos Christiani Sa-  
 turnalia totis annis agimus, & cor-  
 pus mancipium, supra dominum  
 extollimus, ut & de nobis verum  
 sit, quod Ecclesiastes notans: Vidi  
 servos, inquit, in equis, & principes  
 ambulantes super terram quasi ser-  
 vos. Incredibile dictu est quam acri  
 pœnitentiæ studio, quantis oculo-  
 rum fontibus, illud viduarum de-  
 cus Romana Paula, hanc in se cul-  
 pam expugnarit. monita namque  
 parceret oculis, neve illos effle-  
 ret, respondit: Turpanda est facies,  
 quam contra Dei præceptum purpu-  
 rissimo,

De  
cult.  
femin.  
c. 8. &  
lib. de  
virg.  
eland.  
ca. 12.

Eccle.  
c. 10.  
v. 7.

Hiero.  
in epi-  
taph.  
S. Pau-  
læ.



riffo, & cerussa, & stibio saepe depinxi; affligendum est corpus, quod multis vacavit deliciis; longus risus perpeti compensandus est fletu; mollia linteamina & serica, & pretiosa, asperitate cilicii commutanda: quæ viro & sæculo placui, nunc Christo placere contendo.

Ejusdem animi fuit Edildrida Anglorum regis filia. Hæc extrema ætate sacrarum virginum antistita, è colli tumore magnos dolores capiebat, quos non tantum moderate & placide, sed & egregia animi alacritate, & voluntate summa tolerans, dicere solebat: Recte omnino mecum agitur, rectissime; quibus membris delinquimus, his punimur. Memini me juvenculam supervacua monilium pondera gestasse collo, jure igitur pœnas expendit sui peccati collum. Tuum hoc, ô mi Deus, beneficium austerum quidem est, sed saluberrimum: Animi pharmaca sunt, tua, mi *Iesu*, vulnera: his plagis docemur modestiam.

Thom.  
Sta-  
pler. in  
vita  
illius  
c. 6.

III. Thomas Morus, fidus illud Anglicum, ille supremus regis Henrici Cancellarius, tanto majorem meretur laudem, quanto minorem ipse curam sui corporis gessit. Sileo, in mensa eum uno tantum cibi genere, quod ut plurimum bubula caro fuerat, vesci solitum. Vestis ei simplex, & tunc solum serica, cum

cum publici magistratus officium  
 cogeret. Vna eademque semper u-  
 tebatur, nisi cum famulus mutan-  
 dam moneret diceretque: Here, ho-  
 die curiam ingredimur; paullo me-  
 lior vestis sumenda. Ita herilis habi-  
 tus arbitrium omne penes famulum  
 erat, qui calceos, caligas, aliaque in  
 hunc usum necessaria præstinabat.  
 Hunc ea de causa tutorem suum so-  
 lebat vocare Mors, cumque die ali-  
 quo calceis admodum attritis & pæ-  
 ne pertusis prodiret, monitus est, ve-  
 teres soleas novis immutaret: Et tu,  
 inquit, meum tutorem roga, alios  
 mihi emat. Denique in his quæ cor-  
 poris curam cultumque attinebant,  
 maluit vir illustrissimus, religioso-  
 rum hominum more, alienis impe-  
 riis parere, quam suo nutu agere, sive  
 ut animus excelsissimus ad hæc tam  
 minuta non devocaretur, sive ut  
 principem hominis Christiani virtu-  
 tem, submissionem & modestiam in-  
 signius in se exprimeret. Vere, nus-  
 quam in minore pompa magnæ vir-  
 tutes, quam hic habitarunt. Saxonix  
 Dux Guilielmus, honesti habitus a-  
 mantissimus, in aulicâ familia homi-  
 nem habuit vetustæ stirpis, sed men-  
 tis vanæ, & qui novitio ritu, prout  
 nunc fere mos est, vestem gerebat.  
 Hunc affatus princeps: Quæso te, in-  
 quit, ne recuses mihi gratificari: sar-  
 torem adi, & ex optimo panno ve-



stiri te jube meo sumptu, sed more meo, & scissas has vestes depone. At ille aliquantulum præcepit & biliosus: Et cur, inquit, illustrissime princeps, non meo me arbitrio vestiam? Et cur, subjungit dux, non meo te arbitrio aula submoveam? Atque mox missione data, alium sibi dominum jussus est quærere. Non iniquum imperium, & ad prisce civi modestiam attemperatum. Certe & Lacedæmonii hospitem Milesium, in vestitu sumptuosiore, quam pro Spartana consuetudine, jusserunt civitate excedere, & domi suæ, aut ubi demum vellet, modo extra urbem suam, Milesiam exercere. Augustus etiam Cæsar habitum vestitumque pristinum reducere studuit. Ac visa pro concione pullatorum turba, indignabundus & clamitans: En, ait, Romanos rerum dominos gentemque togatam! Itaque negotium ædilibus dedit, ne quem posthac paterentur in foro circove nisi positus lacernis, togatum consistere. Optima pudicitie custodia, vestitus honestas.

Lib. 3. Epictetus, philosophorum longe  
dilect. clarissimus, & pæne dixerim, Chri-  
cap. 1. stianus, eleganter prorsus cum juve-  
ne confabulatus: O adolescens, in-  
quit, quem vis pulchrum facere?  
Cognosce prius quis sis, ac tum te  
ornato. Homo es, hoc est, animal  
mor-

mortale, quod visis cum ratione utitur. Ratio vero quid est? quod naturæ sit congruenter ac perfecte. quid ergo eximium habes? Animal? Non. Mortale? Non. Vti visis? Non. Rationem habes eximiam, hanc ornato & expolito; comam vero relinquito ei qui illam finxit, ut ipse voluit. *Et ad capitis finem*: Sed vide quid Socrates dicat omnium pulcherri-  
mo & elegantissimo Alcibiadi: Dato, inquit, operam ut formosus sis. Quid ei dicit: Finge comam tuam, vesti-  
tæ nitorem adde? Absit. Sed ornato voluntatem tuam, malas opiniones abjice. In hanc Epicteti sententiam præclare dixit Iulianus Imperator: Turpe esse sapienti, cum animum habeat, captare laudes ex corpore. Quod si tantopere sericum, pigmen-  
ta, byssum, purpuram amemus, Tertullianum sequamur, qui, qua ratio-  
ne hæc in laudem venire possint, in-  
genue docens: Vestite, inquit, vos serico probitatis, byssino sanctitatis, purpura pudicitiae, taliter pigmen-  
tati Deum habebitis amatorem. Nec est quod quis addabitet nitidas & numerosas vestes, ad animi profe-  
ctum & ad cultum virtutis parum facere. Certum est enim vanita-  
tis aut infirmitatis argumentum, *Pluribus indigere*. Profus ad viven-  
dum velut ad natandum, is melior, <sup>Ma-</sup>  
qui onere liberior. Cui pulchrum <sup>dan-</sup>  
<sup>rens.</sup> <sup>lib. x.</sup> <sup>est</sup> <sup>Apol.</sup>



est corpus, & anima mala; bonam habet navim, sed malum gubernatorem.

IV. Sed vitiis facile fucum invenimus, vel quod pejus est, ea quoque importuno patrocinio tueri non dubitamus. Passim responderi audias: Dives sum, nobilis sum, in magistratu sum, sponsus, conviva, paranymphus sum, sum juvenis. Quisquis demum sis, mi juvenis, homo es, luttumes; & ad te mihi nunc potissimum sermo, nec indignaberis, si cum prisco pedestri Satyrico pauca ex te quæram: Dic quæso, quod spectant flexæ pectine comæ? melius flectitur pervicacia: quo facies medicamine attrita? animus magis indiget: quo crines in fronte refugi, & in altum erecti? mens erigitur rectius: quid facit gemma in articulo? si nescis, in scriptis pulchriores sunt gemmæ quam in digitis: quid tot fasciæ pedes implicant? facilius ferrent suum truncum absq; his impedimentis. Aspice mihi mendiculum disparibus & male consarcinatis centunculis semiamictum, & purulentam manum ad excipiendam stipem porrigentem. squalent horrentque comæ, sine nitore vultus est, extant nuda & sole perusta membra; an ideo illum ex hominum coetu exturbabis, velut extremum busti cadaver, velut primum vitæ dedecus,

& so-

Arbitrio.

& solum Orci fastidium? Fleſte oculos ad longa retro ſacula; primus homo inveſtis & nudus ſtetit ſuo ſigulo, imo nudus non fuit, nam ſatis teſtus eſt, quem tegit innocentia. deinde ſit nudus qui in ponte mendicat, an neſcis tales nec à decem quidem palæſtritis ſpoliari poſſe, & ſæpe tanto minus vitiorum habere, quanto minus numorum? Adde, pares omnes naſci, pares mori, licet quod temporis intercurrit, in illis purpura fulgeat, gemma niteat, aurum ſplendeat, alios vix trita tegat lacerna. Nemo tamen tam nudus fuit, tam vilibus teſtus, quam cum naſceretur; illud momentum æquavit omnes. de morte quid dicam? Omnium idem exitus & idem domicilium. Corpus hoc ſub quacunque purpura ſudaverit, areſcet in pulverem; ſub quacunque; gemma ſuſpiraverit, tenuabitur in cinerem; ſub quocunque odore fragraverit, in nidorem putoremque laxabitur. Nunc ergo beatos cenſebis illos, qui gēma bibunt, qui in oſtro dormiunt, in argentea ſponda recumbunt, qui manus auro, cervicem monilibus onerant, qui delectantur catenis & vinculis, dummodo auro ligentur; nec putant onera eſſe ſi pretioſa ſint, neque vincula eſſe putant, ſi in his theſauri coruſcent? apud quos & gemmæ ſua habent pondera, & veſtes ſua



habent frigora ; qui in gemmis sudant, in sericis algent : hos tu beatos dixeris? nil horum exterret mortem. tam certa manu hos rapit, quam in finæ fortunæ mendiculos. Mors nec blandiri didicit, nec blanditias admittere.

V. I nunc, converte calamistro crines, vultum unguentis enubila, byssinis & hyacinthinis lænis corpus amici, ventos balsaminos post te trahere, & quaqua incedis, vias imple, idem tamen gurgustiolum fortieris, quod hominum postremissimi. Sepulchra eorum, domus illorum in æternum. Specus subterranea, ad corporis modulum angustissima, brevi tuum palatium erit. Et scisne, mi juvenis, quam bestiam ita colas comasque, cum corpus colis comisq; ? qualem in oculis vix feras, fœdum serpentem. Nam audi Plutarchum & Plinium, quorum iste affirmate docet è medulla quæ tergi spina clauditur in homine, serpentem enasci. Attende sis, caput integrum è Plinio recitabo. *Ger.* Modo non longum sit. *Pol.* En iterum te cepi. Hæc nostra legendi & audiendi patientia est ; sæpe nauseamus, & damnamus antequam audire vel legere incipiamus. *Ger.* Audio, mi Polychroni, audio, tu tantum recita. *Pol.* Vix sunt viginti voculæ, sic Plinius loquitur : Anguem ex medulla hominis

Pl. 48.  
V. 12.

L. 10.  
C. 66.

nis spinæ gigni, accepimus à multis. pleraque enim occulta & cæca origine proveniunt, etiam in quadrupedum genere. Hoc totum caput est, & dignum scitu. Plutarchus vero in vita Cleomenis hæc habet: Cum comperisset Ptolemæus, Cleomenem sua ipsius violenta manu trucidatum, cadaver detracta pelle in crucem sustolli jussit, & cum cura custodiri. Ponuntur aliquot dies in hac custodia, animadvertunt tandem milites circa suspensi caput, miræ magnitudinis serpentem repere, & saginam sibi ex adefis artubus instruere. Incessit regi Ptolemæo trepidatio, & cum ea quoque superstitio, ne fortassis innocentem & humana sorte majorem in furcam extulerit. Alexandrini quoque ad supplicii locum confluunt, & viperam illam per cadaveris caulas (ut loquitur Lucretius) libere vagantem, curiose spectant, Cleomenem heroem appellant, & Deorum filium. sed erepta illis hæc mens est ab eruditis aliquot viris, qui liquido docuerunt, è putrescente bove apes, ex equo vespas, ex asino scarabæos, ex hominis medulla serpentes progigni. En, quantos thesauros vestes cõtegan, an non merito pretiosæ sint, quæ semen tam pretiosum, nempe viperinũ convelant? Plutarcho & Plinio fidem vix negabis: sed alium do testem & recentiorum.



VI. Fuit hoc nostro ævo nobilissimus juvenis, & qui Hyacinthus aliquis, aut Damocles haberi poterat, ob eximiam oris venustatem. At cum moriendum est, eximius nullus est; neque ille juvenum formosissimus cæcum furorem mortis tam eleganti & luculento vultu à se abstinuit; moriendum fuit. Hic locus induciarum nullus est. Venit ergo ad extrema in ipso ætatis flore, & dum nasceretur hæc rosa, consenuit. Adsunt cognati, lectum sepiunt, diversa plorant, precantur multa, illud tamen maxime, uti posteris vultus sui vel sic exhausti & pallescentis effigiem velit non invidere. ita rogant omnes, hoc sibi monimentum relinquere non gravetur.

Surdus est æger ad has preces (uti olim ad similes fuisse dicitur Agefilaus) hoc solum illis annuit, ut postquam plusculos dies cum matre sua Terra fuerit, sepulchrum aperirent, & eam quam tum reperirent formam, penicillo excipi ac depingi curarent. Maluissent equidem cognati obsecrationem suam non repudiari, pondus tamen & momentum habuit apud illos hæc juvenis jussio, quia extrema. Faciunt ergo ut jussit, extinctum terræ inhumant, certosq; dies, uti eduxerat, expectant. Tandem urnam pandunt; sed heu quam foede mutatum offendunt! illam paullo  
ante

ante venustissimam faciem certatim vermes lacerant, diaphragma seu dorsi spinam aliquot serpentes occupant; macellum dixisses è quo carnes emerent esurientes colubri. Horrent consanguinei tanquam ad revelatam Persei parmam, & pæne lapideo frigore obrigescunt, nec jam vel oculis vel naribus viciniore esse sustinent, & quia id morienti datis dextris promiserant, fidem verentur fallere. Pictorem ergo adducunt, qui juvenem non juvenem sed sepulchralem larvam depingat. Extat adhuc hodie in illustri Germaniæ loco lacrimanda hæc effigies, quæ ut ætatem ferret, saxo etiam incisa est.

Etiamnum dubitamus, cui impendamus servitium & cultum, cum corpus colimus? Sed amor corporis ad illam subinde dementiam excrescit, ut malimus perire, quam non servire corpori. Et ut lignum occulta teredo consumit, sic animam viat paullatim & exedit ignava & se unam contemplans luxuries. Hinc ad insaniam concupiscimus, quidquid corpori placet. Apud plerosque tandem piaculi loco est, corpori non in omnibus obsequi.

Sed antequam tertiam hanc vesperam claudamus, alter in alterius finem, Gerarde, suaviter & candide rem magnam confabulemur.

Ecquis est hodie, obsecro, qui cum

D d 5                      insa-



infanientibus, non dico, infaniam, sed  
 non insanierit aliquando? Contem-  
 plare mihi hominem non exquisiti-  
 ssime cultum, quantum tamen etiam  
 iste in cultu exhibet inaniarum? Vide  
 pileum è pilo canis Pontici, unà cum  
 pilei cingulo sexcenties jam mutato:  
 vide comam curiose structam, bar-  
 bam in peregrinos ritus attonsam,  
 neque hinc tamen ulla constantia:  
 collare, oculorum fabula, innume-  
 ris gaudet mutationibus, hoc solo  
 venustum, quod nunquam idem,  
 quod varium semper & mutabile:  
 thorax suam patriam ignorat, nam in  
 pluribus provinciis domi est: caligæ  
 toties in novam formam transeunt,  
 quoties hero suo delirare lubet. Et  
 quid tibi, quæso, de ligulis videtur,  
 quarum totus exercitus caligis illu-  
 dit mira ridiculæ elegantiae vanitate.  
 Ligularum harum ea lex est, ut solu-  
 tæ caligis involitent, non adstrictæ.  
 An hos tales, non dicas pueros, solu-  
 tis ligulis jam paratos, ad excipien-  
 dam betulam? Alicubi his caligarum  
 ligulis præfigunt aurum, ut fures es-  
 cam habeant cui insidientur: tin-  
 tinnabula iis commodissime appen-  
 derentur, ad convocandos spectato-  
 res. Gerarde, fateor, improbum vo-  
 tum hinc mentem subit. Velim ur-  
 bes illas plenas esse furibus, sed qui  
 tantum has auro armatas ligulas, &  
 si quid harum nugarum est, dextre  
 præscin-

præscindant, arrisuro utique Mercurio. Sed post caligas tot ligulis non ligatas, sed pæne ad volatum paratas, etiam periscelides inspice, quæ modo ante genu dependent, jam ad latus, jam etiam pone genua in globum adstringuntur. De calceis nihil habeo dicere, cum pæne nullus illorum amplius sit usus, nisi inter pauperrimam plebem. Iam cothurnos gerunt viri faminaeque. Ignotum tibi esse haud potest novum calceamenti genus, utrinque liberaliter fenestratum, & basi ligneola suffultum. Ita cothurnati jam incedimus, & calceos caprinos ostentamus. Non absurde, histriones & mimos nos dixeris, ad agendam in scena fabulam conductos. Equis non hodie, aut Heraclitum induat oculis jugi fonte rorantibus, aut Democritus fiat petulanti splene cachinno? adeo multum ridiculi, multum & lascivi habet vestitus noster.

In feminarum comptures infinitæ observationis est. Ambitiosæ ligulae etiam per illarum capita jam serpunt, sed adstrictæ. Cetera quis narret? Illud cui risum non moveat? Olim collaria largius excurrentia filis ferreis aut argenteis fulciebantur, jam nescio quis \*sericus paries\* <sup>\*Æres</sup> à cervice in obliquum sese attollit; hebet, jam collo geruntur propugnacula, quibus



quibus structissimum collare quieta  
statione recumbat.

*Ger.* Ligulæ sericæ, quarum ante  
mentio, tam pervulgati moris & u-  
sus sunt, ut putem ad id ævi nos per-  
viçturos, quo etiam barba his vincu-  
lis illigetur. Adeo namque hæc li-  
gularum hæresis vestitum omnem  
occupavit, ut illum, velut arborem  
vermes, omni parte perreptet. Ca-  
put, vittas, capillos, collaria insident.  
Olim in scorteis collobiis potissi-  
mum cernebantur, ab his in caligas,  
inde in calceos descenderunt. Ego  
cum tam multum superflux ostenta-  
tionis cerno, illud Diogenis animū  
subit: *Quantis non indigeo!* At miror,

\* *Kres* Polychroni, nil à te dictum de \* a-  
\* *starch.* mylo glutinoso, quo collaria firman-  
tur. *Pol.* Gerarde, nunquam dicendi  
finis sit, si omnia vestitus vitia per-  
stringenda. Per omnium gentium  
vestes imus, ut in uno Germano  
nunc gentes videas omnes. Hic in  
memoriam recurrit, quod ipse audi-  
vi ab eo qui candidum illud gluten  
collarium coquit. Affirmavit hic tri-  
plex amyli genus à se vendi: Libram  
unam amyli vilioris \* quinq; fester-  
tiis; libram selectioris sex aut septem  
sestertiis; libram optimi decem se-  
stertiis esse venalem. Enimvero, ait,  
vilissimi hominum, quibus vix scis-  
sile indusium est, collaribus suis can-  
defaciendis & firmandis amyllum e-  
munt.

\* 20.  
\* *Kres*  
\* *ser.*

munt selectissimum, ditiores sæpe vilius. *Ger.* Rem miram dicis, si veram. *Pol.* Verissimam. Et vide hinc cacodæmonis vafritiem. Ditioribus ea vanitas non displiceret, sed nummis parcunt. Tu jam cogita, quam largam si dent stipem, qui etiam in his tam sordidi. Plerunque recte dicitur: Quo ditior, hoc avarior. Deinde cum opulenti ut plurimum suas opes jactent, satis vel hinc superbi sunt, nec opus eos à diabolo multum vellicari. At vero tenuiores, cum à nummis æqueant, à vestibus pretium sui parant. Vide, obsecro, mi Gerarde, quam nos varie cacodæmon vinciat: opulentos avaritia, egenos superbia irretit. *Ger.* An non leges vestiariæ sunt? *Pol.* Sunt, tam priscae quam novæ: sed quis eas observat? At fingamus his legibus religiose obtemperari, nec ullius vestem esse holosericam, cui solum pannus aut corium permissum, nihilominus gravissime hinc delinquitur. Nam etsi vestes non peccent materia, peccant tamen forma, quæ plerunque vanissima, & omnis honestatis ignara. Hinc Rhodus, hinc saltus. Interea nemo se reum fateatur. Sartor excusat, & sic dictari ait. Qui vestem dictat: Hoc, inquit, sartor curabit, qua ratione me juvenem, me sponsum, me talem vestiati. Ita utrimque palliata superbia est:

Sed



† Heter Sed nosti † suavioris & delinquentis  
 und parem esse culpam.  
 Heter.

Eo certe insanix prolapsi sumus, ut vestitus vix possit esse levior & magis ad lasciviam factus. Et quod pejus, tam pertinaciter his deliriis favemus, ut nec bella, nec pestem, nec annonæ caritatem multum curemus: vestitus nec minima quidem parte plus honestatem sapit. Quærimus nimirum, non quo involvamus, sed quo opes projiciamus. usque adeo fortunas perdere pulchrum est. Et quæso te, feminarum vestes intueri: quam eæ leves sunt & lascivæ! Calcei nivem æmulantur, palla varie facta colores refert operosissimos colorum; nativa omnia jam sordent: palliolum fœde curtum humeris injicitur, non ut tegat, sed ut ornet. Quamvis hoc ipsum jam aliud atque aliud. In nobilioribus feminis virorum nunc pallia cernuntur. Et quamdiu hoc? nuperrime monstrum femina vidi: erat ea non ocreis tantum, sed & calcaribus, sed & pugione ad latus pendulo armata: pileum habebat ritu militari, cristis insignem. Tu si eam vidisses, aut Palladem, aut ipsum certe Martem dixisses. Eam atatem, Gerarde, vivimus, qua viri paullatim feminae fiunt, & veste, & crinibus; qua & feminae viros induunt, atque in urbibus ac pace majestatem spirant bellicam. Sic  
 omnia

omnia invertimus. Profecto vestium  
luxus inter Christianos nimium in-  
valuit. Sed num ignoramus, à nobis  
non solum corpus castum, sed & ca-  
stum animum castasque cogitatio-  
nes postulari? Hæ leges Euangelii  
sunt. At vero vestitus tam lascivus  
his legibus aperte contradicit. Libi-  
dinis negotium fideliter curat hæc  
vestium insolentia.

Verum, ut dixi, qui se reum fatea-  
tur, nullus est. Difficile nobis videtur  
consuetudinem evertere; quod usi-  
tatum ac receptum est, sequimur, ne  
contra morem agamus. Hoc fucō A la mode  
Mon-  
sieur.  
culpam præteximus. Heu quam non  
speranda est emendatio, ubi vitia in  
mores transeunt!

In memoriam hîc venit apologus  
de equo & equifone. Equiso non  
tantum Hipponæ, sed Mercurii quo-  
que scholam triverat, & ex arte po-  
terat furari: itaque avenam quotidie  
subtrahebat equo, eamque vende-  
bat. Nihilominus equum solerter  
curare, accurate calceare, sternere,  
strigilare, infrenare, atque ita credere  
avenam tam fideli opera restitutam,  
& equum non minus obesum ac ni-  
tidum fore, quam si bona fide ave-  
na ei præberetur. Hoc autem equus  
indignari, & equisonem suum auda-  
cter alloqui: Heus tu, aiebat, bona  
strigilis & mala pastio, non com-  
mendant equum: Si me vis corpulē-  
tam,



tum, avenam in posterum ne subtrahere. Da mihi quod meum est, & tu quod tuum est cura, sic utrimq; melius habebimus.

Modo prorsus simillimo & nos agimus, quo ille furacissimus equiso. Corpus lavamus, ungimus, ornamus & polimus; tanto tempore vestes induimus, tanto capillos struimus, tanto stolam fundimus & cutem fingimus, tanto speculum consulimus, & collum demulcemos, tanto alia corporis ornamenta disponimus, ut scilicet è capsula & speculo prodeamus. Atque in his omnibus libidini egregie ancillamur, & tanquam suspensa hedera venalem castimoniam prodimus. Ah, nec dimidium quidem curarum & laboris animo impenditur. O furaces equisones! hoc est avenam equo sublegere, omnem pæne curam & laborem impendere corpori, huic dies & annos consecrare:

Terentius.

— *nosti mores mulierum:*

*Dum moliuntur, dum comuntur, annus est.*

Hæc fiunt, & quis se reum fatetur? Negari tamen certe non potest, libidinem & lasciviam hoc corporis ornatu strenue promoveri. O Munde immunde quam multa numeras mancipia, cum interim vix ullus sit qui se tuum fateatur esse mancipium.

O Chri-

O Christiani, si vultis ut optima pars vestri non pereat, non tantum ad strigiles & phaleras equi, sed ad pabulum quoq; attendite, non exteriora solum, sed animum curate, & hunc maxime. Corpus bene vestire, bene pascere, animi vix ullam curam gerere, quid aliud est quam equum studiose fricare, & inique pabulo privare. Inanis fatuasque cultus est purpura fulgere, mente sordescere. Et indignum prorsus, tot horas his vilibus dare. Animi moderati, serii, sedati ac compositi signa è modesto ac moderato cultu elicimus. Ita fere quo quisque prudentior ac maturior, hoc in veste modestior. Beatos nos, si tantum venerationis, temporis, sudoris in Deum conferamus, quantum in hanc vestium nimiam religiositatem. Ah, ubi in Christiano nomine Christiana facta?

Aliter Eberhardus Sueviæ dux, qui æternam sui memoriam ad posteros consecravit, laudabili vestitus frugalitate. Venerat ad eum juvenis sacerdotium impetraturus. Forte huic candidato ventus talarem vestem aperiens, ita reflat, ut princeps caligas ritu militari scissas videret. Qui illico, ut erat morum ac disciplinæ acerrimus vindex, hominem jubens faceffere: Tu, inquit, militem agis, & sacerdotium ambis? Tua te vestis prodit, quam male cultus tibi sit ani-

E c. mus:



mus: abi, nil impetras. Nimirum judex animi vestis, & de moribus pronuntiat habitus. Vbi videris in nitore supra mediocritatem curiosum, & quasi ad fastidium elegantem, totum pæne animum in vestem defluxisse cogita; alibi ne quære.

Proxi- Hoc tam multiplex luxus chora-  
mo c. gium innumera infert damna, ut jã  
10. demonstravimus. Rem híc in com-  
pendium conferam. Vestitus ad hu-  
jus ævi mollitiem factus, Castimo-  
niam, Tempus, Pecuniam occultis,  
sed maximis viribus suffuratur, & u-  
bique spargit nequitiaë semina. De  
Castimonia res in aperto est: ad libi-  
dinem sæpe potentius invitat petu-  
lantia adscititiaë polituraë, quam præ-  
stantia formæ; imo hæc sine illa  
quandoque spernitur. ita lasciviaë  
negotium maxime agit oculis blan-  
diens vestitus: De Tempore quid cõ-  
troverſi? Ille omnium minime tem-  
poris parcus est, qui sui corporis ser-  
vus est. Horæ integræ in otiosissimos  
hos labores insumuntur, nec id in  
damno ponitur, quod longe damno-  
sissimum est. Quisquis horam aufert  
vel unicam, nil dignum tanto im-  
pendio redditurus est. Pecuniam va-  
riis meatibus illic diffluere, ubi ve-  
stium luxus in pretio est, nemo non  
experitur. Mihi nuper maximæ urbis  
patricius ingenue fassus est, se suosq;  
cives occulta, sed ambitiosa pauper-  
tate

tate incredibiliter laborare, atque si  
cui civium etiam primariorum mille  
antea floreni fuissent, jam nec cente-  
nos superesse. Hic ego interpellans:  
Quo ergo, inquam, omne aurum dif-  
fluit? Non in mensas primas, nec se-  
cundas, respondit ille, sed in arcas  
vestiarias: quamquam & convivia a-  
pud nos olim & rariora fuerint, &  
frugaliora. Tanti est *vestiri*. Hæc no-  
stra est patientia, ne luxus decrescat,  
patimur decrescere divitias.

Sed num scire cupis, Gerarde, quid  
Christianos Hierosolymis, quibus o-  
lim potiebantur, ejecerit? Compen-  
dio dicam. Princeps Saracenus; Ad-  
miraldum vocant, in Christianos hu-  
manissimus, Canonico Tajefteni  
Guilielmo quondam narravit, Chri-  
stianorum leges inde sibi notas,  
quod puer educatus esset Hieroso-  
lymis, in ea tamen urbe mores tunc  
viguisse corruptissimos: Gulæ & Lu-  
xuriæ cognatis vitiis neminem non  
deditum; vestitus vero insolentiam  
fuisse tantam, ut verbis æquari vix  
possit, tam varie & forma, & colore,  
& pretio exorbitatum. Quantum i-  
stud me offenderit, ajebar, vestes  
meæ pro me dicent. Eæ profecto nec  
auro nec serico virgatæ, sine plicis,  
sine artificiosis futuris, nihil curiosi-  
tatis aut artis præferebant. Addidit:  
Ecce, hæc illa sunt vitia, ob quæ Deus  
Palæstinam Christianis denuo ere-

Fuse  
narrat.  
Cæsa-  
rius  
Hei-  
ster-  
bach.  
l. 4. de  
mirac.  
c. 15.



pram aliis commiserit. Ita nos non tam nostris viribus vos illinc eiecimus, quam vestris vitiis. Hæc Canonicus ille Traiectensis Guilielmus, qui postea sacre Cisterciensium familiæ se adjunxit, fidei narratione aperuit.

En, Gerarde, etiam ab hostibus nostris sapere docemur, modo sint qui discere non recusent. At nos, post clades etiam nostras, cladium causas amamus, tam alte nobis hæret inepta & misera vanitas. *Pedi ligneo in aurea crepida, ut verbum est, simillimi sumus.*

Lucia-  
nus ad-  
versus  
indo-  
ctos.

Fuit in Asia vir opulentus, cui calamitoso casu, cum per nives iter faceret, putrefactus frigore uterque pes deperiit. Ille tam miserabilem fortunam expertus, ut infelicitatem suam solaretur, mutilo corpori aptavit pedes ligneos, quos & calceis texit: ipse famulis innixus, novo sed agro incessu sese inferebat. Vbi hoc insuper ridiculum comminisceretur, ut crepidas pulcherrimas semper & novas haberet, quibus scilicet speciosam faceret miseriam suam. O nobilem compositionem! *Pes ligneus in aurea crepida.* Istud nos felicissime æmulamur: Miseriarum, vitiorum, ignorantiarum scatemus, clauda mente & sensibus ficulneis sumus, plane *pedes lignei*: vestibus tamen, supellectile, libris, ac ædibus speciosis stude-

mus enitere. Nimirum, ut magis conspicua sit nostra infania, & miseria speciosior, libet cum ratione insanire. Ita humanæ stultitiæ præclarum stat trophæum & symbolum, *Pes ligneus in aurea crepida*. Quid tu ad hæc, Gerarde?

VII. *Ger.* Toti ictus inferis, Polychroni, ut vel superbissimam quercum dejeceris. Tam à me quam ab aliis emendationem spera. *Pol.* Si modo sperare liceat constantem. Mores nostros nosti, Apriles dies imitatur, quorum sæpe serenus ortus, occasus pluvius: id jam supra demonstravimus, de Conscientiæ & Cælitum cultu. Sed omnibus horis dicendum est, quod nunquam satis dici potest. Nimium flexibiles sunt hominum voluntates, instabiles nimium mobilesque. Leviter incipimus, varie imus, inconstanter progredimur, dissimiliter finimus. Volaticus est sæpe conatus noster, qui à seipso brevî desciscit. Itaq; assiduissime ingerendum nobis est illud: *constanter*.

Fons est in Idumæa, ut refert Isidorus, qui ter in anno mutat colorem. Parum est hoc nostræ inconstantiæ; ter in hebdomade, subinde ter in die sincerum virtutis colorem mutamus, sicut lacus ille qui apud Troglodytas esse dicitur, ob maleficam vim insanus appellatus. Hic ter de die fit amarus salsusque, ac deinde

Plin.  
1.37.c.  
2.med.



dulcis, totiesque noctu etiam mutat, scatetque albis serpentibus vici-  
 cubitorum. Ab hujus aquæ genio nō  
 multum dissident mores nostri, qui  
 tam inæquabili motu feruntur, ut  
 jam blandi, jam asperi; aliquando  
 profusi, mōx sordidi simus, jam ve-  
 hementer amemus, jam supra modū  
 oderimus, nunc sanctimoniam in-  
 duamus, jam toti prolabamur in vi-  
 tium: omnis dies, omnis hora nos  
 mutat. Sed non est quod hujus rei  
 culpam aut diabolo impingamus,  
 aut Mundo. Nemini alterius vitio  
 mali sumus, sed nostro. Illud Sparta-  
 ni dictum mihi etiam nunc semper  
 in animo hæret: Athenienses scire e-  
 quidem quæ recta essent, sed nolle  
 facere. Atheniensium nos prorsus si-  
 millimi sumus, quæ agenda sint, ex-  
 acte scimus, sed agere ea nolumus:

*Ps. 35.* Noluit intelligere ut bene ageret. *Ignorantiam* culpe prætexere non pos-  
*v. 3.* sumus, cum ignorantia voluntaria  
 laboremus: voluntarie ignorat, qui  
 discenda discere non curat, aut si quæ  
 recte didicit, didicisse male dissimu-  
 lat. Atque his quidem decretum est  
 non bene agere, sed modo hunc, mo-  
 do illum voluntatis impetum sequi.  
 Ut Chamæleon, quoniam aura (ut  
 ajunt) non cibo vescitur, hianti sem-  
 per est ore: sic illi variarum cupidita-  
 tum vento inflantur, hoc volunt, hoc  
 nolunt: hoc hodie spernunt, cras ap-  
 petunt.

petunt. & ut rami aut tigilla quæ fluminibus innatant, temere impingunt in hanc illamve partem: ita nos varie fluctuamus, & sæpe nec isti sapimus, vel bestiis magis excordes. Memini me legere, viro nobili in aula VVirtenbergenfi canem fuisse, qui ubi vel semel tantum ab aulicis canibus male acceptus est, injuriæ damnique memor, deinceps herum suum ad vestibulum tantum arcis aulicæ comitatus est, & mox domum se recepit in tutum. Observavit dominus sui canis tam circumspectum obsequium, & Vere, inquit, meus canis plus me sapit: ego in aula toties pessime habitus, in dies tamen usque redeo.

Io.  
Manl.  
tom. 3.  
collect.  
p. 196.

Et nos quoque, moniti toties, rogati, castigati toties in easdem iterum culpas impingimus, frequenter gravius, quam ante, & *mentitur iniquitas* ps. 26. *sibi.* Ita fit subinde ut ad aliquam habitus sobrietatem nos componamus, corporique detrahamus superflua. Et quamdiu hoc? dum nos poeniteat fuisse hac in re sobrios & frugales. tunc autem ejuscemodi poenitiæ obnoxii sumus, cum videmus aliis non eandem in veste modestiâ placere, cum veremur ne minus opulenti, aut parci sordidique habeamur: Sic nostra probitas ad aliorum oculos se fingit, ad sermones aliorum huc illuc se vertit, & quod erat, esse de-

ps. 26.  
v. 22.  
Senec.  
epist.  
120.



finit; sic modo palliati modo togati, frugi sumus & graves, & modo prodigi & vani: mutamus subinde personam, & contrariam ei sumimus quam exuimus, plane multiformes sumus. Magnam rem puta, unum hominem agere. Male mentis indicium est hæc fluctuatio, ac inter simulationem virtutum, & amorem vitiorum

3 Reg.  
c. 18.  
v. 21.

assidua jactatio. Usquequo claudicatis in duas partes (clamat Elias) si Dominus est Deus, sequimini eum; si autem Baal, sequimini illum. Quid ora hominum pavemus, quid mortalium oculos reformidamus, si Deus Dominus noster, si modestia in cultu placet, cur Deum offendere, modestiam abjicere non veremur? Divi

Vita S.  
Bernardi  
l. 1. c. 7

Bernardi soror, hac in re animo fuit plane non femineo. Fortiter incoepit, constanter perfecit incoepita. Petiverat illa in colloquium cum fratre admitti: sed quia comptior erat quam fratris oculis probari poterat, ab aditu monasterii repellebatur. Hanc illa injuriam mitius ferens, fratri renunciari jussit, si delinquentem rejiceret, saltem admitteret corrigi volentem. Admissa est. Hic ei Bernardus gravissimis verbis, & in os, illum vestium luxum & vanissimum lenocinium objecit: Christianæ feminæ non esse, corpus brevi in putredinem iturum sic perornare. Profuit illi hæc audiisse, nec distulit ad frugem se

corri-

corrigere : mox pretiosam vestem ,  
 mitras , armillas , monilia , in aures ,  
 vittas , speculum , discerniculum , anu-  
 los , gemmas , & omnem mundum  
 exilio damnavit æterno , jussitque  
 Pompam & Voluptatem res sibi suas  
 habere , ipsa Domino deinceps servi-  
 tura . modestiam quam coepit , hanc  
 & finit . Non languide ad virtutis  
 difficultatem exurgendum : alacriter  
 incumbendum est inchoatis . Vera  
 modestia non tam principium inve-  
 nisse gaudet , quam finem addidisse :  
 in extremo actu non corrumpit , usque  
 ad *Plaudite* persistit , à carceribus ad  
 metam decurrit .

VIII. At nos , ô arundines vento  
 agitatae , ô homines mollibus vesti-  
 tos ! quibus tunc demum modestia  
 in cultu placere incipit , cum numi in  
 fundo suspirant , imo sæpe ne tunc  
 quidem . nam multis suavius est no-  
 mina contrahere , quam aliquid  
 pompæ vestium detrahere . O Iorda-  
 nis accola , ô Ioannes Baptista ! quam  
 constanter rigidissimam tui vestitus  
 modestiam , ad usq; ultimum vitæ a-  
 ctum retinui ! cameli pellem , non  
 purpura , non serico unquam emuta-  
 sti . Nos vero indociles discipuli , nec exē-  
 pla : annis & sæculis in eadem classe  
 hæremus , aut si paullulum promovi-  
 mus , mox ad eandem recurrimus .

Cleobulus in convivio septem sa-



pientum apposite narrans apologum: Luna, inquit, à matre petiit, tunicam sibi suisque annis convenientem texeret. Cui mater: Et qua ratione id possim, ô mea filia, cum te modo grandem & obesam, modo gracilem & perparvam videam? mutabilitatem ejura, & vestem à me spera. Lunæ nos germani fratres sumus, & jam decentem in veste modestiam sapimus, jam pompam & fastum spiramus, frequenter in hoc etiam expiramus. Indubie, Gerarde, nosti, quem exitum sortita sit nobilissima illa Campaniæ Comitissa, Maria Ludovici Pii Galliarum regis filia, sed moribus non perinde similis parenti. Hæc, licet vidua, nihilominus ambitiosissimum corpori cultum non desinebat, dum mors pulsaret fores, & irrueret importuna. Iam ergo moribunda Persaniæ abbatem acciri jussit, cui conscientiam aperiret: verum cum ille advenisset, illa jam è vita discesserat. Neque hic morati famuli, rerum suarum quisque satagebat, hic vestem, hic vasa, ille culcitræ, iste tapetia diripuit. sed nec mortuæ parsum est. nam infamæ sortis homo, dominæ suæ cadaver lecto evolutum, in terram primum ejecit, & sibi lintheamina in spoliū rapuit. Admissus demum abbas in defunctæ conclave, ubi miserabile hoc spectaculum vidit, & corpus illud,

Thom.  
Canti-  
prat.  
lib. i.  
mirac.  
cap. 7.

illud, cultissimum olim, jam male opertum & abjectum humi reperit, exclamavit: Venite, cernite nobilissimæ Comitissæ pompam: En, hic rerum humanarum exitus, hæc fides est fallacium voluptatum, hanc habent clausulam mortalium triumphi. ô vanitas, ô ludibrium! ita, mi Gerarde, ita qui hodie florent, in autumno suo decident, & fortassis etiam calcabuntur. Viderit, quem juvat de carne gloriari.

IX. *Ger.* Licetne interrompere? huic non absimilem eventum nuperrime mihi recitari audii. *Pol.* Dic liberrime. *Ger.* Camberix in provincia Lugdunensi, anno millesimo quingentesimo octogesimo septimo, matrona nobilis, amœniore cultu, quam decebat, delectabatur dum viveret. Admonebat eam frequenter sacerdos, qui ei à confessionibus fuit, meliori daret operam ornatui, quo placeret non humanis oculis, sed Deo. Illa, ut erat ingenio, liberrime, serium sermonem familiari joco eludens, solebat rogare, corporis colendi curam sibi relinqueret, aliud nunc ævum, alios esse mores: sciret, & sibi, animi sui salutem cordi esse, quare hoc unum potius orare, ut in extremo vitæ tempore adesset morienti. Sacerdos, adfuturum se recepit, si quidem ullo modo posset. Et vero etiam adfuit, sed illa  
sibimet



sibimet non satis aderat, nam morbus miseræ audiendi usum abstulit. ita æquo Dei iudicio factum videtur, ut quæ salutaria sacerdotis monita noluit audire cum potuit, nec audire quidem posset, cum velle debuit. *Pol.* Igitur, ut audio, mortua est surda & tacens, sed nunc etiam vivit exemplo & inclamat imitatores ac imitatrices, ut sint in cultu moderatiores.

Quin ergo ista contemnimus, propter quæ vulgus insanit? Satis parui-  
mus corpori, reddamus nos tandem in disciplinam virtuti. Præclare Romanus sapiens: Fateor, inquit, insi-  
tam esse nobis corporis nostri carita-  
tem; fateor nos hujus gerere tute-  
lam, nec nego indulgendum illi, ser-  
viendum nego. Multis enim serviet qui corpori servit, qui pro illo nimium timet, qui ad illud omnia refert. Sic gerere nos debemus, non tanquam propter corpus vivere debeamus, sed tanquam non possimus sine corpore. Hujus nos nimius amor timoribus inquietat, sollicitudinibus onerat, contumeliis objicit. Et hoc ipsum tam vere quam sapienter in hæc verba consignat: Honestum ei vile est, cui corpus nimis carum est. Et sicut plerunque quorum corpora in sagina, eorum animi in macie & veterno sunt, sic etiam quorum curæ adeo fervent in colendo corpore, horum in ornando animo studium fere nullum

Sen. e.  
vitt. 14  
& 88.

nullum est. Ut catuli ad venandum inepti sunt, qui saltare & ejusmodi delicias norunt: sic ad exercitia magis seria & sacra parum apti, qui in curiosiore sui cultu operam ponunt. Simplici cura constant necessaria, in<sup>Idem</sup> delicias laboratur: sed labore non<sup>ep. 90.</sup> vano tantum, sed & noxio.

Dionysius olim rex Siculus, Archidami filias multi pretii veste donavit. quas tamen Archidamus modeste recusans ajebat: Vereri se ne suæ filiæ tam insolenti amictu turpes videantur. Intellexit vir prudens virgines nullo cultu melius ornari quam simplici. Sane ut luxus vestium animum parum sobrium arguit, sic spectatores ad libidinem suavi fallacia invitat ac pertrahit. Decet autem ut homo castitatis amans & virgo, undique virgo sit, nec ulla ex parte significationem det corruptæ mentis. Cur ergo vitiis jam ante in nos grassantibus subsidium feramus, labore tam sumptuoso? Optime dixisse mihi videtur Musonius, qui eodem modo utendum esse ajebat veste, quo armis; nimirum tutando corpori, non ostentando. Sicut igitur ea optima sunt arma quæ firmissima, non quæ nitidissima: sic optimus est amictus, qui corpori commodissimus, non qui splendidissimus, aut qui spectantium oculos in se rapiat, sed qui severitatem  
redo-



446 DE CVLTV CORP. L. III.  
redoleat , qui pudicitiam testetur.

Quid ergo vani agimus , quid corpori, hosti nostro splendorem quærimus tot sumptibus ? quid ingeniosissimus in perniciem nostram ? Deum culpa offendimus, hominibus exemplo nocemus , egenos subsidiis fraudamus , rem familiarem frangimus, tempus pretiosissimum , irrecuperabile dilapidamus. Apage mihi hanc pestem , si aliter placere aliis nequeam , nisi displiceam Deo , malo displicere omnibus , ut uni placeam Deo. Gerarde , sancte potius quam scite vestiri velimus, &, ut Augustinus loquitur , non affectemus vestibus placere, sed moribus.

In reg.  
tom. I.  
fine.  
hcol.  
c. 4. v.  
12.

Et hæc de cultu *Conscientiæ*, *Calitum*, *Corporis* dicta sint. Triplex funiculus est ruptu difficilis. Hæc trias mihi visa est inseparabilis. Calitum cultus illic exiguus est, ubi nullus est cultus conscientiæ vel animi, & multus corporis. Qui corpus tam studiose colit, conscientiam profecto negligit ; porro qui conscientiam silvescentem habet & incultam, quomodo colet Calites ? Ergo , mi optime Gerarde , ut non negligamus conscientiam, minus colamus corpus, & plus Calites.

F. I. N. I. S.

# A P P R O B A T I O

R. P. Provincialis.

**T**Rismegistum *Christianum*, quem  
P. Hieremias Drexelius, *Societatis*  
*nostræ* presbyter scripsit, aliquot *eiusdem*  
*Societatis* Theologis censum probatum-  
que; Ego Gualterus Mundbrot, *Socie-*  
*tatis* Iesu per *superiorem Germaniam*  
Præpositus Provincialis, facta mihi po-  
testate ab admodum R. P. N. Generali  
Mutio Vitellesco, in lucem dari per-  
mitto, fidemque mea manu facio, & more  
*Societatis* consigno, Monachii Nonis Iulii,  
Anno Christiano, 1624.

Gualterus Mundbrot.





























